

PUBLII
VIRGILII
MARONIS
BUCOLICA,
GEORGICA,
ET
AENEIS.



EX EDITIONE
PETRI BURMANNI.

GLASGUAE:

IN AEDIBUS ACADEMICIS, EXCUDERAT
ANDREAS FOULIS,
ACADEMIAE TYPOGRAPHUS.

M.DCC.LXXXIV.

B. 7. 4. 168

QUINTILIANUS, LIB. X.

IDEM nobis per Romanos quoque auctores ordo ducendus est. Itaque ut apud illos Homerus, sic apud nos Virgilius auspicatissimum dederit exordium: omnium ejus generis poëtarum, Graecorum, nostrorumque, illi haud dubie proximus. Utar enim verbis iisdem, quae ab Afro Domitio juvenis accepi, qui mihi interroganti, quem Homero crederet maxime accedere: Secundus, inquit, est Virgilius; propior tamen primo, quam tertio. Et hercle, ut illi naturae coelesti atque immortali cesserimus, ita curae et diligentiae vel ideo in hoc plus est, quod ei fuit magis laborandum: et quantum eminentioribus vincimur, fortasse aequalitate pensamus. Caeteri omnes longe sequuntur.

PUBLII
VIRGILII
MARONIS
BUCOLICA.

ECLOGA PRIMA.

TITYRUS.

MELIBOEUS. TITYRUS.

TITYRE, tu patulae recubans sub tegmine fagi

Silvestrem tenui Musam meditaris avena:

Nos patriae fines, et dulcia linquimus arva;

Nos patriam fugimus: tu, Tityre, lentus in umbra

Formosam resonare doces Amaryllida silvas.

r. O Meliboe, Deus nobis haec otia fecit.

Namque erit ille mihi semper Deus: illius aram

Saepe tener nostris ab ovilibus imbuet agnus.

Ille meas errare boves, ut cernis, et ipsum

Ludere, quae vellem, calamo permisit agresti.

m. Non equidem invideo: miror magis. Undique totis

Usque adeo turbatur agris. En, ipse capellas

Protenus aeger ago: hanc etiam vix, Tityre, duco.

Hic inter densas corulos modo namque gemellos,

Spem grægis, ah! silice in nuda connixa relinquit.

Saepe nualum hoc nobis, si mens non laeva fuisset,

De coelo tactas memini praedicere quercus:

[Saepe sinistra cava praedixit ab i.ici cornix.]

A

PUBLII
VIRGILII
MARONIS
BUCOLICA.

ECLOGA PRIMA.

TITYRUS.

MELIBOEUS. TITYRUS.

TITYRE, tu patulae recubans sub tegmine fagi

Silvestrem tenui Musam meditaris avena:

Nos patriae fines, et dulcia linquimus arva;

Nos patriam fugimus: tu, Tityre, lentus in umbra

Formosam resonare doces Amaryllida silvas.

T. O Meliboee, Deus nobis haec otia fecit.

Namque erit ille mihi semper Deus: illius aram

Saepe tener nostris ab ovilibus imbuet agnus.

Ille meas errare boves, ut cernis, et ipsum

Ludere, quae vellem, calamo permisit agresti.

M. Non equidem invideo: miror magis. Undique totis

Usque adeo turbatur agris. En, ipse capellas

Protenus aeger ago: hanc etiam vix, Tityre, duco.

Hic inter densas corulos modo namque gemellos,

Spem gregis, ah! silice in nuda connixa reliquit.

Saepe malum hoc nobis, si mens non laeva fuisset,

De coelo tactas memini praedicere quercus:

[Saepe sinistra cava praedixit ab ilici cornix.]

A

Sed tamen, iste Deus qui sit, da, Tityre, nobis.
 T. Urbem, quam dicunt Romam, Meliboe, putavi
 Stultus ego, huic nostrae similem, quo saepe solemus
 Pastores ovium teneros depellere foetus.
 Sic canibus catulos similis, sic matribus haedos
 Noram: sic parvis componere magna solebam.
 Verum haec tantum alias inter caput extulit urbis,
 Quantum lenta solent inter viburna cupressi.
 M. Et quae tanta fuit Romam tibi causa videndi?
 T. Libertas: quae, sera tamen, respexit inertem;
 Candidior postquam tondenti barba cadēbat;
 Respexit tamen, et longo post tempore venit,
 Postquam nos Amaryllis habet, Galatea reliquit.
 Namque, fatebor enim, dum me Galatea tenebat,
 Nec spes libertatis erat, nec cura peculī:
 Quamvis multa meis exiret victima saeptis,
 Pinguis et ingratae premeretur cascus urbi,
 Non umquam gravis aere domum mihi dextra redibat.
 M. Mirabar, quid moesta deos, Amarylli, vocares:
 Cui pendere sua patereris in arbore poma.
 Tityrus hinc aberat. Ipsae te, Tityre, pinus,
 Ipsi te fontes, ipsa haec arbusta, vocabant.
 T. Quid facerem? neque servitio me exire licebat,
 Nec tam praesentis alibi cognoscere divos.
 Hic illum vidi juvenem, Moliboee, quot annis
 Bis senos cui nostra dies altaria fumant.
 Hic mihi responsum primus dedit ille petenti:
 Pascite, ut ante, boves, pueri: submittite tauros.
 M. Fortunate senex! ergo tua rura manebunt?
 Et tibi magna satis: quamvis lapis omnia nudus,
 Limosoque palus obducat pascua junco:
 Non insueta gravis tentabunt pahula foetas:
 Nec mala vicini pecoris contagia laedent.
 Fortunate senex! hic inter flumina nota,

Et fontis sacros, frigus captabis opacum.
 Hinc tibi, quae semper vicino ab limite saepes,
 Hyblaeis apibus florem depasta salicti,
 Saepe levi somnum suadebit inire susurro.
 Hinc alta sub rupe canet frondator ad auras;
 Nec tamen interea raucae, tua cura, palumbes,
 Nec gemere aëriâ cessabit turtur ab ulmo.
 τ. Ante leves ergo pascentur in aethere cervi,
 Et freta destituent nudos in litore piscis:
 Ante, peregratis amborum finibus, exsul
 Aut ararim Parthus libet, aut Germania Tigrim,
 Quam nostro illius labatur pectore vultus.
 μ. At nos hinc alii sitientis ibimus Afros:
 Pars Scythiam, et rapidum Cretae veniemus Oaxen,
 Et penitus toto divisos orbe Britannos.
 En, umquam patrios longo post tempore finis,
 Pauperis et tugurî congestum cespite culmen,
 Post aliquot, mea regna videns, mirabor aristas?
 Impius haec tam culta novalia miles habebit?
 Barbarus has segetes? en, quo discordia civis
 Produxit miseros! en, quis consecvimus agros!
 Iuscre nunc, Meliboeë, puros, pone ordine vitis.
 Ite meae, felix quondam pecus, ite capellae.
 Non ego vos posthac, viridi projectus in antro,
 Dumosa pendere procul de rupe videbo:
 Carmina nulla canam: non, me pascente, capellae,
 Florentem cytisum, et salices carpetis amaras.
 τ. Hic tamen hanc mecum poteras requiescere noctem
 Fronde super viridi: sunt nobis mitia poma,
 Castaneae molles, et pressi copia lactis.
 Et jam summa procul villarum culmina fumant,
 Majoresque cadunt altis de montibus umbrae.

ALEXIS.

FORMOSUM paster Corydon ardebat Alexin,
Delicias domini : nec, quid speraret, habebat.
Tantum inter densas, umbrosa cacumina, fagos
Adsidue veniebat : ibi haec incondita solus
Montibus et silvis studio jactabat inani :
O crudelis Alexi, nihil mea carmina curas ?
Nil nostri miserere ? mori me denique cogis.
Nunc etiam pecudes umbras et frigora captant :
Nunc viridis etiam occultant spineta lacertos :
Thestylis et rapido fessis messoribus aestu
Allia serpillumque herbas contundit olentis.
At mecum raucis, tua dum vestigia lustrò,
Sole sub ardenti resonant arbusta cicadis.
Nonne fuit satius, tristes Amaryllidis iras,
Atque superba pati fastidia ? nonne Menalcan ?
Quamvis ille niger, quamvis tu candidus esses.
O formose puer, nimium ne crede colori.
Alba ligustra cadunt, vaccinia nigra leguntur.
Despectus tibi sum, nec qui sim quaeris, Alexi :
Quam dives pecoris nivei, quam lactis abundans.
Mille meae Siculis errant in montibus agnae.
Lac mihi non aestate, novum non frigore deficit.
Canto, quae solitus, si quando armenta vocabat,
Amphion Dircaeus in Actaeo Aracyntho.
Nec sum adeo informis : nuper me in litore vidi,
Quum placidum ventis staret mare. Non ego Daphnim
Judice te metuam, si numquam fallat imago.
O tantum libeat mecum tibi sordida rura,
Atque humilis habitare casas, et figere cervos,
Haedorumque gregem viridi compellere libisco !
Mecum una in silvis imitabere Pana canendo.
Pan primus calamos cera conjungere plaris

Instituit : Pan curat ovis, oviumque magistros.
Nec te poeniteat calamo trivisse labellum.
Haec eadem ut sciret, quid non faciebat Amyntas?
Est mihi disparibus septem compacta cicutis
Fistula, Damoetas dono mihi quam dedit olim :
Et dixit moriens : Te nunc habet ista secundum.
Dixit Damoetas : invidit stultus Amyntas.
Praeterea duo, nec tuta mihi valle reperti,
Capreoli, sparsis etiam nunc pellibus albo,
Bina die siccant ovis ubera : quos tibi servo.
Jam pridem a me illos abducere Thestylis orat :
Et faciet : quoniam sordent tibi munera nostra.
Huc ades, o formose puer : tibi lilia plenis
Eccē ferunt nymphae calathis : tibi candida Naïs
Pallentis violas et summa papavera carpens,
Narcissum et florem jungit bene olentis anethi.
Tum, casia, atque aliis intexens suavis herbis,
Mollia luteola pingit vaccinea caltha.
Ipse ego cana legam tenera lanugine mala,
Castaneasque nuces, mea quas Amaryllis amabat.
Addam cerea pruna : honos erit huic quoque pomo.
Et vos, o lauri, carpam, et te, proxima myrte.
Si positae quoniam suavis miscetis odores.
Rusticus es, Corydon ; nec munera curat Alexis :
Nec si muneribus certes, concedat lolas.
Heu, heu, quid volui misero mihi ? floribus austrum
Perditus, et liquidis in misi fontibus apros.
Quem fugis, ah demens ? habitarunt Dī quoque silvas,
Dardaniusque Paris. Pallas, quas condidit, arces
Ipsa colat : nobis placeant ante omnia silvae.
Torva leaena lupum sequitur : lupus ipse capellam :
Florentem cytisum sequitur lasciva capella :
Te Corydon, o Alexi. Trahit sua quemque voluptas.
Adspice, aratra jugo referunt suspensa juvenci,

Et sol crescentis decedens duplicat umbras:
 Me tamen urit amor: quis enim modus adsit amor?
 Ah Corydon, Corydon, quae te dementia cepit!
 Semiputata tibi frondosa vitis in ulmo est.
 Quin tu aliquid saltem, potius quorum indiget usus,
 Viminibus mollique paras detexere junco?
 Invenies alium, si te hic fastidit, Alexin.

ECLOGA TERTIA.

PALAEMON.

MENALCAS. DAMOETAS. PALAEMON.

M. DIC mihi, Damoeta, cujum pecus? an Meliboci?
 D. Non; verum Aegonis: nuper mihi tradidit Aegon.
 M. Infelix o semper, oves, pecus! ipse Neaeram
 Dum fovet, ac, ne me sibi praeferat illa, veretur,
 Hic alienus oves custos bis mulget in hora:
 Et sucus pecori, et lac subducitur agnis.
 D. Parcius ista viris tamen obijcienda memento,
 Novimus et qui te, transversa tuentibus hircis:
 Et quo, sed faciles, Nymphae, risere, sacello.
 M. Tum, credo, quum me arbustum videre Myconis,
 Atque mala vitis incidere falce, novellas.
 D. Aut hic ad veteres fagos, quum Daphnidis arcum
 Fregisti et calamos: quae tu, perverse Menalca,
 Et quum vidisti puero donata, dolebas:
 Et, si non aliqua nocuisses, mortuus esses.
 M. Quid domini faciant, audent quum talia fures?
 Non ego te vidi Damonis, pessime, caprum
 Excipere insidiis, multum latrante Lycisca?
 Et quum clamarem: Quo nunc se proripit ille?
 Tityre, coge pecus, tu post carecta latebas.
 D. An mihi cantando victus non redderet ille,

Quem mea carminibus meruisset fistula, caprum?
 Si nescis, meus ille caper fuit: et mihi Damon
 Ipse fatebatur; sed reddere posse negabat.

M. Cantando tu illum? aut umquam tibi fistula cera
 Juncta fuit? non tu in triviis, indocte, solebas
 Stridenti miserum stipula disperdere carmen?

D. Vis ergo, inter nos, quid possit uterque, vicissim
 Experiamur? ego hanc vitulam (ne forte recuses,
 Bis venit ad mulctram, binos alit ubere foetus)
 Depono: tu dic, mecum quo pignore certes.

M. De grege non ausim quidquam deponere tecum:
 Est mihi namque domi pater; est injusta noverca:
 Bisque die numerant ambo pecus, alter et haedos.

Verum id, quod multo tute ipse fatebere majus,
 (Insanire libet quoniam tibi) pocula ponam
 Fagina, coelatum divini opus Alcimedontis:
 Lenta quibus torno facili superaddita vitis
 Diffusos edera vestit pallente corymbos.

In medio duo signa, Conon: et quis fuit alter?
 Descripsit radio totum qui gentibus orbem:
 Tempora quae messor, quae curvus arator haberet:
 Necdum illis labra admovi, sed condita servo.

D. Et nobis idem Alcimedon duo pocula fecit:
 Et molli circum est ansas amplexus acantho:
 Orpheaque in medio posuit, silvasque sequentis.
 Necdum illis labra admovi, sed condita servo.

Si ad vitulam spectas, nihil est quod pocula laudes.

M. Numquam hodie effugies: veniam, quocumque vocaris.
 Audiat haec tantum, vel qui venit: ecce, Palaemon.
 Efficiam posthac, ne quemquam voce lacessas.

D. Quin age, siquid habes, in me mora non erit ulla:
 Nec quemquam fugio: tantum, vicine Palaemon,
 Sensibus haec imis, res est non parva, reponas.

R. Dicite: quandoquidem in molli conседimus herba.

Et nunc omnis ager, nunc omnis parturit arbos :
 Nunc frondent silvae : nunc formosissimus annus.
 Incipe, Damoetā : tu deinde sequere, Menalca.
 Alternis dicetis : amant alterna Camoenae.
 D. Ab Jove principium Musae : Jovis omnia plena :
 Ille colit terras : illi mea carmina carae.
 M. Et me Phoebus amat : Phoebus sua semper apud me
 Munera sunt, lauri, et suave rubens hyacinthus.
 D. Malo me Galatea petit lasciva puella ;
 Et fugit ad salices, et se cupit ante videri.
 M. At mihi sese offert ultro, meus ignis, Amyntas :
 Notior ut jam sit canibus non Delia nostris.
 D. Parta meae Veneri sunt munera : namque notavi
 Ipse locum, aëriae quo congersere palumbes.
 M. Quod potui, puero silvestri ex arbore lecta
 Aurea mala decem misi : cras altera mitiam.
 D. O quoties, et quae nobis Galatea locuta est !
 Partem aliquam venti divom referatis ad auris.
 M. Quid prodest, quod me ipse animo non spernis, Amynta,
 Si, dum tu sectaris apros, ego retia servo ?
 D. Phyllida mitte mihi : meus est natalis, Iola :
 Cum faciam vitula pro frugibus, ipse venito.
 M. Phyllida amo ante alias : nam me discedere flevit :
 Et, longum formose vale, vale, inquit, Iola.
 D. Triste lupus stabulis, maturis frugibus imbres,
 Arboribus venti, nobis Amaryllidis irae.
 M. Dulce satis humor, depulsis arbutus haedis,
 Lenta salix foeto pecori, mihi solus Amyntas.
 D. Pollio amat nostram, quamvis est rustica, Musam :
 Pierides, vitulam lectori pascite vestro.
 M. Pollio et ipse facit nova carmina : pascite taurum,
 Jam cornu petat, et pedibus qui spargat arenam.
 D. Qui te, Pollio, amat, veniat, quo te quoque gaudet.
 Mella fluant illi, ferat et rubus asper amomum.

M. Qui Bavium non odit, amet tua carmina, Maevi:
 Atque idem jungat vulpes, et mulgeat hircos.
 D. Qui legitis flores, et humi nascentia fraga,
 Frigidus, o pueri, fugite hinc, latet anguis in herba.
 M. Parcite oves nimium procedere: non bene ripae
 Creditur: ipse aries etiam nunc vellera siccatur.
 D. Tityre, pascentis a flumine reice capellas:
 Ipse, ubi tempus erit, omnis in fonte lavabo.
 M. Cogite ovis, pueri: si lac praeceperit aestus,
 Ut nuper, frustra pressabimus ubera palmis.
 D. Heu, heu, quam pingui macer est mihi taurus in ervo!
 Idem amor exitium pecori, pecorisque magistro.
 M. His certe neque amor causa est: vix ossibus haerent.
 Nescio quis teneros oculus mihi facinat agnos.
 D. Dic, quibus in terris, et eris mihi magnus Apollo,
 Tris pateat coeli spatium non amplius ulnas.
 M. Dic, quibus in terris inscripti nomina regum
 Nascantur flores: et Phyllida solus habeto.
 P. Non nostrum inter vos tantas componere litis:
 Et vitula tu dignus, et hic: et quisquis amores
 Aut metuet dulcis, aut experietur amarus.
 Claudite jam rivos, pueri: sat prata biberunt.

E C L O G A Q U A R T A.

P O L L I O.

SICELIDES Musae, paullo majora canamus;
 Non omnis arbusta juvant, humilesque myricae.
 Si canimus silvas, silvae sint Consule dignae.
 Ultima Cumaei venit jam carminis aetas:
 Magnus ab integro seclorum nascitur ordo.
 Jam redit et Virgo: redeunt Saturnia regna:
 Jam nova progenies coelo demittitur alto.
 Tu modo nascenti puero, quo ferrea primus

Desinet, ac toto surget gens aurea mundo,
Casta fave Lucina : tuus jam regnat Apollo.
Teque adeo decus hoc aevi, te Consule, inibit
Pollio : et ineipient magni procedere menses.
Te duce, si qua manent, scleris vestigia nostri
Irrita perpetua solvent formidine terras.
Ille deum, vitam accipiet, divisque videbit
Permixtos heroas, et ipse videbitur illis,
Pacatumque reget patriis virtutibus orbem.
At tibi prima, puer, nullo munuscula cultu,
Errantis ederas passim epam baccare tellus,
Mixtaque ridenti colocasia fundet acantho.
Ipsae lacte domum referent distenta capellae
Ubera : nec magnos metuent armenta leones.
Ipsa tibi blandos fundent cunabula flores.
Occidet et serpens, et fallax herba veneni
Occidet : Assyrium vulgo nascetur amomum.
At si heroum laudes et facta parentis
Jam legere, et quae sit poteris cognoscere virtus;
Molli paulatim flavescet campus arista,
Incultisque rubens pendebit sentibus uva :
Et durae quercus sudabunt roscida mella.
Pauca tamen suberunt priscoe vestigia fraudis,
Quae tentare Thetim ratibus, quae cingere muris
Oppida, quae jubeant telluri insindere sulcos.
Alter erit tum Tiphys, et altera quae vehat Argo
Delectos heroas : erunt etiam altera bella :
Atque iterum ad Trojam magnus mittetur Achilles.
Hinc, ubi jam firmata virum te fecerit aetas,
Cedet et ipse mari vector ; nec nautica pinus
Mutabit merces : omnis feret omnia tellus.
Non rastros patietur humus, non vinea falcem.
Robustus quoque jam tauris juga solvet arator.
Nec varios discet mentiri lana colores.

Ipse sed in pratis aries jam suave rubenti
 Murice, jam croceo mutabit vellera luto.
 Sponte sua sandyx pascentis vestiet agnos.
 Talia secla, suis dixerunt, currite, fusis
 Concordes stabili factorum numine Parcae.
 Adgredero o magnos, aderit jam tempus, honores,
 Cara deum suboles, magnum Jovis incrementum !
 Adspice convexo nutantem pondere mundum,
 Terrasque, tractusque maris, coelumque profundum :
 Adspice, venturo lactentur ut omnia seclis.
 O mihi tam longae maneat pars ultima vitae,
 Spiritus et, quantum sat erit tua dicere facta !
 Non me carminibus vincet nec Thracius Orpheus,
 Nec Linus : huic mater quamvis, atque huic pater adsit :
 Orphei Calliopea, Lino formosus Apollo.
 Pan etiam, Arcadia mecum si iudice certet,
 Pan etiam Arcadia dicat se iudice victum.
 Incipe, parve puer, risu cognoscere matrem :
 Matri longa decem tulerunt fastidia menses.
 Incipe, parve puer : cui non risere parentes,
 Nec Deus hunc mensa, Dea nec dignata cubili est.

E C L O G A Q U I N T A.

D A P H N I S.

M E N A L C A S. M O P S U S.

CUR non, Mopse, boni quoniam convenimus ambo,
 Tu calamos inflare levis, ego dicere versus,
 Hic corulis mixtas inter considimus ulmos ?
 MO. Tu major : tibi me est aequum parere, Menalca :
 Sive sub incertas Zephyris mutantibus umbras,
 Sive antro potius succedimus : adspice, ut antrum
 Silvestris raris sparsit labrusca racemis.
 ME. Montibus in nostris solus tibi certet Anyntas.

MO. Quid, si idem certet Phoebum superare canendo?

ME. Insipe, Mopse, prior: siquos aut Phyllidis ignes,
Aut Alconis habes laudes, aut jurgia Codri.

Incipe: pascentis servabit Tityrus haedos.

MO. Immo haec, in viridi nuper quae cortice fagi
Carmina descripsi, et modulans alterna notavi,
Experiar: tu deinde iubeto certet Amyntas.

ME. Lenta salix quantum pallenti cedit olivae,
Puniceis humilia quantum salianca rosetis:
Judicio nostro tantum tibi cedit Amyntas.

MO. Sed tu desine plura, puer: successimus antro.

Exstinctum Nymphae crudeli funere Daphnim
Flebant: vos coruli testes, et flumina, Nymphis:

Quum, complexa sui corpus miserabile gnati,
Atque deos atque astra vocat crudelia mater.

Non ulli pastos illis egere diebus

Frigida, Daphni, boves ad flumina: nulla neque amnem
Libavit quadrupes, nec graminis adtiguit herbam.

Daphni, tuum Poenos etiam ingemuisse leones
Interitum, montesque feri silvaeque loquuntur.

Daphnis et Armenias curru subungere tigris
Instituit, Daphnis thiasos inducere Bacchi,
Et foliis lentas intexere mollibus hastas.

Vitis ut arboribus decori est, ut vitibus uvae,

Ut gregibus tauri, segetes ut pinguibus arvis;

Tu decus omne tuis. Postquam te fata tulerunt,

Ipsa Pales agros, atque ipse reliquit Apollo.

Grandia saepe quibus mandavimus hordea sulcis,
Infelix lolium, et steriles nascuntur avenae.

Pro molli viola, pro purpureo narcisso,

Carduus et spinis surgit paliurus acutis.

Spargite humum foliis: inducite fontibus umbras,

Pastores: mandat fieri sibi talia Daphnis.

Et tumulum facite, et tumulo superaddite carmen:

DAPHNIS EGO IN SILVIS, HINC USQUE
AD SIDERA NOTUS,
FORMOSI PECORIS CUSTOS, FORMO-
SIOR IPSE.

ME. Tale tuum carmen nobis, divine poëta,
Quale sopor fessis in gramine : quale per aestum
Dulcis aquae saliente sitim restinguere rivo.
Nec calamis solum aequiparas, sed voce magistrum ;
Fortunate puer, tu nunc eris alter ab illo.
Nos tamen haec quocumque modo tibi nostra vicissim
Dicemus : Daphninque tuum tollemus ad astra :
Daphnin ad astra feremus : amavit nos quoque Daphnis.
MO. An quidquam nobis tali sit munere majus ?
Et puer ipse fuit cantari dignus : et ista
Jam pridem Stimicon laudavit carmina nobis.
ME. Candidus insuetum miratur limen Olympi,
Sub pedibusque videt nubes et sidera Daphnis.
Ergo alacris silvas, et cetera rura voluptas,
Panaque, pastoresque tenet, Dryadasque puellas.
Nec lupus insidias pecori, nec retia cervis
Ulla dolum meditantur : amat bonus otia Daphnis.
Ipsi laetitia voces ad sidera jactant
Intonsi montes : ipsae jam carmina rupes,
Ipsa sonant arbusta, Deus, Deus ille, Menalca.
Sis bonus o felixque tuis ! en quatuor aras :
Ecce duas tibi, Daphni, duas altaria Phoebos ;
Pocula bina novo spumantia lacte quot annis,
Craterasque duo statuam tibi pinguis olivi :
Et multo in primis hilarans convivia Baccho,
Ante focum, si frigus erit, si messis, in umbra,
Vina novum fundam calathis Ariusia nectar.
Cantabunt mihi Damoetas et Lyctius Aegon :
Saltantis Satyros imitabitur Alpheisibocus.
Haec tibi semper erunt, et quam sollemnina vota

Reddemus Nymphis, et quum lustrabimus agros.
 Dum juga montis aper, fluvios dum piscis amabit,
 Dumque thomo pascentur apes, dum rore cicadae,
 Semper honos, nomemque tuum, laudesque manebunt.

Ut Baccho Cererique, tibi sic vota quot annis
 Agricolae facient: damnabis tu quoque votis.
 MO. Quae tibi, quae tali reddam pro carmine dona?

Nam neque me tantum venientis sibilus austri,
 Nec percussa juvant fluctu tam litora, nec quae
 Saxosas inter decurrunt flumina valles.

ME. Haec te nos fragili donabimus ante cicuta.
 Haec nos, Formosum Corydon ardebat Alexin:
 Haec eadem docuit, Cujum pecus? an Meliboei?

MO. At tu sume pedum, quod, me quum saepe rogaret,
 Non tulit Antigenes, (et erat tum dignus amari)
 Formosum paribus nodis atque aere, Menalca.

E C L O G A S E X T A.

S I L E N U S.

PRIMA Syracosio dignata est ludere versu

Nostra, neque erubuit silvas habitare, Thalia.

Quum cancrem reges et proelia, Cynthus aurem
 Vellit, et admonuit: Pastorem, Tityre, pinguis
 Pascere oportet ovis, deductum dicere carmen.

Nunc ego (namque super tibi erunt, qui dicere laudes,
 Vare, tuas cupiant, et tristia condere bella)

Agrestem tenui meditabor arundine Musam.

Non injussa cano. Si quis tamen haec quoque, si quis
 Captus amore leget; te nostrae, Vare, myricae,

Te nemus omne canet: nec Phoebus gravior ulla est,

Quam sibi quae Vari praescripsit pagina nomen.

Pergite, Pierides. Chromis et Mnasylos in antro
 Silenum pueri somno videre jacentem,

Inflatum hesterno venas, ut semper, Iaccho:
 Serta procul tantum capiti delapsa jacebant:
 Et gravis adtrita pendebat cantharus ansa.
 Adgressi (nam saepe senex spe carminis ambo
 Luserat) injiciunt ipsis ex vincula sertis.
 Addit se sociam, timidisque supervenit Aegle:
 Aegle, Naïadum pulcherrima: jamque videnti
 Sanguineis frontem moris et tempora pingit.
 Ille dolum ridens, Quo vincula nectitis? inquit.
 Solvite me, pueri: satis est potuisse videri.
 Carmina, quae vultis, cognoscite: carmina vobis;
 Huic aliud mercedis erit: simul incipit ipse.
 Tum vero in numerum Faunosque ferasque videres
 Ludere, tum rigidas motare cacumina quercus.
 Nec tantum Phoebo gaudet Parnasia rupe:
 Nec tantum Rhodope mirantur et Ismarus Orphea,
 Namque canebat, uti magnum per inane coacta
 Semina terrarumque, animaeque, marisque fuissent,
 Et liquidi simul ignis: ut his exordia primis
 Omnia, et ipse tener mundi concreverit orbis.
 Tum durare solum, et discludere Nerea ponto
 Coeperit, et rerum paullatim sumere formas.
 Jamque novum terrae stupeant lucescere solem,
 Altius atque cadant submotis nubibus imbres.
 Incipiant silvae quum primum surgere, quumque
 Rara per ignotos errent animalia montis.
 Hinc lapides Pyrrhae jactos, Saturnia regna,
 Caucasiasque refert volucres, furtumque Promethei.
 His adjungit, Hylan nautae quo fonte relictum
 Clamassent: ut litus, Hyla, Hyla, omne sonaret.
 Et fortunatam, si nunquam armenta fuissent,
 Pasiphaëu nivei solatur amore juveni.
 Ah, virgo infelix, quae te dementia cepit?
 Proetides implerunt falsis mugitibus agros:

At non tam turpis pecudum tamen ulla secuta est
Concubitus, quamvis collo timuisset aratrum,
Et saepe in levi quaesisset cornua fronte.
Ah, virgo infelix, tu nunc, in montibus erras :
Ille, latus nivem molli fultus hyacintho,
Illice sub nigra pallentis ruminat herbas :
Aut aliquam in magno sequitur grege. Claudite Nymphae,
Dictatae Nymphae, nemorum jam claudite saltus :
Si qua forte ferant oculis sese obvia nostris
Errabunda bovis vestigia. Forsitan illum
Aut herba captum viridi, aut armenta secutum,
Perducant aliquae stabula ad Gortynia vaccae.
Tum canit Hesperidum miratam mala puellam :
Tum Phaëtoniadas musco circumdat anaras
Corticis, atque solo proceras erigit alnos.
Tum canit, errantem Permessi ad flumina Gallum
Aonas in montis ut duxerit una sororum :
Utque viro Phoebe chorus adsurrexerit omnis :
Ut Linus haec illi divino carmine pastor,
Floribus atque apio crinis ornatus amaro,
Dixerit : Hos tibi dant calamos, en accipe, Musae,
Asraeo quos ante seni : quibus ille solebat
Cantando rigidas deducere montibus ornos.
His tibi Grynei nemoris dicatur origo :
Ne quis sit lucus, quo se plus jactet Apollo.
Quid loquar aut Scyllam Nisi, quam fama secuta est,
Candida succinctam latrantibus inguina monstros
Dulichias vexasse rates, et gurgite in alto
(Ah !) timidos nautas canibus lacerasse marinis ?
Aut ut mutatos Terei narraverit artus :
Quas illi Philomela dapes, quae dona pararit ?
Quo cursu deserta petiverit, et quibus ante
Infelix sua tecta supervolitaverit alis ?
Omnia quae, Phoebæ quondam meditante, beatus

Audiit Eurotas, jussitque ediscere lauros,
 Ille canit. Pulsae referunt ad sidera valles.
 Cogere donec oves stabulis, numerumque referre
 Jussit, et invito processit vesper Olympo.

E C L O G A S E P T I M A.

M E L I B O E U S.

C O R Y D O N. T H Y R S I S.

M. FORTÉ sub arguta consederat ilice Daphnis,
 Conpulerantque greges Corydon et Thyrsis in unum;
 Thyrsis oves, Corydon distentas lacte capellas.
 Ambo florentes aetatibus, Arcades ambo,
 Et cantare pares, et respondere parati.
 Huc mihi, dum teneras defendo a frigore myrtos,
 Vir gregis ipse caper deerraverat. Atque ego Daphnim
 Adspicio: ille ubi me contra videt: Ocius, inquit,
 Huc ades, o Meliboe: caper tibi salvus, et haedi.
 Et, si quid cessare potes, requiesce sub umbra.
 Huc ipsi potum venient per prata juvenci:
 Hic viridis tenera praetexit arundine ripas
 Mincius, eque sacra resonant examina quereti.
 Quid facerem? neque ego Alcippen, nec Phyllida, habebam,
 Depulsos a lacte domi quae clauderet agnos:
 Et certamen erat, Corydon cum Thyrside, magnum.
 Posthabui tamen illorum mea seria ludo.
 Alternis igitur contendere versibus ambo
 Coepere, alternos Musae meminisse volebant.
 Hos Corydon, illos referebat in ordine Thyrsis.
 c. Nymphae, noster amor, Libethrides, aut mihi carmen,
 Quale meo Codro, concedite; proximo Phoebi
 Versibus ille facit: aut, si non possumus omnes,
 Hic arguta sacra pendebit fistula pinu.

τ. Pastores, edera crescentem ornate poetam,
 Arcades, invidia rumpantur ut ilia Codro :
 Aut, si ultra placitum laudarit, baccare frontem
 Cingite, ne vati noceat mala lingua futuro.
 c. Sactosi caput hoc apri, tibi Delia, parvus
 Et ramosa Mycon vivacis cornua cervi.
 Si proprium hoc fuerit, levi de marmore tota
 Puniceo stabis euras evincta cothurno.
 τ. Sinum lactis, et haec te liba, Priape, quot annis
 Expectare sat est : custos es pauperis horti.
 Nunc te marmoreum pro tempore fecimus : at tu,
 Si foctura gregem suppleverit, aureus esto.
 c. Nerine Galatea, thymo mihi dulcior Hyblae,
 Candidior cygnis, edera formosior alba :
 Quum primum pasti repetent praesepia tauri,
 Si qua tui Corydonis habet te cura, venito.
 τ. Immo ego Sardois videar tibi amarior herbis,
 Horridior rusco, projecta vilior alga ;
 Si mihi non haec lux toto jam longior anno est.
 Ite domum pasti, si quis pudor, ite juveni.
 c. Muscosi fontes, et somno mollior herba,
 Et quae vos rara viridis tegit arbutus umbra,
 Solstitium pecori defendite. Jam venit aestas
 Torrida : jam lacto turgent in palmit gemmae.
 τ. Hic focus, et taedae pingues, hic plurimus ignis
 Semper, et adsidua postes fuligine nigri.
 Hic tantum Boreae curamus frigora, quantum
 Aut numerum lupo, aut torrentia flumina ripas.
 c. Stant et juniperi, et castaneae hirsutae :
 Strata jacent passim sua quaeque sub arbore poma.
 Omnia nunc rident. At si formosus Alexis
 Montibus his abeat, videas et flumina sicca.
 τ. Aret ager : vitio moriens sitit aëris herba :
 Liber pampineas invidit collibus umbras.

Phyllidis adventu nostrae nemus omne virebit :
 Juppiter et laeto descendet plurimus imbri.
 c. Populus Alcidae gratissima, vitis laccho,
 Formosae myrtus Veneri, sua laurea Phoebō.
 Phyllis amat corulos : illas dum Phyllis amabit,
 Nec myrtus vincet corulos, nec laurea Phoebi.
 r. Fraxinus in silvis pulcherrima, pinus in hortis,
 Populus in fluviis, abies in montibus altis :
 Saepius at si me, Lycida formose, revisas,
 Fraxinus in silvis cedat tibi, pinus in hortis.
 m. Haec memini, et victum frustra contendere Thyrsin.
 Ex illo Corydon, Corydon est tempore nobis.

E C L O G A O C T A V A.

P H A R M A C E U T R I A.

DAMON. ALPHESIBOEUS.

PASTORUM Musam Damonis et Alphesiboei,
 Inmenior herbarum quos est mirata juvenca
 Certantis, quorum stupefactae carmine lynces,
 Et mutata suos requierunt flumina cursus :
 Damonis Musam dicemus et Alphesiboei.
 Tu mihi, seu magni superas jam saxa Timavi,
 Sive oram Illyrici legis aequoris ; en erit umquam
 Ille dies, mihi quum liceat tua dicere facta ?
 En erit, ut liceat totum mihi ferre per orbem
 Sola Sophocleo tua carmina digna cothurno ?
 A te principium : tibi desinet. Accipe jussis
 Carmina coepta tuis : atque hanc sine tempora circum
 Inter victrices ederam tibi serpere lauros.
 Frigida vix coelo noctis decesserat umbra,
 Quum ros in tenera pecori gratissimus herba ;
 Incubens tereti Damon sic coepit olivae.

D. Nascere, praeque diem veniens age, Lucifer, alnum,
 Conjugis indigno Nisae deceptus amore
 Dum queror, et divos (quamquam nil testibus illis
 Profeci) extrema moriens tamen adloquor hora.
 Incipe Maenaios mecum, mea tibia, versus.
 Maenalus argutumque nemus pinosque loquentis
 Semper habet; semper pastorum ille audit amores,
 Panaque, qui primus calamos non passus inertis.
 Incipe Maenaios mecum, mea tibia, versus.
 Mopso Nisa datur. Quid non speremus amantes?
 Jungentur jam gryphes equis: aevoque sequenti
 Cum canibus timidi venient ad pocula damae.
 Mopse, novas incide faces: tibi ducitur uxor.
 Sparge, marite, nuces: tibi deserit Hesperus Oetam.
 Incipe Maenaios mecum, mea tibia, versus.
 O digno conjuncta viro! dum despicias omnis,
 Dumque tibi est odio mea fistula, dumque capellae,
 Hirsutumque supercilium, promissaque barba:
 Nec curare deum credis mortalia quemquam.
 Incipe Maenaios mecum, mea tibia, versus.
 Saepibus in nostris parvam te roscida niala,
 Dux ego vester eram, vidi cum matre legentem.
 Alter ab undecimo tum me jam ceperat annus:
 Jam fragilis poteram a terra contingere ramos.
 Ut vidi, ut perii, ut me malus abstulit error!
 Incipe Maenaios mecum, mea tibia, versus.
 Nunc scio, quid sit Amor. Duris in cotibus illum
 Aut Tmaros, aut Rhodope, aut extremi Garamantes,
 Nec generis nostri puerum nec sanguinis edunt.
 Incipe Maenaios mecum, mea tibia, versus.
 Saevus Amor docuit gnatorum sanguine matrem,
 Commaculare manus. Crudelis tu quoque, mater;
 Crudelis mater magis, an puer improbus ille?
 Improbus ille puer: crudelis tu quoque, mater.

Incipe Maenalios mecum, mea tibia, versus.
 Nunc et ovis ultro fugiat lupus: aurea duræ
 Mala ferant quercus: nareisso floreat alnus:
 Pinguia corticibus sudent electra myricæ:
 Certent et cygnis ululæ: sit Tityrus Orpheus:
 Orpheus in sylvis, inter Delphinas Arion.
 Incipe Maenalios mecum, mea tibia, versus.
 Omnia vel medium fiant mare: vivite silvæ.
 Præceps ærii specula de montis in undas
 Deferar. Extremum hoc munus morientis habeto.
 Desine, Maenalios jam desine, tibia, versus.
 Haec Damon: vos, quæ responderit Alphisiboeus,
 Dicite, Pierides. Non omnia possumus omnes.
 A. Effer aquam, et molli cinge hæc altaria vitta:
 Verbenasque adole pinguis et mascula tura:
 Conjugis ut magicis sanos avertere sacris
 Experiar sensus. Nihil hinc nisi carmina desunt.
 Ducite ab urbe domum, mea carmina, ducite Daphnim.
 Carmina vel coelo possunt deducere Lunam:
 Carminibus Circe socios mutavit Ulixi:
 Frigidus in pratis cantando rumpitur anguis.
 Ducite ab urbe domum, mea carmina, ducite Daphnim.
 Terna tibi hæc primum triplici diversa colore
 Licia circumdo, terque hæc altaria circum
 Effigiem duco. Nuncio deus inpare gaudet.
 Ducite ab urbe domum, mea carmina, ducite Daphnim.
 Necte tribus nodis ternos, Amarylli, colores:
 Necte, Amaryll, moda: et, Veneris, dic, vincula necto.
 Ducite ab urbe domum, mea carmina, ducite Daphnim.
 Limus ut hic durescit, et hæc ut cera liquescit
 Uno eodemque igni: sic nostro Daphnis amore.
 Sparge molam, et fragilis incende bitumine lauros.
 Daphnis me malus urit: ego hanc in Daphnide laurum.
 Ducite ab urbe domum, mea carmina, ducite Daphnim,

Talis amor Daphnim, qualis, quum fessa juvenum
 Per nemora atque altos quaerendo bucula lucos
 Propter aquae rivum viridi procumbit in ulva
 Perdita, nec serae meminit decedere nocti :
 Talis amor teneat, nec sit mihi cura mederi.
 Ducite ab urbe domum, mea carmina, ducite Daphnim.
 Has olim exuvias mihi perfidus ille reliquit,
 Pignora cara sui : quae nunc ego limine in ipso,
 Terra, tibi mando. Debent haec pignora Daphnim.
 Ducite ab urbe domum, mea carmina, ducite Daphnim.
 Has herbas, atque haec Ponto mihi lecta venena,
 Ipse dedit Moeris. Nascuntur plurima Ponto.
 His ego saepe lupum fieri, et se condere silvis
 Moerim, saepe animas imis excire sepulcris,
 Atque satas alio vidi traducere messis.
 Ducite ab urbe domum, mea carmina, ducite Daphnim.
 Fer cinere, Amarylli, foras: rivoque fluenti,
 Transque caput jace: ne respexeris. His ego Daphnim
 Adgrediar, nihil ille deos, nil carmina curat.
 Ducite ab urbe domum, mea carmina, ducite Daphnim.
 Adspice: conripuit tremulis altaria flammis
 Sponte sua, dum ferre moror, cinis ipse. Bonum sit!
 Nescio quid certe est: et Hylax in limine latrat.
 Credimus? an, qui amant, ipsi sibi somnia fingunt?
 Parcite, ab urbe venit, jam parcite, carmina, Daphnis.

E C L O G A N O N A.

M O E R I S.

L Y C I D A S. M O E R I S.

L. QUO te, Moeri, pedes? an, quo via ducit, in urbem?
 M. O Lycida, vivi pervenimus, advena nostri,
 Quod numquam veriti sumus, ut possessor agelli

Diceret: Haec mea sunt: veteres migrate coloni.

Nunc victi, tristes, quoniam Fors omnia versat,

Hos illi, quod nec bene vertat, mittimus haedos.

L. Certe equidem audieram, qua se subducere colles

Incipiunt, mollique jugum demittere clivo,

Usque ad aquam, et veteres, jam fracta cacumina, fagos,

Omnia carminibus vestrum servasse Menalcan.

M. Audieras; et fama fuit. Sed carmina tantum

Nostra valent, Lycida, tela inter Martia, quantum

Chaonias dicunt, aquila veniente, columbas.

Quod nisi me quacumque novas incidere litis

Ante sinistra cava monuisset ab ilice cornix,

Nec tuus hic Moeris, nec viveret ipse Menalcas.

L. Heu! cadit in quemquam tantum scelus? heu, tua nobis

Paene simul tecum solatia rapta, Menalca!

Quis caneret Nymphas? quis humum florentibus herbis

Spargeret? aut viridi fontis induceret umbra?

Vel quae sublegi tacitus tibi carmina nuper,

Quum te ad delicias ferres, Amaryllida, nostras?

Tityre, dum redeo, brevis est via, pasce capellas:

Et potum pastas age, Tityre: et inter agendum

Occursare capro, cornu ferit ille, caveto.

M. Immo haec, quae Varo nec dum perfecta canebat.

Vare, tuum nomen (superet modo Mantua nobis,

Mantua vae miserae nimium vicina Cremonae!)

Cantantes sublime ferent ad sidera cycni.

L. Sic tua Cyrneas fugiant examina taxos:

Sic cytiso pastae distendant ubera vaccae.

Incipe, si quid habes. Et me fecere poetam

Pierides: sunt et mihi carmina. Me quoque dicunt

Vatem pastores: sed non ego credulus illis.

Nam neque adhuc Varo videor, nec dicere Cinna

Digna, sed argutos inter strepere anser olores.

M. Id quidem ago; et tacitus, Lycida, mecum ipse voluto,

Si valeam meminisse : neque est ignobile carmen.
Huc ades, o Galatea. Quis est nam ludus in undis ?
Hic ver purpureum : varios hic flumina circum
Fundit humus flores : hic candida populos antro
Imminet, et lentae texunt umbracula vites.
Huc ades : insani feriant sine litora fluctus.
L. Quid, quae te pura solum sub nocte canentem
Audieram ? numeros memini, si verba tenerem.
M. Daphni, quid antiquos signorum suspicis ortus ?
Ecce Dionaei processit Caesaris astrum :
Astrum, quo segetes gauderent frugibus : et quo
Duceret apricis in collibus uva colorem.
Insere, Daphni, piros : carpent tua poma nepotes.
Omnia fert actas, animum quoque. Saepe ego longos
Cantando puerum memini me condere soles.
Nunc oblita mihi tot carmina. Vox quoque Moerim
Jam fugit ipsa : lupi Moerim videre priores.
Sed tamen ista satis referet tibi saepe Menalcas.
L. Caussando nostros in longum ducis amores.
Et nunc omne tibi stratum silet aequor : et omnes
(Adspice) ventosi ceciderunt murmuris aerae.
Hinc adeo media est nobis via : namque sepulcrum
Incepit adparere Bianoris. Hic, ubi densas
Agricolae stringunt frondes, hic, Moeri, canamus :
Hic haedos depone. Tamen veniemus in urbem.
Aut, si, nox pluviam ne colligat ante, veremur,
Cantantes licet usque, minus via laedat, eamus.
Cantantes ut canus, ego hoc te fasce levabo.
M. Desine plura, puer : et, quod nunc instat, agamus.
Carmina tum melius, quam venerit ipse, canemus.

G A L L U S.

EXTREMUM hunc, Arethusa, mihi concede laborem.

Pauca meo Gallo, sed quae legat ipsa Lycoris,
Carmina sunt dicenda. Neget quis carmina Gallo?

Sic tibi, quum fluctus subterlabere Sicanos,
Doris amara suam non intermisceat undam.

Incipe. Sollicitos Galli dicamus amores,
Dum tenera adtondent simae virgulta capellae.

Non canimus surdis: respondent omnia silvae.

Quae nemora, aut qui vos saltus habuere, puellae
Naïdes, indigno quum Gallus amore periret?

Nam neque Parnasi vobis juga, nam neque Pindi

Ulla moram fecere, neque Aoniae Aganippae.

Illum etiam lauri, etiam flevete myricae:

Pinifer illum etiam sola sub rupe jacentem

Maenalus, et gelidi flevērunt saxa Lycaci.

Stant et oves circum: nostri nec poenitet illas:

Nec te poeniteat pecoris, divine poeta:

Et formosus oves ad flumina pavit Adonis.

Venit et upilio: tardi venere bubulci:

Uvidus hiberna venit de glande Menalca.

Omnes, unde amor iste, rogant, tibi? venit Apollo:

Galle, quid insanis? inquit, tua cura Lycoris

Perque nives alium, perque horrida castra secuta est.

Venit et agresti capitis Silvanus honore,

Florentis ferulas et grandia lilia quassans.

Pan deus Arcadiae venit: quem vidimus ipsi

Sanguineis ebuli baccis minioque rubentem

Ecquis erit modus? inquit. Amor non talia curat.

Nec lacrimis crudelis amor, nec gramina rivis,

Nec cytiso saturantur apes, nec fronde capellae.

Tristis at ille: Tamen cantabitis, Arcades, inquit,

Montibus haec vestris: soli cantare periti

Arcades. O mihi tum quam molliter ossa quiescant.
Vestra meos olim si fistula dicat amores!
Atque utinam ex vobis unus, vestrique fuisset
Aut custos gregis, aut maturae vinitor uvae!
Certe sive mihi Phyllis, sive esset Amyntas,
Seu quicumque furor, (quid tum, si fuscus Amyntas?
Et nigrae violae sunt, et vaccinia nigra)
Mecum inter salices lenta sub vite jaceret.
Serta mihi Phyllis legeret, cantaret Amyntas.
Hic gelidi fontes: hic mollia prata, Lycori:
Hic nemus: hic ipso tecum consumerer aevo.
Nunc insanus amor duri me Martis in armis,
Tela inter media, atque adversos detinet hostis.
Tu procul a patria, nec sit mihi credere, tantum
Alpinas, ah dura, nives et frigora Rheni
Me sine sola vides. Ah te ne frigora laedant!
Ah tibi ne teneras glacies secet aspera plantas!
Ibo, et Chalcidico quae sunt mihi condita versu
Carmina, pastoris Siculi modulabor avena.
Certum est in silvis, inter spelaca ferarum
Malle pati, tenerisque meos incidere amores
Arboribus: crescent illae: crescetis, amores.
Interea mixtis lustrabo Maenala Nymphis:
Aut acris venabor apros. Non me ulia vetabunt
Frigora Parthenios canibus circumdare saltus.
Jam mihi per rupes videor lucosque sonantis
Ire: libet Partho torquere Cydonia cornu
Spicula; tamquam haec sint nostri medicina furoris,
Aut deus ille malis hominum mitescere discat.
Jam neque Hamadryades rursum, nec carmina nobis
Ipsa placent: ipsae rursum concedite silvae.
Non illum nostri possunt mutare labores:
Nec si frigoribus mediis Hebrumque bibamus,
Sithoniasque nives hiemis subeamus aquosae,

Nec si, quum moriens alta liber aet in ulmo,
Aethiopum versemus ovis sub sidere Cancrī.
Omnia vincit Amor: et nos cedamus Amori.
Haec sat erit, Divae, vestrum cecinisse poetam,
Dum sedet, et gracili fuscillam texit hibisco,
Pierides. Vos haec facietis maxima Gallo:
Gallo, cujus amor tantum mihi crescit in horas,
Quantum vere novo viridis se subjicit alnus.
Surgamus: solet esse gravis cantantibus umbra.
Juniperi gravis umbra: nocent et frugibus umbrae.
Ite domum saturae, venit Hesperus, ite, capellae.

P U B L I I
V I R G I L I I
M A R O N I S
G E O R G I C O N.

L I B E R P R I M U S.

Q U I D faciat laetas segetes, quo sidere terram
Vertere, Maecenas, ulmisque adjungere vites
Conveniat : quae cura bouum, qui cultus habendo
Sit pecori, apibus quanta experientia parcis,
Hinc cauere incipiam. Vos, o clarissima mundi
Lumina, labentem coelo quae ducitis annum,
Liber, et alma Ceres; vestro si munere tellus
Chaoniam pingui glandem mutavit arista,
Poculaque inventis Acheloïa miscuit uvis :
Et vos, agrestum praesentia numina, Fauni,
Ferte simul Faunique pedem, Dryadesque puellae :
Munera vestra cano. Tuque o, cui prima frementem
Fudit equum, magno tellus percussa tridenti,
Neptune : et cultor nemorum, cui pinguis Cae
Ter centum nivei tondent dumeta iuveni :
Ipse, nemus linquens patrium saltusque Lycei,
Pan ovium custos, tua si tibi Maenala curae,
Adsis o Tegeae favens, oleaeque, Minerva,
Inventrix, unciue puer monstrator aratri,
Et teneram ab radice ferens, Silvane, cupressum :
Dique Deaeque omnes, studium quibus arva tueri,
Quique novas alitis non ullo semine fruges :
Quique satis largum coelo demittitis imbrem.

Tuque adeo, quem mox quae sint habitura deorum
Concilia, incertum est; urbisne invisere, Caesar,
Terrarumque velis curam: et te maximus orbis
Auctorem frugum tempestatumque potentem
Adcipiat, cingens maternâ tempora myrto;
An deus inmensi venias maris, ac tua nautae
Numina sola colant: tibi serviat ultima Thule:
Teque sibi generum Tethys emat omnibus undis:
Anne novum tardis sidus te mensibus addas,
Qua locus Erigonen inter Chelasque sequentis
Panditur. Ipse tibi jam brachia contrahit ardens
Scorpios, et coeli justa plus parte relinquit.
Quidquid eris; (nam te nec sperent Tartara regem,
Nec tibi regnandi veniat tam dira cupido:
Quamvis Elysios meritur Graecia campos,
Nec repetita sequi curet Proserpina matrem)
Da facilem cursum, atque audacibus adnue coeptis,
Ignarosque viae mecum miseratus agrestis,
Ingredere, et votis jam nunc adsuesce vocari.

Vere novo, gelidus canis quum montibus humor
Liquitur, et zephyro putris se gleba resolvit,
Depresso incipiat jam tum mihi taurus aratro
Ingemere, et sulco adtritrus splendescere vomer.
Illa seges demum votis respondet avari
Agricolae, bis quae soleni, bis frigora sensit:
Illius inmensae ruperunt horrea messes.
At prius ignotum ferro quam scindimus aequor,
Ventos, et varium coeli praediscere morem
Cura sit, ac patrios cultusque habitusque locorum:
Et quid quaeque ferat regio, et quid quaeque recuset.
Hic segetes, illic veniunt felicius uvae:
Arbori foetus alibi, atque injussa virescunt
Gramina. Nonne vides, croceos ut Tmolus odores,
India mittit cibus, molles sua tura Sabaei?

Miseratus.

At Chalybes nudi ferrum, viroscum Pontus
Castorea, Eliadum palmas Epiros equarum ?
Continuo has leges, aeternaeque foedera certis
Inposuit Natura locis : quo tempore primum
Deucalion vacuum lapides jactavit in orbem :
Unde homines nati, durum genus. Ergo age, terrae
Pingue solum primis extemplo a mensibus anni
Fortes invortant tauri, glebasque jacentis
Pulverulenta coquat maturis solibus aestas.
At si non fuerit tellus secunda, sub ipsum
Arcturum tenui sat erit suspendere sulco :
Illic, officiant lactis ne frugibus herbae :
Hic, sterilem exiguus ne deserat humor arenam.
Alternis idem tonsas cessare novalis,
Et segnem pati situ durescere campum.
Aut ibi flava seres, mutato sidere, farra,
Unde prius lactum siliqua quassante legumen,
Aut tenuis foetus viciae, tristisque lupini
Sustuleris fragiles calamos, silvamque sonantem.
Urit enim lini campum seges, urit avenae :
Urunt Lethaeo perfusa papavera somno.
Sed tamen alternis facilis labor : arida tantum
Ne saturare fimo pingui pudeat sola ; neve
Essoetos cinerem inmundum jactare per agros.
Sic quoque mutatis requiescunt foetibus arva.
Nec nulla interea est inaratae gratia terrae.
Saepe etiam sterilis incendere profuit agros,
Atque levem stipulam crepitantibus urere flammis :
Sive inde occultas vires, et pabula terrae
Pingua concipiunt : sive illis omne per ignem
Excoquitur vitium, atque exsudat inutilis humor :
Seu pluris calor ille vias et caeca relaxat
Spiramenta, novas veniat qua succus in herbas :
Seu durat magis, et venas adstringit hiantis :

Ne tenues pluviae, rapidive potentia solis
Acrior, aut Boreae penetrabile frigus adurat.
Multum adeo, rastris glebas qui frangit inertis,
Vimineasque trahit crates, juvat arva : neque illum
Flava Ceres alto nequidquam spectat Olympo :
Et qui, proscisso quae suscitât aequore terga,
Rursus in obliquom verso perrumpit aratro,
Exercetque frequens tellurem, atque imperat arvis.
Humida solstitia atque hiemes orate serenas,
Agricolae : hiberno laetissima pulvere farra,
Laetus ager. Nullo tantum se Mysia cultu
Jactat, et ipsa suas mirantur Gargara messis.
Quid dicam, jacto qui semine comminus arva
Insequitur, cumulosque ruit male pinguis arenae ?
Deinde satis fluvium inducit, rivosque sequentis ?
Et, quum exustus ager morientibus aestuat herbis,
Ecce supercilio clivosi tramitis undam
Elicit : illa cadens raucum per levia niurnur
Saxa ciet, scatebrisque arentia temperat arva.
Quid, qui, ne gravidis procumbat culmus aristis,
Luxuriam segetum tenera depascit in herba,
Quum primum sulcos aequant sata ? quique paludis
Collectum humorem bibula deducit arena ?
Praesertim incertis si mensibus amnis abundans
Exit, et obducto late tenet omnia limo :
Unde cavae tepido sudant humore lacunae.
Nec tamen (haec quum sint hominumque boumque labores
Versando terram experti) nihil improbus anser,
Strymoniaeque grues, et amaris intuba fibris,
Officiunt, aut umbra nocet. Pater ipse colendi
Haud facilem esse viam voluit, primusque per artem
Movit agros, curis acuens mortalia corda :
Nec torpere gravi passus sua regna veterno.
Ante Jovem nulli subigebant arva coloni :

Nec signare quidem aut partiri limite campum
Fas erat : in medium quaerebant : ipsaque tellus
Omnia liberius, nullo poscente, ferebat.
Ille malum virus serpentibus addidit atris,
Praedarique lupos jussit, pontumque moveri :
Mellaque decussit foliis, ignemque removit,
Et passim rivis currentia vina repressit :
Ut varias usus meditando extunderet artis
Paullatim, et sulcis frumenti quaereret herbam :
Ut silicis venis abstrusum excuderet ignem.
Tunc alnos primum fluvii sensere cavatas :
Navita tum stellis numeros et nomina fecit,
Pleiadas, Hyadas, claramque Lycaoniæ Arcton.
Tum laqueis captare feras, et fallere visco,
Inventum : et magnos canibus circumdare saltus.
Atque alius latum funda jam verberat amnem,
Alta petens : pelagoque alius trahit humida lina.
Tum ferri rigor, atque argutae lamina serrae :
(Nam primi cuneis scindebant fissile lignum.)
Tum variae venere artes. labor omnia vicit
Inprobus, et duris urguens in rebus egestas.
Prima Ceres ferro mortalis vertere terram
Instituit : quum jam glandes atque arbuta sacrae
Deficerent silvae, et victum Dodona negaret.
Mox et frumentis labor additus : ut mala culmos
Esset robigo, segnisque horreret in arvis
Carduus. intereunt segetes : subit aspera silva,
Lappaeque tribulique : interque nitentia culta
Infelix lolium et steriles dominantur avenae.
Quod nisi et adsiduis terram insectabere rastris,
Et sonitu terrebis aves, et ruris opaci
Falce premes umbras, votisque vocaveris imbrem :
Heu, magnum alterius frustra spectabis acervum :
Concussa que famem in silvis solabere quercu.

E

Dicendum, et quae sint duris agrestibus arma :
Quis sine nec potuere scri, nec surgere messes :
Vomis, et inflexi primum grave robur aratri,
Tardaue Eleusinae matris volventia plaustra,
Tribulaque, traheaque, et iniquo pondere rastri :
Virgea praeterea Celei vilisque supellex,
Arbutae crates, et mystica vannus lacehi.
Omnia quae multo ante memor provisa repones ;
Si te digna manet divini gloria ruris.
Continuo in silvis magna vi flexa domatur
In burim, et curvi formam accipit ulmus aratri.
Huic a stirpe pedes temo protentus in octo,
Binae aures, duplici aptantur dentalia dorso.
Caeditur et tilia ante jugo levis, altaque fagus,
Stivaque, quae currus a tergo torqueat imos ;
Et suspensa focis explorat robora fumus.
Possum multa tibi veterum praecepta referre ;
Ni refugis, tenuisque piget cognoscere curas.
Arca cum primis ingenti aequanda cylindro,
Et vertenda manu, et creta solidanda tenaci :
Ne subeant herbae, neu pulvere victa fatiscat ;
Tum variae inludant pestes. saepe exiguus mus
Sub terris posuitque domos atque horrea fecit :
Aut oculis capti fodere cubilia talpae :
Inventusque cavis bufo, et quae plurima terrae
Monstra ferunt : populatque ingentem farris acervum
Curculio, atque inopi metuens formica senectae.
Contemplator item, quum se nux plurima silvis
Induct in florem, et ramos curvabit olentis :
Si superant foetus, pariter frumenta sequentur,
Magnaue cum magno veniet tritura calore.
At si luxuriâ foliorum exuberat umbra,
Nequidquam pinguis palcâ teret area culmos.
Semina vidi equidem multos medicare serentes,

Et nitro prius, et nigra perfundere amurca,
 Grandior ut foetus siliquis fallacibus esset.
 Et, quamvis igni exiguo properata maderent,
 Vidi lecta diu, et multo spectata labore,
 Degenerare tamen : ni vis humana quot annis
 Maxuma quaeque manu legeret : sic omnia fatis
 In pejus ruere, ac retro sublapsa referri.
 Non aliter, quam qui adverso vix flumine lembum
 Remigiis subigit, si brachia forte remisit,
 Atque illum in praeceps pronò rapit alveus amni.

Praeterea tam sunt Arcturi sidera nobis,
 Haedorumque dies servandi, et lucidus Anguis,
 Quam quibus in patriam ventosa per acquora vectis
 Pontus et ostriferi fauces tentantur Abydi.
 Libra die somnique pares ubi fecerit horas,
 Et medium luci atque umbris jam dividit orbem :
 Exercete, viri, tauros : serite hordea campis,
 Usque sub extremum brumae intractabilis imbrem.
 Nec non et lini segetem, et Cereale papper,
 Tempus humo tegere, et jamdudum incumbere aratris :
 Dum sicca tellure licet, dum nubila pendent.
 Vere fabis satio : tum te quoque, Medica, putres
 Adciunt sulci ; et milio venit annua cura :
 Candidus auratis aperit quum cornibus annum
 Taurus, et averso cedens Canis occidit astro.
 At si triticeam in messem robustaque farra
 Exercebis humum, solisque instabis aristas :
 Ante tibi Eoae Atlantides abscondantur,
 Gnosiaque ardentis decedat stella Coronae,
 Debita quam sulcis committas semina, quamque
 Invitae properes anni spem credere terrae.
 Multi ante occasum Majae coepere : sed illos
 Expectata seges vanis elusit aristas.
 Si vero viciamque seres, vilemque faselum,

Nec Pelusiacae curam adspernabere lentis;
Haud obscura cadens mittet tibi signa Bootes.
Incipe, et ad medias sementem extende pruinas.
Idcirco certis dimensum partibus orbem
Per duodena regit mundi Sol aureus astra.
Quinque tenent coelum zonae; quarum una corusco
Semper Sole rubens, et torrida semper ab igni:
Quam circum extremae dextra laevaue trahuntur,
Caerulea glacie concretae atque imbribus atris.
Has inter mediamque duae mortalibus aegris
Munere concessae divom. via secta per ambas,
Obliquus qua se signorum verteret ordo.
Mundus, ut ad Scythiam Rhipaeasque arduus arcis
Consurgit, premitur Libyae devexus in austros.
Hic vertex nobis semper sublimis: at illum
Sub pedibus Styx atra videt, Manesque profundi:
Maxumus hic flexu sinuoso elabitur anguis
Circum, perque duas in morem fluminis **P**Arctos,
Arctos Oceani metuentis aequore tingui.
Illic, ut perhibent, aut interpesta silet nox
Semper, et obtenta densantur nocte tenebrae:
Aut redit a nobis Aurora, diemque reducit:
Nosque ubi primus equis Oriens adflavit anhelis,
Illic sera rubens adcondit lumina Vesper.
Hinc tempestates dubio praediscere coelo
Possumus: hinc messisque diem, tempusque serendi;
Et quando infidum remis inpellere marmor
Conveniat: quando armatas deducere classis,
Aut tempestivam silvis evertere pinum.
Nec frustra signorum obitus speculamur et ortus,
Temporibusque parem diversis quatuor annum.
Frigidus agricolam si quando continet imber,
Multa, forent quae mox coelo properanda sereno,
Maturare datur. durum procudit arator

Vomeris obtusi dentem : cavat arbore lintres :
Aut pecori signum, aut numeros inpressit acervia.
Exacuunt alii vallos, furcasque bicornis,
Atque Amerina parant lentae retinacula viti.
Nunc facilis rubea texatur fiscina virga :
Nunc torrete igni fruges, nunc frangite saxo.
Quippe etiam festis quaedam exercere diebus
Fas et jura sinunt. rivos deducere nulla
Religio vetuit, segeti praetendere saepem,
Insidias avibus moliri, incendere vepres,
Balantumque gregem fluvio mersare salubri.
Saepe oleo tardi costas agitator aselli,
Vilibus aut onerat pomis : lapidemque revertens
Incusum, aut atrae massam picis urbe reportat.
Ipsa dies alios alio dedit ordine Luna
Felices operum. quintam fuge : pallidus Orcus,
Eumenidesque satae. tum partu terra nefando
Coeumque Iapetumque creat, saevumque Typhoea,
Et conjuratos coelum rescindere fratres.
Ter sunt conati inponere Pelio Ossam
Scilicet, atque Ossae frondosum involvere Olympum :
Ter pater exstructos disjecit fulmine montis.
Septuma post decumam felix : et ponere vitem,
Et prensos domitare boves, et licia telae
Addere. nona fugae melior, contraria furtis.
Multa adeo gelida melius se nocte dedere,
Aut quum sole novo terras inrorat Eous.
Nocte leves melius stipulae, nocte arida prata
Tondentur : noctes lentus non deficit humor.
Et quidam seros hiberni ad luminis ignes
Pervigilat, ferroque faces inspicat acuto.
Interea, longum cantu solata laborem,
Arguto conjunx percurrit pectine telas :
Aut dulcis musti Volcano decoquit humorem,

Et foliis undam trepidi despumat aheni.
At rubicunda Ceres medio succeditur aestu :
Et medio tostas aestu terit area fruges.
Nudus ara, sere nudus. hiems ignava colono.
Frigoribus parto agricolae plerumque fruuntur,
Mutuaeque inter se lacti convivia curant.
Invitat genialis hiems, curasque resolvit :
Ceu pressae quum jam portum tetigere carinae,
Puppibus et lacti nautae imposuere coronas.
Sed tamen et quernas glandes tum stringere tempus,
Et lauri baccas, oleamque, cruentaque myrta.
Tum gruibus pedicas et retia ponere cervis,
Auritosque sequi lepores : tum figere damas,
Stuppea torquentem Balearis verbera fundae,
Quum nix alta jacet, glaciem quum flumina trudent.
Quid tempestates autumnii et sidera dicam ?
Atque ubi jam breviorque dies, et mollior aestas,
Quae vigilanda viris ? vel quum ruit imbriferum ver :
Spicea jam campis quum messis inhorruit, et quum
Frumenta in viridi stipula lactentia turgent ?
Saepe ego, quum flavis messorum induceret arvis
Agricola, et fragili jam stringeret hordea culmo,
Omnia ventorum concurrere proelia vidi :
Quae gravidam late segetem ab radicibus imis
Sublime expulsam eruerent : ita turbine nigro
Ferret hiems culmumque levem stipulasque volantis.
Saepe etiam immensum coelo venit agmen aquarum,
Et foedam glomerant tempestatem imbris atris
Collectae ex alto nubes : ruit arduus aether,
Et pluvia ingenti sata lacta boumque labores
Diluit : implentur fossae, et cava flumina crescunt
Cum sonitu, fervetque fretis spirantibus aequor.
Ipse Pater, media nimborum in nocte, coruscâ
Fulmina molitur dextra : quo maxuma motu

Terra tremit : fugere ferae : et mortalia corda
Per gentes humilis stravit pavor. ille flagranti
Aut Atho, aut Rhodopen, aut alta Ceraunia telo
Dejicit : ingeminant austri, et densissimus imber :
Nunc nemora ingenti vento, nunc litora plangunt.
Hoc metuens, coeli menscs, et sidera serva,
Frigida Saturni sese quo stella receptet :
Quos ignis coeli Gyllenius erret in orbes.
In primis venerare deos, atque annua magnae
Sacra refer Cereri, laetis operatus in herbis,
Extremae sub casum hiemis, jam vere sereno.
Tunc pingues agni, et tunc mollissima vina :
Tunc somni dulces, densaeque in montibus umbrae.
Cuncta tibi Cererem pubes agrestis adoret.
Cui tu lacte favos, et miti dilue Baccho :
Terque novas circum felix eat hostia fruges ;
Omnis quam chorus et socii comitentur ovantes ;
Et Cererem clamore vocent in tecta : neque ante
Falcem maturis quisquam supponat aristis,
Quam Cereri tortâ redimitus tempora quercu
Det motus incompositos, et carmina dicat.
Atque haec ut certis possimus discere signis,
Aestusque, pluviasque, et agentis frigora ventos ;
Ipse Pater statuit, quid menstrua Luna moneret :
Quo signo caderent Austri : quid saepe videntes
Agricolae, propius stabulis armenta tenerent.
Continuo ventis surgentibus, aut freta ponti
Incipiunt agitata tumescere, et aridus altis
Montibus audiri fragor : aut resonantia longe
Litora misceri, et nemorum increbrescere murmur.
Jam sibi tum curvis male temperat unda carinis,
Quum medio celeres revolant ex aequore mergi,
Clamoreque ferunt ad litora : quumque marinae
In sicco ludunt fulicae : notasque paludes

Deserit, atque altam supra volat ardua nubem.
Saepe etiam stellas, vento impendente, videbis
Praecipites coelo labi, noctisque per umbram
Flammarum longos a tergo albescere tractus:
Saepe levem paleam et frondes volitare caducas,
Aut summa nantis in aqua concludere plumas.
At Boreae de parte trucidis quum fulminat, et quum
Eurique Zephyrique tonat domus; omnia plenis
Rura natant fossis, atque omnis navita ponto
Humida vela legit. numquam imprudentibus imber
Obfuit. aut illum surgentem vallibus imis
Aëriae fugere grues: aut bucula coelum
Suspiciens patulis captavit naribus auras:
Aut arguta lacus circumvolitavit hirundo:
Et veterem in limo ranae cecinere querelam.
Saepius et tectis penetralibus extulit ova
Angustum formica terens iter: et bibit ingens
Arcus: et e pastu decedens agmine magno
Corvorum increpuit densis exercitus alis.
Jam varias pelagi volucres, et quae Asia circum
Dulcibus in stagnis rimantur prata Caystri,
Certatim largos humeris infundere rores;
Nunc caput objectare fretis, nunc currere in undas,
Et studio incassum videas gestire lavandi.
Tum cornix plena pluviam vocat improba voce,
Et sola in sicca secum spatiatur arena.
Nec nocturna quidem carpentes pensa puellae
Nescivere hiemem: testa quum ardente viderent
Scintillare oleum, et putris concreescere fungos.
Nec minus ex imbri soles et aperta serena
Prospicere, et certis poteris cognoscere signis:
Nam neque tum stellis acies obtusa videtur;
Nec fratris radiis obnoxia surgere Luna;
Tenuia nec lanae per coelum vellera ferri.

Non tepidum ad solem pennas in litore pandunt
Dilectae Thetidi Alcyones: non ore solutos
Imundi meminere sues jactare maniplos.
At nebulae magis ima petunt, campoque recumbunt:
Solis et occasum servans de culmine summo
Nequidquam seros exercet noctua cantus.
Adparet liquido sublimis in aëre Nisus,
Et pro purpureo poenas dat Scylla capillo.
Quâcumque illa levem fugiens secat aethera pennis,
Ecce inimicus, atrox, magno stridore per auras,
Insequitur Nisus: qua se fert Nisus ad auras
Illa levem fugiens raptim secat aethera pennis.
Tum liquidas corvi presso ter gutture voces,
Aut quater, ingeminant: et saepe cubilibus altis,
Nescio qua praeter solitum dulcedine laeti,
Inter se foliis strepitant: juvat imbribus actis
Progeniem parvam dulcisque revisere nidos.
Haud equidem credo, quia sit divinitus illis
Ingenium, aut rerum fato prudentia major.
Verum, ubi tempestas et coeli mobilis humor
Mutavere vias, et Juppiter uvidus austris
Denset, erant quae rara modo, et, quae densa, relaxat;
Vertuntur species animorum, et pectora motus
Nunc alios, alios, dum nubila ventus agebat,
Concipiunt. hinc ille avium concentus in agris,
Et laetae pecudes, et ovantes gutture corvi.
Si vero solem ad rapidum lunasque sequentis
Ordine respicies; numquam te crastina fallet
Hora, neque insidiis noctis capiere serенаe.
Luna revertentes quum primum conligit ignis,
Si nigrum obscuro conprenderit aëra cornu,
Maximus agricolis pelagoque parabitur imber.
At, si virgineum suffuderit ore ruborem,
Ventus erit: vento semper rubet aurea Phoebe.

Sin ortu quarto, namque is certissimus auctor,
Pura, neque obtusis per coelum cornibus ibit;
Totus et ille dies, et qui nascentur ab illo
Exactum ad mensem, pluvia ventisque carebunt:
Votaque servati solvent iu litore nautae
Glaucō, et Panopeae, et Inoo Melicertae.
Sol quoque et exoriens, et quum se condet in undas,
Signa dabit: solem certissima signa sequuntur,
Et quae mane refert, et quae surgentibus astris.
Ille ubi nascentem maculis variaverit ortum
Conditus in nubem, medioque refugerit orbe;
Suspecti tibi sint imbres: namque urguet ab alto
Arboribusque satisque Notus pecorique sinister.
Aut ubi sub lucem densa inter nubila sese
Diversi rumpent radii: aut ubi pallida surget
Tithoni croceum linquens Aurora cubile;
Heu, male tum mitis defendet pampinus uvas:
Tam multa in tectis crepitans salit horrida grando.
Hoc etiam, emenso quum jam decedet Olympo,
Profuerit meminisse magis: nam saepe videmus
Ipsius in vultu varios errare colores.
Caeruleus pluviam denuntiat, igneus euros.
Sin maculae incipient rutilo inmiscerier igni,
Omnia tunc pariter vento nimisque videbis
Fervere. non illa quisquam me nocte per altum
Ire, neque a terra moneat convellere funem.
At si, quum referetque diem, condetque relatum,
Lucidus orbis erit, frustra terrebere nimbis,
Et claro silvas cernes aquilone moveri.
Denique, quid vesper serus vehat, unde serenas
Ventis agat nubes, quid cogitet humidus auster,
Sol tibi signa dabit. solem quis dicere falsum
Audeat? ille etiam caecos instare tumultus
Saepe monet, fraudemque et operta tumescere bella.

Ille etiam extincto miseratus Caesare Romam,
Quum caput obscura nitidum ferrugine texit,
Inpiæque aeternam timuerunt secula noctem.
Tempore quamquam illo tellus quoque, et aequora ponti,
Obscaenique canes, importunaeque volucres
Signa dabant. quoties Cyclopum effervere in agros
Vidimus undantem ruptis fornacibus Aetnam,
Flammarumque globos, liquefactaque volvere saxa!
Armorum sonitum toto Germania coelo
Audiit: insolitis tremuerunt motibus Alpes.
Vox quoque per lucos volgo exaudita silentis
Ingens: et simulacra modis pallentia miris
Visa sub obscurum noctis: pecudesque locutæ,
Infandum! sistunt amnes, terræque dehiscunt,
Et moestum inlacrimat templis ebur, acraque sudant.
Proluit insano contorquens vortice silvas
Fluviorum rex Eridanus, camposque per omnis
Cum stabulis armenta tulit. nec tempore eodem
Tristibus aut extis fibrae adparere minaces,
Aut puteis manare cruor cessavit: et altae
Per noctem resonare, lupis ululantibus, urbes:
Non alias coelo ceciderunt plura sereno
Fulgura: nec diri toties arscere cometae.
Ergo inter sese paribus concurrere telis
Romanas acies iterum videre Philippi:
Nec fuit indignum Superis, bis sanguine nostro
Emathiam, et latos Haemi pinguescere campos.
Scilicet et tempus veniet, quum finibus illis
Agricola, incurvo terram molitus aratro,
Exesa inveniet scabra robigine pila:
Aut gravibus rastris galeas pulsabit inanis:
Grandiaque effossis mirabitur ossa sepulcris.
Dî patrii Indigetes, et Romule, Vestaque mater,
Quæ Tuscum Tiberim, et Romana Palatia servas,

Hunc saltem everso juvenem succurrere seclo
Ne prohibete. satis jam pridem sanguine nostro
Laomedontae luimus perjuria Trojae.
Jam pridem nobis coeli te regia, Caesar,
Invidet, atque hominum queritur curare triumphos.
Quippe ubi fas versum atque nefas: tot bella per orbem:
Tam multae scelerum facies: non ullus aratro
Dignus honos: squalent abductis arva colonis,
Et curvae rigidum falces conflantur in ensem.
Hinc movet Euphrates, illinc Germania bellum:
Vicinae ruptis inter se legibus urbes
Arma ferunt: saevit toto Mars impius orbe.
Ut, quum carceribus sese effudere quadrigae,
Addunt in spatia, et frustra retinacula tendens
Fertur equis auriga, neque audit currus habenas.

P U B L I I

V I R G I L I I

M A R O N I S

G E O R G I C O N

L I B E R S E C U N D U S.

HAETENUS arborum cultus, et sidera coeli :

Nunc te, Bacche, canam, nec non silvestria tecum
Virgulta, et prolem tarde crescentis olivae.

Huc, pater, o Lenaeæ, (tuis hic omnia plena
Muneribus : tibi pampineo gravidus autumnus
Floret ager ; spumat plenis vindemia labris)
Huc, pater o Lenaeæ, veni ; nudataque musto
Tingue novo mecum dereptis crura cothurnis.

Principio arboribus varia est natura creandis :
Namque aliae, nullis hominum cogentibus, ipsae
Sponte sua veniunt, camposque et flumina late
Curva tenent : ut molle siler, lentaeque genestae,
Populus, et glauca canentia fronde salicta.

Pars autem posito surgunt de semine : ut altae
Castaneae, nemorumque Jovi quae maxuma frondet
Aesculus, atque habitae Grajis oracula quercus.
Pullulat ab radice aliis densissima silva :

Ut cerasis, ulmisque : etiam Parnasia laurus
Parva sub ingenti matris se subjicit umbra.

Hos Natura modos primum dedit : his genus omne
Silvarum, fruticumque viret, nemorumque sacrorum.
Sunt alii, quos ipse viâ sibi reperit usus.
Hic plantas tenero abscondens de corpore matrum

Deposuit sulcis: hic stirpes obruit arvo,
Quadrifidasque sudes, et acuto robore vallos:
Silvarumque aliae pressos propaginis arcus
Expectant, et viva suâ plantaria terra.
Nil radices egent aliae: summumque putator
Haud dubitat terrae referens mandare cacumen.
Quin et caudicibus sectis, mirabile dictu,
Truditur e sicco radix oleaginâ ligno.
Et saepe alterius ramos inpune videmus
Vertere in alterius; mutatamque insita mala
Ferre pirum, et prunis lapidosa rubescere corna.
Quare agite o, proprios generatim discite cultus,
Agricolae, fructusque feros mollite colendo:
Neu segnes jaceant terrae. Juvat Isniara Baccho
Conserere, atque olea magnum vestire Taburnum.
Tuque ades, inceptumque una decurre laborem,
O decus, o famae merito pars maxuma nostrae,
Maecenas, pelagoque volans da vela patenti.
Non ego cuncta meis amplecti versibus opto:
Non, mihi si linguae centum sint, oraque centum,
Ferreâ vox. ades, et primi lege litoris oram.
In manibus terrae. non hîc te carmine ficto,
Atque per ambages, et longa exorsa tenebo.

Sponte sua quae se tollunt in luminis auras,
Infecunda quidem, sed laeta et fortia surgunt.
Quippe solo natura subest. tamen haec quoque si quis
Inserat, aut scrobibus mandet mutata subactis,
Exuerint silvestrem animum: cultuque frequenti
In quascumque voces artis, haud tarda sequentur.
Nec non et sterilis, quae stirpibus exit ab imis,
Hoc faciet, vacuos si sit digesta per agros:
Nunc altae frondes, et rami matris opacant,
Crescentique adimunt foetus, uruntque ferentem.
Jam, quae seminibus jactis se sustulit arbos,

Tarda venit, seris factura nepotibus umbram :
Pomaque degenerant sucos oblita priores :
Et turpis avibus praedam fert uva racemos.
Scilicet omnibus est labor inpendendus; et omnes
Congendae in sulcum, ac multa mercede domandae.
Sed truncis oleae melius, propagine vites
Respondent, solido Paphiae de robore myrtus.
Plantis et durae coruli nascuntur, et ingens
Fraxinus, Herculeaeque arbos umbrosa coronae,
Chaoniiue patris glandes : etiam ardua palma
Nascitur, et casus abies visura marinos.
Inseritur vero et foetu nucis arbutus horrida :
Et sterile platani malos gessere valentis :
Castaneae fagos, ornusque incanuit albo
Flore piri, glandemque sues fregere sub ulmis.
Nec modus insercre atque oculos inponere simplex.
Nam qua se medio trudunt de cortice gemmae,
Et tenuis rumpunt tunicas, angustus in ipso
Fit nodo sinus : huc aliena ex arbore germen
Includunt, udoque docent inolescere libro.
Aut rursum enodes trunci resecantur, et alte
Finditur in solidum cuneis via : deinde feraces
Plantae inmittuntur : nec longum tempus, et ingens
Exiit ad coelum ramis felicibus arbor :
Miraturque novas frondis, et non sua poma.
Practerea genus haud unum, nec fortibus ulmis,
Nec salici, lotoque, nec Idaeis cyparissia.
Nec pingues unam in faciem nascuntur olivae.
Orchades, et radii, et amarâ pausia baccâ,
Pomaque, et Alcinoi silvae : nec surculus idem
Crustumis, Syriisque piris, gravibusque volemis.
Non eadem arboribus pendet vindemia nostris,
Quam Methymnaco carpit de palmito Lesbos.
Sunt Thasiae vites, sunt et Marcotides albae :

Pinguibus hae terris habiles, levioribus illae.
Et passo Pythia utilior, tenuisque Lageos,
Tentatura pedes olim, vincturaque linguam :
Purpureae, preciaeque. et quo te carmine dicam,
Rhaetica? nec cellis ideo contende Falernis.
Sunt etiam Amineae vites, firmissima vina :
Tmolius adsurgit quibus, et rex ipse Phanacus,
Argitisque minor : cui non certaverit ulla,
Aut tantum fluere, aut totidem durare per annos.
Non ego te, Dis et mensis adcepta secundis,
Transierim, Rhodia, et tumidis, Bumaste, racemis.
Sed neque quam multae species, nec nomina quae sint,
Est numerus : neque enim numero comprehendere refert :
Quem qui scire velit, Libyci velit aequoris idem
Discere quam multae zephyro turbentur arenae :
Aut, ubi navigiis violentior incidit curus,
Nosse, quot Iouii veniant ad litora fluctus.

Nec vero terrae ferre omnes omnia possunt.
Fluminibus salices, crassisque paludibus alni
Nascuntur : steriles saxosis montibus orni :
Litora myrtetis laetissima : denique apertos
Bacchus amat collis, aquilonem et frigora taxi.
Adspice et extremis domitum cultoribus orbem,
Eoasque domos Arabum, pictosque Gelonos.
Divisae arboribus patriae. Sola India nigrum
Fert ebum : solis est turea virga Sabaeis,
Quid tibi odorato referam sudantia ligno
Balsamaque, et baccas semper frondentis acanthi ?
Quid nemora Aethiopum molli canentia lana ?
Velleraque ut foliis depectant tenuia Seres ?
Aut quos Oceano propior gerit India lucos,
Extremi sinus orbis? ubi aëra vincere summum
Arboris haud ullae jactu potuere sagittae.
Et gens illa quidem sumtis non tarda pharetris.

Media fert tristes sucos, tardumque saporem
 Felicis mali; quo non praesentius ullum,
 Pocula si quando saevae infecere novercae,
 Miscueruntque herbas et non innoxia verba,
 Auxilium venit, ac membris agit atra venena.
 Ipsa ingens arbor, faciemque simillima lauro;
 Et, si non alium late jactaret odorem,
 Laurus erat. folia haud ullis labentia ventis:
 Flos ad prima tenax. animas et olentia Medi
 Ora foveat illo, et senibus medicantur anhelis.
 Sed neque Medorum silvae, ditissima terra,
 Nec pulcher Ganges, atque auro turbidus Hermus,
 Laudibus Italiae certent: non Bactra, neque Indi,
 Totaque turiferis Panchaia pinguis arenis.
 Haec loca non tauri spirantes naribus ignem
 Invertere, satis inmanis dentibus hydri;
 Nec galeis, densisque virum seges horruit hastis:
 Sed gravidæ fruges, et Bacchi Massicus humor
 Implevere: tenent oleae armenta quoque lacta.
 Hinc bellator equus campo sese arduus infert:
 Hinc albi, Clitumne, greges, et maxima taurus
 Victima, saepe tuo perfusi flumine sacro,
 Romanos ad templa Deum duxere triumphos.
 Hic ver adsidium, atque alienis mensibus aestas:
 Bis gravidæ pecudes, bis pomis utilis arbor.
 At rabidae tigres abeunt, et saeva leonum
 Semina; nec miseros fallunt aconita legentis;
 Nec rapit imensos orbis per humum, neque tanto
 Squameus in spiram tractu se conligit anguis.
 Adde tot egregias urbis, operumque laborem,
 Tot congesta manu praecluptis oppida saxis:
 Fluminaque antiquos subterlabentia muros.
 An mare, quod supra, memorem, quodque adluit infra,
 Anne lacus tantos? te, Lari maxime, teque

Fluctibus et fremitu adsurgens, Benace, marino?
An memorem portus, Lucrinoque addita claustra:
Atque indignatum magnis stridoribus aequor,
Julia qua ponto longe sonat unda refuso,
Tyrrhenusque fretas inmittitur aestus Avernis?
Haec eadem argenti rivos, aerisque metalla
Ostendit venis, atque auro plurima fluxit.
Haec genus acre virum Marso's, pubemque Sabellam,
Adsuetumque malo Ligurem, Volcosque verutos
Extulit: haec Decios, Marios, magnosque Camillos:
Scipiadas duos bello: et te, maxume Caesar,
Qui nunc, extremis Asiae jam victor in oris,
Inbellem avertis Romanis arcibus Indum.
Salve, magna parens frugum, Saturnia tellus;
Magna virum: tibi res antiquae laudis et artis
Ingredior, sanctos ausus recludere fontis,
Ascracumque cano Romana per oppida carmen.

Nunc locus arborum ingeniis: quae robora cuique,
Quis color, et quae sit rebus natura ferendis.
Difficiles primum terrae, collesque maligni,
Tenuis ubi argilla, et dumosis calculus arvis,
Palladia gaudent silva vivacis olivae.
Indicio est, tractu surgens oleaster eodem
Plurimus, et strati baccis silvestribus agri.
At quae pinguis humus, dulcique uligine laeta,
Quique frequens herbis et fertilis ubere campus,
Qualem saepe cava montis convalle solcmus
Dispicere: huc summis liquuntur rupibus amnes,
Felicemque trahunt limum: quique editus Austro,
Et filicem curvis invisam pascit aratris:
Hic tibi praevalidas olim multoque fluentis
Sufficiet Baccho vitis: hic fertilis uvae,
Hic laticis, qualem pateris libamus et auro,
Inflavit quum pinguis ebur Tyrrhenus ad aras,

Lancibus et pandis fumantia reddimus exta.
 Sin armenta magis studium vitulosque tueri,
 Aut foetus ovium, aut urentis culta capellas :
 Saltus, et saturi petito longinqua Tarenti,
 Et qualē infelix amisit Mantua campum,
 Pascentem niveos herboso flumine cycnos.
 Non liquidi gregibus fontes, non gramina deerunt,
 Et quantum longis carpent armenta diebus,
 Exigua tantum gelidus ros nocte reponet.
 Nigra fere, et presso pinguis sub vomere terra,
 Et cui putre solum, namque hoc imitatur arando,
 Optuma frumentis. non ullo ex aequore cernes
 Plura domum tardis decedere plaustra juvenis :
 Aut unde iratus silvam devexit arator,
 Et nemora evertit multos ignava per annos,
 Antiquasque domos avium cum stirpibus imis
 Eruit : illae altum nidis petiere relictis.
 At rudis enituit impulso vomere campus,
 Nam jejuna quidem clivosi glarea ruris
 Vix humilis apibus casias roremque ministrat :
 Et tophus scaber, et nigris exesa chelydri
 Creta, negant alios acque serpentibus agros
 Dulcem ferre cibum, et curvas praebere latebras.
 Quae tenuem exhalat nebulam, fumosque volucris ;
 Et bibit humorem, et, quum vult, ex se ipsa remittit ;
 Quaeque suo viridi semper se gramine vestit,
 Nec scabie et salsa laedit robigine ferrum,
 Illa tibi laetis intexit vitibus ulmos :
 Illa ferax oleo est : illam experiere colendo,
 Et facilem pecori, et patientem vomeris unci.
 Talem dives arat Capua, et vicina Vesevo
 Ora jugo, et vacuis Clanius non aequus Acerris.
 Nunc, quo quamque modo possis cognoscere, dicam,
 Rara sit, an supra morem si densa, requiras :

Altera frumentis quoniam favet, altera Baccho :
Densa magis Cereri, rarissima quacque Lyaco :
Ante locum capies oculis, alteque jubebis
In solido puteum demitti, omnemque repones
Rursus humum, et pedibus summas aequabis arenas.
Si deerunt, rarum, pecorique et vitibus almis
Aptius uber erit ; sin in sua posse negabunt
Ire loca, et scrobibus superabit terra repletis,
Spissus ager : glebas cunctantis cramaque terga
Exspecta, et validis terram proscinde juvenca.
Salsa autem tellus, et quae perhibetur amara,
Frugibus infelix (ea nec mansuescit arando,
Nec Baccho genus, aut pomis sua nomina servat).
Tale dabit specimen. tu spisso vimine qualos,
Colaue praelorum fumosis deripe tectis.
Huc ager ille malus, dulcesque a fontibus undae
Ad plenum calcentur : aqua eluctabitur omnis
Scilicet, et grandes ibunt per vimina guttae ;
At sapor indicium faciet manifestus, et ora
Tristia tantantum sensu torquebit amaror.
Pioguis item quae sit tellus, hoc denique pacto
Discimus : haud umquam manibus jactata fatiscit,
Sed picis in morem ad digitos lentescit habendo.
Humida majores herbas alit, ipsaque justo
Lactior. ah nimium ne sit mihi fertilis illa,
Neu se praevallidam primis ostendat aristis!
Quae gravis est, ipso tacitam se pondere prodit,
Quaeque levis. promptum est oculis praediscere nigram,
Et quis cui color : at acceleratum exquirere frigus
Difficile est : picene tantum, taxique nocentes
Interdum, aut ederae pandunt vestigia nigrae.
His animadversis, terram multo ante memento
Excoquere, et magnos scrobibus concidere montis,
Ante supinatas aquiloni ostendere glebas,

Quam laetum infodias vitis genus. optuma patri
 Arva solo : id venti curant, gelidæque pruinae,
 Et labefacta movens robustus jugera fœsor.
 At, si quos haud ulla viros vigilantia fugit,
 Ante locum similem exquirunt, ubi prima paretur
 Arboribus seges, et quo mox digesta feratur ;
 Mutatam ignorent subito ne semina matrem.
 Quin etiam coeli regionem in cortice signant :
 Ut, quo quacque modo steterit, qua parte caloros
 Austrinos tulerit, quæ terga obverterit axi,
 Restituant. adeo in teneris consuescere multum est.
 Collibus, an plano melius sit ponere vitem,
 Quære prius. si pinguis agros metabere campi,
 Densa sere : in denso non segnior ubere Bacchus.
 Sin, tumultis adclive solum collisque supinos,
 Indulge ordinibus : nec secius omnis in unguem
 Arboribus positis secto via limite quadret.
 Ut sæpe ingenti bello quum longa cohortis
 Explicuit legio, et campo stetit agmen aperto,
 Directæque acies, ac late fluctuat omnis
 Aere renidenti tellus, nec dum horrida miscens
 Proelia, sed dubius mediis Mars errat in armis.
 Omnia sint paribus numeris dimensa viarum :
 Non animum modo uti pascat prospectus inanem :
 Sed quia non aliter vires dabit omnibus æquas
 Terra, neque in vacuum poterunt se extendere rami.

Forsitan et scrobibus quæ sint fastigia quaeras.
 Ausim vel tenui vitem committere sulco.
 Altior ac penitus terræ defigitur arbor,
 Aesculus in primis : quæ quantum vertice ad auras
 Aetherias, tantum radice in Tartara tendit.
 Ergo non hiemes illam, non flabra, neque imbres
 Convellunt : innotæ manet, multosque nepotes,
 Multa virum volvens durando secula vincit.

Tum fortis late ramos et brachia tendens
Huc illuc, media ipsa ingentem sustinet umbram.
Neve tibi ad solem vergant vineta cadentem :
Neve inter vites corulum sere : neve flagella
Summa pete, aut summa destringe ex arbore plantas :
Tantus amor terrae, neu ferro laede retuso
Semina : neve oleae silvestris insere truncos.
Nam saepe incauis pastoribus excidit ignis,
Qui, furtim pingui primum sub cortice tectus,
Robora comprehendit, frondesque elapsus in altas
Ingentem coelo sonitum dedit : inde secutus
Per ramos victor, perque alta cacumina regnat,
Et totum involvit flammis nemus, et ruit atram
Ad coelum picea crassus caligine nubem :
Praesertim si tempestas a vertice silvis
Ineubuit, glomeratque ferens incendia ventus.
Hoc ubi ; non a stirpe valent, caesaeque reverti
Possunt, atque ima similes revirescere terra :
Infelix superat foliis oleaster amaris.

Nec tibi tam prudens quisquam persuadeat auctor,
Tellurem Borea rigidam spirante moveri.
Rura gelu tum claudit hiems : nec semine jacto
Concretam patitur radicem adfigere terrae.
Optima vinetis satio, quum vere rubenti
Candida venit avis, longis invisâ colubris :
Prima vel autumnî sub frigora, quum rapidus sol
Nondum hiemem contingit equis, jam praeterit aestas.
Ver adeo frondi nemorum, ver utile silvis :
Vere tument terrae, et genitalia semina poscunt.
Tum Pater omnipotens secundis imbribus Aether
Conjugis in gremium laetae descendit, et omnes
Magnus alit, magno commixtus corpore, foetus.
Avia tum resonant avibus virgulta canoris,
Et Venerem certis repetunt armenta diebus :

Parturit almus ager, Zephyrique tepentibus auris
Laxant arva sinus: superat tener omnibus humor;
Inque novos soles audent se germina tuto
Credere: nec metuit surgentis pampinus Austros,
Aut actum coelo magnis Aquilonibus imbrem:
Sed trudit gemmas, et frondis explicat omnis.
Non alios prima crescentis origine mundi
Inluxisse dies, aliumve habuisse tenorem
Crediderim. ver illud erat: ver magnus agebat
Orbis, et hibernis parcebant flatibus Euri:
Quum primae lucem pecudes hausere, virûmque
Ferre progenies duris caput extulit arvis,
Inmissaeque ferae silvis, et sidera coelo.
Nec res hunc tenerae possent perferre laborem,
Si non tanta quies iret frigusque caloremque
Inter, et exciperet coeli indulgentia terras.

Quod superest, quaecumque premes virgulta per agros,
Spargere fimo pingui, et multa memor occule terra:
Aut lapidem bibulum, aut squalentis infode conchas:
Inter enim labentur aquae, tenuisque subibit
Halitus, atque animos tollent sata. jamque reperti,
Qui saxo super, atque ingentis pondere testae
Urguerent: hoc effusos munimen ad imbris:
Hoc, ubi hiulca siti findit Canis aestifer arva.
Seminibus positis, superest deducere terram
Saepius ad capita, et duros jactare bidentis:
Aut presso exercere solum sub vomere, et ipsa
Flectere luctantis inter vineta juvencos.
Tum levis calamos, et rasae hastilia virgae,
Fraxineasque aptare sudes, furcasque bicornis:
Viribus eniti quarum, et contemnere ventos
Adsuecant, summasque sequi tabulata per ulinos.
Ac, dum prima novis adolescit frondibus aetas,
Parcendum teneris: et dum se laetus ad auras

Palmes agit, laxis per purum inmissus habenis,
Ipsa acie nondum falcis tentanda, sed unctis
Carpendae manibus frondes, interque legendae.
Inde ubi jam validis amplexae stirpibus ulmos
Exierint, tum stringe comas, tum brachia tonde:
Ante reformidant ferrum: tum denique dara
Exerce imperia, et ramos conpescce fluentis.
Texendae saepes etiam, et pecus omne tenendum:
Praecipue dum frons tenera imprudensque laborum:
Cui, super indignas hiemes solemque potentem,
Silvestres uri adsidue capreaeque sequaces
Inludunt, pascuntur oves avidaeque juvencae.
Frigora nec tantum cana concreta pruina,
Aut gravis incumbens scopulis arentibus aestas,
Quantum illi nocuere greges, danique venenûm
Dentis, et admorso signata in stirpe cicatrix.
Non aliam ob culpam Baccho caper omnibus aris
Caeditur, et veteres ineunt proscenia ludi:
Praemiaque ingeniûs pagos et compita circum
Thesidae posuere: atque inter pocula laeti
Mollibus in pratis unctos saluere per utres.
Nec non Ausonii, Troja gena missa, coleni
Versibus incomtis ludunt, risuque soluto;
Oraque corticibus sumunt horrenda cavatis:
Et te, Bacche, vocant per carmina laeta, tibi que
Oscilla ex alta suspendunt mollia pinu.
Hinc omnis largo pubescit vinea foetu:
Complentur vallesque cavae saltusque profundi,
Et quocumque Deus circum caput egit honestum.
Ergo rite suum Baccho dicemus honorem
Carminibus patriis, lancesque et liba feremus;
Et ductus cornu stabit sacer hircus ad aram,
Pinguiaque in veribus torrebimus exta columnis.
Est etiam ille labor curandia vitibus alter,

Cui numquam exhausti satis est : namque omne quot annis
Terque quaterque solum scindendum, glebaque versis
Aeternum frangenda bidentibus: omne levandum
Fronde nemus; redit agricolis labor actus in orbem,
Atque in se sua per vestigia volvitur annus.
Ac jam olim seras posuit quum vinca frondis,
Frigidus et silvis Aquilo decussit honorem;
Jam tum acer curas venientem extendit in annum
Rusticus, et curvo Saturni dente relictam
Persequitur vitem adtondens, fingitque putando.
Primus humum fodito, primus de vecta cremato
Sarmenta, et vallos primus sub tecta refero:
Postremus metito. bis vitibus ingruit umbra:
Bis segetem densis obducunt sentibus herbae.
Durus uterque labor. laudato ingentia rura:
Exiguum colito. nec non etiam aspera rusci
Vimina per silvam, et ripis fluvialis arundo
Caeditur, incultique exercet cura salicti.
Jam vinctae vites: jam falcem arbusta reponunt;
Jam canit extremos effoetus vinitor antes.
Sollicitanda tamen tellus, pulvisque movendus.
Et jam maturis metuendus Juppiter uvis.
Contra, non ulla est oleis cultura: neque illae
Procurvam expectant falcem rastrosque tenaces,
Quum semel haeserunt arvis, aurasque tulerunt.
Ipsa satis tellus, quum dente recluditur unco,
Sufficit humorem, et gravidas cuni vomere fruges.
Hoc pinguem et placitam Paci nutritor olivam.
Poma quoque, ut primum truncos sensere valentis,
Et vires habuere suas, ad sidera raptim
Vi propria nituntur, opisque haud indiga nostrae.
Nec minus interea foetu nemus omne gravescit,
Sanguineisque inculta rubent aviaria baccis.
Tondentur cytisi, tacidas silva alta ministrat,

Pascunturque ignes nocturni, et lumina fundunt.
 Et dubitant homines serere, atque inpendere curam.
 Quid majora sequar? salices, humilesque genestae,
 Aut illae pecori frondem, aut pastoribus umbras
 Sufficiunt, caepemque satis, et pabula melli.
 Et juvat undantem buxo spectare Cytorum,
 Naryciaeque picis lucos: juvat arva videre
 Non rastris, hominum non ulli obnoxia curae.
 Ipsae Caucasio steriles in vertice silvae,
 Quas animosi Euri adsidue franguntque seruntque,
 Dant alios aliae foetus: dant utile lignum,
 Navigiis pinos, domibus cedrumque cupressosque.
 Hinc radios trivere rotis, hinc tympana plaustris
 Agricolaë, et pandas ratibus posuere carinas.
 Viminibus salices secundae, frondibus ulmi:
 At myrtus validis hastilibus, et bona bello
 Cornus: Ityraeos taxi torquentur in arcus.
 Nec tiliæ leves aut torno rasile buxum
 Non formam adciipiunt, ferroque cavantur acuto,
 Nec non et torrentem undam levis innatat alnus,
 Missa Pado: nec non et apes examina condunt
 Corticibusque cavis vitiosaque ilicis alveo.
 Quid memorandum aeque Baccheia dona tulerunt?
 Bacchus et ad culpam causas dedit. ille furentis
 Centauros letho domuit, Rhoetumque Pholumque,
 Et magno Hylæum Lapithis cratere minantem.

O fortunatos nimium, sua si bona norint,
 Agricolas! quibus ipsa, procul discordibus armis,
 Fundit humo facilem victum justissima tellus.
 Si non ingentem foribus domus alta superbis
 Mane salutantum totis vomit aedibus undam;
 Nec varios inhiant pulchra testudine postes,
 Inlusasque auro vestis, Ephyræaque aera;
 Alba neque Assyrio fucatur lana veneno,

Nec casia liquidi corrumpitur usus olivi:
 At secunda quies, et nescia fallere vita,
 Dives opum variarum; at latis otia fundis,
 Speluncae, vivique lacus; at frigida Tempe,
 Mugitusque boum, mollesque sub arbore somni
 Non absunt. illic saltus ac lustra ferarum,
 Et patiens operum, exiguoque aducta juvenus,
 Sacra Deum, sanctique patres: extrema per illos
 Justitia excedens terris vestigia fecit.

Me vero primum dulces ante omnia Musae,
 Quarum sacra fero ingenti percussus amore,
 Adcipiant; coelique vias, et sidera monstrent:
 Defectus solis varios, lunaeque labores:
 Unde tremor terris: qua vi maria alta tumescant
 Objicibus ruptis, rursusque in se ipsa residant:
 Quid tantum Oceano properent se tingere soles,
 Hiberni, vel quae tardis mora noctibus obstet.
 Sin, has ne possim naturae adcedere partes,
 Frigidus obstiterit circum praecordia sanguis;
 Rura mihi et rigui placeant in vallibus amnes;
 Flumina amem silvasque inglorius. o, ubi campi,
 Spercheosque, et virginibus bacchata Lacaenis
 Taygeta: o, qui me gelidis in vallibus Haeni
 Sistat, et ingenti ramorum protegat umbra!
 Felix, qui potuit rerum cognoscere causas:
 Atque metus omnis et inexorabile fatum
 Subjecit pedibus, strepitumque Acherontis avari!
 Fortunatus et ille, Deos qui novit agrestis,
 Panaque, Silvanumque senem, Nymphasque sorores.
 Illum non populi faeces, non purpura regum
 Flexit, et infidos agitans discordia fratres;
 Aut conjurato descendens Dacus ab Histrio:
 Non res Romanae, perituraque regna: neque ille,
 Aut doluit miserans inopem, aut invidit habenti.

Quos rami fructus, quos ipsa volentia rura
Sponte tulere sua, carpsit : nec ferrea jura,
Insanumque forum, aut populi tabularia vidit.
Sollicitant alii remis freta caeca, ruuntque
In ferrum, penetrant aulas, et limina regum :
Hic petit excidiis urbem, miserosque Penatis,
Ut gemma bibat, et Sarrano indormiat ostro.
Condit opes alius, defossoque incubat auro.
Hic stupet adtonitus Rostri : hunc plausus hiantem
Per cuneos, geminatus enim, plebisque patrumque
Corripuit : gaudent perfusi sanguine fratrum,
Exilioque domos et duleia limina mutant ;
Atque alio patriam quaerunt sub sole jacentem.
Agricola incurvo terram dimovit aratro :
Hinc anni labor : hinc patriam parvosque nepotes
Sustinet : hinc armenta boum, meritosque juvencos.
Nec requies, quin aut pomis exuberet annus,
Aut foetu pecorum, aut Cerealis mergite culmi :
Proventuque oneret sulcos, atque horrea vincat.
Venit hiems, teritur Sicyonia bacca trapetis :
Glande sues laeti redeunt : dant arbuta silvae :
Et varios ponit foetus autumnus : et alte
Mitis in apricis coquitur vindemia saxis.
Interea dulces pendent circum oscula nati :
Casta pudicitiam servat domus : ubera vaccae
Lactea demittunt : pinguesque in gramine lacto
Inter se adversis luctantur cornibus haedi.
Ipse dies agitat festos : fususque per herbam,
Ignis ubi in medio, et socii cratera coronant,
'Te, libans, Lenaee, vocat : pecorisque magistris
Velocis jaculi certamina ponit in ulmo :
Corporaque agresti nudant praedura palaestra.
Hanc olim veteres vitam coluere Sabini :
Hanc Remus, et frater : sic fortis Etruria crevit :

Scilicet et rerum facta est pulcherrima Roma,
Septemque una sibi muro circumdedit arces.
Ante etiam sceptrum Dictaei regis, et ante
Inpia quam caesis gens est epulata juvencis,
Aureus hanc vitam in terris Saturnus agebat.
Necdum etiam audierant inflari classica, necdum
Inpositos duris crepitare incudibus enses.
Sed nos immensum spatii confecimus aequor :
Et jam tempus equum fumantia solvere colla.

P U B L I I
V I R G I L I I
M A R O N I S
G E O R G I C O N
L I B E R T E R T I U S .

TE quoque, magna Pales, et te memorande canemus
Pastor ab Amphryso: vos, silvae amnesque Lycci.
Cetera, quæ vacuas tenuissent carmine mentis,
Onnia jam volgata. quis aut Eurysthea durum,
Aut inlaudati nescit Busiridis aras?
Cui non dictus Hylas puer, et Latonia Delos?
Hippodameque, humeroque Pelops insignis eburno,
Acer equis? tentanda via est, qua me quoque possim
Tollere humo, victorque virum volitare per ora.
Primus ego in patriam mecum, modo vita supersit,
Aonio rediens deducam vertice Musas:
Primus Idumæas referam tibi, Mantua, palmas:
Et viridi in campo templum de marmore ponam
Propter aquam, tardis ingens ubi flexibus errat
Mincius, et tenera prætexit arundine ripas.
In medio mihi Caesar erit, templumque tenebit.
Illi victor ego, et Tyrio spectus in ostro
Centum quadrijugos agitabo ad flumina currus.
Cuncta mihi, Alpheum linquens lucosque Molorchî,
Cursibus et crudo decernet Græcia cestu.
Ipse, caput tonsæ foliis ornatus olivæ,
Dona feram. jam nunc sollemnis ducere pompas
Ad delubra juvat, caesosque videre juvencos:

Vel scaena ut versis discedat frontibus ; utque
Purpurea intexti tollant aulaea Britanni.
In foribus pugnam ex auro solidoque elephanto
Gangaridum faciam, victorisque arma Quirini:
Atque hic undantem bello, magnumque fluentem
Nilum, ac navali surgentis aere columnas.
Addam urbis Asiae domitas, pulsumque Niphaten,
Fidentemque fuga Parthum versisque sagittis,
Et duo rapta manu diverso ex hoste tropaea,
Bisque triumphatas utroque ab litore gentis.
Stabunt et Parii lapides, spirantia signa,
Assaraci proles, demissaeque ab Jove gentis
Nomina, Trosque pareus, et Trojae Cynthius auctor.
Invidia infelix Furias amnemque severum
Cocyti metuet, tortosque Ixionis anguis,
Inmanemque rotam, et non exsuperabile saxum.
Interea Dryadum silvas saltusque sequamur
Intactos, tua, Maecenas, haud mollia jussa.
Te sine nil altum mens inchoat. en age, segnis
Rumpe moras: vocat ingenti clamore Cithaeron,
Taygetique canes, domitrixque Epidaurus equorum:
Et vox adsensu nemorum ingeminata remugit.
Mox tamen ardentis adcingar dicere pugnas
Caesaris, et nomen famâ tot ferre per annos,
Tithoni prima quot abest ab origine Caesar.

Seu quis, Olympiacae miratus praemia palmae,
Pascit equos; seu quis fortis ad aratra juvencos,
Corpora praecipue matrum legat. optuma torvae
Forma bovis, cui turpe caput, cui plurima cervix,
Et crurum tenuis a mento palearia pendent.
Tum longo nullus lateri modus: omnia magna:
Pes etiam, et camuris histae sub cornibus aures.
Nec mihi displiceat maculis insignis et albo,
Aut juga detrectans; interdumque aspera cornu,

Et faciem tauro propior, quaeque ardua tota,
Et gradiens ima verrit vestigia cauda.
Aetas Lucinam, justosque pati hymenaeos
Desinit ante decem, post quatuor incipit annos:
Cetera nec foeturae habilis, nec fortis aratris.
Interea, superat gregibus dum laeta juventas,
Solve mares: mitte in Venerem pecuaria primus,
Atque aliam ex alia generando suffice prolem.
Optima quaeque dies miseris mortalibus aevi
Prima fugit: subeunt morbi, tristisque senectus;
Et labor, et durae rapit inclementia mortis.
Semper erunt, quarum mutari corpora malis.
Semper enim refice: ac, ne post amissa requiras,
Anteveni, et subolem armento sortire quot annis.
Nec non et pecori est idem dilectus equino.
Tu modo, quos in spem statues submittere gentis,
Praecipuum jam inde a teneris inpende laborem.
Continuo pecoris generosi pullus in arvis
Altius ingreditur, et mollia crura reponit.
Primus et ire viam, et fluvios tentare minaces
Audet, et ignoto sese committere ponti:
Nec vanos horret strepitus. illi ardua cervix,
Argutumque caput, brevis alvus, obesaque terga:
Luxuriatque toris animosum pectus: honesti
Spadices, glaucique; color deterrimus albis,
Et gilvo. tum, si qua sonum procul arma dedere,
Stare loco nescit: micat auribus, et tremit artus;
Conlectumque premens volvitur sub naribus ignem:
Densa juba, et dextro jactata recumbit in armo.
At duplex agitur per lumbos spina, cavatque
Tellurem, et solido graviter sonat ungula cornu.
Talis Amyclaei domitus Pollucis habenis
Cyllaris, et, quorum Graji meminere poëtae,
Martis equi bijuges, et magni eurrus Achilli.

Talis et ipse jubam cervice effundit equina
 Conjugis adventu pernix Saturnus, et altum
 Pelion hiinitu fugiens inplevit acuto.
 Hunc quoque, ubi aut morbo gravis, aut jam segnior annis
 Deficit, abde domo; nec turpi ignosce senectae.
 Frigidus in Venerem senior, frustraue laborem
 Ingratum trahit: et, si quando ad proelia ventum est,
 Ut quondam in stipulis magnus sine viribus ignis,
 Incassum furit. ergo animos aevumque notabis
 Praecipue: hinc alias artis, prolemque parentum,
 Et quis cuique dolor victo, quae gloria palmae.
 Nonne vides, quum praecipiti certamine campum
 Conripuere, ruuntque effusi carcere currus,
 Quum spes adrectae juvenum, exsultantiaque haurit
 Corda pavor pulsans: illi instant verbere torto,
 Et proni dant lora: volat vi fervidus axis.
 Jamque humiles, jamque elati sublime videntur
 Aëra per vacuum ferri, atque adsurgere in auras,
 Nec mora, nec requies. at fulvae nimbus arenae
 Tollitur: humescunt spumis, flatuque sequentum.
 Tantus amor laudum, tantae est victoria curae.
 Primus Erichthonius currus et quatuor ausus
 Jungere equos, rapidusque rotis insistere victor.
 Frena Pelethronii Lapithae, gyrosque dedere
 Inpositi dorso, atque equitem docuere sub armis
 Insultare solo, et gressus glomerare superbos.
 Aequus uterque labor: aequae juvenenique magistri
 Exquirunt, calidumque animis et cursibus acrem.
 Quamvis saepe fuga versos ille egerit hostis,
 Et patriam Epirum referat, fortisque Mycenae;
 Neptunique ipsa deducat origine gentem.
 His animadversis instant sub tempus, et omnis
 Inpendunt curas denso distendere pingui,
 Quem legere ducem, et pecori dixere maritum:

Pubentesque secant herbas, fluviosque ministrant,
Farraque; ne blando nequeat superesse labori;
Invalidique patrum referant jejunia gnati:
Ipsa autem macie tenuant armenta volentes.
Atque, ubi concubitus primos jam nota voluptas
Sollicitat, frondisque negant, et fontibus arcent:
Saepae etiam cursu quatiant, et sole fatigant,
Quum graviter tunsis gemit area frugibus, et quum
Surgentem ad zephyrum paleae jactantur inanes.
Hoc faciunt, nimio ne luxu obtusior usus
Sit genitali arvo, et sulcos oblimet inertis:
Sed rapiat sitiens Venerem, interiusque recondat.
Rursus cura patrum cadere, et succedere matrum
Incipit. exactis gravidæ quum mensibus errant,
Non illas gravibus quisquam juga ducere plaustri,
Non saltu superare viam sit passus, et acri
Carpere prata fuga, fluviosque innare rapaces.
Saltibus in vacuis pascant, et plena secundum
Flumina: muscus ubi, et viridissima gramine ripa,
Speluncaeque tegant, et saxea procubet umbra.
Est lucos Silari circa ilicibusque virentem
Plurimus Alburnum volitans, quoi nomen asilorum
Romanum est, oëstrum Graji vertère vocantes;
Asper, acerba sonans: quo tota exterrita silvis
Diffugiunt armenta; furit mugitibus aether
Concussus, silvaeque et sicci ripa Tanagri.
Hoc quondam monstro horribilis exercuit iras
Inachiae Juno pestem meditata juvencae.
Hunc quoque, nam mediis fervoribus acrior instat,
Arcebis grvido pecori, armentaue pascas
Sole recens orto, aut noctem ducentibus astris.
Post partum cura in vitulos traducitur omnis:
Continuoque notas et nomina gentis inurunt:
Et quos aut pecori malint submittere habendo,

Aut aris servare sacros, aut scindere terram,
 Et campum horrentem fractis invertere glebis.
 Cetera pascuntur viridis armenta per herbas.
 Tu quos ad studium atque usum formabis agrestem,
 Jam vitulos hortare, viamque insiste domandi,
 Dum faciles animi juvenum, dum mobilis aetas.
 Ac primum laxos tenui de vimine circlos
 Cervici subnecte : dehinc, ubi libera colla
 Servitio adsuerint, ipsis e torquibus aptos
 Junge pares, et coge gradum conferre juvencos :
 Atque illis jam saepe rotae ducantur inanes
 Per terram, et summo vestigia pulvere signent.
 Post valido nitens sub pondere faginus axis
 Instrepat, et junctos temo trahat aereus orbis.
 Interea pubi indomitae non gramina tantum,
 Nec vescas salicum frondes, ulvamque palustrem,
 Sed frumenta manu carpes sata : nec tibi foetae
 More patrum nivea inplebunt mulctraria vaccae,
 Sed tota in dulcis consument ubera natos.

Sin ad bella magis studium, turmasque feroces,
 Aut Alphea rotis praelabi flumina Pisae,
 Et Jovis in luco currus agitare volantis;
 Primus equi labor est, animos atque arma videre
 Bellantum, lituosque pati; tractuque gementem
 Ferre rotam, et stabulo frenos audire sonantis.
 Tum magis atque magis blandis gaudere magistri
 Laudibus, et plausae sonitum cervicis amare.
 Atque haec jam primo depulsus ab ubere matris
 Audeat, inque vicem det mollibus ora capistris
 Invalidus, et jamque tremens, et jam inscius aevi.
 At, tribus exactis, ubi quarta adcesserit aetas,
 Carpere mox gyrum incipiat, gradibusque sonare
 Conpositis, sinuetque alterna volumina crurum;
 Sitque laboranti similis : tum cursibus auras

Tum vocet, ac per aperta volans, ceu liber habenis,
Aequora, vix summa vestigia ponat arena:
Qualis, Hyperboreis Aquilo quum densus ab oris
Incubuit Scythiaeque hiemis, atque arida differt
Nubila: tum segetes altae campique natantes
Lenibus horrescunt flabris, summaeque sonorem
Dant silvae, longique urgent ad litora fluctus:
Ille volat, simul arva fuga, simul aequora verrens.
Hic vel ad Elei metas, et maxima campi
Sudabit spatia, et spumas aget ore cruentas:
Belgica vel molli melius feret esseda collo.
Tum demum crassa magnum farragine corpus
Crescere jam domitis sinito: namque ante domandum
Ingentis tollent animos, prensique negabunt
Verbera lenta pati, et duris parere lupatis.

Sed non ulla magis vires industria firmat,
Quam Venerem et caeci stimulos avertere amoris,
Sive boum, sive est cui gratior usus equorum.
Atque ideo tauros procul atque in sola relegant
Pascua, post montem oppositum, et trans flumina lata:
Aut intus clausos satura ad praesepia servant.
Carpit enim vires paullatim, uritque videndo
Femina: nec nemorum patitur meminisse, nec herbae.
Dulcibus illa quidem inlecebris et saepe superbos
Cornibus inter se subigit decernere amantes:
Pascitur in magna silva formosa iuvenca:
Illi alternantes multa vi proelia miscent
Vulneribus crebris: lavit ater corpora sanguis,
Versaque in obnixos urgentur cornua vasto
Cum gemitu. reboant silvaeque et longus Olympus.
Nec mos bellantis una stabulare: sed alter
Victus abit, longaeque ignotis exsulat oris;
Multa gemens, ignominiam, plagasque superbi
Victoris; tum, quos amisit inultus, amores;

Et stabula adspectans regnis excessit avitis,
Ergo omni cura vires exercet, et inter
Dura jacet pernox instrato saxa cubili,
Frondebis hirsutis et carice pastus acuta :
Et tentat sese, atque irasci in cornua discit
Arboris obnixus trunco : ventosque lacessit
Ictibus, et sparsa ad pugnam proludit arena.
Post, ubi conlectum robur, viresque refectae,
Signa movet, praecepsque oblitum fertur in hostem :
Fluctus ut, in medio coepit quum albescere ponto,
Longius, ex altoque sinum trahit; utque volutus
Ad terras, immane sonat per saxa, neque ipso
Monte minor procumbit: at ima exaestuât unda
Verticibus, nigramque alte subjectat arenam.
Omne adeo genus in terris hominumque ferarumque,
Et genus acquoreum, pecudes, pictaeque volucres,
In furias ignemque ruunt. amor omnibus idem.
Tempore non alio catulorum oblita leaena
Saevior erravit campis: nec funera volgo
Tam multa informes ursi stragemque dedere
Per silvas, tum saevus aper, tum pessima tigris.
Heu, male tum Libyae solis erratur in agris.
Nonne vides, ut tota tremor pertentet equorum
Corpora, si tantum notas odor adtulit auras?
Ac neque eqs jam frena virum, neque verbera saeva,
Non scopuli, rupesque cavae, atque objecta retardant
Flumina, conreptosque undâ torquentia montis.
Ipse ruit, dentisque Sabellicus exacuit sus,
Et pede prosubigit terram, fricat arbore costas
Atque hinc atque illinc, humeros ad volnera durat.
Quid juvenis, magnum cui versat in ossibus ignem
Durus amor? nempe abruptis turbata procellis
Nocte natat caecâ serus freta : quem super ingena
Porta tonat coeli, et scopulis inlisa reclamant

Aequora; nec miseri possunt revocare parentes,
Nec moritura super crudeli funere virgo.
Quid lynces Bacchi variae, et genus acre luporum,
Atque canum? quid, quae inbelles dant proelia cervi?

Scilicet ante omnis furor est insignis equarum:
Et mentem Venus ipsa dedit, quo tempore Glauci
Potniades malis membra absumsere quadrigae.
Illas ducit amor trans Gargara, transque sonantem
Ascanium: superant montis, et flumina tranant.
Continuoque avidis ubi subdita flamma medullis,
Vere magis, quia vere calor redit ossibus, illae
Ore omnes versae in zephyrum stant rupibus altis,
Exceptantque levis auras: et saepe sine ullis
Conjugiis vento gravidae, mirabile dictu,
Saxa per et scopulos et depressas convallis
Diffugiunt; non, Eure, tuos, neque solis ad ortus;
In Borean Caurumque, aut unde nigerrimus Auster
Nascitur, et pluvio contristat frigore coelum.
Hic demum, hippomanes vero quod nomine dicunt
Pastores, lentum destillat ab inguine virus.
Hippomanes, quod saepe malae legere novcreae,
Miscueruntque herbas et non innoxia verba.
Sed fugit interea, fugit irreparabile tempus,
Singula dum capti circumvectamur amore.

Hoc satis armentis. superat pars altera curae,
Lanigeros agitare greges, hirtasque capellas.
Hic labor: hinc laudem fortes sperate coloni.
Nec sum animi dubius, verbis ea vincere magnum
Quam sit, et angustis hunc addere rebus honorem.
Sed me Parnasi deserta per ardua dulcis
Raptat amor. juvat ire jugis, qua nulla priorum
Castaliam molli devertitur orbita clivo.

Nunc, veneranda Pales, magno nunc ore sonandum.
Incipiens stabulis edico in mollibus herbam

Carpere ovis, dum mox frondosa reducitur aetas :
Et multa duram stipula filicumque manipulis
Sternere subter humum, glacies ne frigida laedat
Molle pecus, scabiemque ferat, turpisque podagras
Post hinc digressus jubeo frondentia capris
Arbuta sufficere, et fluvios praebere recentis;
Et stabula a ventis hiberno opponere soli
Ad medium conversa diem : quum frigidus olim
Jam cadit, extremoque inrorat Aquarius anno.
Hae quoque non cura nobis levior tuendae;
Nec minor usus erit : quamvis Milesia magno
Vellera mutantur Tyrios incocta rubores.
Densior hinc suboles : hinc largi copia lactis.
Quam magis exhausto spumaverit ubere mulctra;
Laeta magis pressis manabunt flumina mammis.
Nec minus interea barbas incanaque menta
Cinyphii tondent hirci, saetasque comantis,
Usum in castrorum, et miseris velamina nautis.
Pascuntur vero silvas, et summa Lycei,
Horrentisque rubos, et amantis ardua dumos.
Atque ipsae memores redeunt in tecta, suosque
Ducunt, et gravido superant vix ubere limen.
Ergo omni studio glaciem ventosque nivalis,
Quo minus est illis curae mortalis egestas,
Avertes : victumque feres, et virgea lactus
Pabula; nec tota claudes foenilia bruma.
At vero, zephyris quum laeta vocantibus aestas,
In saltus utrumque gregem atque in pascua mittes.
Luciferi primo cum sidere frigida rura
Carpamus, dum mane novum, dum gramina canent,
Et ros in tenera pecori gratissimus herba.
Inde, ubi quarta sitim coeli conlegerit hora,
Et cantu querulae rumpent arbusta cicadae;
Ad puteos, aut alta greges ad stagna jubeto

Currentem ilignis potare canalibus undam :
Aestibus at mediis umbrosam exquirere vallem,
Sicubi magna Jovis antiquo robore quercus
Ingentis tendat ramos : aut sicubi nigrum
Illicibus crebris sacra nemus adcubet umbra.
Tum tenuis dare rursus aquas, et pascere rursus
Solis ad occasum. quum frigidus aëra vesper
Temperat, et saltus reficit jam roscida luna,
Litoraque Alcyonen resonant, acalanthida dumi.
Quid tibi pastores Libyae, quid pascua versu
Prosequar, et raris habitata mapalia tectis?
Saepe diem noctemque, et totum ex ordine mensena
Pascitur, itque pecus longa in deserta sine ullis
Hospitiis: tantum campi jacet. Omnia secum
Armentarius Afer agit, tectumque, Laremque,
Armaque, Amyclaeumque cauem, Cressamque pharetram.
Non secus ac patris acer Romanus in armis
Injusto sub fasce viam quum carpit, et hosti
Ante expectatum positus stat in agmine castris.
At non, qua Scythiae gentes, Maeotiaque unda,
Turbidus et torquens flaventis Hister arenas,
Quaque redit medium Rhodope porrecta sub axem,
Illic clausa tenent stabulis armenta; neque ullae
Aut herbae campo adparent, aut arbore frondes:
Sed jacet aggeribus niveis informis, et alto
Terra gelu late, septemque adsurgit in ulnas.
Semper hiems, semper spirantes frigora cauri.
Tum sol pallentis haud unquam discutit umbras:
Nec quum invectus equis altum petit aethera: nec quum
Praecipitem Oceani rubro lavit aequore currum.
Concrescunt subitae currenti in flumine crustae,
Undaque jam tergo ferratos sustinet orbis,
Puppibus illa prius patulis, nunc hospita plaustris.
Aeraque dissiliunt volgo, vestesque rigescunt,

Indutae, caeduntque securibus humida vina,
 Et totae solidam in glaciem vertere lacunae,
 Stiriaque inpexis induruit horrida barbis.
 Interea toto non secius aëre nunguit :
 Intereunt pecudes, stant circumfusa pruinis
 Corpora magna boum : confertoque agmine cervi
 Torpent mole nova, et summis vix cornibus exstant.
 Hos non inmissis canibus, non cassibus ullis,
 Puniceaeve agitant pavidos formidine pinnae :
 Sed frustra oppositum trudentes pectore montem
 Comminus obtruncant ferro, graviterque rudentes
 Caedunt, et magno laeti clamore reportant.
 Ipsi in defossis specubus secura sub alta
 Otia agunt terra, congestaque robora, totasque
 Advolvere focis ulmos, ignique dedere.
 Hic noctem ludo ducunt, et pocula laeti
 Fermento atque acidis imitantur vitea sorbis.
 Talis Hyperboreo Septem subjecta trioni
 Gens effrena virum Rhipaeo tunditur euro,
 Et pecudum fulvis velatur corpora saetis.

Si tibi lanitium curae; primum aspera silva,
 Lappaeque tribulique absint : fuge pabula laeta :
 Continuoque greges villis lege mollibus albos.
 Illum autem, quamvis aries sit candidus ipse,
 Nigra subest udo tantum cui lingua palato,
 Rejice, ne maculis infuscet vellera pullis
 Nascentum : plenoque alium circumspice campo.
 Munere sic niveo lanae, si credere dignum est,
 Pan deus Arcadiae captam te, Luna, fefellit,
 In nemora alta vocans : nec tu adspersata vocantem.

At cui lactis amor, cytisum, lotosque frequentis
 Ipse manu, salsasque ferat praesepibus herbas.
 Hinc et amant fluvios magis, ac magis ubera tendunt,
 Et salis occultum referunt in lacte saporem.

Multi jam excretos prohibent a matribus haedos,
Primaque ferratis praefigunt ora capistris.
Quod surgente die mulsero horisque diurnis,
Nocte premunt; quod jam tenebris et sole cadente,
Sub lucem exportans calathis adit oppida pastor :
Aut parco sale contingunt, hiemique reponunt.

Nec tibi cura canum fuerit postrema : sed una
Velocis Spartae catulos, acremque Molossum,
Pasce sero pingui. Numquam custodibus illis
Nocturnum stabulis furem, incursusque luporum,
Aut inpacatos a tergo horrebis Hiberos.
Saepe etiam cursu timidos agitabis onagros,
Et canibus leporem, canibus venabere damas.
Saepe volutabris pulsos silvestribus apros
Latratu turbabis agens, montisque per altos
Ingentem clamore premes ad retia cervum.
Disce et odoratam stabulis adcendere cedrum,
Galbaneoque agitare gravis nidore chelydros.
Saepe sub inmotis praesepibus aut mala tactu
Vipera delituit, coelumque exterrita fugit :
Aut tecto adsuetus coluber succedere et umbrae,
Pestis acerba boum, pecorique adspargere virus,
Fovit humum. Cape saxa manu, cape robora, pastor,
Tollentemque minas et sibila colla tumentem
Dejice. Jamque fuga timidum caput abdidit alte,
Quum medii nexus, extremaeque agmina caudae
Solvuntur, tardosque trahit sinus ultimus orbis.
Est etiam ille malus Calabris in saltibus anguis,
Squamea convolvens sublato pectore terga,
Atque notis longam maculosus grandibus alvum :
Qui dum amnes ulli rumpuntur fontibus, et dum
Vere madent udo terrae, ac pluvialibus austris,
Stagna colit, ripisque habitans, hinc piscibus atram
Inprobis ingluviem ranisque loquacibus explet.

Postquam exusta palus, terraeque ardore dehiscunt,
 Exsilit in siccum, et flammantia lumina torquens
 Saevit agris, asperque siti atque exterritus aestu.
 Ne mihi tum mollis sub dio carpere somnos,
 Neu dorso nemoris libeat jacuisse per herbas:
 Quum positis novus exuviis nitidusque juventa
 Volvitur, aut catulos tectis aut ova relinquens,
 Arduus ad solem et linguis micat ore trisulcis.

Morborum quoque te causas et signa docebo.
 Turpis ovis tentat scabies, ubi frigidus imber
 Altius ad vivum persedit, et horrida cano
 Bruma gelu: vel quum tonsis inlotus adhaesit
 Sudor, et hirsuti secuerunt corpora vepres.
 Dulcibus idcirco fluviis pecus omne magistri
 Perfundunt, udisque aries in gurgite villis
 Mersatur, missusque secundo defluit amni:
 Aut tonsum tristi contingunt corpus amurca,
 Et spumas miscent argenti, vivaque sulfura,
 Idaeasque pices, et pinguis unguine ceras,
 Scillamque, elleborosque gravis, nigrumque bitumen.
 Non tamen ulla magis praesens fortuna laborum est,
 Quam si quis ferro potuit rescindere summum
 Ulceris os. Alitur vitium, vivitque tegendo:
 Dum medicas adhibere manus ad vulnera pastor
 Abnegat, aut meliora deos sedet omina poscens.
 Quin etiam, ima dolor balantum lapsus ad ossa
 Quum furit, atque artus depascitur arida febris,
 Profuit incensos aestus avertere, et inter
 Ima ferire pedis salientem sanguine venam:
 Bisaltae quo more solent, acerque Gelonus,
 Quum fugit in Rhodopen, atque in deserta Getarum,
 Et lac concretum cum sanguine potat equino.
 Quam procul aut molli succedere saepius umbrae
 Videtis, aut summas carpentem ignavius herbas,

Extremamque sequi, aut medio procumbere campo
Pascentem, et serae solam decedere nocti :
Continuo culpam ferro conpesce, prius quam
Dira per incautum serpent contagia volgas.
Non tam creber agens hiemem ruit aequore turbo,
Quam multae pecudum pestes. Nec singula morbi
Corpora conripiunt; sed tota aestiva repente,
Spemque gregemque simul, cunctamque aborigine gentem.
Tum sciat, aërias Alpis, et Norica si quis
Castella in tumulis, et lapidis arva Timavi,
Nunc quoque post tanto videat desertaque regna
Pastorum, et longe saltus lateque vacantis.

Hic quondam morbo coeli miseranda coorta est
Tempestas, totoque autumnu incanduit aestu,
Et genus omne neci pecudum dedit, omne ferarum :
Conrupitque lacus: infecit pabula tabo.
Nec via mortis erat simplex; sed ubi ignea venis
Omnibus acta sitis miseros adduxerat artus :
Rursus abundabat fluidus liquor : omniaque in se
Ossa minutatim morbo conlapsa trahebat.
Saepe in honore Deum medio stans hostia ad aram,
Lancea dum nivea circumdatur infula vitta,
Inter cunctantis cecidit moribunda ministros.
Aut si quam ferro mactaverat ante sacerdos,
Inde neque inpositis ardent altaria fibris;
Nec responsa potest consultus reddere vates:
Ac vix suppositi tinguuntur sanguine cultri,
Summaque jejuna sanie infusatur arena.
Hinc laetis vituli volgo moriuntur in herbis,
Et dulcis animas plena ad praesepia reddunt.
Hinc canibus blandis rabies venit, et quatit aegros
Tussis anhela sues, ac faucibus angit obesis.
Labitur infelix, studiorum atque inmemor herbae,
Victor equus, fontisque avertitur, et pede terram

Crebra ferit : demissae aures : incertus ibidem
Sudor ; et ille quidem moriturus frigidus : aret
Pellis, et ad tactum tractanti dura resistit.
Haec ante exitium primis dant signa diebus.
Sin in processu coepit crudescere morbus,
Tum vero ardentes oculi, atque adtractus ab alto
Spiritus, interdum gemitu gravis, imaque longo
Ilia singultu tendunt : it naribus ater
Sanguis, et obsessas fauces premit aspera lingua.
Profuit inserto latices infundere cornu
Lenaeos : ea visa salus morientibus una.
Mox erat hoc ipsum exitio, furiisque relecti
Ardebant, ipsique suos, jam morte sub aegra,
(DI meliora piis, erroremque hostibus illum!)
Discissos nudis laniabant dentibus artus.
Ecce autem duro fumans sub vomere taurus
Concidit, et mixtum spumis vomit ore cruorem,
Extremosque ciet gemitus. It tristis arator,
Moerentem abjungens fraterna morte juvencum :
Atque opere in medio defixa relinquit aratra.
Non umbra altorum nemorum, non mollia possunt
Prata movere animum, non qui per saxa volutus
Purior electro campum petit amnis : at ima
Solvuntur latera, atque oculos stupor urguet inertis,
Ad terramque fluit devexo pondere cervix.
Quid labor, aut benefacta juvant ? quid vomere terras
Invertisse gravis ? atqui non Massica Bacchi
Munera, non illis epulae nocuere repotae :
Frondebis et victu pascuntur simplicis herbae.
Pocula sunt fontes liquidi, atque exercita cursu
Flumina, nec somnos abrumpit cura salubres.
Tempore non alio dicunt regionibus illis
Quaesitas ad sacra boves Junonis, et uris
Inparibus ductos alta ad donaria currus.

Ergo aegre rastris terram rimantur, et ipsis
Unguibus infodiunt fruges, montisque per altos
Contenta cervice trahunt stridentia plaustra.
Non lupo insidias explorat ovilia circum,
Nec gregibus nocturnus obambulat : acrior illum
Cura domat : timidi damae cervique fugaces
Nunc interque canes et circum tecta vagantur.
Jam maris inmensi prolem, et genus omne natantum
Litore in extremo, ceu naufraga corpora, fluctus
Proluit : insolitae fugiunt in flumina phocae.
Interit et curvis frustra defensa latebris
Vipera, et adtoniti squamis adstantibus hydri.
Ipsis est aër avibus non aequus, et illae
Praecipites alta vitam sub nube relinquunt.
Praeterea jam nec mutari pabula refert,
Quaesitaeque nocent artes : cessere magistri
Phillyrides Chiron, Amythaoniusque Melampus.
Saevit et in lucem Stygiis emissa tenebris
Pallida Tisiphone, morbos agit ante metumque,
Inque dies avidum surgens caput altius effert.
Balatu pecorum et crebris mugitibus amnes,
Arentesque sonant ripae, collesque supini.
Jamque catervatim dat stragem, atque aggerat ipsa
In stabulis turpi dilaspa cadavera tabo :
Donec humo tegere, ac foveis abscondere discunt.
Nam neque erat coriis usus : nec viscera quisquam
Aut undis abolere potest, aut vincere flamma :
Nec tondere quidem morbo illuvieque peresa
Vellera, nec telas possunt adtingere putris.
Verum etiam invisos si quis tentarat amictus;
Ardentes papulae, atque immundus olentia sudor
Membra sequebatur. Nec longo deinde moranti
Tempore contactos artus sacer ignis edebat.

P U B L I I
V I R G I L I I
M A R O N I S
G E O R G I C O N

L I B E R Q U A R T U S.

PROTINUS acris mellis coelestia dona
Exsequar. hanc etiam, Maecenas, adspice partem:
Admiranda tibi levium spectacula rerum,
Magnanimosque duces, totiusque ordine gentis
Mores, et studia, et populos, et proelia dicam.
In tenui labor: at tenuis non gloria; si quem
Numina laeva sinunt, auditque vocatus Apollo.

Principio sedes apibus statioque petenda,
Quo neque sit ventis aditus, (nam pabula venti
Ferre domum prohibent) neque oves haedique petulci
Floribus insultent, aut errans bucula campo
Decutiat rorem, et surgentis adterat herbas.
Absint et picti squalentia terga lacerti
Pinguibus a stabulis, meropesque, aliaeque volucres;
Et manibus Procne pectus signata cruentis.
Omnia nam late vastant, ipsasque volantis
Ore ferunt dulcem nidis inmitibus escam.
At liquidi fontes et stagna virentia musco
Adsint, et tenuis, fugiens per gramina, rivus,
Palmaque vestibulum aut ingens oleaster inumbret.
Ut, quum prima novi ducent examina reges
Vere suo, ludetque favis emissa juvenus,
Vicina invitet decedere ripa calori;

Obviaque hospitii teneat frondentibus arbor.
In medium, seu stabit iners, seu profluet humor,
Transversas salices, et grandia conjice saxa :
Pontibus ut crebris possint consistere, et alas
Pandere ad aestivum solem; si forte morantis
Sparserit, aut praeceps Neptuno inmerserit Eurū.
Haec circum casiae virides, et olentia late
Serpilla, et graviter spirantis copia thymbrae
Floreat, inriguumque bibant violaria fontem.
Ipsa autem, seu corticibus tibi suta cavatis,
Seu lento fuerint alvearia vimine texta,
Angustos habeant aditus. Nam frigore mella
Cogit hiems, eademque calor liquefacta remittit.
Utraque vis apibus pariter metuenda : neque illae
Nequicquam in tectis certatim tenuia cera
Spiramenta linunt, fucoque et floribus oras
Explant, conlectumque haec ipsa ad munera gluteti,
Et visco et Phrygiae servant pice lentius Idae.
Saepe etiam effossis, si vera est fama, latebris
Sub terra fovere larem, penitusque repertae
Pumicibusque cavis, excusaeque arboris antro.
Tu tamen e levi rimosa cubilia limo
Ungue fovens circum, et raras superinjice frondis,
Neu propius tectis taxum sine, neve rubentis
Ure foco caneros, altae neu crede paludi :
Aut ubi odor coeni gravis, aut ubi concava pulsi
Saxa sonant, vocisque offensa resultat imago.
Quod superest, ubi pulsam hiemem sol aureus egit
Sub terras, coelumque aestiva luce reclusit,
Illae continuo saltus silvasque peragrant,
Purpureosque metunt flores, et flumina libant
Summa leves. Hinc nescio qua dulcedine laetae
Progeniem nidosque fovent : hinc arte recentis
Excudunt ceras, et mella tenacia fingunt.

Hinc ubi jam emissum caveis ad sidera coeli
Nare per aestatem liquidam suspexeris agmen,
Obscuramque trahi vento mirabere nubem;
Contemplator : aquas dulcis, et frondea semper
Tecta petunt. Hue tu jussos adasperge saporés,
Trita melisphylla, et cerinthae ignobile gramen :
Tinnitusque cie, et Matris quate cymbala circum.
Ipsae consident medicatis sedibus : ipsae
Intima more suo sese in cunabula condent.
Sin autem ad pugnam exierint (nam faepe duobus
Regibus incessit magno discordia motu)
Continuoque animos volgi et trepidantia bello
Corda licet longe praesciscere : namque morantis
Martius ille aeris rauci canor increpat, et vox
Auditur fractos sonitus imitata tubarum.
Tum trepidae inter se coeunt, pennisque coruscant,
Spiculaque exacuunt rostris, aptantque lacertos,
Et circa regem atque ipsa ad praetoria densae
Miscentur, magnisque vocant clamoribus hostem.
Ergo, ubi ver nactae sudum camposque patentis,
Erumpunt portis ; concurritur ; aethere in alto
Fit sonitus, magnum mixtae glomerantur in orbem,
Praecipitesque cadunt. Non densior aëre grando,
Nec de concussa tantum pluit ilice glandis.
Ipsi per medias acies, insignibus alis,
Ingentis animos angusto in pectore versant.
Usque adeo obnixi non cedere, dum gravis aut hos,
Aut hos versa fugâ victor dare terga subegit.
Hi motus animorum atque haec certamina tanta
Pulveris exigui jactu compressa quiescent.
Verum ubi ductores acie revocaveris ambo;
Deterior qui visus, cum, ne prodigus obsit,
Dede neci : melior vacua sine regnet in aula.
Alter erit maculis auro squalentibus ardens :

Nam duo sunt genera, hic melior, insignis et ore,
Et rutilus clarus squamis: ille horridus alter
Desidia, latamque trahens inglorius alvum.
Ut binae regum facies, ita corpora plebis.
Namque aliae turpes horrent: ceu pulvere ab alto
Quum venit, et sicco terram spuit ore viator
Aridus: elucent aliae, et fulgore coruscant
Ardentes auro, et paribus lita corpora guttis.
Haec potior suboles. Hinc coeli tempore certo
Dulcia mella premes: nec tantum dulcia, quantum
Et liquida, et durum Bacchi domitura saporem.
At quum incerta volant, coeloque examina ludunt,
Contemnuntque favos, et frigida tecta relinquunt;
Instabilis animos ludo prohibebis inani.
Nec magnus prohibere labor. Tu regibus alas
Eripe. Non illis quisquam cunctantibus altum
Ire iter, aut castris audebit vellere signa.
Invitent croceis halantes floribus horti,
Et custos furum atque avium cum falce saligna
Hellespontiaci servet tutela Priapi.
Ipse thymum pinosque fereus de montibus altis
Tecta serat late circum, cui talia curae:
Ipse labore manum duro terat: ipse feracis
Figat humo plantas, et amicos inriget imbris.

Atque equidem, extremo ni jam sub fine laborum
Vela traham, et terris festinem advertere prorani;
Forsitan et, pinguis hortos quae cura colendi
Ornaret, canerem, biferique rosaria Paesti:
Quoque modo potis gauderent intuba rivis;
Et virides apio ripae, tortusque per herbam
Cresceret in ventrem cucumis: nec sera comantem
Narcissum, aut flexi tacuissem vimen acanthi,
Pallentisque ederae, et amantis litora myrtos.
Namque sub Oebaliae nemini me turribus altis,

Qua niger humectat flaventia culta Galaeus,
Corycium vidisse senem : cui pauca relict
Jugera ruris erant : nec fertilis illa juvencis,
Nec pecori opportuna seges, nec commoda Baccho.
Hic rarum tamen in dumis olus, albaque circum
Lilia, verbenasque premens, vescumque papaver,
Regum aequabat opes animis ; seraque revertens
Nocte domum dapibus mensas onerabat inemtis.
Primus vere rosam atque autumn
carpere poma,
Et quum tristis hinc etiamnum frigore saxa
Rumperet, et glacie cursus frenaret aquarum,
Ille comam mollis jam tum tondebat acanthi,
Aestatem increpitans seram zephyrosque morantis.
Ergo apibus foetis idem atque examini multo
Primus abundare, et spumantia cogere pressis
Mella favis : illi tiliæ, atque uberrima pinus :
Quotque in flore novo pomis se fertilis arbor
Induerat, totidem autumn
matura tenebat.
Ille etiam seras in versum distulit ulmos,
Eduramque pirum, et spinos jam pruna ferentis,
Jamque ministrantem platanum potantibus umbras.
Verum hæc ipse equidem spatiis exclusus iniquis
Praetereo, atque aliis post me memoranda relinquo.
Nunc age, naturas apibus quas Juppiter ipse
Addidit, expediam : pro qua mercede, canoros
Curetum sonitus crepitantiaque æra secutat,
Dictæo coeli Regem pavere sub antro.
Solæ communis gnatos, consortia tecta
Urbis habent, magnisque agitant sub legibus ævum :
Et patriam solæ, et certos novere penatis :
Venturaeque hiemis memores aestate laborem
Experiuntur, et in medium quaesita reponunt.
Namque aliae victu invigilant, et foedere pacto
Exercantur agris : pars intra septa domorum

Narcissi lacrimam, et lentum de cortice gluten,
Prima favis ponunt fundamina. Deinde tenacia
Suspendunt ceras: aliae, spem gentis, adultos
Educunt foetus: aliae purissima mella
Stipant: et liquido distendunt nectare cellas.
Sunt, quibus ad portas cecidit custodia sorti:
Inque vicem speculantur aquas, et nubila coeli:
Aut onera adciipiunt venientum, aut agmine facto
Ignavum, fucos, pecus a praesepebus arcent.
Fervet opus, redolentque thymo fragrantia mella.
Ac veluti, lentis Cyclopes fulmina massis
Quum properant, alii taurinis foliibus auras
Adciipiunt redduntque, alii stridentia tinguunt
Aera lacu: gemit inpositis incudibus Aetna.
Illi inter sese magna vi brachia tollunt
In numerum, versantque tenaci forcipe ferrum.
Non aliter, si parva licet componere magnis,
Cecropias innatus apes amor urguet habendi,
Munere quamque suo. Grandaevus oppida curae,
Et munire favos, et daedala fingere tecta.
At fessae multa referunt se nocte minores,
Crura thymo plenae: pascuntur et arbuta passim,
Et glaucas salices, casiamque, crocumque rubentem,
Et pinguem tiliam, et ferrugineos hyacinthos.
Omnibus una quies operum, labor omnibus unus.
Mane ruunt portis; nusquam mora. Rursus easdem
Vesper ubi e pastu tandem decedere campis
Admonuit, tum tecta petuunt, tum corpora curant.
Fit sonitus, mussantque oras et limina circum.
Post, ubi jam thalamis se composuere, siletur
In noctem, fessosque sopor suus occupat artus.
Nec vero a stabulis pluvia inpendente recedunt
Longius, aut credunt coelo adventantibus curis:
Sed circum tutae sub moenibus urbis aquantur,

Excursusque brevis tentant, et saepe lapillos,
Ut cumbae instabiles fluctu jactante saburram,
Tollunt : his sese per inania nubila librant.
Illum adeo placuisse apibus mirabere morem,
Quod nec concubitu indulgent, nec corpora segnes
In Venerem solvunt, aut foetus nixibus edunt :
Verum ipsae e foliis natos et suavis herbis
Ore legunt : ipsae regem parvosque Quirites
Sufficiunt, aulasque, et cerea regna resingunt.
Saepe etiam duris errando in cotibus alas
Attrivere, ultroque animam sub fasce dedere.
Tantus amor florum, et generandi gloria mellis.
Ergo ipsas quamvis angusti terminus aevi
Excipiat : neque enim plus septima ducitur aestas,
At genus immortale manet, multosque per annos
Stat Fortuna domus, et avi numerantur avorum.
Praeterea regem non sic Aegyptos, et ingens
Lydia, nec populi Parthorum, aut Medus Hydaspes,
Observant. Rege incolumi mens omnibus una est :
Amisso rupere fidem; constructaque mella
Diripuerunt ipsae, et crates solvere favorem.
Ille operum custos : illum admirantur, et omnes
Circumstant fremitu denso, stipantque frequentes;
Et saepe adtollunt humeris, et corpora bello
Objectant, pulchramque petunt per volnera mortem.
His quidam signis atque haec exempla secuti,
Esse apibus partem divinae mentis, et haustus
Aetherios dixere. Deum namque ire per omnis
Terrasque, tractusque maris, coelumque profundum.
Hinc pecudes, armenta, viros, genus omne ferarum,
Quemque sibi tenuis nascentem arcessere vitas.
Scilicet huc reddi deinde ac resoluta referri
Omnia : nec morti esse locum, sed viva volare
Sideris in numerum, atque alto succedere coelo.

Si quando sedem augustam, servataque mella
Thesauris relines, prius haustu sparsus aquarum
Ora fove, fumosque manu praetende sequacis.
Bis gravidos cogunt foetus, duo tempora messis,
Taygete simul os terris ostendit honestum
Plias, et Oceani spretos pede repulit amnis:
Aut eadem sidus fugiens ubi Piscis aquosi
Tristior hibernas coelo descendit in undas.
Illis ira modum supra est, laesaque venenum
Morsibus inspirant, et spicula caeca relinquunt
Adfixae venis, animasque in vulnere ponunt.
Sin duram metues hiemem, parcesque futuro,
Contusosque animos, et res miserabere fractas;
At suffire thymo, cerasque recidere inanis
Quis dubitet? nam saepe favos ignotus adedit
Stellio, et lucifugis congesta cubilia blattis:
Inmunisque sedens aliena ad pabula fucus,
Aut asper crabro inparibus se inmiscuit armis;
Aut dirum tinaeae genus, aut invisa Minervae
Laxos in foribus suspendit aranea casses.
Quo magis exhaustae fuerint, hoc acrius omnes
Incumbent generis lapsi sarcire ruinas,
Complebuntque foros, et floribus horrea textent.
Si vero (quoniam casus apibus quoque nostros
Vita tulit) tristi languebunt corpora morbo,
Quod jam non dubiis poteris cognoscere signis;
Continuo est aegris alius color: horrida voltum
Deformat macies: tum corpora luce carentum
Exportant tectis, et tristia funera ducunt:
Aut illae pedibus connexae ad limina pendent,
Aut intus clausis cunctantur in aedibus omnes,
Ignavaeque fame et contracto frigore pigrae.
Tum sonus auditur gravior, tractimque susurrant:
Frigidus ut quondam silvis inmurmurat auster:

Ut mare sollicitum stridit refluentibus undis;
 Aestuat ut clausis rapidus fornacibus ignis.
 Hic jam galbancos suadebo incendere odores,
 Mellaque arundineis inferre canalibus, ultro
 Hortantem, et fessas ad pabula nota vocantem.
 Proderit et tunsum gallae admiscere saporem,
 Arentisque rosas, aut igni pingua multo
 Defruta, vel paythia passos de vite racemos,
 Cecropiumque thymum, et grave olentia centaurea.
 Est etiam flos in pratis, cui nomen amello
 Fecere agricolae, facilis quaerentibus herba :
 Namque uno ingentem tollit de cespite silvam,
 Aureus ipse : sed in foliis, quae plurima circum
 Funduntur, violae subluet purpura nigrae.
 Saepe Defum nexis ornatae torquibus arae.
 Asper in ore sapor. Tonsis in vallibus illum
 Pastores, et curva legunt prope flumina Mellae.
 Hujus odorato radices incoque Baccho,
 Pabulaque in foribus plenis adpone canistris.

Sed si quem proles subito defecerit omnis,
 Nec, genus unde novae stirpis revocetur, habebit;
 Tempus et Arcadii memoranda inventa magistri
 Pandere, quoque modo caesis jam saepe juvenia
 Insincerus apes tulerit cruor. Altius omnem
 Expediam prima repetens ab origine famam.
 Nam qua Pellaei gens fortunata Canopi
 Adcolit effuso stagnantem flumine Nilum,
 Et circum pictis vehitur sua rura faelis;
 Quaque pharetratae vicinia Persidis urguet,
 Et viridem Aegyptum nigra fecundat arena,
 Et diversa ruens septem discurrit in ora
 Usque coloratis amnis devexus ab Indis;
 Omnis in hac certam regio jacet arte salutem.
 Exiguus primum, atque ipsos contractus ad usus

Eligitur locus. Hunc angustique imbrice tecti,
Parietibusque premunt artis, et quatuor addunt,
Quatuor a ventis obliqua luce fenestras.

Tum vitulus, bima curvans jam cornua fronte,
Quaeritur: huic geminae nares, et spiritus oris
Multa reluctanti obsuitur, plagisque peremto
Tunsa per integram solvuntur viscera pellem.
Sic positum in clauso linquunt, et ramea costis
Subjiciunt fragmenta, thymum, casiasque recentis.
Hoc geritur, zephyris primum inpellentibus undas,
Ante novis rubeant quam prata coloribus, ante
Garrula quam tignis nidum suspendat hirundo.
Interea teneris tepefactus in ossibus humor
Aestuatur, et visenda modis animalia miris,
Trunca pedum primo: mox et stridentia pennis
Miscentur, tenuemque magis magis aëra carpunt:
Donec, ut aestivis effusus nubibus imber,
Erupere; aut ut, nervo pulsante sagittae,
Prima leves ineunt si quando proelia Parthi.

Quis Deus hanc, Musae, quis nobis extudit artem?
Unde nova ingressus hominum experientia cepit?
Pastor Aristaeus fugiens Peneia Tempe,
Amisissis, ut fama, apibus morboque fameque,
Tristis ad extremi sacrum caput adstitit amnis,
Multa querens, atque hac adfatus voce parentem:
Mater Cyrene, mater, quae gurgitis hujus
Ima tenes, quid me praeclara stirpe deorum,
(Si modo, quem perhibes, pater est Thymbraeus Apollo)
Invisum fati genuisti? aut quo tibi nostri
Pulsus amor? quid me coelum sperare jubebas?
En etiam hunc ipsum vitae mortalis honorem,
Quem mihi vix frugum et pecudum custodia sollers
Omnia tentanti extuderat, te matre, relinquo.
Quin age, et ipsa manu felicitis erue silvas;

Fer stabulis inimicum ignem, atque interfice messis:
 Ure sata, et validam in vitis molire bipennem;
 Tanta meae si te ceperunt taedia laudis.
 At mater sonitum thalamo sub fluminis alti
 Sensit. Eam circum Milesia vellera Nymphae
 Carpebant, hyali saturo fucata colore:
 Drymoque, Xanthoque, Ligeaque, Phyllidoceque,
 Caesariem effusae nitidam per candida colla:
 Nesae, Spioque, Thaliaque, Cynodoceque,
 Cydippeque, et flava Lycorias; altera virgo,
 Altera tum primos Lucinae experta labores;
 Clioque et Beroë soror, Oceanitides ambae,
 Ambae auro, pictis incinctae pellibus ambae,
 Atque Ephyre, atque Opis, et Asia Deïopea;
 Et tandem positis velox Arethusa sagittis.
 Inter quas curam Clymene narrabat inanem
 Volcani, Martisque dolos, et dulcia furta;
 Aque Chao densos divum numerabat amores.
 Carmine quo captae, dum fuis mollia pensa
 Devolvunt, iterum maternas inpulit auris
 Luctus Aristaei, vitreisque sedilibus omnes
 Obstupuere: sed ante alias Arethusa sorores
 Prospiciens, summa flavum caput extulit unda.
 Et procul: O gemitu non frustra exterrita tanto,
 Cyrene soror; ipse tibi tua maxima cura
 Tristis Aristaeus Penei genitoris ad undam
 Stat lacrimans, et te crudelem nomine dicit.
 Huic percussa nova mentem formidine mater,
 Duc age, duc ad nos; fas illi limina divom
 Tangere, ait: simul alta jubet discedere late
 Flumina, qua juvenis gressus inferret. At illum
 Curvata in montis faciem circumstetit unda,
 Adcepitque sinu vasto, misitque sub amnem.
 Jamque domum mirans genetricis, et humida regna,

Speluncisque lacus elausos, lucosque sonantis,
Ibat, et ingenti motu stupefactus aquarum,
Omnia sub magna labentia flumina terra
Spectabat diversa locis, Phasimque, Lycumque,
Et caput, unde altus primum se erumpit Enipeus,
Unde pater Tiberinus, et unde Aniena fluens,
Saxosumque sonans Hypanis, Mysusque Caicus,
Et gemina auratus taurino cornua vultu
Eridanus: quo non alius per pingua culta
In mare purpureum violentior effluit amnis.
Postquam est in thalami pendentia punice tecta
Perventum, et gnati fletus cognovit inanes
Cyrene; manibus liquidos dant ordine fontis
Germanae, tonsisque ferunt mantelia villis.
Pars epulis onerant mensas, et plena reponunt
Pocula. Panchaeis adolescenti ignibus arae.
Et mater, Cape Maeonii carchesia Baechi:
Oceano libemus, ait. Simul ipsa precatur
Oceanumque patrem rerum, Nymphasque sorores,
Centum quae silvas, centum quae flumina servant.
Ter liquido ardentem perfudit nectare Vestam:
Ter flamma ad summum tecti subjecta reluxit.
Omne quo firmans animum, sic incipit ipsa:
Est in Carpathio Neptuni gurgite vates
Caeruleus Proteus, magnum qui piscibus aequor
Et juncto bipedum curru metitur equorum.
Hic nunc Emathiae portus patriamque revisit
Pallenen. Hunc et Nymphae veneramus, et ipse
Gradaevus Nereus. Novit namque omnia vates,
Quae sint, quae fuerint, quae mox ventura trahantur.
Quippe ita Neptuno visum est: inmania ejus
Armenta, et turpis pascit sub gurgite phocas.
Hic tibi, nate, prius vinclis capiendus, ut omnem
Expediat morbi causam, eventusque secundet.

Nam sine vi non ulla dabit praecepta, neque illum
 Orando flectes: vim duram et vincula capto
 Tende. Doli circum haec demum franguntur inanes.
 Ipsa ego te, medios quum sol accenderit aestus,
 Quum sitiunt herbae, et pecori jam gratior umbra est,
 In secreta senis ducam, quo fessus ab undis
 Se recipit; facile ut somno adgrediare jacentem.
 Verum ubi conreptum manibus vinclisque tenebis;
 Tum variae eludent species atque ora ferarum.
 Fiet enim subito sus horridus, atraque tigris,
 Squamosusque draco, et fulva cervice leaena:
 Aut acrem flammae sonitum dabit, atque ita vinclis
 Excidet, aut in aquas dilapsus abibit.
 Sed quanto ille magis formas se vertet in omnis,
 Tanto, gnate, magis contende tenacia vincia:
 Donec talis erit mutato corpore, qualem
 Vidcris, incepto tegeter quum lumina somno.
 Haec ait, et liquidum ambrosiae diffundit odorem:
 Quo totum nati corpus perduxit. At illi
 Dulcis compositis spiravit crinibus aura,
 Atque habilis membris venit vigor. Est specus ingens
 Exesi latere in montis, quo plurima vento
 Cogitur, inque sinus scindit sese unda reductos;
 Deprensus olim statio tutissima nautis.
 Intus se vasti Proteus tegit objice saxi.
 Hic juvenem in latebris aversum a lumine Nympha
 Conlocat: ipsa procul nebulis obscura resistit.
 Jam rapidus torrens sitientis Sirius Indos
 Ardebat; coelo et medium sol igneus orbem
 Hauserat. Arebant herbae, et cava flumina siccis
 Faucibus ad limum radii tepefacta coquebant:
 Quum Proteus consueta petens e fluctibus antra
 Ibat. Eum vasti circum gens humida ponti
 Exsultans rorem late dispersit amarum.

Sternunt se somno diversa in litore phocae.
Ipse, velut stabuli custos in montibus olim,
Vesper ubi e pastu vitulos ad tecta reducit,
Auditisque lupos acuunt balatibus agni,
Considit scopulo medius, numerumque recenset :
Cujus Aristaeo quoniam est oblata facultas,
Vix defessa senem passus componere membra,
Cum clamore ruit magno, manicisque jacentem
Occupat. Ille suae contra non inmemor artis,
Omnia transformat sese in miracula rerum,
Ignemque, horribilemque feram, fluviumque liquentem.
Verum, ubi nulla fugam reperit pellacia, victus
In sese redit, atque hominis tandem ore locutus :
Nam quis te, juvenum confidentissime, nostras
Jussit adire domus? quidve hinc petis? inquit. At ille :
Scis, Proteu, scis ipse : neque est te fallere cuiquam.
Sed tu desine velle. Deum praecepta secuti
Venimus hinc lapsis quaesitum oracula rebus.
Tantum effatus. Ad haec vates vi denique multa
Ardentis oculos intorsit lumine glauco,
Et graviter frendens, sic fati ora resolvit :
Non te nullius exercent numinis irae.
Magna luis commissa : tibi has miserabilis Orpheus
Haud quaquam ob meritum poenas, ni fata resistant,
Suscitat ; et rapta graviter pro conjuge saevit.
Illa quidem, dum te fugeret per flumina praeceps,
Inmanem ante pedes hydram moritura puella
Servantem ripas alta non vidit in herba.
At chorus aequalis Dryadum clamore supremos
Inplerunt montis. Flerunt Rhodopeiae arces,
Altaque Pangaea, et Rhesi Mavortia tellus,
Atque Getae, atque Hebrus, et Actias Orithyia.
Ipse cava solans aegrum testudine amorem,
Te, dulcis conjux, te solo in litore secum,

Te veniente die, te decedente canebat.
Taenarias etiam fauces, alta ostia Ditis,
Et caligantem nigra formidine lucum
Ingressus, Manisque adiit, Regemque tremendum,
Nesciaque humanis precibus mansuescere corda.
At cantu conmotae Erebi de sedibus imis
Umbrae ibant tenues, simulacraque luce carentum :
Quam multa in foliis avium se millia condunt,
Vesper ubi, aut hibernus agit de montibus imber :
Matres, atque viri, defunctaque corpora vita
Magnanimùm heroum, pueri, innuptaeque puellae,
Inpositique rogis juvenes ante ora parentum,
Quos circum limus niger, et deformis arundo
Cocyti, tardaue palus inamabilis unda
Adligat, et novies Styx interfusa coërcet.
Quin ipsae stupuere domus, atque intima Lethi
Tartara, caeruleosque inplexae crinibus anguis
Eumenides, tenuitque inhians tria Cerberus ora,
Atque Ixionii vento rota constitit orbis.
Jamque pedem referens casus evaserat omnis,
Redditaque Eurydice superas veniebat ad auras,
Pone sequens; namque hanc dederat Proserpina legem :
Quum subita incautum dementia cepit amantem,
Ignoscenda quidem, scirent si ignoscere Manes.
Restitit, Eurydicenque suam jam luce sub ipsa
Inmemor, heu ! victusque animi respexit. Ibi omnis
Effusus labor, atque inmitis rupta tyranni
Foedera, terque fragor stagnis auditus Avernis.
Illa, Quis et me, inquit, miseram, et te perdidit, Orpheu?
Quis tantus furor? en iterum crudelia retro
Fata vocant, conditque natantia lumina somnus.
Jamque vale. Feror ingenti circumdata nocte,
Invalidasque tibi tendens, heu non tua, palmas!
Dixit. Et ex oculis subito, ceu fumus in auras

Conmixtus tenuis, fugit diversa : neque illum,
Prensantem nequicquam umbras, et multa volentem
Dicere, praeterea vidit : nec portitor Orci
Amplius objectam passus transire paludem.
Quid faceret ? quo se rapta bis conjuge ferret ?
Quo fletu Manis, qua Numina voce moveret ?
Illa quidem Stygia nabat jam frigida cumba.
Septem illum totos perhibent ex ordine mensis
Rupe sub aëria deserti ad Strymonis undam
Flevisse, et gelidis haec evolvisse sub antris,
Mulcentem tigris, et agentem carmine quercus.
Qualis populea moerens philomela sub umbra
Amisos queritur foetus ; quos durus arator
Observans nido inplumis detraxit : at illa
Flet noctem, ramoque sedens miserabile carmen
Integrat, et moestis late loca questibus inplet.
Nulla Venus, non ulli animum flexere hymenaei.
Solut Hyperboreas glacies, Tanaimque nivalem,
Arvae Rhipaeis numquam viduata pruinis
Lustrabat, raptam Eurydicen, atque irrita Ditis
Dona querens. Spretæ Ciconum quo munere matres,
Inter sacra Deum, nocturnique.orgia Bacchi,
Discerptum latos juvenem sparsere per agros.
Tum quoque marmorea caput a cervice revolsum,
Gurgite quum medio portans Oeagrius Hebrus
Volveret, Eurydicen vox ipsa et frigida lingua,
Ah miseram Eurydicen ! anima fugiente vocabat :
Eurydicen toto referebant flumine ripae.
Haec Proteus : et se jactu dedit aequor in altum.
Quaque dedit, spumantem undam sub vertice torsit.
At non Cyrene : namque ultro adfata timentem :
Nate, licet tristis animo deponere curas.
Haec omnis morbi causa : hinc miserabile Nymphae,
Cum quibus illa choros lucis agitabat in altis,

Exitium misere apibus. Tu munera supplex
 Tende petens pacem, et faciles venerare Napaeas.
 Namque dabunt veniam votis, irasque remittent.
 Sed, modus orandi qui sit, prius ordine dicam.
 Quatuor eximios praestanti corpore tauros,
 Qui tibi nunc viridis depascunt summa Lycei,
 Delige, et intacta totidem cervice juvencas.
 Quatuor his aras alta ad delubra dearum
 Constitue, et sacrum jugulis demitte cruorem :
 Corporaque ipsa boum frondoso desere luco.
 Post, ubi nona suos Aurora ostenderit ortus,
 Inferias Orphei Lethaea papavera mittes,
 Placatam Eurydicen vitula venerabere caesa,
 Et nigram mactabis ovem, lucumque revises.
 Haud mora : continuo matris praecepta facessit :
 Ad delubra venit ; monstratas excitat aras ;
 Quatuor eximios praestanti corpore tauros
 Ducit, et intacta totidem cervice juvencas.
 Post, ubi nona suos Aurora induxerat ortus,
 Inferias Orphei mittit, lucumque revisit.
 Hic vero subitum ac dictu mirabile monstrum
 Adspiciunt, liquefacta boum per viscera toto
 Stridere apes utero, et ruptis effervere costis ;
 Immensasque trahi nubes : jamque arbore summa
 Confluere, et lentis uvam demittere ramis.

Haec super arborum cultu pecorumque canebam,
 Et super arboribus : Caesar dum magnus ad altum
 Fulminat Euphraten bello, victorque volentis
 Per populos dat jura, viamque adfectat Olympo.
 Illo Virgilium me tempore dulcis alebat
 Parthenope, studiis florentem ignobilis oti :
 Carmina qui lusi pastorum, audaxque juvena,
 Tityre, te patulae cecini sub tegmine fagi.

P U B L I I
V I R G I L I I
M A R O N I S
A E N E I D O S

L I B E R P R I M U S .

*Ille ego, qui quondam gracili modulatus avena
Carmen, et egressus silvis, vicina coëgi,
Ut quamvis avido parerent arva colono,
Gratum opus agricolis: at nunc borrentia Martis*

ARMA, virumque cano, Trojae qui primus ab oris
Italiam, fato profugus, Lavinia venit
Litora. Multum ille et terris jactatus et alto
Vi superùm, saevae memorem Junonis ob iram :
Multa quoque et bello passus, dum conderet urbem,
Inferretque deos Latio. Genus unde Latinum,
Albanique patres, atque altae moenia Romae.
Musa, mihi caussas memora, quo numine laeso,
Quidve dolens Regina Deùm, tot volvere casus
Insignem pietate virum, tot adire labores
Impulerit. Tantaene animis coelestibus irae !

Urbs antiqua fuit, Tyrii tenuere coloni,
Carthago, Italiam contra Tiberinaque longe
Ostia, dives opum, studiisque asperrima belli :
Quam Juno fertur terris magis omnibus unam
Posthabita coluisse Samo. Hic illius arma,
Hic currus fuit : hoc regnum dea gentibus esse,
Si qua fata sinant, jam tum tenditque fovetque.

N

Progeniem sed enim Trojano a sanguine duci
Audierat, Tyrias olim quae verteret arces.
Hinc populum, late regem, belloque superbum,
Venturum excidio Libyae: sic volvere Parcas.
Id metuens, veterisque memor Saturnia belli,
Prima quod ad Trojam pro caris gesserat Argis.
Nec dum etiam caussae irarum saevique dolores
Exciderant animo. Manet alta mente repostum
Judicium Paridis, spretaeque injuria formae;
Et genus invisum, et rapti Ganymedis honores.
His adcesa super, jactatos aequore toto
Troas, reliquias Danaûm atque inmitis Achilli,
Arcebat longe Latio: multosque per annos
Errabant acti fati maria omnia circum.
Tantae molis erat Romanam condere gentem.

Vix e conspectu Siculae telluris in altum
Vela dabant laeti, et spumas salis aere ruebant;
Quum Juno, aeternum servans sub pectore vulnus,
Haec secum: Mene incepto desistere victam,
Nec posse Italiâ Teucrorum avertere regem?
Quippe vetor fati. Pallasne exurere classem
Argivûm, atque ipsos potuit submergere ponto,
Unius ob noxam et furias Ajacis Oilci?
Ipsa, Jovis rapidum jaculata e nubibus ignem,
Disjecitque rates, evertitque aequora ventis:
Illum expirantem transfixo pectore flammâ
Turbine conripuit, scopuloque infixit acuto.
Ast ego, quae divom incedo regina, Jovisque
Et soror et conjux, una cum gente tot annos
Bella gero. Et quisquam numen Junonis adoret
Praeterea, aut supplex aris inponat honorem?
Talia flammato secum Dea corde volutans,
Nimborum in patriam, loca foeta furentibus austris,
Aeoliam venit. Hic vasto rex Aeolus antro

Luctantis ventos tempestatesque sonoras
 Imperio premit, ac vinclis et carcere frenat.
 Illi indignantes magno cum murmure montis
 Circum claustra fremunt. Celsa sedet Aeolus arce
 Sceptra tenens, mollitque animos, et temperat iras.
 Ni faciat, maria ac terras coelumque profundum
 Quippe ferant rapidi secum, verrantque per auras.
 Sed pater omnipotens speluncis abdidit atris,
 Hoc metuens: molemque et montis insuper altos
 Inposuit, regemque dedit, qui foedere certo
 Et premere, et laxas sciret dare jussus habenas.
 Ad quem tum Juno supplex his vocibus usa est:
 Aeole, (namque tibi divom pater atque hominum rex
 Et mulcere dedit fluctus et tollere vento)
 Gens inimica mihi Tyrrhenum navigat aequor,
 Ilium in Italiam portans, victosque Penates:
 Incute vim ventis, submersasque obrue puppes:
 Aut age diversos: et disjice corpora ponto.
 Sunt mihi bis septem praestanti corpore Nymphae,
 Quarum, quae forma pulcherrima, Deïpeam
 Connubio jungam stabili, propriamque dicabo:
 Omnis ut tecum meritis pro talibus annos
 Exigat, et pulchra faciat te prole parentem.
 Aeolus haec contra: Tuus, o regina, quid optes
 Explorare labor: mihi jussa capessere fas est.
 Tu mihi, quodcumque hoc regni, tu sceptra Jovemque
 Concilias: tu das epulis adcumbere divom,
 Nimborumque facis tempestatumque potentem.

Haec ubi dicta, cavum conversa cuspide montem
 Impulit in latus: ac venti, velut agmine facto,
 Qua data porta, ruunt, et terras turbine perfliant.
 Incubere mari, totumque a sedibus imis
 Una Euruset Notuset ruunt, creberque procellis
 Africus, et vastos volvunt ad litora fluctus.

Insequitur clamorque virum stridorque rudentum.
Eripiunt subito nubes coelumque diemque
Teucrorum ex oculis: ponto nox incubat atra.
Intonuere poli, et crebris micat ignibus aether:
Praesentemque viris intentant omnia mortem.
Extemplo Aeneae solvuntur frigore membra.
Ingemit, et, duplicis tendens ad sidera palmas,
Talia voce refert: O terque quaterque beati!
Quis ante ora patrum Trojae sub moenibus altis
Contigit oppetere! o Danaum fortissime gentis
Tydide, mene Iliacis occumbere campis
Non potuisse, tuaque animam hanc effundere dextra?
Saevus ubi Aeacidae telo jacet Hector, ubi ingens
Sarpedon: ubi tot Simois conrepta sub undis
Scuta virum galeasque et fortia corpora volvit.
Talia jactanti stridens aquilone procella
Velum adversa ferit, fluctusque ad sidera tollit.
Franguntur remi: tum prora avertit, et undis
Dat latus. Insequitur cumulo praeruptus aquae mons.
Hi summo in fluctu pendent: his unda dehiscens
Terram inter fluctus aperit. Furit aestus arenis.
Tris notus abreptas in saxa latentia torquet:
Saxa vocant Itali, mediis quae in fluctibus, aras.
Dorsum inmane mari summo. Tris Eurus ab alto
In brevia et Syrtis urguet, miserabile visu,
Inliditque vadis, atque aggere cingit arenae.
Unam, quae Lycios fidumque vehebat Oronten,
Ipsius ante oculos ingens a vertice pontus
In puppim ferit. Excutitur, pronusque magister
Volvitur in caput. Ast illam ter fluctus ibidem
Torquet agens circum, et rapidus vorat aequore vortex.
Adparent rari nantes in gurgite vasto;
Arma virum, tabulaeque, et Troia gaze per undas.
Jam validam Ilionei navem, jam fortis Achatae,

Et qua vectas Abas, et qua grandaevus Aletes,
Vicit hiems. Laxis laterum conpagibus omnes
Adcipiunt inimicum imbrem, rimisque fatiscunt.

Interea magno misceri murmure pontum,
Emissamque hiemem sensit Neptunus, et imis
Stagna refusa vadis: graviter commotus, et alto
Prospiciens, summa placidum caput extulit unda.
Disiectam Aeneae toto videt aequore classem:
Fluctibus oppressos Troas, coelique ruina.
Nec latuere doli fratrem Junonis et irae.
Eurum ad se Zephyrumque vocat. Dehinc talia fatur:
Tantane vos generis tenuit fiducia vestri?
Jam coelum terramque meo sine numine, venti,
Miscere, et tantas audetis tollere moles?
Quos ego. Sed motos praestat componere fluctus.
Post mihi non simili poena commissa luctis.
Maturate fugam, regique haec dicite vestro:
Non illi imperium pelagi saevumque tridentem,
Sed mihi sorte datum. Tenet ille inmania saxa,
Vestras, Eure, domos. Illa se jactet in aula
Aeolus, et clauso ventorum carcere regnet.
Sic ait, et dicto citius tumida aequora placat:
Conlectasque fugat nubes, solemque reducit.
Cymothoë, simul et Triton adnexus, acuto
Detrudunt navis scopulo. Levat ipse tridenti:
Et vastas aperit Syrtis, et temperat aequor:
Atque rotis summas levibus perlabitur undas.
Ac, veluti magno in populo quum saepe coorta est
Seditio, saevitque animis ignobile volgus;
Jamque faces et saxa volant; furor arma ministrat:
Tum, pietate gravem ac meritis si forte virum quem
Conspexere, silent; adrectisque auribus adstant:
Ille regit dictis animos, et pectora mulcet.
Sic cunctus pelagi cecidit fragor, aequora postquam

Prospiciens genitor, coeloque invectus aperto
Flectit equos, curruque volans dat lora secundo.

Defessi Aeneadae, quae proxima, litora cursu
Contendunt petere, et Libyae vertuntur ad oras.
Est in secessu longo locus. Insula portum
Efficit objectu laterum, quibus omnis ab alto
Frangitur, inque sinus scindit sese uada reductos.
Hinc atque hinc vastae rupes, geminique minantur
In coelum scopuli: quorum sub vertice late
Aequora tuta silent. Tum silvis scaena coruicis
Desuper, horrentique atrum nemos imminet umbra.
Fronte sub adversa scopulis pendentibus antrum:
Intus aquae dulces, vivoque sedilia saxo;
Nympharum domus. Hic fessas non vincula navis
Ulla tenent: unco non adligat anchora morsu.
Huc septem Aeneas conlectis navibus omni
Ex numero subit: ac magno telluris amore
Egressi optata potiuntur Troës arena,
Et sale tabentis artus in litore ponunt.
Ac primum silici scintillam excudit Achates,
Suscepitque ignem foliis, atque arida circum
Nutrimenta dedit, rapuitque in fomite flammam.
Tum Cererem corruptam undis, Cerealiaque arma
Expediunt fessi rerum; frugesque receptas
Et torrere parant flammis, et frangere saxo.
Aeneas scopulum interea conscendit, et omnem
Prospectum late pelago petit; Anthea si quem
Jactatum vento videat, Phrygiasque biremis,
Aut Capyn, aut celsis in puppibus arma Caïci.
Navem in conspectu nullam. Tris litore cervos
Prospicit errantis: hos tota armenta sequuntur
A tergo, et longum per vallis pascitur agmen.
Constitit hic, arcumque manu celerisque sagittas
Conripuit; fidus quae tela gerebat Achates;

Ductoresque ipsos primum, capita alta ferentis
Cornibus arboreis, sternit; tum volgus: et omnem
Miscet agens telis nemora inter frondea turbam.
Nec prius absistit, quam septem ingentia victor
Corpora fundat humi, et numerum cum navibus aequet.
Hinc portum petit, et socios partitur in omnis.
Vina, bonus quae deinde cadis onerarat Acestes
Litore Trinacrio, dederatque abeuntibus heros,
Dividit, et dictis maerentia pectora raulcet:

O socii, neque enim ignari sumus ante malorum,
O passi graviores; dabit deus his quoque finem.
Vos et Scyllaeam rabiem penitusque sonantis
Adcestis scopulos: vos et Cyclopia saxa
Experti. Revocate animos, maestumque timorem
Mittite. Forsan et haec olim meminisse juvabit.
Per varios casus, per tot discrimina rerum,
Tendimus in Latium: sedes ubi fata quietas
Ostendunt. Illic fas regna resurgere Trojae.
Durate, et vosmet rebus servate secundis.

Talia voce refert: curisque ingentibus aeger
Spem vultu simulat, premit altum corde dolorem.
Illi se praedae adcingunt, dapibusque futuris:
Tergora deripiunt costis, et viscera nudant.
Pars in frusta secant, veribusque trementia figunt:
Litore aëna locant alii, flammisque ministrant.
Tum victu revocant vires: fusique per herbam
Implentur veteris Bacchi, pinguisque ferinae.
Postquam exempta fames epulis, mensaeque remotae,
Amisso longo socios sermone requirunt;
Spemque metumque inter dubii: seu vivere credant,
Sive extrema pati, nec jam exaudire vocatos.
Praecipue pius Aeneas, nunc acris Oronti,
Nunc Amyci casum gemit, et crudelia secum
Fata Lyci, fortemque Gyan, fortemque Cloanthum.

Et jam finis erat : quum Juppiter aethere summo
Despiciens mare velivolum terrasque jacentis,
Litoraue, et latos populos, sic vertice coeli
Constitit, et Libyae defixit lumina regnis.
Atque illum talis jactantem pectore curas
Tristior, et lacrimis oculos suffusa nitentia,
Adloquitur Venus : O qui res hominumque deûmque
Aeternis regis imperiis, et fulmine terres,
Quid meus Aeneas in te committere tantum,
Quid Troës potuere ? quibus, tot funera passis,
Cunctus ob Italiam terrarum clauditur orbis ?
Certe hinc Romanos olim, volventibus annis,
Hinc fore ductores, revocato a sanguine Teucri,
Qui mare, qui terras omni ditione tenerent,
Pollicitus. Quae te, Genitor, sententia vertit ?
Hoc equidem occasum Trojae tristisque ruinas
Solabar, fatas contraria fata rependens.
Nunc eadem fortuna viros tot casibus actos
Insequitur. Quem das finem, Rex magne, laborum ?
Antenor potuit, mediis elapsus Achivis,
Illyricos penetrare sinus, atque intima tutus
Regna Liburnorum, et fontem superare Timavi :
Unde per ora novem vasto cum murmure montis
It mare proruptum, et pelago premit arva sonanti.
Hic tamen ille urbem Patavî, sedesque locavit
Teucrorum, et genti nomen dedit, armaque fixit
Troja. Nunc placida conpostus pace quiescit.
Nos, tua progenies, coeli quibus adnuis arcem,
Navibus, infandum, amissis, unius ob iram
Prodimur, atque Italis longe disjungimur oris.
Hic pietatis honos ? sic nos in sceptrâ reponis ?
Olli subridens hominum sator atque deorum,
Vultu, quo coelum tempestatesque serenat,
Oscula libavit natae. Dehinc talia fatur.

Parce metu, Cytherea. Manent inmota tuorum
Fata tibi. Cernes urbem et promissa Lavini
Moenia, sublimemque feres ad sidera coeli
Magnanimum Aenean: neque me sententia vertit.
Hic (tibi fabor enim, quando haec te cura remordet,
Longius et volvens fatorum arcana movebo)
Bellum ingens geret Italiâ, populosque ferocis
Contundet; moresque viris et moenia ponet:
Tertia dum Latio regnantem viderit aestas,
Ternaque transierint Rutulis hiberna subactis.
At puer Ascanius, cui nunc cognomen Iulo
Additur, ille erat, dum res stetit Ilia regno,
Triginta magnos volvendis mensibus orbis
Imperio explebit, regnumque ab sede Lavini
Transferet, et longam multa vi munit Albam.
Hic jam ter centum totos regnabitur annos
Gente sub Hectorea; donec regina sacerdos
Marte gravis geminam partu dabit Ilia prolem.
Inde lupae fulvo nutricis tegmine laetus
Romulus excipiet gentem, et Mavortia condet
Moenia, Romanosque suo de nomine dicet.
His ego nec metas rerum, nec tempora pono:
Imperium sine fine dedi. Quin aspera Iuno,
Quae mare nunc terrasque metu coelumque fatigat,
Consilia in melius referet, mecumque fovebit
Romanos rerum dominos, gentemque togatam.
Sic placitum. Veniet lustris labentibus aetas,
Quum domus Assaraci Phthianâ clarasque Mycenâs
Servitio preinet, ac victis dominabitur Argis.
Nascetur pulchra Trojanus origine Caesar,
(Imperium Oceano, famam qui terminet astris;)
Julius, a magno demissum nomen Iulo.
Hunc tu olim coelo, spoliis Orientis onustum,
Adcipies secura. Vocabitur hic quoque votis.

O

Aspera tum positis mitescent secula bellis.
Cana Fides, et Vesta, Remo cum fratre Quirinus
Jura dabunt: dirae ferro et compagibus artis
Claudentur belli portae. Furor inpius intus
Saeva sedens super arma, et centum vinctus aënis
Post tergum nodis, fremet horridus ore cruento.
Haec ait: et Maja genitum demittit ab alto;
Ut terrae, utque novae pateant Carthaginis arces
Hospitio Teucris: ne fati nescia Dido
Finibus arceret. Volat ille per aëra magnum
Remigio alarum: ac Libyae citus adstitit oris.
Et jam jussa facit: ponuntque ferocia Poeni
Corda, volente deo. In primis regina quietum
Adcipit in Teucros animum, mentemque benignam.

At pius Aeneas, per noctem plurima volvens,
Ut primum lux alma data est, exire; locosque
Explorare novos, quas vento adcesserit oras:
Qui teneant, nam inculta videt, hominesne, feraene,
Quaerere constituit, sociisque exacta referre.
Classem in convexo nemorum, sub rupe cavata,
Arboribus clausam circum atque horrentibus umbris
Occulit. Ipse uno graditur comitatus Achate;
Bina manu lato crispans hastilia ferro.
Cui mater media sese tulit obvia silva,
Virginis os habitumque gerens, et virginis arma
Spartanae: vel qualis equos Threïssa fatigat
Harpalyce, volucremque fuga praevertitur Hebrum.
Nanique humeris de moreabilem suspenderat arcum
Venatrix, dederatque comam diffundere ventis;
Nuda genu, nodoque sinus conlecta fluentis.
Ac prior, Heus, inquit, juvenes, monstrate mearum
Vidistis si quam hic errantem forte sororum,
Succinctam pharetra et maculosae tegmine lyncis,
Aut spumantis aprî cursum clamore prementem.

Sic Venus; et Veneris contra sic filius orsus:
Nulla tuarum audita mihi neque visa sororum,
O, quam te memorem? virgo. Namque haud tibi voltus
Mortalis, nec vox hominem sonat. O, dea certe;
An Phoebi soror, an Nympharum sanguinis una?
Sis felix, nostrumque leves quaecumque laborem:
Et quo sub coelo tandem, quibus orbis in oris
Jactemur, doceas. Ignari hominumque locorumque
Erramus, vento huc et vastis fluctibus aeti.
Multa tibi ante aras nostra cadet hostia dextra.
Tum Venus: Haud equidem tali me dignor honore:
Virginibus Tyriis mos est gestare pharetram,
Purpureoque alte suras vincere cothurno.
Punica regna vides, Tyrios, et Agenoris urbem:
Sed fines Libyci, genus intractabile bello.
Imperium Dido Tyria regit urbe profecta,
Germanum fugiens. Longa est injuria, longae
Ambages. Sed summa sequar fastigia rerum.
Huic conjux Sychaeus erat, ditissimus agri
Phoenicum, et magno miserae dilectus amore:
Cui pater intactam dederat, primisque jugarat
Omnibus. Sed regna Tyri germanus habebat
Pygmalion, scelere ante alios inmanior omnis.
Quos inter medius venit Furor. Ille Sychaeum
Inpius ante aras, atque auri caecus amore,
Clam ferro incautum superat, securus amorum
Germanae: factumque diu celavit, et aegram,
Multa malus, simulans, vana spe lusit amantem.
Ipsa sed in somnis inhumati venit imago
Conjugis; ora modis adtollens pallida miris,
Crudelis aras, trajectaque pectora ferro
Nudavit; caecumque domus scelus omne retexit.
Tum celerare fugam patriaque excedere suadet,
Auxiliumque viae veteres tellure recludit

Thesuros, ignotum argenti pondus et auri.
His commota fugam Dido sociosque parabat.
Conveniunt, quibus aut odium crudele tyranni,
Aut metus acer erat : navis, quae forte paratae.
Conripiunt, onerantque auro. Portantur avari
Pygmalionis opes pelago. Dux femina facti.
Devenere locos, ubi nunc ingentia cernes
Moenia, surgentemque novae Carthaginis arcem :
Mercatique solum, facti de nomine Byrsam,
Taurino quantum possent circumdare tergo.
Sed vos qui tandem, quibus aut venistis ab oris,
Quove tenetis iter ? Quaerenti talibus ille
Suspirans, imoque trahens a pectore vocem :
O dea, si prima repetens ab origine pergam,
Et vacet annalis nostrorum audire laborum ;
Ante diem clauso componet vesper Olympo.
Nos Troja antiqua, si vestras forte per auris
Trojae nomen iit, diversa per aequora vectos
Forte sua Libycis tempestas adpulit oris.
Sum pius Aeneas, raptos qui ex hoste Penates
Classe veho mecum, fama super aethera notus.
Italiam quaero patriam, genus ab Jove summo.
Bis denis Phrygium conscendi navibus aequor ;
Matre dea monstrante viam, data fata secutus,
Vix septem convolsae undis euroque supersunt.
Ipse ignotus, egens, Libyae deserta peragro,
Europa atque Asia pulsus. Nec plura querentem
Passa Venus medio sic interfata dolore est.
Quisquis es, haud, credo, invisus coelestibus auras
Vitales carpis, Tyriam qui adveneris urbem.
Perge modo, atque hinc te reginae ad limina perfer.
Namque tibi reduces socios classemque relatum
Nuntio, et in tutum versis aquilonibus actam :
Ni frustra augurium vani docuere parentes. ^o

Adspice bis senos laetantis agmine Cycnos,
Aetheria quos lapsa plaga Jovis ales aperto
Turbabat coelo: nunc terras ordine longo
Aut capere, aut captas jam despectare videntur.
Ut reduces illi ludunt stridentibus alis,
Et coetu cinxere polum, cantusque dedere;
Haud aliter puppesque tuae pubesque tuorum
Aut portum tenet, aut pleno subit ostia velo.
Perge modo, et qua te ducit via, dirige gressum. -
Dixit, et avertens rosea cervice refulsit,
Ambrosiaeque comae divinum vertice odorem
Spiravere: pedes vestis defluxit ad imos,
Et vera incessu patuit dea. Ille, ubi matrem
Adgnovit, tali fugientem est voce secutus:
Quid natum toties, crudelis tu quoque, falsis
Ludis imaginibus? cur dextrae jungere dextram
Non datur, ac veras audire et reddere voces?
Talibus incusat, gressumque ad moenia tendit.
At Venus obscuro gradientis aëre saepsit;
Et multo nebulae circum dea fudit amictu:
Cernere ne quis eos, neu quis contingere posset,
Molirive moram, aut veniendi poscere caussas.
Ipsa Paphum sublimis abit, sedesque revisit
Laeta suas: ubi templum illi, centumque Sabaeo
Ture calent arae, sertisque recentibus halant.

Conripuere viam interea, qua scimita monstrat.
Jamque adscendebant collem, qui plurimus urbi
Inminet, adversasque adspectat desuper arces.
Miratur molem Aeneas, magalia quondam:
Miratur portas, strepitumque, et strata viarum.
Instant ardentes Tyrii: pars ducere muros,
Molirique arcem, et manibus subvolvere saxa:
Pars optare locum tecto, et concludere sulco.
Jura, magistratusque legunt, sanctumque senatum.

Hic portus alii effodiunt: hic alta theatri
Fundamenta locant alii; inmanisque columnas
Rupibus excidunt, scaenis decora alta futura.
Qualis apes aestate nova per florea rura
Exercet sub sole labor; quum gentis adultos
Educunt foetus, aut quum liquentia mella
Stipant, et dulci distendunt nectare cellas:
Aut onera adcipiunt venientum, aut agmine facto
Ignavum fucos, pecus a praesepibus arcent.
Fervet opus, redolentque thymo fragrantia mella.
O fortunati, quorum jam moenia surgunt!
Aeneas ait, et fastigia suspicit urbis.
Infert se saeptus nebula, mirabile dictu,
Per medios, miscetque viris; neque cernitur ulli.

Lucus in urbe fuit media, lactissimus umbrae,
Quo primum jactati undis et turbine Poeni
Effodere loco signum, quod regia Juno
Monstrarat, caput acris equi. Sic nam fore bello
Egregiam, et facilem victu per secula gentem.
Hic templum Junoni ingens Sidonia Dido
Condebat, donis opulentum et numine divae:
Aerea cui gradibus surgebant limina, nexaeque
Aere trabes: foribus cardo stridebat aënis.
Hoc primum in luco nova res oblata timorem
Leniit. Hic primum Aeneas sperare salutem
Ausus, et adflictis melius confidere rebus.
Namque, sub ingenti lustrat dum singula templo
Reginam opperiens, dum quae fortuna sit urbi,
Artificumque manus inter se operumque laborem
Miratur, videt Iliacas ex ordine pugnas,
Bellaque jam fama totum volgata per orbem,
Atridas, Priamumque, et saevum ambobus Achillem.
Constitit; et lacrimans, Quis jam locus, inquit, Achate,
Quae regio in terris nostri non plena laboris?

En Priamus. Sunt hîc etiam sua praemia laudi:
Sunt laerimae rerum: et mentem mortalia tangunt.
Solve metus. Feret haec aliquam tibi fama salutem.
Sic ait, atque animum pictura pascit inani
Multa gemens, largoque humectat flumine voltum.
Namque videbat, uti bellantes Pergama circum
Hac fugerent Graji, premeret Trojana juvenus:
Hac Phryges; instaret curru cristatus Achilles,
Nec procul hinc Rhesi niveis tentoria velis
Adgnoscat lacrimans; primo quae prodita somno
Tydides multa vastabat caede eruentus:
Ardentisque avertit equos in castra, prius quam
Pabula gustassent Trojae Xanthumque bibissent.
Parte alia fugiens amissis Troilus armis,
Infelix puer, atque inpar congressus Achilli,
Fertur equis, curruque haeret resopinus inani,
Lora tenens tamen. Huic cervixque comaeque trahuntur
Per terram, et versa pulvis inscribitur hasta.
Interea ad templum non aequae Palladis ibant
Crinibus Iliades passis, peplumque ferebant
Suppliciter tristes, et tunsae pectora palmis.
Diva solo fixos oculos aversa tenebat.
Ter circum Iliacos raptaverat Hectora muros,
Exanimumque auro corpus vendebat Achilles.
Tum vero ingentem gemitum dat pectore ab imo:
Ut spolia, ut currus, utque ipsum corpus amici,
Tendentemque manus Priamum conspexit inermis.
Se quoque principibus permixtum agnovit Achivis,
Eoasque acies, et nigri Memnonis arma.
Ducit Amazonidum lunatis agmina peltis
Penthesilea furens, mediisque in millibus ardet,
Aurea subnectens exsertae cingula mammae,
Bellatrix, audetque viris concurrere virgo.
Haec dum Dardanio Aeneae miranda videntur,

Dum stupet, obtutuque haeret defixus in uno;
Regina ad templum, forma pulcherrima, Dido
Incessit, magna juveum stipante caterva.
Qualis in Eurotae ripis, aut per juga Cynthi
Exercet Diana choros; quam mille secutae
Hinc atque hinc glomerantur Oreades, illa pharetram
Fert humero, gradiensque deas supereminet omnis:
Latonae tacitum pertentant gaudia pectus.
Talis erat Dido: talem se laeta ferebat
Per medios, instans operi regnisque futuris.
Tum foribus divae, media testudine templi,
Septa armis, solioque alte subnixa resedit.
Jura dabat legesque viris: operumque laborem
Partibus aequabat justis, aut forte trahebat:
Quum subito Aeneas concursu adcedere magno
Anthea Sergestumque videt, fortemque Cloanthum,
Teucrorumque alios: ater quos aequore turbo
Dispulerat, penitusque alias avexerat oras.
Obstupuit simul ipse, simul percussus Achates
Laetitiaque metuque, avidi conjungere dextas
Ardebant: sed res animos incognita turbat.
Dissimulant; et nube cava speculantur amicti,
Quae fortuna viris; classem quo litore linquant;
Quid veniant. Cunctis nam lecti navibus ibant,
Orantes veniam, et templum clamore petebant.

Postquam introgressi, et coram data copia fandi;
Maxumus Ilioneus placido sic pectore coepit:
O Regina, novam cui condere Juppiter urbem,
Justitiaque dedit gentis frenare superbas,
Troës te miseri, ventis maria omnia vecti,
Oramus: prohibe infandos a navibus ignis;
Parce pio generi, et propius res adspice nostras.
Non nos aut ferro Libycos populare Penates
Venimus, aut raptas ad litora vertere praedas:

Non ea vis animo, nec tanta superbia victis.
Est locus, Hesperiam Graji cognomine dicunt,
Terra antiqua, potens armis, atque ubere glebae :
Qenotri coluere viri : nunc fama, minores
Italiam dixisse ducis de nomine gentem.
Huc cursus fuit.

Quum subito adsurgens fluctu nimbosus Orion
In vada caeca tulit, penitusque procacibus austris,
Perque undas, superante salo, perque invia saxa
Dispulit. Huc pauci vestris adnavimus oris.
Quod genus hoc hominum, quaeve hunc tam barbara morem
Permittit patria ? hospitio prohibemur arenae.
Bella cient, primaque vetant consistere terra.
Si genus humanum et mortalia temnitis arma ;
At sperate deos memores fandi atque nefandi.
Rex erat Aeneas nobis, quo justior alter
Nec pietate fuit, nec bello major et armis.
Quem si fata virum servant, si vescitur aura
Aetheria, neque adhuc crudelibus occubat umbris ;
Non metus, officio nec te certasse priorem
Poeniteat. Sunt et Siculis regionibus urbes,
Armaque, Trojanoque a sanguine clarus Acestes.
Quassatam ventis liceat subducere classem,
Et silvis aptare trabes, et stringere remos.
Si datur Italiam, sociis et rege recepto,
Tendere, ut Italiam laeti Latiumque petamus.
Sin absunta salus, et te, pater optume Teucrum,
Pontus habet Libyae, nec spes jam restat Iuli ;
At freta Sicaniae saltem, sedesque paratas,
Unde huc advecti, regemque petamus Acesten.
Talibus Ilioneus. Cuncti simul ore fremebant -
Dardanidae.

Tum breviter Dido, voltum demissa, profatur :
Solvite corde metum, Teucri : secludite curas.

P

Res dura, et regni novitas me talia cogunt
Moliri, et late finis custode tueri.

Quis genus Aeneadum, quis Trojae nesciat urbem,
Virtutesque virosque, aut tanti incendii belli?
Non obtusa adeo gestamus pectora Poeni:
Nec tam aversus equos Tyria Sol jungit ab urbe.
Seu vos Hesperiam magnam, Saturniaque arva,
Sive Erycis fines, regemque optatis Acesten;
Auxilio tutos dimittam, opibusque juvabo.
Vultis et his mecum pariter considerare regnis?
Urbem quam statuo, vestra est. Subducite naves.
Tros Tyriusque mihi nullo discrimine agetur.
Atque utinam rex ipse, noto compulsus eodem,
Adforet Aeneas! equidem per litora certos
Dimittam, et Libyae lustrare extrema jubebo;
Si quibus ejectus silvis, aut urbibus errat.

His animum adrecti dictis, et fortis Achates,
Et pater Aeneas, jamdudum erumpere nubem
Ardebant. Prior Aeneas compellat Achates:
Nate dea, quae nunc animo sententia surgit?
Omnia tuta vides: classem, sociosque receptos.
Unus abest, medio in fluctu quem vidimus ipsi
Submersum: dictis respondent cetera matris.
Vix ea fatus erat, quum circumfusa repente
Scindit se nubes, et in aethera purgat apertum.
Restitit Aeneas, claraque in luce refulsit,
Os homerosque deo similis: namque ipsa decorata
Caesariem nato genetrix, lumenque juventae
Purpureum, et laetos oculis adflarat honores.
Quale manus addunt ebori decus, aut ubi flavo
Argentum Pariusve lapis circumdatur auro.
Tum sic reginam adloquitur, cunctisque repente
Inprovisus ait: Coram, quem quaeritis, adsum
Troius Aeneas, Libycis creptus ab undis.

O sola infandos Trojae miserata labores,
 Quae nos, reliquias Danaûm, terraeque marisque
 Omnibus exhaustos jam casibus, omnium egenos,
 Urbe, domo, socias. Grates persolvere dignas
 Non opis est nostrae, Dido: nec quidquid ubique est
 Gentis Dardaniae, magnum quae sparsa per orbem.
 Di tibi, si qua pios respectant numina, si quid
 Usquam justitiae est, et mens sibi conscia recti,
 Praemia digna ferant. Quae te tam laeta tulerunt
 Secula? qui tanti talem genuere parentes?
 In freta dum fluvii current, dum montibus umbrae
 Lustrabunt convexa, polus dum sidera pascet;
 Semper honos, nomenque tuum, laudesque manebunt:
 Quae me cumque vocant terrae. Sic fatus, amicum
 Ilionea petit dextra, laevaue Serestum:
 Post alios, fortemque Gyan, fortemque Cloanthum.

Obstupuit primo ad aspectu Sidonia Dido;
 Casu deinde viri tanto. Et sic ore locuta est:
 Quis te, nate Dea, per tanta pericula casus
 Insequitur? quae vis immanibus adplicat oris?
 Tunc ille Aeneas, quem Dardanio Anchisae
 Alma venus Phrygii genuit Simoëntis ad undam?
 Atque equidem Teucrum memini Sidona venire,
 Finibus expulsum patriis, nova regna petentem,
 Auxilio Beli. Genitor cum Belus opimam
 Vastabat Cyprum, et victor ditione tenebat.
 Tempore jam ex illo casus mihi cognitus urbis
 Trojanae, nomenque tuum, regesque Pelasgi,
 Ipse hostis Teucros insigni laude ferebat,
 Seque ortum antiqua Teucrorum ab stirpe volebat.
 Quare agite, o tectis, juvenes, succedite nostris.
 Me quoque per multos similis fortuna labores
 Jactatam hac demum voluit consistere terra.
 Non ignara mali miseris succurrere disco.

Sic memorat. Simul Aenean in regia ducit
Tecta: simul divom templis indicit honorem.
Nec minus interea sociis ad litora mittit
Viginti tauros, magnorum horrentia centum
Terga suum, pinguis centum cum matribus agnos
Munera, laetitiamque dei.
At domus interior regali splendida luxu
Instruitur, mediisque parant convivia tectis.
Arte laboratae vestes, ostroque superbo:
Ingens argentum mensis, caelataque in auro
Fortia facta patrum, series longissima rerum,
Per tot ducta viros antiquae ab origine gentis.

Aeneas (neque enim patrius consistere mentem
Passus amor) rapidum ad navis praemittit Achaten,
Ascanio ferat haec; ipsumque ad moenia ducat.
Omnis in Ascanio cari stat cura parentis.
Munera praeterea, Iliacis erepta ruinis,
Ferre jubet; pallam signis auroque rigentem,
Et circumtextum croceo velamen acantho,
Ornatus Argivae Helenae: quos illa Mycenis,
Pergama quum peteret, inconcessosque Hymenaeos,
Extulerat, matris Ladae mirabile donum.
Praeterea sceptrum, Ilione quod gesserat olim,
Maxuma natarum Priami, colloque monile
Baccatum, et duplicem gemmis auroque coronam.
Haec celerans, iter ad navis tendebat Achates.

At Cytherea novas artis, nova pectore versat
Consilia: ut faciem mutatus et ora Cupido
Pro dulci Ascanio veniat, donisque furem
Incendat reginam, atque ossibus implicet ignem.
Quippe domum timet ambiguam, Tyriosque bilinguis,
Urit atrox Juno, et sub noctem cura recursat.
Ergo his aligerum dictis adfatur Amorem:
Nate, meae vires, mea magna potentia, solus,

Nate, patris summi qui tela Typhoea temnis;
Ad te confugio, et supplex tua numina posco.
Fratres ut, Aeneas pelago tuus omnia circum
Litora jactetur, odiis Junonis iniquae,
Nota tibi: et nostro doluisti saepe dolore.
Hunc Phoenissa tenet Dido, blandisque moratur
Vocibus: et vereor, quo se Junonia vertant
Hospitia. Haud tanto cessabit cardine rerum.
Quocirca capere ante dolis, et cingere flamma
Reginam meditor; ne quo se numine mutet:
Sed magno Aeneae mecum teneatur amore.
Qua facere id possis, nostram nunc adcipe mentem:
Regius aditu cari genitoris ad urbem
Sidoniam puer ire parat; mea maxima cura;
Dona ferens, pelago et flammis restantia Trojae.
Hunc ego sopitum somno, super alta Cythera,
Aut super Idalium sacrata sede recondam:
Ne qua scire dolos, mediusve occurrere possit.
Tu faciem illius noctem non amplius unam
Falle dolo, et notos pueri puer indue vultus:
Ut, quum te gremio adcipiet laetissima Dido,
Regalis inter mensas laticemque Lyaeum,
Quum dabit amplexus atque oscula dulcia figet,
Occultum inspires ignem, fallasque veneno.
Paret Amor dictis carae genetricis, et alas
Exuit, et gressu gaudens incedit Iuli.
At Venus Ascanio placidam per membra quietem
Inrigat, et fœtum gremio Dea tollit in altos
Idaliae lucos: ubi mollis amaracus illum
Floribus et Dulci adspirans complectitur umbra.
Jamque ibat dicto parens, et dona Cupido
Regia portabat Tyriis, duce laetus Achate.
Quum venit, aulacis jam se regina superbis
Aurea composuit sponda, mediamque locavit.

Jam pater Aeneas, et jam Trojana juvenus
Conveniunt, stratoque super discumbitur ostro.
Dant famuli manibus lymphas, Cereremque canistris
Expediunt, tonsisque ferunt mantelia villis.
Quinquaginta intus famulae: quibus ordine longo
Cura penum struere, et flammis adolere penates.
Centum aliae, totidemque pares aetate ministri,
Qui dapibus mensas onerent, et pocula ponant.
Nec non et Tyrii per limina lacta frequentes
Convenerunt, toris jussi discumbere pictis.
Mirantur dona Aeneae; mirantur lulum,
Flagrantesque Dei vultus, simulataque verba,
Pallamque, et pictum croceo velamen acantho.
Praecipue infelix, pesti devota futurae,
Expleri mentem nequit, ardescitque tuendo
Phoenissa, et puero pariter donisque movetur.
Ille, ubi complexu Aeneae colloque pependit,
Et magnum falsi inplevit genitoris amorem;
Reginam petit. Haec oculis, haec pectore toto
Haeret: et interdum gremio foetet, inscia Dido
Incidat quantus miserae Deus. At memor ille
Matris Acidaliae, paulatim abolere Sychaeum
Incipit, et vivo tentat praevertere amore
Jam pridem resides animos desuetaque corda.
Postquam prima quies epulis, mensaeque remotae;
Crateras magnos statuunt, et vina coronant.
Fit strepitus tectis, vocemque per ampla volutant
Atria: dependent lychni laquearibus aureis
Incensi, et noctem flammis funalia vincunt.
Hinc regina gravem gemmis auroque poposcit,
Inplevitque mero, pateram: quam Belus, et omnes
A Belo soliti. Tum facta silentia tectis:
Juppiter, hospitibus nam te dare jura loquuntur,
Hunc laetum Tyriisque diem Trojaque profectis

Esse velis, nostrosque hujus meminisse minores.
Adsit laetitiae Bacchus dator; et bona Juno.
Et vos, o, coetum, Tyrii, celebrate faventes.
Dixit, et in mensam laticum libavit honorem,
Primaque libato summo tenuis adtiguit ore.
Tum Bitiae dedit increpitans. Ille inpiger hausit
Spumantem pateram, et pleno se proluit auro.
Post alii proceres. Cithara crinitus Iopas
Personat aurata, docuit quae maxumus Atlas.
Hic canit errantem lunam, solisque labores;
Unde hominum genus, et pecudes; unde imber, et ignes;
Arcturum, pluviasque Hyadas, geminosque Triones:
Quid tantum Oceano properent se tingere soles
Hiberni, vel quae tardis mora noctibus obstet.
Ingeminant plausu Tyrii, Troësque sequuntur.
Nec non et vario noctem sermone trahebat
Infelix Dido, longumque bibebat amorem;
Multa super Priamo rogitans, super Hectore multa:
Nunc, quibus Aurorae venisset filius armis:
Nunc, quales Diomedis equi; nunc, quantus Achilles.
Immo age, et a prima, dic, hospes, origine nobis
Insidias, inquit, Danaûm, casusque tuorum,
Erroresque tuos. Nam te jam septima portat
Omnibus errantem terris et fluctibus aestas.

P U B L I I
V I R G I L I I
M A R O N I S
A E N E I D O S

L I B E R S E C U N D U S .

C O N T I C U E R E omnes, intentique ora tenebant:
Inde toro pater Aeneas sic orsus ab alto:
Infandum, Regina, jubes renovare dolorem;
Trojanas ut opes, et lamentabile regnum
Eruerint Danaï: quaeque ipse miserrima vidi,
Et quorum pars magna fui. Quis talia fando
Myrmidonum, Dolopumve, aut duri miles Ulixi
Temperet a lacrimis! et jam nox humida coelo
Praecipitat, suadentque cadentia sidera somnos.
Sed, si tantus amor casus cognoscere nostros,
Et breviter Trojae supremum audire laborem;
Quamquam animus meminisse horret, luctuque refugit;
Incipiam. Fracti bello, fatisque repulsi
Ductores Danaûm, tot jam labentibus annis,
Instar montis equum divina Palladis arte
Aedificant, sectaque intextunt abiete costas.
Votum pro reditu simulant. Ea fama vagatur.
Huc delecta virûm sortiti corpora furtim
Includunt caeco lateri, penitusque cavernas
Ingentis utrumque armato milite complent.
Est in conspectu Tenedos, notissima famâ
Insula, dives opum, Priami dum regna manebant;
Nunc tantum sinus, et statio male fida carinis:

Huc se proVecti deserto in litore condunt.
Nos abiisse rati, et vento petiisse Mycenae.
Ergo omnis longo solvit se Teucra luctu:
Panduntur portae. Juvat ire, et Dorica castra,
Desertosque videre locos, litusque relictum.
Hic Dolopum manus, hic saevus tendebat Achilles:
Classibus hic locus: hic acie certare solebant.
Pars stupet innuptae donum exitiale Minervae,
Et molem mirantur equi: primusque Thymoetes
Duci intra muros hortatur, et arce locari;
Sive dolo, seu jam Trojae sic fata ferebant.
At Capys, et quorum melior sententia menti,
Aut pelago Danaum insidias suspectaque dona
Praecipitare jubent, subjectisque urere flammis:
Aut terebrare cavae uteri et tentare latebras.
Scinditur incertum studia in contraria vulgus.

Primus ibi ante omnis, magna comitante caterva,
Laocoön ardens summa decurrit ab arce:
Et procul, O miseri, quae tanta insania, cives?
Creditis avectos hostis? aut ulla putatis
Dona carere dolis Danaum? sic notus Ulixes?
Aut hoc inclusi ligno occultantur Achivi,
Aut haec in nostros fabricata est machina muros;
Inspectura domos, venturaque desuper urbi;
Aut aliquis latet error. Equo ne credite, Teucri.
Quidquid id est, timeo Danaos et dona ferentis.
Sic fatus, validis ingentem viribus hastam
In latus, inque feri curvam compagibus alvom
Contorsit. Stetit illa tremens, uteroque recusso
Insonuere cavae gemitumque dedere cavernae.
Et, si fata Deum, si mens non laeva fuisset,
Impulerat ferro Argolicas foedare latebras:
Trojaque nunc stares, Priamiq; arx alta maneres.

Ecce, manus juvenem interea post terga revinctum

Q

Pastores magno ad regem clamore trahebant
Dardanidae: qui se ignotum venientibus ultro,
Hoc ipsum ut strueret, Trojamque aperiret Achivis,
Obtulerat, fidens animi, atque in utrumque paratus,
Seu versare dolos, seu certae occumbere morti.

Undique visendi studio Trojana juvenus
Circumfusa ruit, certantque inludere capto.
Adcipe nunc Danaum insidias, et crimine ab uno
Disce omnis.

Namque, ut conspectu in medio turbatus, inermis
Constitit, atque oculis Phrygia agmina circumspexit:
Heu, quae nunc tellus, inquit, quae me aequora possunt
Adcipere? aut quid jam misero mihi denique restat?
Cui neque apud Danaos usquam locus: et super ipsi
Dardanidae infensi poenas cum sanguine poscunt.
Quo gemitu conversi animi, compressus et omnis
Impetus. Hortamur fari, quo sanguine cretus,
Quidve ferat, memoret, quae sit fiducia capto.
[Ille haec, deposita tandem formidine, fatur.]

Cuncta equidem tibi, Rex, fuerit quodcumque, fatebor
Vera, inquit: neque nie Argolica de gente negabo:
Hoc primum. Nec, si miserum Fortuna Sinonem
Finxit, vanum etiam mendacemque inproba finget.
Fando aliquod si forte tuas pervenit ad auris
Belidae nomen Palamedis, et inclyta fama
Gloria: quem falsa sub proditione Pelasgi
Insontem, infando indicio, quia bella vetabat,
Demisere neci: nunc cassum lumine lugent.
Illi me comitem, et consanguinitate propinquum,
Pauper in arma pater primis huc misit ab annis.
Dum stabat regno incolumis, regumque vigeat
Conciliis; et nos aliquod nomenque decusque
Gessimus. Invidia postquam pellacis Ulixi,
Haud ignota loquor, superis concecit ab oris;

Afflictus vitam in tenebris luctuque trahebam,
 Et casum insontis mecum indignabar amici.
 Nec tacui demens: et me, fors si qua tulisset,
 Si patrios umquam remeassem victor ad Argos,
 Promisi ultorem; et verbis odia aspera movi.
 Hinc mihi prima mali labe: hinc semper Ulixes
 Criminibus terrere novis: hinc spargere voces
 In vulgum ambiguas, et quaerere conscius arma.
 Nec requievit enim, donec Calchante ministro.
 Sed quid ego haec autem nequidquam ingrata revolve?
 Quidve moror? si omnis uno ordine habetis Achivos,
 Idque audire sat est; jamdudum sumite poenas.
 Hoc Ithacus velit, et magno mercentur Atridae.
 Tum vero ardemus scitari et quaerere causas,
 Ignari scelerum tantorum artisque Pelagae.
 Prosequitur pavitans, et ficto pectore fatur.

Saepe fugam Danaï Troja cupiere relicta
 Moliri, et longo fessi discedere bello.
 Fecissentque utinam! saepe illos aspera ponti
 Interclusit hiems, et terruit auster euntis.
 Praecipue, quum jam hic trabibus contextus acernis
 Staret equus, toto sonuerunt aethere nimbi.
 Suspensi Eurypylum scitatum oracula Phoebi
 Mittimus, isque adytis haec tristia dicta reportat.
 Sanguine placastis ventos, et virgine caesa,
 Quum primum Iliacas Danaï venistis ad oras:
 Sanguine quaerendi reditus, animaque litandum
 Argolica. Volgi quae vox ut venit ad auris,
 Obstupuere animis, gelidusque per ima cucurrit
 Ossa tremor; cui fata parent, quem poscat Apollo.
 Hic Ithacus vatem magno Calchanta tumultu
 Protrahit in medios: quae sint ea numina divom
 Flagitat. Et mihi jam multi crudele caneant
 Artificis scelus, et taciti ventura videbant.

Bis quinos silet ille dies, tectusque recusat
Prodere voce sua quemquam, aut opponere morti.
Vix tandem magnis Ithaci clamoribus actus,
Conposito rumpit vocem, et me destinat arae.
Adsensere omnes: et, quae sibi quisque timebat,
Unius in miseri exitium conversa tulere.
Jamque dies infanda aderat: mihi sacra parari,
Et salsae fruges, et circum tempora vittae.
Eripui, fateor, leto me, et vincula rupi:
Limosoque lacu per noctem obscurus in ulva
Delitui, dum vela darent, si forte dedissent.
Nec mihi jam patriam antiquam spes ulla videndi,
Nec dulcis natos, exoptatumque parentem:
Quos illi fors ad poenas ob nostra reposcent
Effugia, et culpam hanc miserorum morte piabunt.
Quod te, per superos, et conscia numina veri,
Per, si qua est, quae restet adhuc mortalibus usquam
Intemerata fides, ora, miserere laborum
Tantorum: miserere animi non digna ferentis.

His lacrimis vitam damus, et miserescimus ultro.
Ipse viro primus manicas atque arta levare
Vincta jubet Priamus; dictisque ita fatur amicis.
Quisquis es, amissos hinc jam obliuiscere Grajos;
Noster eris: mibique haec edissere verâ roganti.
Quo molem hanc inmanis equi statuere? quis auctor?
Quidve petunt? quae religio? aut quae machina belli?
Dixerat. Ille dolis instructus et arte Pelasga,
Sustulit exutas vinctis ad sidera palmas:
Vos, aeterni ignes, et non violabile vestrum
Testor numen, ait: vos arae, ensesque nefandi,
Quos fugi, vittaeque deum, quas hostia gessi;
Fas mihi Grajorum sacrata resolvere jura,
Fas odisse viros, atque omnia ferre sub auras,
Si qua tegunt: teneor patriae nec legibus ullis.

Tu modo promissis maneat, servataque serves
Troja fidem; si vera feram, si magna rependam.

Omnis spes Danaûm, et coepti fiducia belli
Palladis auxiliis semper stetit: impius ex quo
Tydides sed enini, scelerumque inventor Ulixes,
Fatale adgressi sacrato avellere templo
Palladium, caesis summae custodibus arcis,
Conripuere sacram effigiem, manibusque cruentis
Virgineas ausi divae contingere vittas:
Ex illo fluere ac retro sublapsa referri
Spes Danaûm: fractae vires, aversa deae mens.
Nec dubiis ea signa dedit Tritonia monstris.
Vix positum castris simulacrum; arsere coruscae
Luminibus flammae adrectis, salsusque per artus
Sudor iit: terque ipsa solo, mirabile dictu,
Emicuit, parmamque ferens hastamque trementem.
Extemplo tentanda fugâ canit aequora Calchas:
Nec posse Argolicis excindi Pergama telis;
Omina ni repetant Argis, numenque reducant,
Quod pelago et curvis secum avexere carinis.
Et nunc, quod patrias vento petiere Mycenae,
Arma deosque parant comites, pelagoque remenso
Inprovisi aderunt. Ita digerit omina Calchas.
Hanc pro Palladio moniti, pro numine laeso
Effigiem statuere; nefas quae triste piaret.
Hanc tamen immensam Calchas adtollere molem
Roboribus textis, coeloque educere jussit:
Ne recipi portis, aut duci in moenia possit;
Neu populum antiqua sub religione tueri.
Nam si vestra manus violasset dona Minervae,
Tum magnum exitium (quod Di prius omen in ipsum
Convertant) Priami imperio Phrygibusque futurum.
Sin manibus vestris vestram adscendisset in urbem;
Ultrô Asiam magno Pelopea ad moenia bello

Venturam, et nostros ea fata manere nepotes.
Talibus insidiis perjurique arte Sinonis
Credita res, captique dolis lacrimisque coactis,
Quos neque Tydides, nec Larissacus Achilles,
Non anni domuere decem, non mille carinae.

Hic aliud majus miseris multoque tremendum
Objicitur magis, atque inprovida pectora turbat.
Laocoon, ductus Neptuno sorte sacerdos,
Sollemnis taurum ingentem mactabat ad aras.
Ecce autem gemini a Tenedo tranquilla per alta,
Horresco referens, immensis orbibus angues
Incumbunt pelago, pariterque ad litora tendunt:
Pectora quorum inter fluctus adrecta, jubaeque
Sanguineae exsuperant undas: pars cetera pontum
Pone legit, sinuantque immensa volumine terga.
Fit sonitus, spumante salo: jamque arva tenebant,
Ardentisque oculos suffecti sanguine et igni,
Sibila lambebant linguis vibrantibus ora.
Diffugimus visu exsanguis. Illi agmine certo
Laocoonta petunt: et primum parva duorum
Corpora natorum serpens amplexus uterque
Implicat, et miseros morsu depascitur artus.
Post ipsum, auxilio subeuntem ac tela ferentem,
Conripiunt, spirisque ligant ingentibus: et jam
Bis medium amplexi, bis collo squamea circum
Terga dati, superant capite et cervicibus altis.
Ille simul manibus tendit divellere nodos,
Perfusus sanie vittas atroque veneno:
Clamores simul horrendos ad sidera tollit
Qualis mugitus, fugit quum saucius aram
Taurus, et incertam excussit cervice securim.
At gemini lapsu delubra ad summa dracones
Effugiunt, saevaeque petunt Tritonidis arcem:
Sub pedibusque deae, clipeique sub orbe teguntur.

Tum vero tremefacta novus per pectora cunctis
 Insinuat pavor : et scelus expendisse merentem
 Laocoonta ferunt ; sacrum qui cuspidē robur
 Laeserit, et tergo sceleratam intorscrit hastam.
 Ducendum ad sedes simulacrum, orandaque divae
 Numina conclamant.

Dividimus muros, et moenia pandimus urbis.
 Adcingunt omnes operi, pedibusque rotarum
 Subjiciunt labrus, et stuppea vincula collo
 Intendunt. Scandit fatalis machina muros,
 Foeta armis. Pueri circum innuptaeque puellae
 Sacra canunt, funemque manu contingere gaudent.
 Illa subit, mediaeque minans inlabitur urbi.
 O patria, o Divūm domus Ilium, et inclyta bello
 Moenia Dardanidum ! quater ipso in limine portae
 Substitit, atque utero sonitum quater arma dedere.
 Instamus tamen inmemores caecique furore,
 Et monstrum infelix sacrata sistimus arce.
 Tunc etiam fatis aperit Cassandra futuris
 Ora, Dei jussu non unquam credita Teucris.
 Nos delubra Deūm miseri, quibus ultimos esset
 Ille dies, festa velamus fronde per urbem.
 Vertitur interea coelum, et ruit oceano nox,
 Involvens umbra magna terramque polumque,
 Myrmidonumque dolos : fusi per moenia Teucri
 Conticuere : sopor fessos complectitur artus.

¶ Et jam Argiva phalanx instructis navibus ibat
 A Tenedo, tacitae per amica silentia lunae,
 Litora nota petens : flammās quum regia puppis
 Extulerat : fatisque Deūm defensūs iniquis,
 Inclusos utero Danaos et pinea furtim
 Laxat claustra Sinon : illos patefactus ad auras
 Reddit equus, laetique cavo se robore promunt.
 Theandrus Sthenelusque duces, et dirus Ulixes,

Demissum labi per funem, Acamasque, Thoasque,
Pelidesque Neoptolemus, primusque Machaon,
Et Menelaus, et ipse doli fabricator Epeos,
Invadunt urbem somno vinoque sepultam.
Caeduntur vigiles, portisque patentibus omnis
Adcipiunt socios, atque agmina conscia jungunt.

Tempus erat, quo prima quies mortalibus aegris
Incipit, et dono Divûm gratissima serpit.
In somnis, ecce, ante oculos maestissimus Hector
Visus adesse mihi, largosque effundere fletus;
Raptatus blgis, ut quondam, aterque cruento
Pulvere, perque pedes trajectus lora tumentis.
Hei mihi, qualis erat! quantum mutatus ab illo
Hectore, qui redit exuvias indutus Achilli,
Vel Danaûm Phrygios jaculatus puppibus ignis!
Squalentem barbam, et concretos sanguine crinis,
Vulneraque illa gerens, quae circum plurima muros
Adcepit patrios. Ulro flens ipse videbar
Compellare virum, et maestas expromere voces:
O lux Dardaniae, spes o fidissima Teucrûm,
Quae tantae tenuere morae? quibus Hector ab oris
Expectate venis? ut te post multa tuorum
Funera, post varios huminumque urbisque labores
Defessi adspicimus! quae caussa indigna serenos
Foedavit voltus? aut cur haec vulnera cerno?
Ille nihil: nec me quaerentem vana moratur:
Sed graviter gemitus imo de pectore ducens,
Heu fuge, nate Dea, teque his, ait, eripe flammis.
Hostis habet muros: ruit alto a culmine Troja.
Sat patriae Priamoque datum. Si Pergama dextra
Defendi possent, etiam hac defensa fuissent.
Sacra suosque tibi commendat Troja Penates:
Hos cape fatorum comites: his moenia quaere,
Magna pererrato statues quae denique ponto.

Sic ait: et manibus vittas, Vestamque potentem,
Aeternumque adytis effert penetralibus ignem.

Diverso interea miscentur moenia luctu:

Et magis atque magis, quamquam secreta parentis
Anchisae domus, arboribusque oblecta recessit,
Clarescunt sonitus; armorumque ingruit horror.

Excitior somno, et summi fastigia tecti

Adcensu supero, atque adrectis auribus adsto.

In segetem veluti quum flamma furentibus austris

Incidet, aut rapidus montano flumine torrens

Sternit agros, sternit sata lacta, boumque labores;

Praecipitesque trahit silvas: stupet inscius alto

Adciens sonitum saxi de vertice pastor.

Tum vero manifesta fides, Danaumque patescunt

Insidiae. Jam Deiphobi dedit ampla ruinam,

Volcano superante, domus: jam proxumus ardet

Ucalegon: Sigea igni freta lata refulcent.

Exoritur clamorque virum clangorque tubarum.

Arma amens capio; nec sat rationis in armis:

Sed glomerare manum bello, et concurrere in arcem

Cum sociis ardent animi. Furor iraque mentem

Praecipitant; pulchrumque mori succurrit in armis.

Ecce autem telis Panthus clapsus Achivum,

Panthus Othryades, arcis Phoebeique sacerdos,

Sacra manu, victosque Deos, parvumque nepotem

Ipse trahit, cursuque amens ad litora tendit.

Quo res summa loco, Panthu? quam prendimus arcem?

Vix ea fatus eram, gemitu quum talia reddit:

Venit summa dies, et ineluctabile tempus

Dardaniae. Fuimus Troës: fuit Ilium, et ingens

Gloria Teucrorum. Ferus omnia Juppiter Argos

Transtulit. Incensa Danaï dominantur in urbe.

Arduus armatos mediis in moenibus adestans

Fundit equos, victorque Sinon iucundia miscet,

R

Insultans. Portis alii bipatentibus adsunt,
Millia quot magnis umquam venire Mycenis:
Obsedere alii telis angusta viarum
Oppositi, stat ferri acies mucrone corusco
Stricta, parata neci: vix primi proelia tentant
Portarum vigiles, et caeco Marte resistunt.
Talibus Othryadae dictis et numine Divûm
In flammâs et in arma feror: quo tristis Erinnyâ,
Quo fremitus vocat, et sublatus ad æthera clamor.
Addunt se socios Ripheus, et maximus armis
Epytus: oblatis per lunam Hypanisque Dymasque:
Et lateri adglomerant nostro: juvenisque Coroebus
Mygdonides. Illis ad Trojam forte diebus
Venerat, insano Cassandrae incensus amore:
Et gener auxilium Priamo Phrygiibusque ferebat.
Infelix, qui non sponsae praecepta furentis
Audierit.
Quos ubi confertos audere in proelia vidi;
Incipio super his: Juvenes, fortissima frustra
Pectora, si vobis audentem extrema cupido
Certa sequi, (quae sit rebus fortuna videtis:
Excessere omnes adytis arisque relictis
Dî, quibus imperium hoc steterat) succurritis urbi
Incensae. Moriamur, et in media arma ruamus.
Una salus victis, nullam sperare salutem.
Sic animis juvenum furor additus. Inde, lupi ceu
Raptores atra in nebula, quos improba ventris
Exegit caecos rabies, catulique relictis
Faucibus expectant siccis; per tela, per hostis
Vadimus haud dubiam in mortem: mediaeque tenemus
Urbis iter. Nox atra cava circumvolat umbra.
Quis cladem illius noctis, quis funera fando
Explicet, aut possit lacrimis aequare labores?
Urbs antiqua ruit, multos dominata per annos:

Plurima perque vias sternuntur inertia passim
Corpora, perque domos, et religiosa deorum
Limina. Nec soli poenas dant sanguine Teucri:
Quondam etiam victis redit in praeordia virtus;
Victoresque cadunt Danaï. Crudelis ubique
Luctus, ubique pavor, et plurima mortis imago.

Primus se, Danaûm magna comitante caterva,
Androgeus obfert nobis, socia agmina credens
Inscius; atque ultro verbis conpellat amicis:
Festinate, viri. Nam quae tam sera moratur
Segnities? alii rapiunt incensa feruntque
Pergama: vos celsis nunc primum a navibus itis?
Dixit: et extemplo (neque enim responsa dabantur
Fida satis) sensit, medios delapsus in hostis:
Obstupuit, retroque pedem cum voce repressit.
Inprovisum aspris veluti qui sentibus anguem
Pressit humi nitens, trepidusque repente refugit
Adtollentem iras, et caerula colla tumentem.
Haud secus Androgeus visu tremefactus abibat.
Irruinus, densis et circumfundimur armis;
Ignarosque loci passim, et formidine captos
Sternimus. Adspirat primo fortuna labori.
Atque hîc successu exsultans animisque Coroebus,
O socii, qua prima, inquit, fortuna salutis
Monstrat iter, quaque ostendit se dextra, sequamur.
Mutemus clipeos, Danaûmque insignia nobis
Aptemus. Dolus, an virtus, quis in hoste requirat?
Arma dabunt ipsi. Sic fatus, deinde comantem
Androgei galeam, clipeique insigne decorum
Induitur, laterique Argivum adcommodat ensem.
Hoc Ripheus, hoc ipse Dymas, omnisque juvenus
Laeta facit: spoliis se quisque recentibus armat.
Vadimus inmixti Danaïs haud numine nostro,
Multaque per caccam congressi proclia noctem

Conserimus: multos Danaûm demittimus Orco.
Diffugiunt alii ad navis, et litora cursu
Fida petunt: pars ingentem formidine turpi
Scandunt rursus equum, et nota conduntur in alvo.
Heu nihil invitis fas quemquam fidere divis!

Ecce trahebatur passis Priamēa virgo
Crinibus a templo Cassandra adytisque Minervae,
Ad coelum tendens ardentia lumina frustra:
Lumina: nam teneras arcebant vincula palmas.
Non tulit hanc speciem furiata mente Coroebus,
Et sese medium injecit periturus in agmen.
Consequimur cuncti, et densis incurrimus armis.
Hic primum ex alto delubri culmine telis
Nostrorum obruimur, oriturque miserrima caedes,
Armorum facie et Grajarum errore jubarum.
Tum Danaï gemitu atque ereptae virginis ira
Undique conlecti invadunt; acerrimus Ajax,
Et gemini Atridae, Dolopumque exercitus omnis.
Adversi rupto ceu quondam turbine venti
Confligunt, Zephyrusque, Notusque, et lactus Eois
Eurus equis: stridunt silvae, saevitque tridenti
Spumeus, atque imo Nereus ciet aequora fundo.
Illi etiam, si quos obscura nocte per umbram
Fudimus insidiis, totaque agitavimus urbe,
Adparent: primi clipeos mentitaque tela
Adgnoscent, atque ora sono discordia signant.
Ilicet obruimur numero. Primusque Coroebus
Peneleï dextra, Divae armipotentis ad aram,
Procumbit: cadit et Ripheus, justissimus unus
Qui fuit in Teucris, et servantissimus aequi.
Dis aliter visum. Pereunt Hypanisque Dymasque
Coniuncti a sociis: nec te tua plurima, Pantho,
Labentem pietas, nec Apollinis infula texit.
Iliaci cineres, et flamma extrema meorum,

Testor, in occasu vestro, nec tela, nec ulla
Vitavisse vices Danaûm; et, si fata fuissent,
Ut caderem, meruisse manu. Divellimur inde:
Iphitus et Pelias mecum: quorum Iphitus aevo
Jam gravior, Pelias et vulnere tardus Ulixi,
Protinus ad sedes Priami clamore vocati.
Hic vero ingentem pugnam, ceu cetera nusquam
Bella forent, nulli tota morerentur in urbe:
Sic Martem indomitum, Danaosque ad tecta ruentia
Cernimus, obsessumque acta testudine limen.
Haerent parietibus scalae, postesque sub ipsos
Nituntur gradibus, clipeosque ad tela sinistris
Protecti objiciunt: prensant fastigia dextris.
Dardanidae contra turris ac tecta domorum
Culmina convellunt (his se, quando ultima cernunt,
Extrema jam in morte parant defendere telis)
Aurasque trabes, veterum decora alta parentum,
Devolvunt. Alii strictis mucronibus imas
Obsedere fores: has servant agmine denso.
Instaurati animi, Regis succurrere tectis,
Auxilioque levare viros, vimque addere victis.
Limen erat, caecaeque fores, et pervius usus
Tectorem inter se Priami, postesque relictis
A tergo: infelix qua se, dum regna manebant,
Saepius Andromache ferre incommitata solebat
Ad soceros, et avo puerum Astyanacta trahebat.
Evado ad summi fastigia culminis: unde
Tela manu miseri jactabant irrita Teucris.
Turrim in praecipiti stantem, summisque sub astra
Eductam tectis, unde omnis Troja videri,
Et Danaûm solitae naves, et Achaïa castra,
Adgressi ferro circum, qua summa labantis
Juncturas tabulata dabant; convellimus altis
Sedibus, inpulimusque. Ea lapsa repente ruina

Cum sonitu trahit, et Danaûm super agmina late
Incidit. Ast alii subeunt: nec saxa, nec ullum
Telorum interea cessat genus.
Vestibulum ante ipsum primoque in limine Pyrrhus
Exsultat telis, et luce coruscus aëna.
Qualis ubi in lucem coluber mala gramina pastus,
Frigida sub terra tumidum quem bruma tegebat,
Nunc positis novus exuviis nitidusque juvena,
Lubrica convolvit sublato pectore terga
Arduus ad solem, et linguis micat ore trisulcis.
Una ingens Periphas, et equorum agitator Achillis
Armiger Automedon; una omnis Scyria pubes
Succedunt tecto, et flammæ ad culmina jactant.
Ipse inter primos concrepta dura bipenni
Limina perrumpit, postesque a cardine vellit
Aeratos: jamque excisa trabe firma cavavit
Robora, et ingentem lato dedit ore fenestram.
Adparet domus intus, et atria longa patescunt:
Adparent Priami et veterum penetralia regum:
Armatisque vident stantis in limine primo.

At domus interior gemitu miseroque tumultu
Miscetur; penitusque cavæ plangoribus aedes
Femineis ululant. Ferit aurea sidera clamor.
Tum pavidæ tectis matres ingentibus errant,
Amplexæque tenent postes, atque oscula figunt.
Instat vi patria Pyrrhus: nec claustra, neque ipsi
Custodes sufferre valent. Labat ariete crebro
Janua, et emoti procumbunt cardine postes.
Fit via vi: rumpunt aditus, primosque trucidant
Inmissi Danaï, et late loca milite complent.
Non sic, aggeribus ruptis quum spumeus amnis
Exiit, obpositasque evicit gurgite moles,
Fertur in arva furens cumulo, camposque per omnia
Cum stabulis armenta trahit. Vidi ipse furentem

Caede Neoptolemum, geminosque in limine Atridas:
 Vidi Hecubam, centumque nurus, Priamumque per aras
 Sanguine foedantem, quos ipse sacraverat, ignis.
 Quinquaginta illi thalami, spes tanta nepotum,
 Barbarico postes auro spoliisque superbi
 Procubuere. Tenent Danaï, qua deficit ignis.

Forsitan et, Priami fuerint quae fata, requiras.
 Urbis uti captae casum, convolsaque vidit
 Limina tectorum, et medium in penetralibus hostem;
 Arma diu senior desueta trementibus aevo
 Circumdat nequidquam humeris, et inutile ferrum
 Cingitur, ac densos fertur moriturus in hostis.

Aedibus in mediis, nudoque sub aetheris axe,
 Ingens ara fuit; juxtaque veterrima laurus
 Incumbens arae, atque umbra complexa Penates.
 Hic Hecuba et natae nequidquam altaria circum,
 Praecipites atra ceu tempestate columbae,
 Condensae, et Divom amplexae simulacra sedebant.
 Ipsum autem sumtis Priamum juvenalibus armis
 Ut vidit: Quae mens tam dira, miserrime conjux,
 Inpulit his cingi telis? aut quo ruis? inquit.
 Non tali auxilio, nec defensoribus istis
 Tempus eget: non, si ipse meus nunc adforet Hector.
 Huc tandem concede: haec ara tuebitur omnis:
 Aut moriere simul. Sic ore effata, recepit
 Ad sese, et sacra longaevis in sede locavit.

Ecce autem elapsus Pyrrhi de caede Polites,
 Unus natorum Priami, per tela, per hostis
 Porticibus longis fugit, et vacua atria lustrat
 Saucius. Illum ardens infesto vulnere Pyrrhus
 Insequitur, jam jamque manu tenet, et premit hasta.
 Ut tandem ante oculos evasit et ora parentum,
 Concidit, ac multo vitam cum sanguine fudit.
 Hic Priamus, quamquam in media jam morte tenetur,

Non tamen abstinuit, nec voci iraeque pepercit.
At tibi pro scelere, exclamat, pro talibus ausis,
Dî, si qua est coelo pietas, quae talia curet,
Persolvant grates dignas, et praemia reddant
Debita: qui nati coram me cernere letum
Fecisti, et patrios foedasti funere voltus.
At non ille, satum quo te mentiris, Achilles
Talis in hoste fuit Priamo: sed jura fidemque
Supplicis eruhuit, corpusque exsanguè sepulcro
Reddidit Hectorum, meque in mea regna remisit.
Sic fatus senior, telumque inbelle sine ictu
Conjecit: raucò quod protinus aere repulsum,
Et summo clipei nequidquam umbone pependit.
Cui Pyrrhus: Referes ergo haec, et nuntius ibis
Pelidae genitori. Illi mea tristia facta,
Degeneremque Neoptolemum narrare memento.
Nunc morere. Hoc dicens, altaria ad ipsa trementem
Traxit, et in multo labantem sanguine nati,
Implicuitque comam laeva; dextraque coruscum
Extulit, ac lateri capulo tenus abdidit ensem.
Haec finis Priami fatorum: hic exitus illum
Sorte tulit, Trojam incensam, et prolapsa videntem
Pergama; tot quondam populis terrisque superbum
Regnatorem Asiae. Jacet ingens litore truncus,
Avolsūque humeris caput, et sine nomine corpus.

At me tum primum saevus circumstetit horror:
Obstupui: subiit cari genitoris imago,
Ut regem aequaevis crudeli vulnere vidi
Vitam exhalantem. Subiit deserta Creûsa,
Et direpta domus, et parvi casus Iûli.
Respicio, et quae sit me circum copia lustro.
Deseruere omnes defessi, et corpora saltu
Ad terram misere, aut ignibus aegra dedere.

[Jamque adeo super unus eram: quum limina Vestae

Servantem, et tacitam secreta in sede latentem
 Tyndarida adspicio: dant clara incendia lucem
 Erranti, passimque oculos per cuncta ferenti.
 Illa sibi infestos eversa ob Pergama Teucros,
 Et poenas Danaûm et deserti conjugis iras
 Praemetuens, Trojae et patriae communis Erinny,
 Abdiderat sese, atque aras invisa sedebat.
 Exarsere ignes animo: subit ira cadentem
 Ulcisci patriam, et sceleratas sumere poenas,
 Scilicet haec Spartam incolumis patriasque Mycenae
 Adspiciet, partoque ibit regina triumpho?
 Conjugiumque, domumque, patres, natosque videbit,
 Iliadum turba et Phrygiis comitata ministris?
 Occiderit ferro Priamus? Troja arserit igni?
 Dardanium toties sudarit sanguine litus?
 Non ita. Namque etsi nullum memorabile nomen
 Feminea in poena est, nec habet victoria laudem;
 Extinxisse nefas tamen, et sumsisse merentis
 Laudabor poenas: animumque explesse juvabit
 Ultricis flammae, et cineres satiassè meorum.
 Talia jactabam, et furiata mente ferebar;]
 Quum mihi se, non ante oculis tam clara, videndam
 Obtulit, et pura per noctem in luce refulsit
 Alma parens, confessa deam; qualisque videri
 Coelicolis, et quanta solet: dextraque prehensum
 Continuit, roseoque haec insuper addidit ore:
 Nate, quis indomitas tantus dolor excitat iras?
 Quid furis? aut quonam nostri tibi cura recessit?
 Non prius adspicies, ubi fessum aetate parentem
 Liqueris Anchisen? superet conjuxne Creûsa,
 Ascaniusque puer? quos omnis undique Graeae
 Circum errant acies: et, ni mea cura resistat,
 Jam flammae tulerint, inimicus et hauserit ensis.
 Non tibi Tyndaridis facies invisa Lacacnae,

Culpatuſve Paris; Divûm inclementia, Divûm
Has evertit opes, ſternitque a culmine Trojam.
Adſpice: (namque omnem, quae nunc obducta tuenti
Mortalis hebetat viſus tibi, et humida circum
Caligat, nubem eripiam, tu ne qua parentis
Juſſa time, neu praeceptis parere recuſa)
Hic, ubi diſiectas moles, avolſaque ſaxis
Saxa vides, mixtoque undantem pulvere ſumum,
Neptunus muros, magnoque emota tridenti
Fundamenta quatit; totamque ab ſedibus urbem
Eruit. Hic Juno Scaeas ſaeviſſima portas
Prima tenet, ſociumque furens a navibus agmen
Ferro adcincta vocat.
Jam ſummas arcis Tritonia, reſpice, Pallas
Inſedit, nimbo effulgens et Gorgone ſaeva.
Ipſe Pater Danaïs animos viresque ſecundas
Sufficit: ipſe Deos in Dardana ſuſcitât arma.
Eripe, nate, fugam, ſinemque inpone labori.
Nuſquam abero, et tutum patrio te limine ſiſtam.
Dixerat: et ſpiſſis noctis ſe condidit umbra.
Adparent dirae facies, inimicaque Trojae
Numina magna Deûm.

Tum vero omne mihi viſum conſidere in ignis
Ilium, et ex imo verti Neptunia Troja.
Ac veluti ſummiſ antiquam in montibus ornum,
Quum ferro adciſam crebrisque bipennibus inſtant
Eruere agricolae certatim; illa uſque minatur,
Et tremefacta comam concuſſo vertice nutat;
Volneribus donec paullatim evicta ſupremum
Congemuit, traxitque jugis avolſa ruinam.
Deſcendo, ac ducente Deo flammam inter et hoſtis
Expedior. Dant tela locum, flammaeque recedunt.
Atque ubi jam patriae perventum ad limina ſedis,
Antiquasque domos; genitor, quem tollere in alios

Optabam primum montis, primumque petebam;
Abnegat excisa vitam producere Troja,
Exsiliumque pati. Vos o, quibus integer aevi
Sanguis, ait, solidaeque suo stant robore vires,
Vos agitate fugam.
Me si coelicolae voluissent ducere vitam,
Has mihi servassent sedes. Satis una superque
Vidimus excidia, et captae superavimus urbi.
Sic o, sic positum adfati discedite corpus.
Ipse manu mortem inveniam. Miserebitur hostis,
Exuviasque petet. Facilis jactura sepulchri.
Jam pridem invisus divi, et inutilis annos
Demoror: ex quo me Divom pater atque hominum rex
Fulminis adflavit ventis, et contigit igni.
Talia perstabat memorans, fixusque manebat.
Nos contra effusi lacrimis, conjuxque Creusa,
Ascaniusque, omnisque domus, ne vertere secum
Cuncta pater, fatoque urgenti incumbere vellet.
Abnegat, inceptoque et sedibus haeret in isdem.
Rursus in arma feror, mortemque miserrimus opto.
Nam quod consilium, aut quae jam fortuna dabatur?
Mene efferre pedem, genitor, te posse relicto
Sperasti? tantumque nefas patrio excidit ore?
Si nihil ex tanta Superis placet urbe relinqui;
Et sedet hoc animo, perituraeque addere Trojae
Teque tuosque juvat: patet isti janua letho,
Jamque aderit multo Priami de sanguine Pyrrhus,
Natum ante ora patris, patrem qui obtruncat ad aras.
Hoc erat, alma parens, quod me per tela, per ignia
Eripis, ut mediis hostem in penetralibus, utque
Ascanium, patremque meum, juxtaque Creusam,
Alterum in alterius mactatos sanguine cernam?
Arma, viri, ferte arma: vocat lux ultima victos,
Reddite me Danais: sinite instaurata revisam.

Proelia. Numquam omnes hodie moriemur inulti.

Hinc ferro adcingor rursus, clipeoque sinistram
Insertabam aptans, meque extra tecta ferebam.
Ecce autem complexa pedes in limine conjux
Haerebat, parvumque patri tendebat lūlum:
Si periturus abis, et nos rape in omnia tecum:
Siu aliquam expertus sumtis spem ponis in armis,
Hanc primum tutare domum. Cui parvus lūlus,
Cui pater, et conjux quondam tua dicta relinquitur?

Talia vociferans gemitu tectum omne replebat:
Quum subitum, dictuque oritur mirabile monstrum.
Namque manus inter, maestorumque ora parentum,
Ecce levis summo de vertice visus Iūli
Fundere lumen apex, tractuque innoxia molli
Lambere flamma comas, et circum tempora pasci.
Nos pavidi trepidare metu, crinemque flagrantem
Excutere, et sanctos restinguere fontibus ignes.
At pater Anchises oculos ad sidera laetus
Extulit: et coelo palmas cum voce tetendit:
Juppiter omnipotens, precibus si flecteris ullis,
Adspice nos; hoc tantum: et, si pietate meremur,
Da deinde auxilium, pater; atque haec omina firma.

Vix ea fatus erat senior: subitoque fragore
Intonuit laevom, et de coelo lapsa per umbras
Stella facem duceus multa cum luce cucurrit.
Illam, summa super labentem culmina tecti,
Cernimus Idaea claram se condere silva,
Signantemque vias: tum longo limite sulcus
Dat lucem, et late circum loca sulfure fumant.
Hic vero victus genitor se tollit ad auras,
Adfaturque deos, et sanctum sidus adorat.
Jam jam nulla mora est. Sequor, et, qua ducitis, adsum.
Dī patrii, servate domum, servate nepotem:
Vestrum hoc augurium, vestroque in numine Troja est.

Cedo equidem, nec, nate, tibi comes ire recuso.
Dixerat ille: et jam per moenia clarius ignis
Auditur, propiusque aestus incendia volvunt.
Ergo age, care pater, cerviei inponere nostrae:
Ipse subibo humeris, nec me labor iste gravabit:
Quo res cumque cadent, unum et commune periculum,
Una salus ambobus erit. Mihi parvus Iulus
Sit comes, et longe servet vestigia conjux.
Vos famuli, quae dicam, animis advertite vestris.

Est urbe egressis tumulus templumque vetustum
Desertae Cereris, juxtaque antiqua cupressus,
Religione patrum multos servata per annos.
Hanc ex diverso sedem veniemus in unam.
Tu, genitor, cape sacra manu, patriosque Penates.
Me, bello e tanto digressum et caede recenti,
Adtrectare nefas; donec me flumine vivo
Abluero.

Haec fatus, latos humeros subjectaque colla
Veste super, fulvique insternor pelle leonis;
Succedoque oneri. Dextrae se parvus Iulus
Implicuit, sequiturque patrem non passibus aequis:
Pone subit conjux. Ferimur per opaca locorum.
Et me, quem dudum non ulla injecta movebant
Tela, neque adverso glomerati ex agmine Graji,
Nunc omnes terrent aurae: sonus excitat omnis
Suspensum, et pariter comitique onerique timentem.

Jamque propinquabam portis, omnemque videbar
Evasisse viam; subito quum creber ad auris
Visus adesse pedum sonitus: genitorque per umbram
Prospiciens, Nate, exclamat, fuge, nate; propinquant.
Ardentis clipeos, atque aera micantia cerno.
Hic mihi nescio quod trepido male numen amicum
Confusam eripuit mentem. Namque avia cursu
Dum sequor, et nota excedo regione viarum;

Heu! misero conjux fatone erepta Creüsa
Substitit, erravitne via, seu lassa resedit,
Incertum; nec post oculis est reddita nostris:
Nec prius amissam respexi, animumve reflexi,
Quam tumultum antiquae Cereris sedemque sacratam
Venimus. Hic demum conlectis omnibus una
Defuit; et comites, natumque, virumque fefellit.
Quem non incusavi amens hominunque Deorumque?
Aut quid in eversa vidi crudelius urbe?
Ascanium, Anchisemque patrem, Teucrosque Penates
Commendo sociis, et curva valle recondo.
Ipse urbem repeto, et cingor fulgentibus armis.
Stat casus renovare omnis, omnemque reverti
Per Trojam; et rursus caput objectare periclis.
Principio muros obscuraque limina portae,
Qua gressum extuleram, repeto; et vestigia retro
Observata sequor per noctem, et lumine lustro.
Horror ubique animos, simul ipsa silentia terrent.
Inde domum, si forte pedem, si forte tulisset,
Me refero. Inruerant Danaï, et tectum omne tenebant.
Ilicet ignis edax summa ad fastigia vento
Volvitur: exsuperant flammæ: furit aestus ad auras.
Procedo, et Priami sedes arcemque reviso.
Et jam porticibus vacuis Junonis asylo
Custodes lecti Phoenix et dirus Ulixes
Praedam adservabant. Huc undique Troja gaza
Incensis erepta adytis, mensaeque Deorum,
Crateresque auro solidi, captivæque vestis
Congeritur. Pueri et pavidæ longo ordine matres
Stant circum.
Autus quinetiam voces jactare per umbram,
Inplevi clamore vias, maestusque Creüsam
Nequidquam ingeminans iterumque iterumque vocavi.
Quaerenti, et tectis urbis sine fine iurenti,

Infelix simulacrum atque ipsius umbra Creūsae
Visa mihi ante oculos, et nota major imago.
Obstupui, steteruntque comae, et vox faucibus haesit.
Tum sic adfari, et curas his demere dictis:
Quid tantum insano juvat indulgere dolori,
O dileis conjux? non haec sine numine Divōm
Eveniunt. Nec te hinc comitem asportare Creūsam
Fas: aut ille sinit superi regnator Olympi.
Longo tibi exsilia, et vastum maris aequor arandum.
Et terram Hesperiam venies: ubi Lydius, arva
Inter opima virūm, leni fluit agmine Thybris.
Illic res laetae, regnumque, et regia conjux
Parta tibi: lacrimas dilectae pelle Creūsae.
Non ego Myrmidonum sedes Dolopumve superbas
Adspiciam, aut Grajis servitum matribus ibo,
Dardanis, et divae Veneris nurus:
Sed me magna Deūm Genetrix his detinet oris.
Jamque vale, et nati serva communis amorem.
Haec ubi dicta dedit, lacrimantem, et multa volentem
Dicere, deseruit, tenuisque recessit in auras.
Ter conatus ibi collo dare brachia circum;
Ter frustra comprehensa manus effugit imago,
Par levibus ventis, volucrique simillima somno.
Sic demum socios consumpta nocte reviso.

Atque hic ingentem comitum adfluxisse novorum
Invenio admirans numerum; matresque, virosque,
Conlectam exsilio pubem, miserabile vulgus.
Undique convenere, animis opibusque parati;
In quascumque velim pelago deducere terras.
Jamque jugis summae surgebat Lucifer Idae,
Ducebatque diem: Danaique obsessa tenebant
Limina portarum; nec spes opis ulla dabatur.
Cessi, et sublato montem genitore petivi.

P U B L I I
V I R G I L I I
M A R O N I S
A E N E I D O S
L I B E R T E R T I U S .

POSTQUAM res Asiae, Priamique evertere gentem
Iuneritam visum Superis, ceciditque superbum
Ilium, et omnis humo fumat Neptunia Troja ;
Diversa exsilia, et desertas quaerere terras
Auguriis agimur Divôm, classemque sub ipsa
Antandro et Phrygiae molimur montibus Idae ;
Incerti quo fata ferant, ubi sistere detur ;
Contrahimusque viros. Vix prima inceperat aestas ;
Et pater Anchises dare fatis vela jubebat :
Litora quum patriae lacrimans portusque relinquo,
Et campos ubi Troja fuit. Feror exsul in altum
Cum sociis, natoque, Penatibus, et magnis Dis.

Terra procul vastis colitur Mavortia campis,
Thraces arant, acri quondam regnata Lycurgo ;
Hospitium antiquum Trojae, sociique Penates,
Dum fortuna fuit. Feror huc, et litore curvo
Moenia prima loco, fatis ingressus iniquis :
Aeneadasque meo nomen de nomine fingo.
Sacra Dionacae matri, Divisque ferebam
Auspiciis coeptorum operum : superoque nitentem
Coelicolûm regi mactabam in litore taurum.

Forte fuit juxta tumulus, quo cornea summo
Virgulta, et densis hastilibus horrida myrtus.

Adcessi, viridemque ab humo convellere silvam
 Conatus, ramis tegerem ut frondentibus aras:
 Horrendum, et dictu video mirabile monstrum.
 Nam, quae prima solo ruptis radicibus arbor
 Vellitur, huic atro liquuntur sanguine guttae,
 Et terram tabo maculant. Mihi frigidus horror
 Membra quatit, gelidusque coit formidine sanguis.
 Rursus et alterius lentum convellere vimen
 Insequor, et caussas penitus tentare latentis:
 Ater et altetius sequitur de cortice sanguis.
 Multa movens animo Nymphas venerabar agrestis,
 Gradivumque patrem, Geticis qui praesidet arvis,
 Rite secundarent visus, omenque levarent.
 Tertia sed postquam majore hastilia nisu
 Adgredior; genibusque adversae obluctor arenae;
 Eloquar, an sileam? gemitus lacrimabilis imo
 Auditur tumulo, et vox reddita fertur ad auris:
 Quid miserum; Aenea, lacoras? jam parce sepulto;
 Parce pias scelerare manus. Non me tibi Troja
 Externum tulit: aut cruor hic de stipite manat.
 Heu! fuge crudelis terras, fuge litus avarum.
 Nam Polydorus ego. Hic confixum ferrea texit
 Telorum seges, et jaculis increvit acutis.
 Tum vero ancipiti mentem formidine pressus
 Obstupui, steteruntque comae, et vox faucibus haesit.

Hunc Polydorum auri quondam cum pondere magni
 Infelix Priamus furtim mandarat alendum
 Threscio regi; quum jam diffideret armis
 Dardaniae, cingique urbem obsidione videret.
 Ille, ut opes fractae Teucrûm, et Fortuna recessit,
 Res Agamemnonias victriciaeque arma secutus,
 Fas omne abrumpit: Polydorum obruncat, et auro
 Vi potitur. Quid non mortalia pectora cogis,
 Auri sacra fames? Postquam pavor ossa reliquit,

Delectos populi ad proceres, primumque parentem
Monstra Deum refero, et, quae sit sententia, posco.
Omnibus idem animus scelerata excedere terra;
Linqui pollutum hospitium, et dare classibus austros.
Ergo instauramus Polydoro funus, et ingens
Adgeritur tumulo tellus: stant manibus arae,
Caeruleis maestae vittis atraque cupresso;
Et circum Iliades crinem de more solutae.
Inferimus tepido spumantia cymbia lacte,
Sanguinis et sacri pateras: animamque sepulcro
Condimus, et magna supremum voce ciemus.

Inde, ubi prima fides pelago, placataque venti
Dant maria, et lenis crepitans vocat auster in altum,
Deducunt socii navis, et litora complent.
Provehimur portu: terraeque urbesque recedunt.
Sacra mari colitur medio gratissima tellus
Nereidum matri, et Neptuno Aegaeo:
Quam pius Arcitenens, oras et litora circum
Errantem, Gyaro celsa Myconoque revinxit,
Inmotamque coli dedit, et contemnere ventos.
Huc feror: haec fessos tuto placidissima portu
Adcipit. Egressi veneramur Apollinis urbem.
Rex Anius, rex idem hominum Phoebique sacerdos,
Vittis et sacra redimitus tempora lauro,
Occurrit: veterem Anchisen adgnoscat amicum.
Jungimus hospitio dextras, et tecta subimus.
Templa dei saxo venerabar structa vetusto.
Da propriam, Thymbraee, domum: da moenia fessis,
Et genus, et mansuram urbem. Serva altera Trojae
Pergama, reliquias Danaum atque inmitis Achilli.
Quem sequimur? quove ire jubes? ubi ponere sedes?
Da, pater, augurium; atque animis inlabere nostris.
Vix ea fatus eram: tremere omnia visa repente,
Liminaque, laurusque dei; totusque moveri

Mons circum, et mugire adytis cortina reclusis.
 Submissi petimus terram, et vox fertur ad auris:
 Dardanidae duri, quae vos a stirpe parentum
 Prima tulit tellus, eadem vos ubere laeto
 Adcipiet reduces. Antiquam exquirite matrem.
 Hic domus Aeneae cunctis dominabitur oris,
 Et nati natorum, et qui nascentur ab illis.
 Haec Phoebus: mixtoque ingens exorta tumultu
 Laetitia: et cuncti, quae sint ea moenia, quaerunt;
 Quo Phoebus vocet errantis, jubeatque reverti.
 Tum genitor, veterum volvens monumenta virorum,
 Audite, o proceres, ait, et spes discite vestras.
 Creta Jovis magni medio jacet insula ponto;
 Mons Idaeus ubi, et gentis cunabula nostrae.
 Centum urbes habitant magnas, uberrima regna:
 Maximus unde pater, si rite audita recordor,
 Teucus Rhoeteas primum est advectus ad oras,
 Optavitque locum regno. Nondum Ilium, et arces
 Pergameae steterant: habitabant vallibus imis.
 Hinc mater cultrix Cybelae, Corybantiaque aera,
 Idaeumque nemus: hinc fida silentia sacris,
 Et juncti currum dominae subiere leones.
 Ergo agite, et, Divum ducunt qua jussa, sequamur:
 Placemus ventos, et Gnosia regna petamus.
 Nec longo distant cursu: modo Juppiter adsit,
 Tertia lux classem Cretaeis sistet in oris.
 Sic fatus, meritos aris mactavit honores,
 Taurum Neptuno, taurum tibi, pulcher Apollo;
 Nigram Hiemi pecudem, Zephyris felicibus albam.

Fama volat, pulsum regnis cessisse paternis
 Idomeneia ducem, desertaque litora Cretae:
 Hoste vacare domos, sedesque adstare relictas.
 Linquimus Ortygiae portus, pelagoque volamus,
 Bacchatamque jugis Naxon, viridemque Donysam,

Olearon, niveamque Paron, sparsasque per aequor
 Cycladas, et erebris legimus freta consita terris.
 Nauticus exoritur vario certamine clamor.
 Hortantur socii, Cretam proavosque petamus.
 Prosequitur surgens a puppi ventus euntis,
 Et tandem antiquis Curetum adlabimur oris.
 Ergo avidus muros optatae molior urbis,
 Pergameanque voco, et laetam cognomine gentem
 Hortor amare focos, arcemque adtollere tectis.
 Jamque fere sicco subductae litore puppes,
 Connubiis arvisque novis operata juvenus;
 Jura domosque dabam: subito quum tabida membris,
 Corrupto coeli tractu, miserandaque venit
 Arboribusque satisque lues, et lethifer annus.
 Linquebant dulcis animas, aut aegra trahebant
 Corpora. Tum sterilis exurere Sirius agros.
 Arebant herbae, et victum seges aegra negabat.
 Rursus ad oraculum Ortygiae Phoebumque remenso
 Hortatur pater ire mari, veniamque precari:
 Quam fessis finem rebus ferat: unde laborum
 Tentare auxilium jubeat: quo vertere cursus.

Nox erat, et terris animalia somnus habebat.
 Effigies sacrae Divom, Phrygiique Penates,
 Quos mecum a Troja, mediisque ex ignibus urbis
 Extuleram, visi ante oculos adstare jacentis
 In somnis, multo manifesti lumine, qua se
 Plena per insertas fundebat luna fenestras.
 Tum sic adfari, et curas his demere dictis:
 Quod tibi delato Ortygiam dicturus Apollo est,
 Hic canit; et tua nos en ultro ad limina mittit.
 Nos te, Dardania incensa, tuaque arma secuti;
 Nos tumidum sub te permensi classibus aequor:
 Idem venturos tollemus in astra nepotes,
 Imperiumque Urbi dabimus. Tu moenia magnis

Magna para, longumque fugae ne linque laborem.
 Muſandae ſedes. Non haec tibi litora ſuasit
 Delius, aut Cretae jussit conſidere, Apollo.
 Eſt locus, Hesperiam Graji cognomine dicunt :
 Terra antiqua, potens armis, atque ubere glebae.
 Oenotri coluere viri : nunc fama, minores
 Italiam dixiſſe, ducis de nomine, gentem.
 Hae nobis propriae ſedes; hinc Dardanus ortus,
 Iasiusque pater, genus a quo principe noſtrum.
 Surge age, et haec laetus longaevo dicta parenti
 Haud dubitanda refer : Corythum, terrasque requira
 Ausonias. Dictaea negat tibi Juppiter arva.
 Talibus adtonitus viſis, ac voce Deorum,
 (Nec ſopor illud erat; ſed coram adgnoscere vultus,
 Velatasque comas, praesentiaque ora videbar :
 Tum gelidus toto manabat corpore ſudor)
 Conripio e ſtratis corpus, tendoque ſupinas
 Ad coelum cum voce manus, et munera libo
 Intemerata focis. Perfecto laetus honore
 Anchisen facio certum, remque ordine pando.
 Adgnovit prolem ambiguam, geminosque parentis;
 Seque novo veterum deceptum errore locorum.
 Tum memorat : Natę, Iliacis exercite fatiſ,
 Sola mihi talis caſus Cassandra caneſbat.
 Nunc repetq haec generi portendere debita noſtro;
 Et ſaepe Hesperiam, ſaepe Italia regna vocare.
 Sed quis ad Hesperiae venturos litora Teucros
 Crederet? aut quem tum vates Cassandra moveret?
 Cedamus Phoebo, et moniti meliora ſequamur.
 Sic ait : et cuncti dicto paremus ovantes.
 Hanc quoque deſerimus ſedem, paucisque relictis
 Vela damus, vaſtumque cava trabe currimus aequor.
 Poſtquam altum tenuere rates, nec jam amplius ullae
 Adparent terrae, coelum undique et undique pontus :

Tum mihi caeruleus supra caput adstitit imber,
 Noctem hiememque ferens; et inhorruit unda tenebris.
 Continuo venti volvunt mare, magnaue surgunt
 Aequora. Dispersi jactamur gurgite vasto.
 Involvère diem nimbi, et nox humida coelum
 Abstulit. Ingenunant abruptis nubibus ignes.
 Excutimur cursu, et caecis erramus in undis.
 Ipse diem noctemque negat discernere coelo,
 Nec meminisse viae media Palinurus in unda.
 Tris adeo incertos caeca caligine soles
 Erramus pelago: totidem sine sidere noctes.
 Quarto terra die primum se adtollere tandem
 Visa, aperire procul montis, ac volvere fumum.
 Vela cadunt; remis insurgimus: haud mora, nautae
 Adnixi torquent spumas, et caecula verrunt.
 Servatum ex undis Strophadum me litora primum
 Adciunt. Strophades Grajo stant nomine dictae,
 Insulae Ionio in magno: quas dira Celaeno,
 Harpyiaeque colunt aliae, Phineia postquam
 Clausa domus, mensasque metu liquere priores.
 Tristius haud illis monstrum, nec saevior ulla
 Pestis et ira Deum Stygiis sese extulit undis.
 Virginei volucrum voltus, foedissima ventris
 Proluvies, uncaeque manus, et pallida semper
 Ora fame.
 Huc ubi delati portus intravimus; ecce
 Laeta boum passim campis armenta videmus,
 Caprigenumque pecus, nullo custode, per herbas.
 Inruimus ferro, et divos, ipsumque vocamus
 In partem praedamque Jovem. Tum litore curvo
 Extruimusque toros, dapibusque epulamur epimis.
 At subitae horrifico lapsu de montibus adsunt
 Harpyiae, et magnis quatiant clangoribus alas,
 Diripiuntque dapes, contactuque omnia foedant:

Inmundo: tum vox taciturnum dira inter odorem.
Rursum in secessu longo sub rupe cavata,
Arboribus clausi circum atque horrentibus umbris,
Instruimus mensas, arisque reponimus ignem.
Rursum ex diverso coeli caecisque latebris
Turba sonans praedam pedibus circumvolat uncis:
Polluit ore dapes. Sociis tunc, arma capessant,
Edico, et dira bellum cum gente gerendum.
Haud secus ac jussi faciunt, tectosque per herbant
Disponunt ensis, et scuta latentia condunt.
Ergo ubi delapsae sonitum per curva dedere
Litora; dat signum specula Misenus ab alta
Aere cavo. Invadunt socii, et nova proelia tentant,
Obscaenas pelagi ferro foedare volucres.
Sed neque vim plumis ullam, nec volnera tergo
Adciunt; celerique fuga sub sidera lapsae
Semesam praedam et vestigia foeda relinquunt.
Una in praecelsa consedit rupe Celaeno,
Infelix vates, rumpitque hanc pectore vocem:
Bellum etiam pro caede boum stratisque juvenis,
Laomedontiadae, bellumne inferre paratis,
Et patrio Harpyias insontis pellere regno?
Adcipite ergo, animis atque haec mea figite dicta:
Quae Phoebus pater omnipotens, mihi Phoebus Apollo
Praedixit, vobis Furiarum ego maxima pando.
Italiam cursu petitis, ventisque vocatis
Ibitis Italiam, portusque intrare licebit:
Sed non ante datam cingetis moenibus urbem,
Quam vos dira fames nostraeque injuria caedis
Ambesas subigat malis absumere mensas.
Dixit: et in silvam pennis ablata refugit.
At sociis subita gelidus formidine sanguis
Deriguit: cecidere animi: nec jam amplius armis,
Sed votis precibusque jubent exposcere pacem,

Sive Deae, seu sint dirae obscaenaeque volucres.
Et pater Anchises, passis de litore palmis,
Numina magna vocat, meritosque indicit honores.
DI, prohibete minas: DI, talem avertite casum:
Et placidi servate pios. Tum litore funem
Deripere, excussosque jubet laxare rudentis.
Tendunt vela Noti: ferimur spumantibus undis,
Qua cursum ventusque gubernatorque vocabant.
Jam mediis adparet fluctu nemorosa Zacynthos,
Dulichiumque, Sameque, et Neritos ardua saxa.
Effugimus scopulos Ithacae, Laërtia regna,
Et terram altricem saevi execramur Ulixi.
Mox et Leucatae nimbosa cacumina montis,
Et formidatus nautis aperitur Apollo.
Hunc petimus fessi, et parvae succedimus urbi.
Anchora de prora jacitur. Stant litore puppes.

Ergo insperata tandem tellure potiti,
Lustramurque Jovi, votisque incendimus aras;
Actiaque Iliacis celebramus litora ludis.
Exercent patrias olio labente palaestras
Nudati socii. Juvat evasisse tot urbis
Argolicas, mediosque fugam tenuisse per hostis.
Interea magnum sol circumvolvitur annum,
Et glacialis hiems aquilonibus asperat undas.
Aere cavo clipeum, magni gestamen Abantis,
Postibus adversis figo, et rem carmine signo:
ÆNEAS HAEC DE DANAIIS VICTORIBUS ARMA.
Linquere tum portus jubeo, et considerare transtria.
Certatim socii feriunt mare, et aequora verrunt.
Protenus aërias Phaeacum abscondimus arces,
Litoraque Epiri legimus, portuque subimus
Chaonio, et celsam Buthroti adcedimus urbem.

Hic incredibilis rerum fama occupat auras,
Priamiden Helenum Grajas regnare per urbis,

Conjugio Aecidae Pyrrhi sceptrisque potitum :
 Et patrio Andromachen iterum cessisse marito.
 Obstupui; miroque incensum pectus amore;
 Compellare virum, et casus cognoscere tantos.
 Progredior portu, classis et litora linqvens.
 Sollemnis quum forte dapes, et tristia dona,
 Ante urbem in luco falsi Simoëntis ad undam
 Libabat cineri Andromache, Manisque vocabat
 Hectoreum ad tumulum: viridi quem cespite inanem,
 Et geminas, causam lacrimis, sacraverat aras.
 Ut me conspexit venientem, et Troia circum
 Arma amens vidit; magnis exterrita monstis
 Deriguit visu in medio: calor ossa reliquit.
 Labitur: et longo vix tandem tempore fatur:
 Verane te facies, verus mihi nuntius adfers,
 Nate dea? vivisne? aut si lux alma recessit,
 Hector ubi est? dixit, lacrimasque effudit, et omnem
 Inplevit clamore locum. Vix pauca furenti
 Subjicio, et raris turbatus vocibus hisco.
 Vivo equidem, vitamque extrema per omnia duco,
 Ne dubita: nam vera vides.
 Heu! quis te casus dejectam conjuge tanto
 Excipit? aut quae digna satis Fortuna revisit?
 Hectoris Andromache Pyrrhin' connubia servas?
 Dejecit voltum, et demissa voce locuta est:
 O felix una ante alias Priameia virgo,
 Hostilem ad tumulum Trojae sub moenibus altis
 Jussa mori, quae sortitus non pertulit ullos,
 Nec victoris heri tetigit captiva cubile!
 Nos, patria incensa, diversa per aequora vectae,
 Stirpis Achilleae fastus, juvenemque superbum
 Servitio enixae tulimus. Qui deinde secutus
 Ledaeam Hermionen Lacedaemoniosque Hymenaeos,
 Me famulo famulamque Heleno transmisit habendum.

Ast illum, ereptae magno inflammatus amore
 Conjugis, et scelerum Furiis agitatus, Orestes
 Excipit incautum, patriasque obtruncat ad aras.
 Morte Neoptolemi regnorum reddita cessit
 Pars Heleno: qui Chaonios cognomine campos,
 Chaoniamque omnem Trojano a Chaone dixit:
 Pergamaque, Iliacamque jugis hanc addidit arcem.
 Sed tibi qui cursum venti, quae fata dedere?
 Aut quisnam ignarum nostris deus adpulit oris?
 Quid puer Ascanius; superatne, et vescitur aura?
 Quem tibi jam Troja * * * *

Ecqua tamen puero est amissae cura parentis?
 Ecquid in antiquam virtutem animosque virilis
 Et pater Aeneas et avunculus excitat Hector?
 Talia fundebat lacrimans, longosque ciebat
 Incassum fletus: quum sese a moenibus heros
 Priamides multis Helenus comitantibus adfert,
 Adgnoscatque suos, lactusque ad limina ducit,
 Et multum lacrimas verba inter singula fundit.
 Procedo, et parvam Trojam, simulataque magnis
 Pergama, et arentem Xanthi cognomine rivum
 Adgnosco, Scaetaeque amplector limina portae.
 Nec non et Teucri socia simul urbe fruuntur.
 Illos porticibus rex adiciebat in amplis.
 Aulai in medio libabant pocula Bacchi,
 Inpositis auro dapibus: paterasque tenebant.

Jamque dies, alterque dies processit: et aurae
 Vela vocant, tumidoque inflatur carbasus austro.
 His vatem adgredior dictis, ac talia quaeso:
 Trojugenâ, interpret Divom, qui numina Phoebi,
 Qui tripodas, Clarii lauros, qui sidera sentis,
 Et volucrum linguas, et praepetis omina pennae,
 Fare age (namque omnem cursum mihi prospera dixit
 Religio, et cuncti suaserunt numine Divi

Italiam petere, et terras tentare repostas:
 Sola novum dictuque nefas Harpyia Celaeno
 Prodigium canit, et tristis denuntiat iras,
 Obscoenamque famem) quae prima pericula vito?
 Quidve sequens tantos possim superare labores?
 Hic Helenus, caesis primum de more juvenis,
 Exorat pacem Divom, vittasque resolvit
 Sacra ti capitis, meque ad tua limina, Phoebe,
 Ipse manu multo suspensum numine ducit:
 Atque haec deinde canit divino ex ore sacerdos:
 Nate Dea, (nam te majoribus ire per altum
 Auspiciis manifesta fides: sic fata Deum rex
 Sortitur, volvitque vices: is vertitur ordo)
 Pauca tibi e multis, quo tutior hospita lustras
 Aequora, et Ausonio possis considerare portu,
 Expediam dictis (prohibent nam cetera Parcae
 Scire, Helenum farique vetat Saturnia Juno)
 Principio Italiam, quam tu jam rere propinquam,
 Vicinosque, ignare, paras invadere portus,
 Longa procul longis via dividit invia terris.
 Ante et Trinacria lentandus remus in unda,
 Et salis Ausonii lustrandum navibus aequor,
 Infernique lacus, Aeacaeque insula Circae,
 Quam tuta possis urbem componere terra.
 Signa tibi dicam: tu condita mente teneto.
 Quum tibi sollicito secreti ad flumipis undam
 Litorcis ingens inventa sub illicibus sus,
 Triginta capitum foetus enixa, jacebit,
 Alba, solo recubans, albi circum ubera nati:
 Is locus urbis erit: requies ea certa laborum.
 Nec tu mensarum morsus horresce futuros:
 Fata viam invenient, aderitque vocatus Apollo.
 Has autem terras, Italique hanc litoris oram,
 Proxima quae nostri perfunditur aequoris acstu,

Effuge: cuncta malis habitantur moenia Grajis.
 Hic et Narycii posuerunt moenia Locri,
 Et Sallentinus obsedit milite campos
 Lyctius Idomeneus: hinc illa ducis Meliboei
 Parva Philoctetae subnixa Petilia muro.
 Quin, ubi transmissae steterint trans aequora classes,
 Et positis aris jam vota in litore solves,
 Purpureo velare comas adopertus amictu;
 Ne qua inter sanctos ignis in honore Deorum
 Hostilis facies occurrat; et omina turbet.
 Hunc socii morem sacrorum, hunc ipse teneto:
 Hac casti maneant in religione nepotes.
 Ast, ubi digressum Siculae te admoverit orae
 Ventus, et angusti rarescent claustra Pelori,
 Laeva tibi tellus, et longo laeva petantur
 Aequora circuitu: dextrum fuge litus, et undas.
 Haec loca vi quondam, et vasta convolsa ruina
 (Tantum levi longinqua valet mutare vetustas)
 Dissiluisse ferunt, quum protenus utraque tellus
 Una foret: venit medio vi pontus, et undis
 Hesperium Siculo latus abacidit, arvaeque et urbis
 Litore diductas angusto interluit aestu.
 Dextrum Scylla latus, laevum inplacata Charybdis
 Obsidet, atque imo barathri ter gurgite vastos
 Sorbet in abruptum fluctus, rursusque sub auras
 Erigit alternos, et sidera verberat unda.
 At Scyllam caecis cohibet spelunca latebris,
 Ora exsertantem, et navis in saxa trahentem.
 Prinna hominis facies, et pulchro pectore virgo
 Pube tenus: postrema inmani corpore pistrix,
 Delphinum caudas utero commissa luporum.
 Praestat Trinacrii metas lustrare Pachyni
 Cessantem, longos et circum flectere cursus,
 Quam semel informem vasto vidisse sub antro

Scyllam: et caeruleis canibus resonantia saxa.
Praeterea, si qua est Heleno prudentia, vati
Si qua fides, animum si veris inplet Apollo,
Unum illud tibi, nate dea, praeque omnibus unum
Praedicam; et repetens iterumque iterumque monebo.
Junonis magnae primum prece numen adora:
Junoni cane vota libens, dominamque potentem
Supplicibus supera donis. Sic denique victor
Trinacria suis Italos mittere relicta.
Huc ubi delatus Cumaeam adcesseris urbem,
Divinosque lacus, et Averno sonantia silvis;
Insanam vatem adspicies: quae rupe sub ima
Fata canit, foliisque notas et nomina mandat.
Quaecumque in foliis descripsit carmina virgo,
Digerit in numerum, atque antro seclusa relinquit.
Illa manent inmota locis, neque ab ordine cedunt.
Verum eadem, verso tenuis quum cardine ventus
Impulit, et teneras turbavit janua frondis,
Numquam deinde cayo volitantia prendere saxo,
Nec revocare situs, aut jungere carmina curat.
Inconsulti abeunt, sedemque odere Sibyllae.
Hic tibi ne qua morae fuerint dispendia tanti,
Quamvis increpitent socii, et vi cursus in altum
Vela vocet, possisque sinus implere secundos,
Quin adeas vatem, precibusque oracula poscas.
Ipsa canat, vocemque volens atque ora resolvat.
Illa tibi Italiae populos, venturaque bella,
Et quo quemque modo fugiasque ferasque laborem,
Expediet; cursusque dabit venerata secundos.
Haec sunt, quae nostra liceat te voce moneri.
Vade age, et ingentem factis fer ad aethera Trojam.
Quae postquam vates sic ore effatus amico est,
Dona dehinc auro gravia, sectoque elephanto
Imperat ad navis ferri, stipatque carinis

Ingens argentum, Dodonacosque lebetas,
 Loricam consertam hamis auroque trilicem,
 Et conum insignis galeae, cristasque comantis,
 Arma Neoptolemi. Sunt et sua dona parenti.
 Addit equus, additque duces;
 Remigium subplet : socios simul instruit armis.

Interea classem velis aptare jubebat
 Anchises, fieret vento mora ne qua ferenti.
 Quem Phoebi interpretes multo compellat honore :
 Conjugio, Anchisa, Veneris dignate superbo,
 Cura Deum, bis Pergameis erepte ruinis,
 Ecce tibi Ausoniae tellus : hanc adripe velis.
 Et tamen hanc pelago praeterlabare necesse est.
 Ausoniae pars illa procul, quam pandit Apollo.
 Vade, ait, o felix nati pietate. Quid ultra
 Provehor, et fando surgentis demoror austros?
 Nec minus Andromache, digressu maesta supremo,
 Fert picturatas auri subtemine vestis,
 Et Phrygiam Ascanio chlamydem; nec cedit honori :
 Textilibusque onerat donis, ac talia fatur :
 Adcipe et haec, manuum tibi quae monumenta mearum.
 Sint, puer, et longum Andromachae testentur amorem,
 Conjugis Hectoreae. Cape dona extrema tuorum,
 O mihi sola mei super Astyanactis imago.
 Sic oculos, sic ille manus, sic ora ferebat :
 Et nunc aequali tecum pubesceret aevo.
 Hos ego digrediens lacrimis adfabar obortis :
 Vivite felices, quibus est Fortuna peracta
 Jam sua : nos alia ex aliis in fata vocamur.
 Vobis parta quies : nullum maris aequor arandum :
 Arva neque Ausoniae, semper cedentia retro,
 Quaerenda. Effigiem Xanthi Trojamque videtis,
 Quam vestrae fecere manus, melioribus, opto,
 Auspiciis; et quae fuerit minus obvia Grajis.

Si quando Thybrim, vicinaque Thybridis arva
Intraro, gentique meae data moenia cernam,
Cognatas urbis olim, populosque propinquos,
Epiro, Hesperia, quibus idem Dardanus auctor,
Atque idem casus; unam faciemus utramque
Trojam animis. Maneat nostros ea cura nepotes.

Provehimur pelago vicina Ceraunia juxta :
Uude iter Italiam, cursusque brevissimus undis.
Sol ruit interea, et montes umbrantur opaci.
Sternimur optatae gremio telluris ad undam,
Sortiti æmos, passimque in litore sicco
Corpora curamus. Fessos sopor inrigat artus.
Necdum orbem medium nox horis acta subibat :
Haud segnis strato surgit Palinurus, et omnis
Explorat ventos, atque auribus æra captat :
Sidera cuncta notat tacito labentia coelo,
Arcturum, pluviasque Hyadas, geminosque Triones,
Armatumque auro circumspicit Oriona.
Postquam cuncta videt coelo constare sereno ;
Dat clarum e puppi signum : nos castra movemus,
Tentamusque viam, et velorum pandimus alas.
Jamque rubescebat stellis Aurora fugatis,
Quum procul obscuros colles humilemque videmus
Italiam. Italiam primus conclamat Achates ;
Italiam læto socii clamore salutant.
Tum pater Anchises magnum cratera corona
Induit : inplevitque mero ; Divosque vocavit
Stans celsa in puppi.
Il, maris et terrae tempestatumque potentes,
Ferte viam vento facilem, et spirate secundi.
Crebrescunt optatae auræ, portusque patescit
Jam propior, templumque adparet in arce Minervæ.
Vela legunt socii, et proras ad litora torquent.
Portus ab Euroo fluctu curvatus in arcum ;

Objectae salsa spumant adspargine cautes :
 Ipse latet. Geminò demittunt brachia muro
 Turriti scopuli, refugitque ab litore templum.
 Quatuor hîc, primum omen, equos in gramine vidi
 Tondentis campum late, candore nivali.
 Et pater Anchises: Bellum, o terra hospita, portas :
 Bello armantur equi : bellum hæc armenta minantur :
 Sed tamē idem olim curru succedere sueti
 Quadrupedes, et frena iugo concordia ferre.
 Spes et pacis, ait. Tum numina sancta precamur
 Palladis armisonae, quae prima adcepit ovantis ;
 Et capita ante aras Phrygio velamur amictu ;
 Praeceptisque Heleni, dederāt quae maxuma, rite
 Junoni Argivae jussos adolemus honores.
 Haud mora : continuo perfectis ordine votis,
 Cornua velatarum obvertimus antēnnarum,
 Grajugenūmque domos suspectaque linquimns arva.
 Hinc sinus Herculei, si vera est fama, Tarenti
 Cernitur. Adtollit se diva Lacinia contra,
 Caulonisque arces, et navifragum Scylaceum.
 Tum procul ē fluctu Trinacria cernitur Aetna,
 Et gemitum ingentem pelagi, pulsataque saxa
 Andimus longe, fractasque ad litora voces :
 Exsultantque vada, atque aestu miscentur arenae.
 Et pater Anchises : Nimirum hæc illa Charybdis :
 Hos Helenns scopulos, hæc saxa horrenda canebat.
 Eripite, o socli : pariterque insurgite remis.
 Haud minus ac jussi faciunt : primusque rudentem
 Contorsit laevas proram Palinurus ad undas.
 Laevam cuncta cohors remis ventisque petivit.
 Tollimur in coelum curvato gurgite, et idem
 Subducta ad Manis imos desidimus unda.
 Ter scopuli clamorem inter cava saxa dedere :
 Ter spumam elisam et rorantia vidimus astra :

Interea fessos ventus cum sole reliquit;
Ignarique viae Cyclopum adlabimur oris.
Portus ab accessu ventorum innotus, et ingens
Ipse; sed horrificis juxta tonat Aetna ruinis,
Interdumque atram prorumpit ad aethera nubem,
Turbine fumantem piceo et candente favilla;
Adtollitque globos flammarum, et sidera lambit:
Interdum scopulos avolsaque viscera montis
Erigit eructans, liquefactaque saxa sub auras
Cum gemitu glomerat, fundoque exaestuat imo.
Fama est, Enceladi semiustum fulmine corpus
Urgueri mole hac, ingentemque insuper Aetnam
Inpositam, ruptis flammam expirare caminis;
Et, fessum quoties mutet latus, intremere omnem
Murmure Trinacriam, et coelum subtexere fumo.
Noctem illam tecti silvis inmania monstra
Perferimus: nec, quae sonitum det caussa, videmus.
Nam neque erant astrorum ignes, nec lucidus aethra
Siderea polus; obscuro sed nubila coelo:
Et Lunam in nimbo nox intempesta tenebat.

Postera jamque dies primo surgebat Eoó,
Humentemque Aurora polo dimoverat umbram:
Quum subito e silvis, macie confecta suprema,
Ignoti nova forma viri, miserandaque cultu,
Procedit, supplexque manus ad litora tendit.
Respicimus. Dira illuvies, inmissaque barba,
Consertum tegumen spinis: at cetera Grajus,
Ut quondam patriis ad Trojam missus in armis.
Isque ubi Dardanio habitus, et Troia vidit
Arma procul; paullum adspectu conterritus haesit,
Continuitque gradum: mox sese ad litora praeceps
Cum fletu precibusque tulit. Per sidera testor,
Per superos, atque hoc coeli spirabile lumen;
Tollite me, Teucris: quascumque abducite terras.



Hoc sat erit. Scio me Danaïs e classibus unum,
 Et bello Iliacos fateor petiisse Penates.
 Pro quo, si sceleris tanta est injuria nostri,
 Spargite me in fluctus, vastoque inmergite ponto.
 Si pereo, hominum manibus periisse juvabit.
 Dixerat: et genua amplexus, genibusque volutans
 Haerebat. Qui sit, fari, quo sanguine cretus,
 Hortamur; quae deinde agitet Fortuna, fateri.
 Ipse pater dextram Anchises, haud multa moratus,
 Dat juveni; atque animum praesenti pignore firmat.
 Ille haec, deposita tandem formidine, fatur:
 Sum patria ex Ithaca, comes infelicis Ulixi,
 Nomen Achemenides, Trojam genitore Adamasto
 Paupere, mansissetque utinam Fortuna! profectus.
 Hic me, dum trepidi crudelia limina linquant,
 Inmemores socii vasto Cyclopi in antro
 Deseruere. Domus sanie dapibusque cruentis,
 Intus opaca, ingens. Ipse arduus, altaque pulsat
 Sidera, DI, talem terris avertite pestem,
 Nec visu facilis, nec dictu adfabilis ulli.
 Visceribus miserorum et sanguine vescitur atro.
 Vidi egomet, duo de numero quum corpora nostro
 Prensa manu magna medio resupinus in antro
 Frangeret ad saxum, sanieque exspersa natarent
 Limina: vidi atro quum membra fluentia tabo
 Manderet, et tepidi tremarent sub dentibus artus.
 Haud inpune quidem. Nec talia passus Ulixes,
 Oblitusve sui est Ithacus discrimine tanto.
 Nam simul expletus dapibus, vinoque sepultus,
 Cervicem inflexam posuit, jacuitque per antrum
 Imensus, saniem eructans ac frustra cruento
 Per somnum commixta mero; nos, magna precati
 Numina, sortitique vices, una undique circum
 Fundimur, et telo lumen terebramus acuto

Ingens, quod torva solum sub fronte latebat,
Argolici clipei aut Phoebeae lampadis instar:
Et tandem lacti sociorum ulciscimur umbras.
Sed fugite, o miseri, fugite, atque ab litore funem
Rumpite.

Nam qualis quantusque cavo Polyphemus in antro
Lanigeras claudit pecudes, atque ubera pressat,
Centum alii curva haec habitant ad litora volgo
Infandi Cyclopes, et altis montibus errant.
Tertia jam lunae se cornua lumine complent,
Quum vitam in silvis, inter deserta ferarum
Lustra domosque traho, vastosque ab rupe Cyclopas
Prospicio, sonitumque pedum vocemque tremisco.
Victum infelicem, baccas lapidosaque corna,
Dant rami, et volsis pascunt radicibus herbae.
Omnia conlustrans, hanc primum ad litora classem
Conspexi venientem. Huic me, quaecumque fuisset,
Addixi: satis est gentem effugisse nefandam.
Vos animam hanc potius quocumque absumite leto.

Vix ex fatus erat: summo quum monte videmus
Ipsam inter pecudes vasta se mole moventem
Pastorem Polyphemum, et litora nota petentem:
Monstrum horrendum, informe, ingens, cui lumen ademtum.
Trunca manum pinus regit, et vestigia firmat.
Lanigeræ comitantur oves: ea sola voluptas,
Solamenque mali.

Postquam altos tetigit fluctus, et ad aequora venit,
Luminis effossi fluidum lavit inde cruorem,
Dentibus infrendens gemitu: graditurque per aquor
Jam medium, necdum fluctus latera ardua tinxit.
Nos procul inde fugam trepidi celerare, recepto
Supplice, sic merito; tacitique incidere funem;
Verrimus et proni certantibus aequora remis.
Sensit, et ad sonitum vocis vestigia torsit,

Verum ubi nulla datur dextram adfectare potestas,
 Nec potis Ionios fluctus aequare sequendo,
 Clamorem inmensum tollit: quo pontus, et omnes
 Intremuere undae, penitusque exterrita tellus
 Italiae, curvisque inmugiit Aetna cavernis.
 At genus e silvis Cyclopum et montibus altis
 Excitum ruit ad portus, et litora complent.
 Cernimus adstantis nequidquam lumine torvo
 Aetnaeos fratres, coelo capita alta ferentis,
 Concilium horrendum: quales quum vertice celso
 Aëriae quercus, aut coniferae cyparissi
 Constiterunt, silva alta Jovis, lucusve Dianae.
 Praecipites metus acer agit quocumque rudentis
 Excutere, et ventis intendere vela secundis.
 Contra jussa monent Heleni, Scyllam atque Charybdim
 Inter utramque viam, leti discrimine parvo,
 Ni teneant cursus: certum est dare linthea retro.
 Ecce autem Boreas angusta ab sede Pelori
 Missus adest. Vivo praetervehor ostia saxo
 Pantagiae, Megaroque sinus, Thapsumque jacentem,
 Talia monstrabat relegens errata retrorsum
 Litora Achemepides, comes infelicis Ulixi.

Sicania praetenta sinu jacet insula contra
 Plemmyrium undosum: nomen dixere priores
 Ortygiam. Alpheum fama est huc Elidis amnem
 Occultas egisse vias subter mare: qui nunc
 Ore, Arcthusa, tuo Siculis confunditur undis.
 Jussi numina magna loci veneramur: et inde
 Exsupero praepingue solum stagnantis Helori.
 Hinc altas cautes projectaque saxa Pachyni
 Radinus, et fatis nunquam concessa moveri,
 Adparet Camerina procul, campique Geloi,
 Inmanisque Gela fluvii cognomine dicta.
 Arduus inde Agragas ostentat maxima longe

Moenia, magnanimū quondam generator equorum.

Teque datis linquo ventis, palmosa Selinus;

Et vada dura lego saxis Lilybēa caecis.

Hinc Drepani me portus et inlactabilis ora

Adcipit. Hic, pelagi tot tempestatibus actus,

Heu genitorem, omnis curae casusque levamen,

Amitto Anchisen. Hic me, pater optime, fessum

Deseris, heu, tantis, nequidquam erepte periclis!

Nec vates Helenus, quum multa horrenda moneret,

Hos mihi praedixit luctus, non dira Celaeno.

Hic labor extremus, longarum haec meta viarum,

Hinc me digressum vestris Deus adpulit oris.

Sic pater Aeneas, intentis omnibus, unus

Fata renarrabat Divūm, cursusque docebat.

Conticuit tandem, factoque hic fine quievit.

PUBLII
VIRGILII
MARONIS
AENEIDOS
LIBER QUARTUS.

AT regina gravi jam dudum saueia cura
Volnus alit venis, et caeco carpitur igni.
Multa viri virtus animo, multusque recursat
Gentis honos. Haerent infixi pectore vultus,
Verbaque : nec placidam membris dat cura quietem.
Postera Phoebea lustrabat lampade terras,
Humentemque Aurora polo dimoverat umbram ;
Quum sic unanimam adloquitur male sana sororem :
Anna soror, quae me suspensam insomnia terrent !
Quis novus hic nostris successit sedibus hospes !
Quem sese ore ferens ! quam forti pectore, et armis !
Credo equidem, nec vana fides, genus esse Deorum.
Degeneres animos timor arguit. Heu, quibus ille
Jactatus fatis ! quae bella exhausta eanebat !
Si mihi non animo fixum innotumque sederet,
Ne cui me vincolo vellem sociare jugali,
Postquam primus amor deceptam morte fefellit :
Si non pertaesum thalami taedaeque fuisset ;
Huic uni forsán potui succumbere eulpae.
Anna, fatebor enim ; miseri post fata Siehaei
Conjugis, et sparsos fraterna caede Penatis,

Solus hic inflexit sensus, animumque labantem
Impulit. Adgnosco veteris vestigia flammae.
Sed mihi vel tellus optem prius ima dehiscat,
Vel Pater omnipotens adigat me fulmine ad umbras,
Pallentis umbras Erebi, noctemque profundam,
Ante, Pudor, quam te violo, aut tua jura resolvo.
Ille meos, primus qui me sibi junxit, amores
Abstulit: ille habeat secum, servetque sepulcro.
Sic effata sinum lacrimis inplevit obortis.
Anna refert, O luce magis dilecta, sorori,
Solane perpetua maerens carpere juvena?
Nec dulcis natos, Veneris nec praemia noris?
Id cinerem aut manis credis curare sepultos?
Esto: aegram nulli quondam flexere mariti:
Non Libyae, non ante Tyro: despectus Iarbas,
Ductoresque alii, quos Africa terra triumphis
Dives alit. Placitone etiam pugnabis amori?
Nec venit in mentem, quorum consederis arvis?
Hinc Gaetulae urbes, genus insuperabile bello:
Et Numidae infreni cingunt, et inhospita Syrtis:
Hinc deserta siti regio, lateque furentes
Barcaei. Quid bella Tyro surgentia dicam,
Germanique minas?
DIs equidem auspiciis reor et Junone secunda
Huc cursum Iliacas vento tenuisse carinas.
Quam tu urbem, soror, hanc cernes! quae surgere regna
Conjugio tali! Teucrûm comitantibus armis,
Punica se quantis adtollet gloria rebus!
Tu modo posce Deos veniam, sacrisque litatis
Indulge hospitio, caussasque innecte morandi:
Dum pelago desaevit hiems, et aquosus Orion,
Quassataeque rates, dum non tractabile coelum.
His dictis incensum animum inflamnavit amore,
Spemque dedit dubiae menti, solvitque pudorem.

Principio delubra adeunt, pacemque per aras
 Exquirunt: mactant lectas de more bidentis
 Legiferae Cereri, Phoeboque, patrique Lyaeo;
 Junoni ante omnis, cui vincla jugalia curae.
 Ipsa, tenens dextra pateram, pulcherrima Dido,
 Candentis vaccae media inter cornua fundit:
 Aut ante ora Deum pinguis spatatur ad aras,
 Instaurationem diem domus; pecudumque reclusis
 Pectoribus inhians spirantia consulit exta.
 Heu vatum ignarae mentes! quid vota furem,
 Quid delubra juvant? Est mollis flamma medullas
 Interea, et tacitum vivit sub pectore vulnus.
 Uritur infelix Dido, totaque vagatur
 Urbe furens: qualis conjecta cerva sagitta,
 Quam procul incautam nemora inter Cresia fixit
 Pastor agens telis, liquitque volatile ferrum
 Nescius. Illa fuga silvas saltusque peragrat
 Dictaeos: haeret lateri letalis arundo.
 Nunc media Aenean secum per moenia ducit,
 Sidoniasque ostentat opes, urbemque paratam.
 Incipit effari, mediaque in voce resistit.
 Nunc eadem, labente die, convivia quaerit,
 Iliacosque iterum demens audire labores
 Exposcit, pendetque iterum narrantis ab ore.
 Post, ubi digressi, lumenque obscura vicissini
 Luna premit, suadentque cadentia sidera somnos:
 Sola domo maeret vacua, stratisque relictis
 Incubat. Illum absens absentem auditque videtque,
 Aut gremio Ascanium, genitoris imagine capta,
 Detinet, infandum si fallere possit amorem.
 Non coepit adsurgunt turres; non arma juvenus
 Exercet; portusve aut propugnacula bello
 Tuta parant: pendent opera interrupta, minaeque
 Murorum ingentes, aequataque machina coelo.

Quam simul ac tali persensit peste teneri
Cara Jovis conjux, nec famam obstare furori;
Talibus adgreditur Venerem Saturnia dictis:
Egregiam vero laudem et spolia ampla refertis
Tuque puerque tuus: magnum et memorabile numer
Una dolo Divûm si femina victa duorum est.
Nec me adeo fallit, veritam te moenia nostra,
Suspectas habuisse domos Carthaginis altae.
Sed quis erit modus? aut quo nunc certamine tanto?
Quin potius pacem aeternam pactosque Hymenaeos
Exercemus? habes, tota quod mente petisti.
Ardet amans Dido, traxitque per ossa furorem.
Communem hunc ergo populum, paribusque regamus
Auspiciis: liceat Phrygio servire marito,
Dotalisque tuae Tyrios permittere dextrae.
Olli (scensit enim simulata mente locutam,
Quo regnum Italiae Libycas averteret oras)
Sic contra est ingressa Venus: Quis talia demens
Abnuat, aut tecum malit contendere bello?
Si modo, quod memoras, factum fortuna sequatur.
Sed fatis incerta feror, si Juppiter unam
Esse velit Tyriis urbem Trojaque profectis,
Miscerive probeb populos, aut foedera jungi.
Tu conjux: tibi fas animum tentare precando.
Perge: sequar. Tum sic excepit regia Juno:
Mecum erit iste labor. Nunc qua ratione, quod instat,
Confieri possit, paucis, adverte, docebo.
Venatum Aeneas unaque miserrima Dido
In nemus ire parant, ubi primos crastinus ortus
Extulerit Titan, radiisque retexerit orbem.
His ego nigrantem conmixta grandine nimbum,
Dum trepidant alae, saltusque indagine cingunt,
Desuper infundam, et tonitru coelum omne ciebo.
Diffugient comites, et nocte tegentur opaca:

Speluncam Dido dux et Trojanus eandem
 Devenient. Adero, et, tua si mihi certa voluntas,
 Connubio jungam stabili, propriamque dicabo.
 Hic Hymenaeus erit. Non adversata petenti
 Adnuit, atque dolis risit Cytherea repertis.

Oceanum interea surgens Aurora relinquit.
 It portis jubare exorto delecta juvenus.
 Retia rara, plagae, lato venabula ferro,
 Massylque ruunt equites, et odora canum via.
 Reginam thalamo cunctantem ad limina primi
 Pocnorum expectant: ostroque insignis et auro
 Stat sonipes, ac frena ferox spumantia mandit.
 Tandem progreditur, magna stipante caterva,
 Sidoniam picto ehlamydem circumdata limbo:
 Cui pharetra ex auro, crines nodantur in aurum,
 Aurea purpuream subnectit fibula vestem.
 Nec non et Phrygii comites, et laetus Iulus,
 Incedunt. Ipse ante alios pulcherrimus omnis
 Infert se socium Aeneas, atque agmina jungit.
 Qualis, ubi hibernam Lyciam, Xanthique fluenta
 Descriit; ac Delum maternam invisit Apollo,
 Instauratione choros: mixtique altaria circum
 Cretesque Dryopesque fremunt, pictique Agathyrsi:
 Ipse jugis Cynthi graditur, mollique fluentem
 Fronde premit crinem fingens, atque implicat auro:
 Tela sonant humeris. Haud illo segnior ibat
 Aeneas: tantum egregio decus enitet ore.
 Postquam altos ventum in montis, atque invia lustra:
 Ecce ferae, saxi dejectae vertice, caprae
 Decurrere jugis: alia de parte patentis
 Transmittunt cursu campos, atque agmina cervi
 Pulverulenta fuga glomerant, montisque relinquunt.
 At puer Ascanius mediis in vallibus acri
 Gaudet equo: jamque hos cursu, jam praeterit illos,

Spumantemque dari pecora inter inertia votis
Optat aprum, aut fulvum descendere monte leonem.

Interea magno misceri murmure coelum
Incipit. Insequitur connixta grandine nimbus.
Et Tyrii comites passim, et Trojana juvenus,
Dardaniusque nepos Veneris, diversa per agros
Tecta metu petiere. Ruunt de montibus amnes
Speluncam Dido dux et Trojanus eandem
Deveniunt. Prima et Tellus et pronuba Juno
Dant signum: fulserunt ignes, et conscius aether
Connubiis: summoque ulularunt vertice Nymphae.
Ille dies primus leti primusque malorum
Causa fuit. Neque enim specie famave movetur,
Nec jam furtivum Dido meditatur amorem:
Conjugium vocat: hoc praetexit nomine culpam.

Exemplo Libyae magnas it Fama per urbis;
Fama malum, quo non aliud velocius ullum:
Mobilitate viget, viresque acquirit eundo;
Parva metu primo; mox sese adtollit in auras,
Ingrediturque solo, et caput inter nubila condit.
Illam Terra parens, ira irritata deorum,
Extremam, ut perhibent, Coeo Enceladoque sororem
Progeniuit, pedibus celerem, et perniciousis alis.
Monstrum horrendum, ingens: cui, quot sunt corpore plumaee,
Tot vigiles oculi subter, mirabile dictu,
Tot linguae, totidem ora sonant, tot subrigit auris.
Nocte volat coeli medio terraeque, per umbram
Stridens, nec dulci declinat lumina somno.
Luce sedet custos aut summi culmine tecti,
Turribus aut altis, et magnas territat urbis;
Tam ficti praeque tenax, quam nuntia veri.
Haec tum multiplici populos sermone replebat
Gaudens, et pariter facta atque infecta canebat:
Venisse Acnean, Trojano a sanguine cretum,

Cui se pulchra viro dignetur jungere Dido :
 Nunc hiemem inter se luxu, quam longa, fovere
 Regnorum inmemores, turpique cupidine captos.
 Haec passim Dea foeda virum diffundit in ora.
 Protinus ad regem cursus detorquet Iarban,
 Incenditque animum dictis, atque aggerat iras.

Hic Hammone satus, rapta Garamantide Nympha,
 Tempia Jovi centum, latis inmania regnis,
 Centum aras posuit, vigilemque sacraverat ignem,
 Excubias Divum aeternas, pecudumque cruore
 Pingue solum, et variis florentia limina sertis.
 Isteque amens animi, et rumore adensus amaro,
 Dicitur ante aras, media inter numina Divum,
 Multa Joveni manibus supplex orasse supinis :
 Juppiter omnipotens, cui nunc Maurusia pictis
 Gens epulata toris Lenaeum libat honorem,
 Adspicis haec? An te, genitor, quum scelmina torques,
 Nequidquam horremus? caecique in nubibus ignes
 Terrificant animos, et inania murmura miscent?
 Femina, quae nostris errans in sinibus urbem
 Exiguam pretio posuit, cui litus arandum,
 Cuique loci leges dedimus, connubia nostra
 Repulit, ac dominum Aenean in regna recepit.
 Et nunc ille Paris cum semiviro comitatu,
 Maconia mentum mitra crinemque madentem
 Subnixus, rapto potitur. Nos munera templis
 Quippe tuis ferimus, famamque fovemus inanem.

Talibus orantem dictis, arasque tenentem
 Audiit omnipotens, oculosque ad moenia torsit
 Regia, et oblitos famae melioris amantis.
 Tum sic Mercurium adloquitur, ac talia mandat :
 Vade age, nate, voca Zephyros, et labere pennis :
 Dardaniumque ducem, Tyria Carthagine qui nunc
 Exspectat, satisque datas non respicit urbis,

Adloquere, et celeris defer mea dicta per auras.
Non illum nobis genetrix pulcherrima talem
Promisit, Grajùmque ideo bis vindicat armis:
Sed fore, qui gravidam imperiis, belloque frementem
Italiam regeret, genus alto a sanguine Teucri
Proderet, ac totum sub leges mitteret orbem.
Si nulla accendit tantarum gloria rerum,
Nec super ipse sua molitur laude laborem;
Ascanione pater Romanas invidet arces?
Quid struit? aut qua spe inimica in gente moratur?
Nec prolem Ausoniam, et Lavinia respicit arva?
Naviget. Haec summa est: hic nostri nuntius esto.
Dixerat. Ille patris magni parere parabat
Imperio: et primum pedibus talaria nectit
Aurea: quae sublimem alis, sive aequora supra,
Seu terram, rapido pariter cum flamine portant.
Tum virgam capit. Hac animas ille evocat Orco
Pallentis; alias sub Tartara tristia mittit;
Dat somnos adimitque, et lumina morte resignat.
Illa fretus agit ventos, et turbida tranat
Nubila: jamque volans apicem et latera ardua cernit
Atlantis duri, coelum qui vertice fulcit;
Atlantis, cinctum adsidue cui nubibus atris
Piniferum caput, et vento pulsatur et imbri:
Nix humeros infusa tegit: tum flumina mento
Praecipitant senis, et glacie riget horrida barba.
Hic primum paribus nitens Cyllenius alis
Constitit: hinc toto praeceps se corpore ad undas
Mittit; avi similis, quae circum litora, circum
Pisculos scopulos humilis volat aequora juxta.
Haud aliter terras inter coelumque volabat;
Litus arenosum Libyae ventosque secabat
Materno veniens ab avo Cyllenii proles.
Ut primum alatis tetigit magalia plantis,

Aenean fundantem arces ac teeta novantem
 Conspicit: atque illi stellatus Iaspide fulva
 Ensis erat, Tyrioque ardebat murice laena,
 Demissa ex humeris: dives quae munera Dido
 Fecerat, et tenui telas discreverat auro.
 Continuo invadit: Tu nunc Carthagini altae
 Fundamenta locas, pulchramque uxorius urbem
 Exstruis? heu regni rerumque oblite tuarum!
 Ipse Deum tibi me claro demittit Olympo
 Regnator, coelum et terras qui numine torquet:
 Ipse haec ferre jubet celeris mandata per auras.
 Quid struis? aut qua spe Libycis teris otia terris?
 Si te nulla movet tantarum gloria rerum,
 Nec super ipse tua moliris laude laborem;
 Ascanium surgentem, et spes heredis Iuli
 Respice; cui regnum Italiae Romanaque tellus
 Debentur. Tali Cyllenius ore locutus
 Mortalis visus medio sermone reliquit,
 Et procul in tenuem ex oculis evanuit auram.
 At vero Aeneas adspectu obmutuit amens,
 Adrectaeque horrore comae, et vox faucibus haesit.
 Ardet abire fuga, duleisque relinquere terras,
 Adtonitus tanto monitu imperioque deorum.
 Heu quid agat? quo nunc reginam ambire furentem
 Audeat adfatu? quae prima exordia sumat?
 Atque animum nunc huc celerem, nunc dividit illuc,
 In partisque rapit varias, perque omnia versat.
 Haec alternanti potior sententia visa est:
 Mnesthea Sergestumque vocat, fortemque Cloanthum
 Classem aptent taciti, socios ad litora cogant;
 Arma parent, et, quae sit rebus causa novandis,
 Dissimulent. Sese interea, quando optima Dido
 Nesciat, et tantos rumpi non speret amores,
 Tentaturum aditus, et quae mollissima fandi

Tempora; quis rebus dexter modus. Ocios omnes
Imperio laeti parent, ac jussa facessunt.

At regina dolos, quis fallere possit amantem !
Praesensit, motusque excepit prima futuros ;
Omnia tuta timens. Eadem inopia fama furenti
Detulit armari classem, cursumque parari.
Saevit inops animi, totamque incensa per urbem
Bacchatur. Qualis commotis excita sacris
Thyas, ubi audito stimulant trieterica Baccho
Orgia, nocturnusque vocat clamore Cithaeron.
Tandem his Aenean conpellat vocibus ultro :

Dissimulare etiam sperasti, perfide, tantum
Posse nefas? tacitusque mea decedere terra?
Nec te noster amor, nec te data dextera quondam,
Nec moritura tenet crudeli funere Dido?
Quin etiam hiberno moliris sidere classem,
Et mediis properas aquilonibus ire per altum,
Crudelis? Quid si non arva aliena domosque
Ignotas peteres, et Troja antiqua maneret;
Troja per undosum peteretur classibus aequor?
Mene fugis? Per ego has lacrimas, dextramque tuam te,
(Quando aliud mihi jam miserae nihil ipsa reliqui)
Per connubia nostra, per inceptos Hymenaeos?
Si bene quid de te merui, fuit aut tibi quidquam
Dulce meum; miserere domus labentis, et istam,
Oro, si quis adhuc precibus locus, exue mentem.
Te propter Libycae gentes Nomadumque tyranni
Odere; infensi Tyrii: te propter eundem
Extinctus pudor, et qua sola sidera adibam
Fama prior. Cui me moribundam deseris, hospes?
Hoc solum nomen quoniam de conjuge restat.
Quid moror? an mea Pygmalion dum moenia frater
Destruat, aut captam ducat Gaetulus Iarbas?
Saltem si qua mihi de te suscepta fuisset

Ante fugam suboles; si quis mihi parvulus aula
 Luderet Aeneas, qui te tamen ore referret;
 Non equidem omnino capta ac deserta viderer.
 Dixerat. Ille Jovis monitis inmotâ tenebat
 Lumina, et obnixus curam sub corde premebat.
 Tandem pauca refert: Ego te, quae plurima fando
 Enumerare vales, numquam, Regina, negabo
 Promeritam: nec me meminisse pigebit Elissae;
 Dum memor ipse mei, dum spiritus hos regit artus.
 Pro re pauca loquar. Neque ego hanc abscondere furto
 Speravi, ne finge, fugam; nec conjugis umquam
 Praetendi taedas, aut haec in foedera veni.
 Me si fata meis paterentur ducere vitam
 Auspiciis, et sponte mea componere curas;
 Urbem Trojanam primum dulcisque meorum
 Reliquias colerem: Priami tecta alta manerent;
 Et recidiva manu posuisssem Pergama victis.
 Sed nunc Italiam magnam Gryneus Apollo,
 Italiam Lyciae jussere capessere sortes.
 Hic amor, hæc patria est. Si te Carthaginis arces
 Phœnissam, Libycaeque adspectus detinet urbis;
 Quae tandem, Ausonia Teucros considerare terra,
 Invidia est? Et nos fas extera quaerere regna.
 Me patris Anchisae, quoties humentibus umbris
 Nox operit terras, quoties astra ignea surgunt,
 Admonet in somnis et turbida terret iniago.
 Me puer Ascanius, capitisque injuria cari,
 Quem regno Hesperiae fraudo, et fatalibus arvis.
 Nunc etiam Interpres Divûm, Jove missus ab ipso,
 Testor utrumque caput, celeris mandata per auras
 Detulit. Ipse Deum manifesto in lumine vidi
 Inrantem muros, vocemque his auribus hausi.
 Desine meque tuis incendere teque querculis:
 Italiam non sponte sequor.

Talia dicentem jamdudum aversa tuetur,
 Huc illuc volvens oculos, totumque pererrat
 Luminibus tacitis, et sic adcesa profatur:
 Nec tibi Diva parens, generis nec Dardanus auctor,
 Perfide; sed duris genuit te cautibus horrens
 Caucasus, Hyrcanaeque admorunt ubera tigres.
 Nam quid dissimulo, aut quae me ad majora reservo?
 Num fletu ingemuit nostro? num lumina flexit?
 Num lacrimas victus dedit, aut miseratus amantem est?
 Quae quibus anteferam? jam jam nec maxuma Juno,
 Nec Saturnius haec oculis pater adspicit aequis.
 Nusquam tuta fides. Ejectum litore, egentem
 Excepi, et regni demens in parte locavi.
 Amissam classem, socios a morte reduxi.
 Heu Furiis incensa scror! nunc augur Apollo,
 Nunc Lyciae sortes, nunc et Jove missus ab ipso
 Interpres Divom fert horrida jussa per auras.
 Scilicet is superis labor est: ea cura quietos
 Sollicitat. Neque te teneo, neque dicta refello.
 I, sequere Italiam ventis: pete regna per undas.
 Spero equidem mediis, si quid pia numina possunt,
 Supplicia hausurum scopulis, et nomine Dido
 Saepe vocaturum. Sequar atris ignibus absens:
 Et, quum frigida mors anima seduxerit artus,
 Omnibus umbra locis adero. Dabis, inprobe, poenas.
 Audiam: et haec manis veniet mihi fama sub imos.
 His medium dictis sermonem abrumpit, et auras
 Aegra fugit, seque ex oculis avertit et aufert;
 Linquens multa metu cunctantem, et multa parantem
 Dicere. Suscipiunt famulae, conlapsaque membra
 Marmoreo referunt thalamo, stratisque reponunt.

At pius Aeneas, quamquam lenire dolentem
 Solando cupit, et dictis avertere curas;
 Multa gemens, magnoque animum labefactus amore;

Jussa tamen Divom exsequitur, classemque revisit.
 Tum vero Teucri incumbunt, et litore celsas
 Deducunt toto navis. Natat uncta carina:
 Frondentisque ferunt remos, et robora silvis
 Infabricata, fugae studio.
 Migrantis cernas, totaque ex urbe ruentis:
 Ac veluti ingentem formicae farris acervum
 Quum populant, hienis memores, tectoque reponunt:
 It nigrum campis agmen, praedamque per herbas
 Convectant calle angusto: pars grandia trudunt
 Obuixae frumenta humeris: pars agmina cogunt,
 Castigantque moras: opere omnis semita fervet.
 Quis tibi tunc, Dido, cernenti talia sensus?
 Quosve dabas gemitus, quum litora fervere late
 Prospiceres arce ex summa, totumque videres
 Misceri ante oculos tantis clamoribus aequor?
 Inprobe amor, quid non mortalia pectora cogis?
 Ire iterum in lacrimas, iterum tentare precando
 Cogitur: et supplex animos submittere amanti:
 Ne quid inexpertum frustra moritura relinquat.

Anna, vides toto properari litore circum:
 Undique convenere: vocat jans carbasus auras:
 Puppibus et laeti nautae inposuere coronas.
 Hunc ego si potui tantum sperare dolorem,
 Et perferre, soror, potero. Miserae hoc tamen unum
 Exsequere, Anna, mihi. Solam nam perfidus ille
 Te colere, arcanos etiam tibi credere sensus:
 Sola viri mollis aditus, et tempora noras.
 I, soror, atque hostem supplex adfare superbum:
 Non ego cum Danais Trojanam excindere gentem
 Aulide juravi, classemve ad Pergama misi:
 Nec patris Anchisae cinerem manisque revelli.
 Cur mea dicta negat duras demittere in auris?
 Quo ruit? extremum hoc miserae det munus amanti:

Expectet facilenique fugam, ventosque ferentis.
 Non jam conjugium antiquum, quod prodidit, oro;
 Nec pulchro ut Latio careat, regnumque relinquat.
 Tempus inane peto, requiem spatiumque furori;
 Dum mea me victam doceat fortuna dolere.
 Extremam hanc oro veniam: miserere sororis:
 Quam mihi quum dederis cumulatam, morte remittam.

Talibus orabat, talisque miserrima fletus
 Fertque refertque soror: sed nullis ille movetur
 Fletibus, aut voces ullas tractabilis audit.
 Fata obstant, placidasque viri Deus obstruit auris.
 Ac velut, annoso validam quum robore quercum
 Alpini Boreae nunc hinc nunc flatibus illinc
 Eruere inter se certant: it stridor; et alte
 Consternunt terram concusso stipite frondes:
 Ipsa haeret scopulis: et, quantum vertice ad auras
 Aetherias, tantum radice in Tartara tendit.
 Haud secus adsiduis hinc atque hinc vocibus heros
 Tunditur, et magno persentit pectore curas.
 Mens inmotam manet: lacrimae volvuntur inanes.

Tum vero infelix fati exterrita Dido
 Mortem orat: taedet coeli convexa tueri.
 Quo magis inceptum peragat, lucemque relinquat,
 Vidit, turicremis quum dona inponeret aris,
 Horrendum dictu, latices nigrescere sacros,
 Fusaque in obscaenum se vertere vina cruorem.
 Hoc visum nulli, non ipsi effata sorori.
 Praeterea fuit in tectis de marmore templum
 Conjugis antiqui, miro quod honore colebat,
 Velleribus niveis et festa fronde revinctum.
 Hinc exaudiri voces et verba vocantis
 Visa viri; nox quum terras obscura teneret:
 Solaque culminibus ferali carmine bubo
 Saepae queri, et longas in fletum ducere voces.

Multaque praeterea vatum praedicta piorum
Terribili monitu horrificant. Agit ipse furem
In somnis ferus Aeneas: semperque relinqui
Sola sibi, semper longam incommitata videtur
Ire viam, et Tyrios deserta quaerere terra.
Eumenidum veluti demens videt agmina Pentheus,
Et solem geminum, et duplicis se ostendere Thebas:
Aut Agamemnonius scaenis agitatus Orestes;
Armata facibus matrem et serpentibus atris
Quum fugit, ultricesque sedent in limine Dirae.

Ergo ubi concepit Furias evicta dolore,
Decrevitque mori; tempus secum ipsa modumque
Exigit: et maestam dictis adgressa sororem,
Consilium vultu tegit, ac spem fronte serenat:
Inveni, germana, viam, gratare sorori,
Quae mihi reddat eum, vel eo me solvat amantem.
Oceani finem juxta, solemque cadentem,
Ultimus Aethiopum locus est, ubi maximus Atlas
Axem humero torquet, stellis ardentibus aptum:
Hinc mihi Massylae gentis monstrata sacerdos,
Hesperidum templi custos, epulasque draconi
Quae dabat, et sacros servabat in arbore ramos,
Spargens humida mella soporiferumque papaver.
Haec se carminibus promittit solvere mentis,
Quas velit; ast aliis duras inmittere curas:
Sistere aquam fluviis, et vertere sidera retro:
Nocturnosque ciet manis. Mugire videbis
Sub pedibus terram, et descendere montibus ornos.
Testor, cara, Deos, et te, germana, tuumque
Dulce caput, magicas invitam adcingier artis.
Tu secreta pyram tecto interiore sub auras
Erige, et arma viri, thalamo quae fixa reliquit
Inpius, exuviasque omnis, lectumque jugalem,
Quo perii, superinponas. Abolere nefandi

Cuncta viri monumenta juvat, monstratque sacerdos.
 Haec effata silet. Pallor simul occupat ora.
 Non tamen Anna novis praetexere funera sacris
 Germanam credit, nec tantos mente furores
 Concipit, aut graviora timet, quam morte Sichaei.
 Ergo jussa parat.

At regina, pyra penetrali in sede sub auras
 Erecta ingenti, taedis, atque ilice secta,
 Intenditque locum sertis, et fronde coronat
 Funerea: super exuvias, cnsemque relictum,
 Effigiemque toro locat, haud ignara futuri.
 Stant arae circum, et crinis effusa sacerdos.
 Ter centum tonat ore deos, Erebumque, Chaosque,
 Tergeminamque Hecaten, tria virginis ora Dianae.
 Sparserat et latices simulatos fontis Averni:
 Falcibus et messae ad Lunam quaeruntur aënis
 Pubentes herbae, nigri cum lacte veneni:
 Quaeritur et nascentis equi de fronte revolsus,
 Et matri praereptus amor.
 Ipsa mola, manibusque piis, altaria juxta,
 Unum exuta pedem vinclis, in veste recincta,
 Testatur moritura Deos, et conscia fati
 Sidera: tum, si quod non aequo foedere amantis
 Curae numen habet, justumque memorque precatur.

Nox erat; et placidum carpebant fessa soporem
 Corpora per terras, silvaeque et saeva quierant
 Aequora: quum medio volvuntur sidera lapsu,
 Quum tacet omnis ager: pecudes, pictaeque volucres,
 Quaeque lacus late liquidos, quaeque aspera dumis
 Rura tenent, somno positae sub nocte silenti
 Lenibant curas, et corda oblita laborum.
 At non infelix animi Phoenissa, neque umquam
 Solvitur in somnos, oculisque aut pectore noctem
 Adcipit. Ingeminant curae: rursusque resurgens

Saevit amor, magnoque irarum fluctuat aestu.
 Sic adeo insistit, secumque ita corde volutat:
 En, quid ago? rursusne procos irrita priores
 Experiar? Nomadumque petam connubia supplex,
 Quos ego sim toties jam dedignata maritos?
 Iliacas igitur classis, atque ultima Teucrum
 Jussa sequar? quiaue auxilio juvat ante levatos,
 Aut bene apud memores veteris stat gratia facti?
 Quis me autem, fac velle, sinet; ratibusve superbis
 Invisam adcipt? nescis heu, perdita; nec dum
 Laomedontae sentis perjuria gentis?
 Quid tum? sola fuga nautas comitabor ovantis?
 An Tyriis, omnique manu stipata meorum
 Inferar? et quos Sidonia vix urbe revelli,
 Rursus agam pelago, et ventis dare vela jubebo?
 Quin morere, ut merita es: ferroque averte dolorem,
 Tu lacrimis evicta meis, tu prima furem
 His, germana, malis oneras, atque objicis hosti.
 Non licuit thalami expertem sine crimine vitam
 Degere more ferae, talis nec tangere curas?
 Non servata fides, cineri promissa Sichaeo.
 Tantos illa suo rumpebat pectore questus.

Acneas celsa in puppi, jam certus eundi,
 Carpebat somnos, rebus jam rite paratis.
 Huic se forma Dei voltu redeuntis eodem
 Obtulit in somnis, rursusque ita visa monere est;
 Omnia Mercurio similis, vocemque, coloremque,
 Et crinis flavos, et membra decora juventae:
 Nate Dea, potes hoc sub casu ducere somnos?
 Nec, quae te circum stent deinde pericula, cernis?
 Demens! nec zephyros audis spirare secundos?
 Illa dolos, dirumque nefas in pectore versat,
 Certa mori, varioque irarum fluctuat aestu.
 Non fugis hinc praeceps, dum praecipitare potestas?

Jam mare turbari trabibus, saevasque videbis
Conluere faces, jam fervere litora flammis;
Si te his adtigerit terris Aurora morantem.
Eja age, rumpe moras. Varium et mutabile semper
Femina. Sic fatus nocti se immiscuit atrae.

Tum vero Aeneas, subitis exterritus umbris,
Conripit e somno corpus, sociosque fatigat:
Praecipites vigilate, viri, et considite transtris;
Solvite vela citi. Deus, aethere missus ab alto,
Festinare fugam, tortosque incidere funis,
Ecce iterum stimulat. Sequimur te, sancte Deorum,
Quisquis es, imperioque iterum paremus ovantes.
Adsis o, placidusque juves, et sidera coelo
Dextra feras Dixit: vaginaque eripit ensem
Fulmineum, strictoque ferit retinacula ferro.
Idem omnis simul ardor habet; rapiuntque, ruuntque:
Litora deseruere: latet sub classibus aequor.
Adnixi torquent spumas, et caerulea verrunt.

Et jam prima novo spargebat lumine terras
Tithoni croceum linquens Aurora cubile:
Regina e speculis, ut primum albescere lucem
Vidit, et aequatis classem procedere velis,
Litoraue, et vacuos sensit sine remige portus;
Terque quaterque manu pectus percussa decorum,
Flaventisque abscissa comas, Pro Juppiter! ibit
Hic, ait: et nostris infuserit advena regnis?
Non arma expedient, totaque ex urbe sequentur,
Diripientque rates alii navalibus? Ite,
Ferte citi flammis, date vela, inpellite remos.
Quid loquor? aut ubi sum? Quae mentem insania mutat?
Infelix Dido! nunc te facta inopia tangunt?
Tum decuit, quum sceptrum dabas. En dextra fidesque!
Quem secum patrios ajunt portare Penatis:
Quem subisse humeris confectum aetate parentem!

Non potui abreptum divellere corpus, et undis
 Spargere? non socios, non ipsum absumere ferro
 Ascanium, patriisque epulandum ponere mensis?
 Verum anceps pugnae fuerat fortuna. Fuisset.
 Quem metui moritura? Faces in castra tulissem,
 Inplessemque foros flammis, natumque patremque
 Cum genere extinxem, memet super ipsa dedissem.
 Sol, qui terrarum flammis opera omnia lustras,
 Tuque harum interpretres curarum, et conscia Juno,
 Nocturnisque Hecate triviis ululata per urbis,
 Et Dirae ultrices, et DI morientis Elissae,
 Adcipite haec, meritumque malis advertite numen,
 Et nostras audite preces. Si tangere portus
 Infandum caput, ac terris adnare necesse est,
 Et sic fata Jovis poscunt; hic terminus haeret:
 At bello audacis populi vexatus et armis,
 Finibus extorris, complexu avulsus Iuli,
 Auxilium inploret, videatque indigna suorum
 Funera: nec, quum se sub leges pacis iniquae
 Tradiderit, regno aut optata luce fruatur:
 Sed cadat ante diem, mediaque inhumatus arena.
 Haec precor: hanc vocem extremam cum sanguine fundo.
 Tum vos, o Tyrii, stirpem et genus omne futurum
 Exercete odiis: cinerique haec mittite nostro
 Munera. Nullus amor populis, nec foedera sunt.
 Exoriare aliquis nostris ex ossibus ultor,
 Qui face Dardanios ferroque sequare colonos,
 Nunc, olim, quocumque dabunt se tempore vires.
 Litora litoribus contraria, fluctibus undas
 Inprecor, arma armis: pugnent ipsique nepotesque.

Haec ait, et partis animum versabat in omnis;
 Invisam quaerens quam primum abrumpere lucem.
 Tum breviter Barcen nutricem adfata Sichaei:
 Namque suam patria antiqua cinis ater habebat:

Annam, cara mihi nutrix, huc siste sororem :
 Dic corpus properet fluviali spargere lymphæ,
 Et pecudes secum et monstrata piacula ducat :
 Sic veniat. Tuque ipsa pia tege tempora vitta.
 Sacra Jovi Stygio, quæ rite incepta paravi,
 Perficere est animus, finemque inponere curis ;
 Dardaniique rogum capitis permittere flammæ.
 Sic ait. Illa gradum studio celerabat anilem.
 At trepida, et coeptis innianibus effera Dido,
 Sanguineam volvens aciem, maculisque tremientis
 Interfusa genas, et pallida morte futura,
 Interiora domus intrumpit limina, et altos
 Conscendit furibunda rogos, enseque recludit
 Dardanium, non hos quaesitum munus in usus.
 Hic, postquam Iliacas vestis notumque cubile
 Conspexit, paullum lacrimis et mente morata,
 Incubuitque toro, dixitque novissima verba :
 Dulces exuviae, dum fata Deusque sinebant,
 Adcipite hanc animam, meque his exsolvite curis.
 Vixi, et, quem dederat cursum fortuna, peregi :
 Et nunc magna mei sub terras ibit imago.
 Urbem praeclaram statui : mea moenia vidi :
 Ultra virum, poenas inimico a fratre recepi :
 Felix, heu nimium felix, si litora tantum
 Numquam Dardaniae tetigissent nostra carinae !
 Dixit : et, os inpressa toro, Moriemur inultae,
 Sed moriamur, ait. Sic, sic juvat ire sub umbras.
 Hauriat hunc oculis ignem crudelis ab alto
 Dardanus, et nostrae secum ferat omnia mortis.
 Dixerat. Atque illam media inter talia ferro
 Conlapsam adspiciunt comites, enseque cruore
 Spumantem, sparsasque manus. It clamor ad alta
 Atria : concussam bacchatur fama per urbem.
 Lamentis, gemituque, et femineo ululatu

Tecta fremunt: resonat magnis plangoribus aether:
Non aliter, quam si inmissis ruat hostibus omnis
Carthago, aut antiqua Tyros; flammaeque furentes
Culmina perque hominum volvantur perque Deorum.
Audiit exanimis, trepidoque exterrita cursu,
Ungnibus ora soror foedans, et pectora pugnīs,
Per medios ruit, ac morientem nomine clamat:
Hoc illud, germana, fuit? me fraude petebas?
Hoc rogas iste mihi, hoc ignes araeque parabant?
Quid primum deserta querar? comitemne sororem
Sprevisti moriens? Eadem me ad fata vocasses:
Idem ambas ferro dolor, atque eadem hora tulisset.
His etiam struxi manibus, patriosque vocavi
Voce Deos, sic te ut posita crudelis abessem?
Exstinxisti me teque, soror, populumque, patresque
Sidonios, urbemque tuam. Date volnera lymphis,
Abluam, et, extremus si quis super halitus errat,
Ore legam. Sic fata gradus evaserat altos,
Semianimemque sinu germanam amplexa fovebat
Cum gemitu, atque atros siccabat veste cruores.
Illa, gravis oculos conata adtollere, rursus
Deficit. Infixum stridit sub pectore volnus.
Ter sese adtollens cubitoque adnixa levavit:
Ter revoluta toro est, oculisque errantibus alto
Quaesivit coelo lucem, ingemuitque reperta.
Tum Juno omnipotens, longum miserata dolorem,
Difficilisque obitus, Irim demisit Olympo,
Quae luctantem animam nexosque resolveret artus.
Nam, quia nec fato, merita nec morte peribat,
Sed misera ante diem, subitoque adcesa furore,
Nondum illi flavum Proserpiua vertice crinem
Abstulerat, Stygioque caput damnaverat Orco:
Ergo Iris croceis per coelum roscida pennis,
Mille trahens varios adverso Sole colores,

Devolat, et supra caput adstitit: Hunc ego Diti
Sacrum jussa fero, teque isto corpore solvo.
Sic ait, et dextra crinem secat. Omnis et una
Dilabeus calor, atque in ventos vita recessit.

P U B L I I
V I R G I L I I
M A R O N I S
A E N E I D O S
L I B E R Q U I N T U S.

INTEREA medium Aeneas jam classe tenebat
Certus iter, fluctusque atros aquilone secabat,
Moenia respiciens, quae jam infelicis Elissae
Conlucent flammis. Quae tantum adcenderit ignem
Causa latet; duri magno sed amore dolores
Polluto, notumque, furens quid femina possit,
Triste per augurium Teucrorum pectora ducunt.
Ut pelagus tenuere rates, nec jam amplius ulla
Occurrit tellus; maria undique, et undique coelum,
Olli caeruleus supra caput adstitit imber,
Noctem hiememque ferens: et inhorruit unda tenebris.
Ipse gubernator puppi Palinurus ab alta:
Heu! quianam tanti cinxerunt aethera nimbi?
Quidve, pater Neptune, paras? Sic deinde locutus
Conligere arma jubet, validisque incumbere remis;
Obliquatque sinus in ventum, ac talia fatur:
Magnanime Aenea, non, si mihi Juppiter auctor
Spondeat, hoc sperem Italiam contingere coelo.
Mutati transversa fremunt, et ve-pere ab atro
Consurgunt venti, atque in nubem cogitur aër.
Nec nos obniti contra, nec tendere tantum
Sufficiamus. Superet quoniam Fortuna, sequamur:
Quoque vocat, vertamus iter. Nec litora longe

Fida reor fraterna Erycis, portusque Sicanos:
Si modo rite memor servata remetior astra.
Tum pius Aeneas: Equidem sic poscere ventos
Jamdudum, et frustra cerno te tendere contra.
Flecte viam velis. An sit mihi gravior ulla,
Quove magis fessas optem demittere navis,
Quam quae Dardanium tellus mihi servat Acesten,
Et patris Anchisae gremio conplectitur ossa?
Haec ubi dicta, petunt portus, et vela secundi
Intendunt zephyri. Fertur cita gurgite classis:
Et tandem lacti notae advertuntur arenae.

At procul excelso miratus vertice montis
Adventum sociasque rates, occurrit Acestes,
Horridus in jaculis et pelle Libystidis ursae:
Troïa Criniso conceptum flumine mater
Quem genuit. Veterum non inmemor ille parentum
Gratatur reduces, et gaza lactus agresti
Excipit, ac fessos opibus solatur amicis.
Postera quum primo stellas Oriente fugarat
Clara dies; socios in coetum litore ab omni
Advocat Aeneas, tumulique ex aggere fatur:
Dardanidae magni, genus alto a sanguine Divûm:
Annuus exactis completur mensibus orbis,
Ex quo reliquias divinique ossa parentis
Condidimus terra, maestasque sacravimus aras.
Jamquæ dies, ni fallor, adest, quem semper acerbum,
Semper honoratum, sic DI voluistis, habebo.
Hunc ego Gaetulis agerem si Syrtibus exsul,
Argolicove mari deprensus, et urbe Mycenae;
Annua vota tamen sollemnisque ordine pompas
Exsequerer; strueremque suis altaria donis.
Nunc ultro ad cineres ipsius et ossa parentis,
Haud equidem sine mente, reor, sine numine divûm
Adsumus, et portus delati intramus amicos.

Ergo agite, et laetum cuncti celebremus honorem :
Poscimus ventos : atque haec me sacra quot annis
Urbe velit posita templis sibi ferre dicatis.
Bina boum vobis Troja generatus Acestes
Dat numero capita in navis. Adhibite Penatis,
Et patrios epulis, et quos colit hospes Acestes.
Praeterea, si nona diem mortalibus alnum
Aurora extulerit, radiisque retexerit orbem,
Prima citae Teucris ponam certamina classis.
Quique pedum cursu valet, et qui viribus audax,
Aut jaculo incedit melior, levibusque sagittis,
Seu crudo fudit pugnam committere caestu :
Cuncti adsint, meritaque expectent praemia palmae.
Ore favete omnes, et tempora cingite ramis.
Sic fatus, velat materna tempora myrto.
Hoc Helymus facit, hoc aevi maturus Acestes,
Hoc puer Ascanius : sequitur quos cetera pubes.
Ille e concilio multis cum millibus ibat
Ad tumulum, magna medius comitante caterva.
Hic duo rite mero libans carchesia Baccho
Fundit humi, duo lacte novo, duo sanguine sacro :
Purpureosque jacet flores, ac talia fatur :
Salve, sancte parens, iterum : salvete recepti
Nequidquam cineres, animaeque, umbraeque paternae.
Non licuit finis Italos, fataliaque arva,
Nec tecum Ausonium, quicumque est, quaerere Thybrim,
Dixerat haec : adytis quum lubricus anguis ab imis
Septem ingens gyros, septena volumina traxit,
Amplexus placide tumulum, lapsusque per aras :
Caeruleae cui terga notae, maculosus et auro
Squamam incendebat fulgor : ceu nubibus arcus
Mille trahit varios adverso sole colores.
Obstupuit visu Aeneas. Ille agmine longo
Tandem inter pateras, et levia pocula serpens,

Libavitque dapes, rursusque innoxius imo
 Successit tumulo, et depasta altaria liquit.
 Hoc magis inceptos genitori instaurat honores,
 Incertus, Geniumne loci, famulumne parentis
 Esse putet: caedit quinas de more bidentis,
 Totque sues, totidem nigrantis terga iuvenco:
 Vinaque fandeat pateris, animamque vocabat
 Anchisae magni, manisque Acheronte remissos.
 Nec non et socii, quae cuique est copia, laeti
 Dona ferunt: onerantque aras, mactantque iuvenco.
 Ordine aëna locant alii, fusique per herbam
 Subjiciunt veribus prunas, et viscera torrent.

Expectata dies aderat, nonamque serena
 Auroram Phaëthontis equi jam luce vehebant:
 Famaque finitimos et clari nomen Acestae
 Excierat. Laeto conplerant litora coetu,
 Visuri Aeneadas: pars et certare parati.
 Munera principio ante oculos, circoque locantur
 In medio: sacri tripodes, viridesque coronae,
 Et palmae, pretium victoribus, armaque, et ostro
 Perfusae vestes, argenti auriue talenta:
 Et tuba commissos medio canit aggere ludos.

Prima pares ineunt gravibus certamina remis
 Quatuor, ex omni delectae classe, carinae.
 Velocem Mnestheus agit acri remige Pristin,
 Mox Italus Mnestheus, genus a quo nomine Memmi,
 Ingentemque Gyas ingenti mole Chimaeram,
 Urbis opus: triplici pubes quam Dardana versu
 Impellunt, terno consurgunt ordine remi.
 Sergestusque, domus tenet a quo Sergia nomen,
 Centauro invehitur magna; Scyllaque Cloanthus
 Caerulea: genus unde tibi, Romane Cluenti.

Est procul in pelago saxum spumantia contra
 Litora, quod tumidis submersum tunditur oliva

Fluctibus, hiberni condunt ubi sidera cori :
Tranquillo silet, inmotaque adtollitur unda
Campus, et apricis statio gratissima mergis.
Hic viridem Aeneas frondenti ex ilice metam
Constituit, signum nautis, pater : unde reverti
Scirent, et longos ubi circumflectere cursus.
Tum loca sorte legunt, ipsique in puppibus auro
Ductores longe effulgent ostroque decori.
Cetera populea velatur fronde juvenus,
Nudatosque humeros oleo perfusa nitescit.
Considunt transtris, intentaque brachia remis :
Intenti expectant signum, exsultantiaque haurit
Corda pavor pulsans, laudumque adrecta cupido.
Inde, ubi clara dedit sonitum tuba, finibus omnes,
Haud mora, prosiluisse suis : ferit aethera clamor
Nauticus : adductis spumant freta versa lacertis.
Infundunt pariter sulcos, totumque dehiscit
Convolsum remis rostrisque tridentibus aequor.
Non tam praecipites bijugo certamine campum
Conripuere, ruuntque effusi carcere currus :
Nec sic inmissis aurigae undantia lora
Concussere jugis, pronique in verbera pendent.
Tum plausu fremituque virum, studiisque faventum
Consonat omne nemus : vocemque inclusa volutant
Litora : pulsati colles clamore resultant.
Effugit ante alios, primisque elabitur undis
Turbam inter fremitumque Gyas : quem deinde Cloanthus
Consequitur, melior renis : sed pondere pinus
Tarda tenet. Post hos aequo discrimine Pristis,
Centaurusque locum tendunt superare priorem.
Et nunc Pristis habet, nunc victam praeterit ingens
Centaurus : nunc una ambae junctisque feruntur
Frontibus, et longa sulcant vada salsa carina.
Jamque propinquabant scopulo, metamque tenebant,

Quum princeps medioque Gyas in gurgite victor
Rectorem navis compellat voce Menoeten :
Quo tantum mihi dexter abis? huc dirige gressum.
Litus ama, et laevas stringat sine palmula cautes;
Altum alii teneant. Dixit. Sed caeca Menoetes
Saxa timens, proram pelagi detorquet ad undas.
Quo diversus abis? iterum : pete saxa, Menoete,
Cum clamore Gyas revocabat : et ecce Cloanthum
Respicit instantem tergo, et propiora tenentem.
Ille inter navemque Gyae scopulosque sonantis
Radit iter laevum interior, subitoque priorem
Praeterit, et metis tenet aequora tuta relictis.
Tum vero exarsit juveni dolor ossibus ingens;
Nec lacrimis caruere genae. Segnemque Menoetem,
Oblitus decorisque sui sociumque salutis,
In mare praecipitem puppi deturbat ab alta.
Ipse gubernaculo rector subit, ipse magister :
Hortaturque viros, clavumque ad litora torquet.
At gravis, ut fundo vix tandem redditus imo est
Jam senior, madidaque fluens in veste, Menoetes,
Summa petit scopuli, siccaque in rupe resedit.
Illum et laebentem Teucris, et risere natantem :
Et salsos rident revomentem pectore fluctus.
Hic laeta extremis spes est addensa duobus,
Sergesto Mnesticoque, Gyan superare morantem.
Sergestus capit ante locum, scopuloque propinquat :
Nec tota tamen ille prior praecunte carina :
Parte prior : partem rostro premit aemula Pristis.
At media socios incedens nave per ipsos
Hortatur Mnestheus : Nunc, nunc insurgite rennis,
Hectorei socii; Trojae quos sorte suprema
Delegi comites : nunc illas promite vires,
Nunc animos, quibus in Gaetulis Syrtibus usi,
Ionioque mari, Maleaeque sequacibus undis.

Non jam primâ peto Mnestheus, neque vincere certo.
Quamquam ô! sed superent, quibus hoc, Neptune, dedisti.
Extremos pudeat rediisse. Hoc vincite, cives,
Et prohibete nefas. Olli certamine summo
Procumbunt: vastis tremit ictibus aerea puppis,
Subtrahiturque solum. Tum creber anhelitus artus
Aridæque ora quatit: sudor fluit undique rivis.
Adtulit ipse viris optatum casus honorem.
Namque furens animi, dum proram ad saxa suburguet
Interior, spatioque subit Sergestus iniquo;
Infelix saxis in procurentibus hæsit.
Concussæ cautes, et acuto in murice remi
Obnixi crepuere, inlisaque prora pendit.
Consurgunt nautæ, et magno clamore morantur:
Ferratasque trudes, et acuta cuspide contos
Expediunt; fractosque legunt in gurgite remos.
At laetus Mnestheus, successuque acrior ipso,
Agmine remorum celeri, ventisque vocatis,
Prona petit maria, et pelago decurrit aperto.
Qualis speluncâ subito commota columba,
Cui domus et dulces latebroso in pumice nidi,
Fertur in arva volans, plausumque exterrita pennis
Dat tecto ingentem: mox ære lapsa quieto
Radit iter liquidum, celeris neque commovet alas.
Sic Mnestheus, sic ipsa fugâ secat ultima Pristis
Aequora: sic illam fert inpetus ipse volantem.
Et primum in scopulo luctantem deserit alto
Sergestum, brevibusque vadis, frustra que vocantem
Auxilia, et fractis discentem currere remis.
Inde Gyan, ipsamque ingenti mole Chimaeram
Consequitur. Cedit: quoniam spoliata magistro est.
Solutus jamque ipso superest in fine Cloanthus:
Quem petit, et summis adnixus viribus urguet.
Tum vero ingeminat clamor, cunctique sequentem

Instigant studiis, resonatque fragoribus aether.
 Hi proprium decus, et partum indignantur honorem,
 Ni teneant: vitamque volunt pro laude patisci.
 Hos successus alit: possunt, quia posse videntur.
 Et fors aequatis cepissent praemia rostris:
 Ni, palmas ponto tendens utrasque, Clóanthus
 Fudissetque preces, Divosque in vota vocasset:
 DI, quibus imperium est pelagi, quorum aequora curro,
 Vobis lactus ego hoc candentem in litore taurum
 Constituam ante aras voti reus, extaque salsos
 Porriciam in fluctus; et vina liquentia fundam.
 Dixit, eumque imis sub fluctibus audiit omnis
 Nerëidum Phorcique chorus, Panopéaque virgo;
 Et pater ipse manu magna Portunus euntem
 Impulit. Illa noto citius volucrique sagitta
 Ad terram fugit, et portu se condidit alto.
 Tum satus Anchisa, cunctis ex more vocatis,
 Victorem magna praeconis voce Cloanthum
 Declarat, viridique advelat tempora lauro:
 Muneraque in navis ternos optare juvencos,
 Vinaque, et argenti magnum dat ferre talentum.
 Iphis praecipuos ductoribus addit honores:
 Victori chlamydem auratam, quam plurima circum
 Purpura macandro duplici Meliboea cucurrit:
 Intextusque puer frondosa regius Ida
 Velotis jaculo cervos cursuque fatigat
 Acer, anhelanti similis: quem praepes ab Ida
 Sublimem pedibus rapuit Jovis armiger uncis.
 Longaevi palmas nequidquam ad sidera tendunt
 Custodes: saevitque canum latratus in auras.
 At qui deinde locum tenuit virtutē secundum,
 Levibus huic hamis concertam auroque trilicem
 Loricam, quam Demoleo detraxerat ipse
 Victor apud rapidum Simoënta sub Ilío alto;

Donat habere viro, decus et tutamen in armis.
Vix illam famuli Phegeus Sagarisque ferebant
Multiplicem, connixi humeris. Indutus at olim
Demoleos cursu palantis Troas agebat.
Tertia dona facit geminos ex aere lebetas;
Cymbiaque argento perfecta, atque aspera signis.
Jamque adeo donati omnes, opibusque superbi,
Puniceis ibant evincti tempora taeniis:
Quum saevo e scopulo multa vix arte revolsus,
Amissis remis, atque ordine debilis uno,
Inrisam sine honore ratem Sergestus agebat.
Qualis saepe viae deprensus in aggere serpens,
Aerea quem obliquum rota transit, aut gravis ictu
Seminecem liquit saxo lacerumque viator,
Nequidquam longos fugiens dat corpore tortus;
Parte ferox, ardensque oculis, et sibila colla
Arduus adtollens; pars vulnere clauda retentat
Nexantem nodis, seque in sua membra plicantem.
Tali remigio navis se tarda movebat:
Vela facit tamen, et velis subit ostia plenis.
Sergestum Aeneas promisso munere donat,
Servatam ob navem laetus, sociosque reductos.
Olli serva datur, operum haud ignara Minervae,
Cressa genus Pholoë, geminique sub ubere nati.
Hoc pius Aeneas misso certamine tendit
Gramineum in campum, quem collibus undique curvis
Cingebant silvae: mediaque in valle theatri
Circus erat, quo se multis cum millibus heros
Consessu medium tulit, extructoque resedit.
Hic, qui forte velint rapido contendere cursu,
Invitat pretiis animos, et praemia ponit.
Undique conveniunt Teucri, mixtique Sicani,
Nisus et Euryalus primi.
Euryalus forma insignis, viridique juvena:

Nisus amore pio pueri. Quos deinde secutus
Regius egregia Priami de stirpe Diorea.
Hunc Salius, simul et Patron: quorum alter Acarnan,
Alter ab Arcadio Tegeae sanguine gentis.
Tum duo Trinacrii juvenes, Helynius Panopesque,
Adsueta silvis, comites senioris Acestae.
Multi praeterea, quos fama obscura recondit.
Aeneas quibus in mediis sic deinde locutus:
Adcipite haec animis, laetasque advertite mentis:
Nemo ex hoc numero mihi non donatus abibit.
Gnosia bina dabo levato lucida ferro
Spicula, caelataque argento ferre bipennem.
Omnibus hic erit unus honos. Tres praemia primi
Adcipient, flavaque caput nectentur oliva.
Primus equum phaleris insignem victor habeto:
Alter Amazoniam pharetram, plenamque sagittis
Threiciis, lato quam circumplectitur auro
Balteus, et tereti subnectit fibula gemma.
Tertius Argolica hac galea contentus abito.
Haec ubi dicta, locum capiunt, signoque repente
Conripiunt spatia audito, limenque relinquunt,
Effusi nimbo similes: simul ultima signant.
Primus abit, longeque ante omnia corpora Nisus
Emicat, et ventis et fulminis ocior alis.
Proxumus huic, longo sed proximus intervallo,
Insequitur Salius: spatio post deinde relicto
Tertius Euryalus.
Euryalumque Helymus sequitur: quo deinde sub ipso
Ecce volat, calcemque terit jam calce Diorea,
Incumbens humero: spatia et si plura supersint,
Transeat clausus prior ambiguumque relinquat.
Jamque fere spatio extremo, fessique sub ipsam
Finem adventabant; levi quum sanguine Nisus
Labitur infelix: caesis ut forte juvenis

Fusus humum viridisque super madefecerat herbas.
Hic juvenis jam victor ovans vestigia presso
Haud tenuit titubata solo; sed pronus in ipso
Concidit immundoque fimo sacroque cruore.
Non tamen Euryali, non ille oblitus amorum;
Nam sese obposuit Salio per lubrica surgens.
Ille autem spissa jacuit revolutus arena.
Emicat Euryalus, et munere victor amici
Prima tenet, plausuque volat fremituque secundo.
Post Helynius subit, et nunc tertia palma Diorea.
Hic totum caveae consessum ingentis, et ora
Prima patrum magnis Salius clamoribus inplet;
Ereptumque dolo reddi sibi poscit honorem.
Tutatur favor Euryalum, lacrimaeque decorae,
Gratior et pulchro veniens in corpore virtus.
Adjuvat, et magna proclamat voce Diorea,
Qui subiit palmae, frustra ad praemia venit
Ultima, si primi Salio redduntur honores.
Tum pater Aeneas, Vestra, inquit, munera vobis
Certa manent, pueri; et palmam movet ordine nemo;
Me liceat casus miserari insontis amici.
Sic fatus, tergum Gaetuli inmane leonis
Dat Salio, villis onerosum atque unguibus aureis.
Hic Nisus, Si tanta, inquit, sunt praemia victis,
Et te laborem miseret; quae munera Niso
Digna dabis? primam merui qui laude coronam;
Ni me, quae Salium, Fortuna inimica tulisset.
Et simul his dictis faciem ostentabat, et udo
Turpia membra fimo. Risit pater optumus olli,
Et clipeum efferri jussit, Didymaonis artes,
Neptuni sacro Danaïs de poste refixum,
Hoc juvenem egregium praestanti munere donat.
Post, ubi confecti cursus, et dona peregit:
Nunc, si cui virtus animusque in pectore praesens

Adsit, et evinctis adtollat brachia palmis.
Sic ait, et geminum pugnae proponit honorem :
Victori velatum auro vittisque juvencum ;
Ensem, atque insignem galeam, solatia victo.
Nec mora ; continuo vastis cum viribus effert
Ora Dares, magnoque virum se murmure tollit :
Solutus, qui Paridem solitus contendere contra :
Idemque ad tumulum, quo maxumus occubat Hector,
Victorem Buten inmani corpore, qui se
Bebrycia veniens Amyci de gente ferebat,
Perculit, et fulva moribundum extendit arena.
Talis prima Dares caput altum in proelia tollit,
Ostenditque humeros latos, alternaque jactat
Brachia protendens, et verberat ictibus auras.
Quaeritur huic alius : nec quisquam ex agmine tanto
Audet adire virum, manibusque inducere caestus.
Ergo alacris, cunctosque putans excedere palma,
Aeneae stetit ante pedes : nec plura moratus,
Tum laeva taurum cornu tenet, atque ita fatur :
Nate dea, si nemo audet se credere pugnae,
Quae finis standi ? quo me decet usque teneri ?
Ducere dona jube. Cuncti simul ore fremebant
Dardanidae, reddique viro promissa juebant.
Hic gravis Entellum dictis castigat Acestes,
Proxumus ut viridante toro consederat herbae :
Entelle, heroum quondam fortissime frustra,
Tantane tam patiens nullo certamine tolli
Dona sines ? ubi nunc nobis Deus ille, magister
Nequidquam memoratus Eryx ? ubi fama per omnem
Trinacriam, et spolia illa tuis pendentia tectis ?
Ille sub haec : Non laudis amor, nec gloria cessat
Pulsa metu ; sed enim gelidus tardante senecta
Sanguis hebet, frigentque effloet in corpore vires.
Si mihi, quae quondam fuerat, quaque inprobus iste

Exultat fidens, si nunc foret illa juvenas:
 Haud equidem pretio inductus pulchroque juvenco
 Venissem: nec dona moror. Sic deinde locutus,
 In medium geminos inmani pondere caestus
 Projecit; quibus Acer Eryx in proelia suctus
 Ferre manum, duroque intendere brachia tergo.
 Obstupuere animi. Tantorum ingentia septem
 Terga bouum plumbo insuto ferroque rigeant.
 Ante omnis stupet ipse Dares, longeque recusat;
 Magnanimusque Anchisiades et pondus, et ipsa
 Huc illuc vincolorum immensa volumina versat.
 Tum senior talis referebat pectore voces:
 Quid, si quis caestus ipsius et Herculis arma
 Vidisset, tristemque hoc ipso in litore pugnam;
 Haec germanus Eryx quondam tuus arma gerebat.
 Sanguine cernis adhuc fractoque infecta cerebro.
 His magnum Alciden contra stetit: his ego suctus;
 Dum melior vires sanguis dabat, aemula necdum
 Temporibus geminis caneant sparsa senectus.
 Sed, si nostra Dares haec Troïus arma recusat,
 Idque pio sedet Aeneae, probat auctor Acestes;
 Acquemus pugnas. Erycis tibi terga remitto:
 Solve metus, et tu Trojanos exue caestus.
 Haec fatus, duplicem ex humeris rejecit amictum,
 Et magnos membrorum artus, magna ossa, lacertosque
 Exuit, atque ingens media consistit arena.
 Tum satus Anchisa caestus pater extulit aequos,
 Et paribus palmas amborum innexuit armis.
 Constitit in digitos extemplo adrectus uterque,
 Brachiaque ad superas interritus extulit auras.
 Abduxere retro longe capita ardua ab ictu:
 Inmiscensque manus manibus, pugnamque lacessunt.
 Ille pedum melior motu, fretusque juvena:
 Hic membris et mole valens; sed tarda trementi

Genua labant : vastos quatit aeger anhelitus artus.
Multa viri nequidquam inter se volnera jactant,
Multa cavo lateri ingeminant, et pectore vastos
Dant sonitus, erratque auris et tempora circum
Crebra manus : duro crepitant sub volnere malae.
Stat gravis Entellus, nisuque inmotus eodem,
Corpore tela modo atque oculis vigilantibus exit.
Ille, velut celsam oppugnat qui molibus urbem,
Aut montana sedet circum castella sub armis,
Nunc hos, nunc illos aditus, omnemque pererrat
Arte locum ; et variis adsultibus inritus urguet.
Ostendit dextram insurgens Entellus, et alte
Extulit : ille ictum venientem a vertice velox
Praevидit, celerique elapsus corpore cessit.
Entellus vires in ventum effudit ; et ultro
Ipse gravis, graviterque ad terram pondere vasto
Concidit : ut quondam eava concidit aut Erymantho,
Aut Ida in magna radicibus eruta pinus.
Consurgunt studiis Teuceri et Trinacria pubes :
It clamor coelo, primusque adcurrit Acestes,
Aequaeuvumque ab humo miserans adtollit amicum.
At non tardatus casu neque territus heros,
Acrior ad pugnam redit, ac vim suscitât ira.
Tum pudor incendit vires, et conscia virtus :
Praecipitemque Daren ardens agit aequore toto ;
Nunc dextra ingeminans ictus, nunc ille sinistra.
Nec mora, nec requies. Quam multa grandini nimbi
Culminibus crepitant ; sic densis ictibus heros
Creber utraque manu pulsat versatque Dareta.
Tum pater Aeneas procedere longius iras,
Et saevire animis Entellum haud passus acerbis ;
Sed finem inposuit pugnae, fessumque Dareta
Eripuit, mulcens dictis : ac talia fatur :
Infelix, quae tanta animum dementia cepit ?

Non vires alias, conversa que numina sentis?
Cede deo. Dixitque, et proelia voce diremit.
Ast illum fidi aequales, genua aegra trahentem,
Jactantemque utroque caput, crassumque cruorem
Ore ejectantem, mixtosque in sanguine dentis,
Ducunt ad navis; galeamque ensemque vocati
Adcipiunt: palmam Entello taurumque relinquunt.
Hic victor, superans animis, tauroque superbus:
Nate dea, vosque haec, inquit, cognoscite, Teucris;
Et mihi quae fuerint juvenali in corpore vires:
Et qua servetis revocatum a morte Dareta.
Dixit, et adversi contra stetit ora juveni,
Qui donum adstabat pugnae: duosque reducta
Libravit dextra media inter cornua caestus
Arduus, effractoque inlisis in ossa cerebro.
Sternitur, exanimisque tremens procumbit humi bos.
Ille super talis effundit pectore voces:
Hanc tibi, Eryx, meliorem animam pro morte Daretis
Persolvo: hic victor caestus artemque repono.

Protenus Aeneas celeri certare sagitta
Invitat, qui forte velint; et praemia ponit:
Ingentique manu malum de nave Seresti
Erigit; et volucram trajecto in fune columbam,
Quo tendant ferrum, malo suspendit ab alto.
Convenere viri: dejectamque aerea sortem
Adcepit galea: et primus clamore secundo
Hyrtacidae ante omnis exit locus Hippocoontis:
Quem modo navali Mnestheus certamine victor
Consequitur, viridi Mnestheus evinctus oliva.
Tertius Eurytion, tuus, o clarissime, frater,
Pandare: qui quondam jussus confundere foedus,
In medios telum torsisti primus Achivos.
Extremus, galeaque ima subsidit Acestes;
Ausus et ipse manu juvenum tentare laborem.

Tum validis flexos incurvant viribus arcus
 Pro se quisque viri, et depromunt tela pharetris.
 Primaque per coelum nervo stridente sagitta
 Hyrtacidae juvenis volucris diverberat auras :
 Et venit, adversique infigitur arbore mali.
 Intremuit malus, timuitque exterrita pennis
 Ales, et ingenti sonuerunt omnia plausu.
 Post acer Mnestheus adducto constitit arcu,
 Alta petens: pariterque oculos telumque tetendit.
 Ast ipsam miserandus avem contingere ferro
 Non valuit : nodos et vincula linea rupit,
 Quis innexa pedem malo pendeat ab alto.
 Iila notos atque atra volans in nubila fugit.
 Tum rapidus jam dudum arcu contenta parato
 Tela tenens, fratrem Eurytion in vota vocavit,
 Jam vacuo laetam coelo speculatus ; et alis
 Plaudentem nigra figit sub nube columbam.
 Decidit exanimis, vitamque reliquit in astris
 Aetheriis, fixamque refert delabsa sagittam.
 Amissa solus palma superabat Acestes :
 Qui tamen aërias telum contendit in auras,
 Ostentans artemque pater, arcumque sonantem.
 Hic oculis subitum objicitur magnoque futurum
 Augurio monstrum. Docuit post exitus ingens :
 Seraque terrifici cecinerunt omina vates.
 Namque volans liquidis in nubibus arsit arundo,
 Signavitque viam flammis, tenuisque recessit
 Consumta in ventos : coelo ceu saepe refixa
 Transcurrunt, crinemque volantia sidera ducunt.
 Adtonitis haesere animis, Superosque precari
 Trinacrii Teucrique viri : nec maxumus omen
 Abnuitt Aeneas ; sed laetum amplexus Acesten
 Muneribus cumulat magnis, ac talia fatur :
 Sume, pater : nam te voluit rex magnus Olympi

Talibus auspiciis exsortem ducere honores.
 Ipsius Anchisae longaevi hoc munus habebis,
 Cratera inpressum signis : quem Thracius olim
 Anchisae genitori in magno munere Cisseus
 Ferre sui dederat monumentum et pignus amoris.
 Sic fatus cingit viridanti tempora lauro :
 Et primum ante omnes victorem adpellat Acesten.
 Nec bonus Eurytion praelato invidit honori ;
 Quamvis solus avem coelo dejecit ab alto.
 Proximus ingreditur donis, qui vincula rupit :
 Extremus, volucris qui fixit arundine malum.

At pater Aeneas, nondum certamine misso,
 Custodem ad sese comitemque inpubis Iuli
 Epytiden vocat, et fidam sic fatur ad aurem :
 Vade age, et Ascanio, si jam puerile paratum
 Agmen habet secum, cursusque instruxit equorum,
 Ducat avo turmas, et sese ostendat in armis,
 Dic, ait. Ipse omnem longo decedere circo
 Infusum populum, et campos jubet esse patentis.
 Incedunt pueri, pariterque ante ora parentum
 Frenatis lucent in equis : quos omnis euntes
 Trinacriae mirata fremit Trojaeque juvenus.
 Omnibus in morem tonsâ coma pressa coronâ.
 Cornea bina ferunt praefixo hastilia ferro :
 Pars levis humero pharetras : it pectore summo
 Flexilis obtorti per collum circulus auri.
 Tris equitum numero turmae, ternique vagantur
 Ductores : pueri bis seni quemque secuti
 Agmine partito fulgent, paribusque magistris.
 Una acies juvenum, ducit quam parvus ovantem
 Nomen avi referens Priamus ; tua clara, Polite,
 Progenies, auctura Italos : quem Thracius albis
 Portat equus bicolor maculis ; vestigia primi
 Alba pedis, frontemque ostentans arduus albam.

Alter Atys, genus unde Atii duxere Latini:
Parvus Atys, pueroque puer dilectus Iulo.
Extremus, formaque ante omnis pulcher Iulus,
Sidonio est invectus equo: quem candida Dido
Esse sui dederat monumentum et pignus amoris.
Cetera Trinacriis pubes senioris Aestae
Fertur equis.
Excipiunt plausu pavidos, gaudentque tuentes
Dardanidae; veterumque adgnosunt ora parentum.
Postquam omnem laeti concessum oculosque suorum
Lustravere in equis; signum clamore paratis
Epytides longe dedit, insonuitque flagello.
Olli discurrere pares, atque agmina terni
Diductis solvere choris, rursusque vocati
Convertere vias, infestaque tela tulere.
Inde alios ineunt cursus, aliosque recursus
Adversis spatiis, alternisque orbibus orbes
Impediunt, pugnaeque cient simulacra sub armis:
Et nunc terga fugam nudant; nunc spicula vertunt
Infensi: facta pariter nunc pace feruntur.
Ut quondam Creta fertur Labyrinthus in alta
Parietibus textum caecis iter, ancipitemque
Mille viis habuisse dolum, qua signa sequendi
Falleret indeprensus et inremeabilis error.
Haud alio Teucrûm nati vestigia cursu
Impediunt, texuntque fugas et proelia ludo,
Delphinum similes: qui per maria humida nando
Carpathium Libycumque secant, luduntque per undas.
Hunc morem, hos cursus, atque haec certamina primus
Ascanius, Longam muris quum cingeret Albam,
Retulit, et priscos docuit celebrare Latinos.
Quo puer ipse modo, secum quo Troia pubes,
Albani docuere suos: hinc maxuma porro
Adcepit Roma, et patrium servavit honorem:

Trojaque nunc, pueri, Trojanum dicitur agmen.
Hae celebrata tenus sancto certamina patri.

Hic primum Fortuna fidem mutata novavit.
Dum variis tumulo referunt sollemnia ludis,
Irim de coelo misit Saturnia Juno
Iliacam ad classem, ventosque adspirant cuncti
Multa movens, nec dum antiquum saturata dolorem.
Illa viam celerans per mille coloribus arcum,
Nulli visa, cito decurrit tramite virgo.
Conspicit ingentem concursum, et litora lustrat,
Desertosque videt portus, classemque relictam.
At procul in sola secretae Troades acta
Amisum Anchisen flebant, cunctaeque profundum
Pontum adspectabant flentes. Heu tot vada fessis,
Et tantum superesse maris! Vox omnibus una.
Urbem orant: taedet pelagi perferre laborem.
Ergo inter medias sese haud ignara nocendi
Conjicit, et faciemque Deae vestemque reponit.
Fit Beroë, Tmarii conjux longaeva Dorycli;
Cui genus, et quondam nomen, natiq̃ue fuissent:
Ac sic Dardanidum mediam se matribus infert:
O miserae, quas non manus, inquit, Achaïca bello
Traxerit ad letum patriae sub moenibus! o gens
Infelix, cui te exitio Fortuna reservat?
Septima post Trojae excidium jam vertitur aetas,
Quum freta, quum terras omnis, tot inhospita saxa
Sideraque emensae ferimur: dum per mare magnum
Italiam sequimur fugientem, et volvitur undis.
Hic Erycis fines fraterni, atque hospes Aeceste.
Quid prohibet muros jacere, et dare civibus urbem?
O patria, et rapti nequidquam ex hoste Penates,
Nullane jam Trojae dicentur moenia? nusquam
Hectoreos amnis, Xanthum et Simoënta videbo?
Quin agite, et mecum infaustas exurite puppes.

Nam mihi Cassandrae per somnum vatis imago
Ardentis dare visa faces. Hic quaerito Trojam :
Hic domus est, inquit, vobis : jam tempus agi res :
Nec tantis mora prodigiis. En quatuor arae
Neptuno. Deus ipse faces animumque ministrat.
Haec memorans, prima insensum vi conripit ignem,
Sublataque procul dextra connixa coruscat,
Et jacit. Adrectae mentes, stupefactaque corda
Iliadum. Hic una e multis, quae maxima natu,
Pyrgo, tot Priami natorum regia nutrix :
Non Beroë vobis, non haec Rhoeteia, matres,
Est Dorycli conjux. Divini signa decoris,
Ardentisque notate oculos; qui spiritus illi,
Qui voltus, vocisve sonus, vel gressus eunti.
Ipsa egomet dudum Beroën digressa reliqui
Aegram, indignantem, tali quod sola careret
Munere, nec meritis Anchisae inferret honores.
Haec effata.

At matres, primo ancipites, oculisque malignis
Ambiguae, spectare ratis, miserum inter amorem
Praesentis terrae, fatisque vocantia regna :
Quum dea se paribus per coelum sustulit alis,
Ingentemque fuga secuit sub nubibus arcum.
Tum vero adtonitae monstris, actaeque furore
Conclamant, rapiuntque focis penetralibus ignem :
Pars spoliant aras, frondem, ac virgulta, facesque
Conjiciunt. Furit inmissis Volcanus habenis
Transtra per et remos, et pietas abiecte puppis.
Nuntius Anchisae ad tumulum, cuneosque theatri,
Incensas perfert navis Eumelus : et ipsi
Respiciunt atram in nimbo volitare favillam.
Primus et Ascanius, cursus ut laetus equestris
Ducebat ; sic acer equo turbata petivit
Castra : nec exanimis possunt retinere magistri.

Quis furor iste novus? quo nunc, quo tenditis, inquit,
 Hec miserae cives? non hostem, inimicaeque castra
 Argivum, vestras spes uritis. En, ego vester
 Ascanius: galeam ante pedes projecit inanem;
 Qua ludo indutus belli simulaera ciebat.
 Adeelerat simul Aeneas, simul agmina Teuerum.
 Ast illae diversa metu per litora passim
 Diffugiunt; silvasque, et sicubi concaeva furtim
 Saxa, petunt. Piget incepti, lucisque, suosque
 Mutatae adgnosunt, excussaue pectore Juno est.
 Sed non ideirco flammae atque incendia vires
 Iudomitas posuere: udo sub robore vivit
 Stuppa vomens tardum fumum, lentusque earinas
 Est vapor, et toto descendit corpore pestis:
 Nee vires heroum infusaue flumina prosunt.
 Tum pius Aeneas humeris abscindere vestem,
 Auxilioque vocare Deos, et tendere palmas:
 Jupiter omnipotens, si nondum exosus ad unum
 Trojanos, si quid pictas antiqua labores
 Respicit humanos; da flammam evadere classi
 Nunc, Pater, et tenuis Teucrum res eripe leto.
 Vel tu, quod superest, infesto fulmine morti,
 Si mereor, demitte, tuaque hic obrue dextra.
 Vix haec ediderat, quum effusis imbribus atra
 Tempestas sine more furit, tonitruque tremiscunt
 Ardua terrarum, et campi: ruit aethere toto
 Turbidus imber aqua, densisque nigerrimus austris:
 Implenturque super puppes; semiusta madescunt
 Robora. Restinctus donec vapor omnis, et omnes,
 Quatuor amissis, servatae a peste earinae.

At pater Aeneas, casu concussus acerbo,
 Nunc huc ingentis, nunc illuc pectore curas
 Mutabat, versans; Siculianae resideret arvis,
 Oblitus fatorum, Italicae capeueret ora.

Tum senior Nautes, unum Tritonia Pallas
Quem docuit, multaque insignem reddidit arte,
Haec responsa dabat, vel quae portenderet ira
Magna Deum, vel quae fatorum posceret ordo.
Isque his Aenean solatus vocibus infit:
Nate Dea, quo fata trahunt retrahuntque, sequamur;
Quidquid erit: superanda omnis fortuna ferendo est.
Est tibi Dardanius divinae stirpis Acestes:
Hunc cape consiliis socium, et conjunge volentem:
Huic trade, amissis superant qui navibus, et quos
Pertaesum magni incepti rerumque tuarum est:
Longaeque senes, ac fessas aequore matres,
Et quidquid tecum invalidum metuensque periculi est;
Delige: et his habeant terris, sine, moenia fessi:
Urbem adpellabunt permisso nomine Acestam.

Talibus incensus dictis senioris amici,
Tum vero in curas animum diducitur omnis:
Et nox atra polum bigis subvecta tenebat.
Visa dehinc coelo facies delapsa parentis
Anchisae subito talis effundere voces:
Nate, mihi vita quondam, dum vita manebat,
Care magis nate, Iliacis exercite fati:
Imperio Jovis huc venio: qui classibus ignem
Depulit, et coelo tandem miseratus ab alto est.
Conciliis pare, quae nunc pulcherrima Nautes
Dat senior: lectos juvenes, fortissima corda,
Defer in Italiam. Gens dura atque aspera cultus
Debellanda tibi Latio est. Ditis tamen ante
Infernas adcede domos, et Averna per alta
Congressus pete, nate, meos. Non me inopia namque
Tartara habent, tristes umbrae; sed amoena piorum
Concilia, Elysiumque colo. Huc casta Sibylla
Nigrarum multo pecudum te sanguine ducet.
Tum genus omne tuum, et, quae dentur moenia, disces.

D d

Jamque vale. Torquet medios nox humida cursus :
Et me saevus equis Oriens adflavit anhelis.
Dixerat : et tenuis fugit, ceu fumus, in auras.
Aeneas, Quo deinde ruis? quo proripis? inquit,
Quem fugis? aut quis te nostris complexibus arcet?
Haec memorans cinerem et sopitos suscitât ignis;
Pergameumque Larem, et canae penetralia Vestae,
Tarre pio, et plena supplex veneratur acerra.

Extemplo socios primumque arcessit Acesten,
Et Jovis imperium, et cari praecepta parentis
Edocet, et quae nunc animo sententia constet.
Haud mora consiliis, nec jussa recusat Acestes.
Transcribunt urbi matres, populumque volentem
Deponunt, animos nil magnae laudis egentes.
Ipsi traustra novant, flammisque ambesa reponunt
Robora navigiis: aptant remosque rudentisque,
Exigui numero, sed bello vivida virtus.
Interea Aeneas urbem designat aratro,
Sortitusque domos: hoc Ilium, et haec loca Trojam
Esse jubet. Gaudet regno Trojanus Acestes,
Indicitque forum, et patribus dat jura vocatis.
Tum vicina astris Erycino in vertice sedes
Fundatur Veneri Idaliae, tumuloque sacerdos,
Ac luctus late sacer additur Anchisaeo.
Jamque dies epulata novem gens omnis, et aris
Factus honos; placidi straverunt aequora venti:
Creber et adspirans rursus vocat Auster in altum.
Exoritur procurva ingens per litora fletus:
Complexi inter se noctemque diemque morantur.
Ipsae jam matres, ipsi, quibus aspera quondam
Visa maris facies, et non tolerabile numen,
Ire volunt, omnemque fugae perferre laborem.
Quos bonus Aeneas dictis solatur amicis,
Et consanguineo lacrimans commendat Acestae.

Tris Eryci vitulos, et tempestatibus agnam,
 Caedere deinde jubet, solvique ex ordine funem.
 Ipse, caput tonsae foliis evinctus olivae,
 Stans procul in prora pateram tenet, extaque salso
 Porricit in fluctus, ac vina liquentia fundit.
 Prosequitur surgens a puppi ventus euntis.
 Certatim socii feriunt mare, et aequora verrunt.

At Venus interea Neptunum exercita curis
 Adloquitur, talisque effundit pectore questus:
 Junonis gravis ira, nec exsaturabile pectus,
 Cogunt me, Neptune, preces descendere in omnis:
 Quam nec longa dies, pietas nec mitigat ulla;
 Nec Jovis imperio, fatisque infracta quiescit.
 Non media de gente Phrygum exedisse nefandis
 Urbem odiis satis est, nec poenam traxe per omnem
 Reliquias: Trojae cineres atque ossa peremptae
 Insequitur. Causas tanti sciat illa furoris.
 Ipse mihi nuper Libycis tu testis in undis,
 Quam molem subito excierit. Maria omnia coelo
 Miscuit, Aeoliis nequidquam freta procellis,
 In regnis hoc ausa tuis.

Per scelus ecce etiam Trojanis matribus actis
 Exussit foede puppis; et classe subegit
 Amissa socios ignotae linquere terrae.
 Quod superest; oro, liceat dare tuta per undas
 Vela tibi: liceat Laurentem adtingere Thybrim:
 Si concessa peto, si dant ea moenia Parcae.
 Tum Saturnius haec domitor maris edidit alti:
 Fas omne est, Cytherea, meis te fidere regnis,
 Unde genus ducis: merui quoque. Saepe furores
 Compressi et rabiem tantam coelique marisque.
 Nec minor in terris, Xanthum Simoëntaque testor,
 Aeneae mihi cura tui. Quum Troja Achilles
 Exanimata sequens inpingeret agmina muris,

Millia multa daret leto, gemerentque repleti
Amnes, nec reperire viam atque evolvere posset
In mare se Xanthus : Pelidae tunc ego forti
Congressum Aenean, nec Dis nec viribus aequis,
Nube cava rapui : euperem quum vertere ab imo
Structa meis manibus perjuræ moenia Trojae.
Nunc quoque mens eadem perstat mihi : pelle timorem.
Tutus, quos optas, portus adcedet Averni.
Unus erit tantum, amissum quem gurgite quaeret :
Unum pro multis dabitur caput.
His ubi laeta Deae permulsit pectora dictis,
Jungit equos auro genitor, spumantiaque addit
Frena feris, manibusque omnis effundit habenas.
Caeruleo per summa levis volat aequora curru.
Subsidant undae, tumidumque sub axe tonanti
Sternitur aequor aquis : fugiunt vasto aethere nimbi.
Tum variae comitum facies ; inmania cete,
Et senior Glauci chorus, Inousque Palaemon,
Tritonesque citi, Phorcique exercitus omnis.
Laeva tenent Thetis, et Melite, Panopeaque virgo,
Nesae, Spioque, Thaliaque Cymodeceque.

Hic patris Aeneae suspensam blanda vicissim
Gaudia pertentant mentem : jubet ocios omni
Adtolli males, intendi brachia velis.
Una omnes fecere pedem ; pariterque sinistros,
Nunc dextros solvere sinus : una ardua torquent
Cornua, detorquentque. Ferunt sua flamina classem,
Princeps ante omnis densum Palinurus agebat
Agmen : ad hunc alii cursum contendere jussi.
Jamque fere mediam coeli nox humida metam
Contigerat : placida laxarant membra quiete
Sub renjis fusi per dura sedilia nautae ;
Quum levis aetheriis delapsus Somnus ab astris
Aëra dimovit tenebrosam, et dispulit umbras,

Tc, Palinure, petens, tibi somnia tristia portans
Insonti; puppique Deus concedit in alta,
Phorbanti similis; funditque has ore loquelas:
Iaside Palinure, ferunt ipsa aequora classem;
Aequatae spirant aerae: datur hora quieti.
Pone caput, fessosque oculos furare labori.
Ipse ego paullisper pro te tua munera inibo.
Cui vix adtollens Palinurus lumina fatur:
Mene salis placidi voltum fluctusque quietos
Ignorare jubes? mene huic confidere monstro?
Aenean credam quid enim fallacibus austris,
Et coeli toties deceptus fraude sereni?
Talia dicta dabat, clavumque adfixus et haerens
Nusquam amittebat, oculosque sub astra tenebat.
Ecce Deus ramum Lethaeo rore madentem,
Vique soporatum Stygiâ super utraque quassat
Tempora; cunctantique natantia lumina solvit.
Vix primos inopina quies laxaverat artus
Et super incumbens, quum puppis parte revolsa,
Cumque gubernaculo liquidas projecit in undas
Praecipitem, ac socios nêquidquam saepe vocantem,
Ipse volans tenuis se sustulit ales ad auras.
Currit iter tutum non secius aequore classis,
Promissisque patris Neptuni interrita fertur.
Jamque adeo scopulos Sirenum advecta subibat;
Difficilis quondam, multorumque ossibus albos.
Tum rauca adsiduo longe sale saxa sonabant:
Quum pater amisso fluitantem errare magistro
Sensit, et ipse ratem nocturnis rexit in undis
Multa gemens, casuque animum concussus amici.
O nimium coelo et pelago confise sereno,
Nudus in ignota, Palinure, jaccabis arena.

P U B L I I
V I R G I L I I
M A R O N I S
A E N E I D O S

L I B E R S E X T U S.

Sic fatur lacrimans, classique inmittit habenas,
Et tandem Euboïcis Cumarum adlabitur oris.
Obvertunt pelago proras : tum dente tenaci
Ancora fundabat navis, et litora curvae
Praetextunt puppes. Juvenum manus emicat ardens
Litus in Hesperium : quaerit pars semina flammae
Abstrusa in venis silicis : pars densa ferarum
Tecta rapit, silvas : inventaque flumina monstrat.
At pius Aeneas arces, quibus altus Apollo
Praesidet, horrendaeque procul secreta Sibyllae,
Antrum inmane, petit : magnam cui mentem animumque
Delius inspirat vates, aperitque futura.
Jam subeunt Triviae lucos, atque aurea tecta.
Daedalus, ut fama est, fugiens Minoïa regna,
Praepetibus pennis ausus se credere coelo,
Insuetum per iter gelidas enavit ad Arctos,
Chalcidicaque levis tandem super adstitit arce.
Redditus his primum terris, tibi, Phoebe, sacravit
Remigium alarum, posuitque inmania templa.
In foribus letum Androgei : tum pendere poenas
Cecropidae jussi, miserum ! septena quot annis
Corpora natorum ; stat ductis sortibus urna :
Contra elata mari respondet Gnosia tellus :

Hic crudelis amor tauri, suppositaque furto
 Pasiphaë, mixtumque genus, prolesque biformis
 Minotaurus inest, Veneris monumenta nefandæ :
 Hic labor ille domus, et inextricabilis error.
 Magnum reginae sed enim miseratus amorem
 Daedalus, ipse dolos tecti ambagesque resolvit,
 Caeca regens filo vestigia. Tu quoque magnam
 Partem opere in tanto, sineret dolor, Icare, haberes.
 Eis conatus erat casus effingere in auro :
 Eis patriae cecidere manus. Quin protenus omnia
 Perlegerent oculis ; ni jam praemissus Achates
 Adforet, atque una Phoebi Triviaeque sacerdos,
 Deiphobe Glauci, fatur quae talia regi :
 Non hoc ista sibi tempus spectacula poscit.
 Nunc grege de intacto septem mactare juvencos
 Praestiterit, totidem lectas de more bidentis,
 Talibus adfata Aenean (nec sacra morantur
 Jussa viri) Teucros vocat alta in templa sacerdos.
 Excisum Euboicae latus ingens rupis in antrum :
 Quo lati ducunt aditus centum, ostia centum :
 Unde ruunt totidem voces, responsa Sibyllae.
 Ventum erat ad limen, quum virgo, Poscere fata
 Tempus, ait. Deus, ecce, Deus. Cui talia fanti
 Ante fores, subito non voltus, non color unus,
 Non comtae mansere comae ; sed pectus anhelum,
 Et rabie fera corda tument : majorque videri,
 Nec mortale sonans, adflata est numine quando
 Jam propiore Dei. Cessas in vota precesque,
 Tros, ait, Aenea ? cessas ? neque enim ante debiscunt
 Adtonitae magna ora domus. Et talia fata
 Conticuit. Gelidus Teucris per dura cucurrit
 Ossa tremor, funditque preces rex pectore ab imo :
 Phoebe, gravis Trojae semper miserata labores,
 Dardana qui Paridis direxisti tela manusque

Corpus in Acacidæ; magnas obeuntia terras
 Tot maria intravi, duce te, penitusque repostas
 Massylûm gentis, prætentaque Syrtibus arva.
 Jam tandem Italiæ fugientis preddimus oras.
 Hæc Trojana tenus fuerit Fortuna secuta.
 Vos quoque Pergameæ jam fas est parcere genti,
 Dique Deæque omnes, quibus obstitit Ilium, et ingens
 Gloria Dardaniæ. Tuque, o sanctissima vates,
 Præscia venturi, da (non indebita posco
 Regna meis fati;) Latio considerare Teucros,
 Errantisque Deos, agitataque numina Trojæ.
 Tum Phœbo et Triviæ solido de marmore templum
 Instituam, festosque dies de nomine Phœbi.
 Te quoque magna manent regnis penetralia nostris.
 Hic ego namque tuas sortis, arcanaque fata,
 Dicta meæ genti, ponam, lectosque sacrabo
 Alma viros. Foliis tantum ne carmina manda;
 Ne turbata volent rapidis ludibria ventis.
 Ipsa canas oro. Finem dedit ore loquendi.

At, Phœbi nondum patiens, inmanis in antro
 Bacchatur vates, magnum si pectore possit
 Excussisse deum. Tanto magis ille fatigat
 Os rabidum, fera corda domans, fingitque premendo.
 Ostia jamque domus patuere ingentia centum
 Sponte sua, vatisque ferunt responsa per auras.
 O tandem magnis pelagi defuncte periclis:
 Sed terra graviora manent. In regna Lavini
 Dardanidæ venient; mitte hanc de pectore curam:
 Sed non et venisse volent. Bella, horrida bella,
 Et Thybrim multo spumantem sanguine cerno.
 Non Simois tibi, nec Xanthus, nec Dorica castra
 Defuerint. Alius Latio jam partus Achilles,
 Natus et ipse Dea. Nec Teucris addita Juno
 Usquam aberit: Quam tu supplex in rebus egenis

Quas gentis Italûm, aut quas non oraveris urbis!
Caussa mali tanti conjux, iterum hospita Teucris;
Externique iterum thalami.

Tu ne cede malis: sed contra audentior ito,
Quam tua te Fortuna sinet. Via prima salutis,
Quod minime reris, Graja pandetur ab urbe.

Talibus ex adyto dictis Cumaea Sibylla

Horrendas canit ambages, autroque remugit,
Obscuris vera involvens. Ea frena furenti
Concutit, et stimulos sub pectore vertit Apollo.
Ut primum cessit furor, et rabida ora quierunt;
Incipit Aeneas heros: Non ulla laborum,
O virgo, nova mihi facies inopinave surgit.

Omnia praecepi, atque animo mecum ante peregrî.

Unum oro: quando hîc inferni janua regis
Dicitur, et tenebroea palus Acheronte refuso:

Ire ad conspectum cari genitoris et ora

Contingat: doceas iter, et sacra ostia pandas.

Illum ego per flammâs, et mille sequentia tela

Eripui his humeris, medioque ex hoste recepi:

Ille meum comitatus iter, maria omnia mecum,

Atque omnis pelagique minas coelique ferebat

Invalidus, vires ultra sortemque senectae.

Quin, ut te supplex peterem, et tua limina adirem,

Idem orans mandata dabat. Gnatique patrisque,

Alma, precor, miserere. Potes namque omnia: nec te

Nequidquam lucis Hecate praefecit Avernis.

Si potuit manis arcessere conjugis Orpheus,

Threïcia fretus cithara fidibusque canoris:

Si fratrem Pollux alterna morte redemit,

Itque reditque viam toties. Quid Thesea, magnum

Quid memorem Alciden? et mihi genus ab Jove summo.

Talibus orabat dictis, arasque tenebat.

Quum sic orsa loqui vates: Sate sanguine Divûm,

E c

Tros Anchisiade, facilis descensus Averno.
Noctes atque dies patet atri janua Ditis:
Sed revocare gradum, superasque evadere ad auras,
Hoc opus, hic labor est. Pauci, quos aequus amavit
Juppiter, aut ardens evexit ad aethera virtus,
Dis geniti potuere. Tenent media omnia silvae,
Cocytusque sinu labens circumvenit atro.
Quod si tantus amor menti, si tanta cupido est,
Bis Stygios innare lacus, bis nigra videre
Tartara; et insano juvat indulgere labori;
Adcipe, quae peragenda prius. Latet arbore opaca
Aureus et foliis et lento vimine ramus,
Junoni infernae dictus sacer. Hunc tegit omnis
Lucus, et obscuris claudunt convallibus umbrae.
Sed non ante datur telluris operta subire,
Auricomos quam quis decerpserit arbore foctus.
Hoc sibi pulchra suum ferri Proserpina munus
Instituit. Primo avolso non deficit alter
Aureus; et simili frondescit virga metallo.
Ergo alte vestiga oculis, et rite repertum
Carpe manu. Namque ipse volens facilisque sequetur,
Si te fata vocant: aliter, non viribus ullis
Vincere, nec duro poteris convellere ferro.
Praeterea jacet exanimum tibi corpus amici,
Heu nescis, totamque incestat funere classem;
Dum consulta petis, nostroque in limine pendes.
Sedibus hunc refer ante suis, et conde sepulcro.
Duc nigras pecudes: ea prima piacula sunt.
Sic denum lucos Stygios, regna invia vivis,
Adspicies. Dixit, pressoque obmutuit ore.
Aeneas maesto defixus lumina voltu
Ingreditur, relinquens antrum; caecosque volutat
Eventus animo secum. Cui fidus Achates
It comes, et paribus curis vestigia figit.

Multa inter sese vario sermone serebant :
 Quem socium exanimem vates, quod corpus humandum
 Diceret. Atque illi Misenum in litore sicco,
 Ut venere, vident indigna morte peremtum;
 Misenum Aeoliden : quo non praestantior alter
 Aere ciere viros, Martemque adcondere cantu.
 Hectoris hic magni fuerat comes, Hectora circum
 Et lituo pugnas insignis obibat et hasta.
 Postquam illum vita victor spoliavit Achilles,
 Dardanio Aeneae sese fortissimus heros
 Addiderat socium, non inferiora secutus.
 Sed tum, forte cava dum personat aequora concha,
 Demens, et cantu vocat in certamina Divos,
 Aemulus exceptum Triton, si credere dignum est,
 Inter saxa virum spumosa inmerserat unda.
 Ergo omnes magno circum clamore fremebant ;
 Praecipue pius Aeneas. Tum jussa Sibyllae,
 Haud mora, festinant flentes, aramque sepulcri
 Congerere arboribus, coeloque educere certant.
 Itur in antiquam silvam, stabula alta ferarum :
 Procumbunt piceae : sonat icta securibus ilicx :
 Fraxineaeque trabes, cuneis et fissile robur
 Scinditur : advolvunt ingentis montibus ornos.
 Necnon Aeneas opera inter talia primus
 Hortatur socios, paribusque adcingitur armis.
 Atque haec ipse suo tristi cum corde volutat,
 Adspectans silvam inmensam, et sic voce precatur :
 Si nunc se nobis ille aureus arbore ramus
 Ostendat nemore in tanto : quando omnia vere
 Heu nimium de te vates, Misene, locuta est.
 Vix ea fatus erat, geminae quum forte columbae
 Ipsa sub ora viri coelo venere volantes,
 Et viridi sedere solo. Tum maxumus heros
 Maternas agnoscit avis, laetusque precatur :

Estes duces, o, si qua via est, cursumque per auras
Dirigite in lucos, ubi pinguem dives opacat
Ramus humum. Tuque, o, dubiis ne defice rebus,
Diva parens. Sic effatus vestigia pressit;
Observans quae signa ferant, quo tendere pergant.
Pascentes illae tantum prodire volando,
Quantum acie possent oculi servare sequentum.
Inde, ubi venere ad fauces graveolentis Averni,
Tollunt se celeres; liquidumque per aëra labiae
Sedibus optatis geminae super arbore sidunt:
Discolor unde auri per ramos aura refulsit.
Quale solet silvis brumali frigore viscum
Fronde virere nova, quod non sua seminat arbor,
Et croceo foetu teretis circumdare truncos.
Talis erat species auri frondentis opaca
Illice: sic leni crepitabant bractea vento.
Conripit Aeneas extemplo, avidusque refringit
Cunctantem, et vatis portat sub tecta Sibyllae.
Nec minus interea Misenum in litore Teucri
Flebant, et cineri ingrato suprema ferebant.
Principio pinguem taedis et robore secto
Ingentem struxere pyram: cui frondibus atris
Interunt latera, et feralis ante cupressos
Constituunt, decorantque super fulgentibus armis.
Pars calidos latices et aëna undantia flammis
Expediunt, corpusque lavant frigentis et unguunt.
Fit gemitus. Tum membra toro desleta reponunt,
Purpureasque super vestis, velamina nota,
Conjiciunt. Pars ingenti subiere feretro,
Triste ministerium, et subjectam more parentum
Aversi tenuere facem. Congesta erentantur
Turea dona, dapes, fuso crateres olivo.
Postquam conlabi cineres, et flamma quievit;
Reliquias vino et bibulam layere favillam;

Ossaque lecta cado textit Corynaeus aëno.
Idem ter socios pura circumtulit unda,
Spargens rore levi et ramo felicis olivae :
Lustravitque viros, dixitque novissima verba.
At pius Aeneas ingenti mole sepulcrum
Inponit, suaque arma viro, remumque, tubamque,
Monte sub aërio : qui nunc Misenus ab illo
Dicitur, aeternumque tenet per secula nomen.

His actis propere exsequitur praecepta Sibyllae.
Spelunca alta fuit, vastoque inmanis hiatu,
Scrupea, ruta lacu nigro nemorumque tenebris :
Quam super haud ullae poterant inpune volantes
Tendere iter pennis : talis sese halitus atris
Faucibus effundens supera ad convexa ferebat :
[Unde locum Graji dixerunt nomine Aornon.]
Quatuor hic primum nigrantis terga juvencos
Constituit, frontique invergit vincta sacerdos ;
Et, summas carpens media inter cornua sacras,
Ignibus inponit sacris, libamina prima,
Voce vocans Hecaten, coeloque Ereboque potentem,
Supponunt alii culeros, tepidumque cruorem
Suscipiunt pateris. Ipse atri velleris agnam
Aeneas matri Eumenidum magnaeque sorori
Ense ferit, sterilemque tibi, Proserpina, vaccam.
Tum Stygio regi nocturnas inchoat aras,
Et solida inponit taurorum viscera flammis,
Pingue superque oleum infundens ardentibus extis.
Ecce autem, primi sub lumina solis et ortus,
Sub pedibus mugire solum, et juga coepta moveri
Silvarum, visaeque canes ululare per umbram,
Adventante Dea. Procul o, procul este, profani,
Conclamat vates, totoque absistite luco :
Tuque invade viam, vaginaque eripe ferrum :
Nunc animis opus, Aeneas, nunc pectore firmo,

Tantum effata, furens antro se inmisit aperto.
Ille ducem baud timidus vadentem passibus aequat.

DI, quibus imperium est animarum, umbraeque silentes,
Et Chaos, et Phlegethon, loca nocte tacentia late;
Sit mihi fas audita loqui: sit numine vestro
Panderet res alta terra et caligine mersas.
Ibant obscuri sola sub nocte per umbram,
Perque domos Ditis vacuas, et inania regna.
Quale per incertam Lunam sub luce maligna
Est iter in silvis: ubi coelum condidit umbrâ
Juppiter, et rebus nox abstulit atra colorem.
Vestibulum ante ipsum primisque in faucibus Orci
Luctus et ultrices posuere cubilia Curae:
Pallentesque habitant Morbi, tristisque Senectus,
Et Metus, et male suada Fames, ac turpis Egestas;
Terribiles visu formae; Letumque, Labosque:
Tum consanguineus Leti Sopor, et mala mentis
Gaudia, mortiferumque adverso in limine Bellum,
Ferreique Eumenidum thalami, et Discordia demens,
Vipereum crinem vittis innexa cruentis.

In medio ramos annosae brachia pandit
Ulmus opaca, ingens: quam sedem Somnia volgo
Vana tenere ferunt, foliisque sub omnibus haerent.
Multaque praeterea variarum monstra ferarum
Centauri in foribus stabulant, Scyllaeque biformes,
Et centumgeminus Briareus, ac bellua Lerne
Horrendum stridens, flammisque armata Chimaera:
Gorgones; Harpyiaeque, et forma tricorporis umbrae.
Conripit hinc subita trepidus formidine ferrum
Aeneas, strictamque aciem venientibus obfert,
Et, ni docta comes tenuis sine corpore vitas
Admoneat volitare cava sub imagine formae,
Inruat, et frustra ferro diverberet umbras.

Hinc via, Tartarei quae fert Acherontis ad undas:

Turbidus hîc coeno vastaque voragine gurgēs
Aestuat, atque omnem Cocyto eructat arenam.
Portitor has horrendus aquas et flumina servat
Terribili squalore Charon: cui plurima mento
Canities inculta jacet: stant lumina flamma:
Sordidus ex humeris nodo dependet amictus.
Ipse ratem conto subigit, velisque ministrat,
Et feruginea subvectat corpora cymba,
Jam senior; sed cruda Deo viridisque senectus.
Huc omnis turba ad ripas effusa ruebat,
Matres atque viri, defunctaque corpora vita
Magnanimū heroum, pueri innuptaeque puellae,
Inpositique rogis juvenes ante ora parentum.
Quam multa in silvis autumnī frigore primo
Labsa cadunt folia, aut ad terram gurgite ab alto
Quam multae glomerantur aves, ubi frigidus amnis
Trans pontum fugat, et terris inmittit apricis.
Stabant orantes primi transmittere cursum,
Tendebantque manus ripae ulterioris amore.
Navita sed tristis nunc hos, nunc adcipit illos:
Ast alios longe submotos arcet arena.
Aeneas, miratus enim, motusque tumultu,
Dic, ait, o virgo, quid volt concursus ad amnem?
Quidve petunt animae? vel quo discrimine ripas
Hae linquunt, illae remis vada livida verrunt?
Olli sic breviter fata est longaeva sacerdos:
Anchisa generate, Deū certissima proles,
Cocytī stagna alta vides, Stygiamque paludem,
Dī cūjus jurare timent et fallere numen.
Haec omnis, quam cernis, inops inhumataque turba est:
Portitor ille, Charon: hi, quos vehit unda, sepulti.
Nec ripas datur horrendas et rauca fluenta
Transportare prius, quam sedibus ossa quierunt.
Centum errant annos, volitantque haec litora circum.

Tum demum admissi stagna exoptata revisunt.
 Constitit Anchisa satius, et vestigia pressit;
 Multa putans, sortemque animo miseratus iniquam,
 Cernit ibi maestos et mortis honore carentis,
 Leucaspim, et Lyciae ductorem classis Orontem:
 Quos, simul a Troja ventosa per aequora vectos,
 Obruit auster, aqua involvens navemque virosque.

Ecce gubernator sese Palinurus agebat:
 Qui Libyco nuper cursu, dum sidera servat,
 Exciderat puppi, mediis effusus in undis.
 Hunc ubi vix multa maestum cognovit in umbra;
 Sic prior adloquitur: Quis te, Palinure, Deorum
 Lripuit nobis, medioque sub aequore mersit?
 Dic age. Namque mihi, fallax haud ante repertus,
 Hoc uno responso animum delusit Apollo:
 Qui fore te ponto incolumem, finisque caneat
 Venturum Ausonios. En haec promissa fides est?
 Ille autem: Neque te Phoebi cortina sefellit,
 Dux Anchisiade, nec me Deus aequore mersit.
 Namque gubernaculum multa vi forte revolsu,
 Cui datus haerebam custos, cursusque regebam,
 Praecipitatis traxi mecum. Maria aspera juro,
 Non ullum pro me tantum cepisse timorem,
 Quam tua ve, spoliata armis, excussa magistro,
 Deficeret tantis navis surgentibus undis.
 Tris notus libernas inmensa per aequora noctis
 Vexit me violentus aqua: vix lumine quarto
 Prospexi Italiam, summa sublimis ab unda.
 Paullatim adnabam terrae: jam tuta tenebam;
 Ni gens crudelis madida cum veste gravatum,
 Preussantemque uncis manibus capita aspera montis
 Ferro invasisset, praedamque ignara putasset.
 Nunc me fluctus habet, versantque in litore venti.
 Quod te per coeli jucundum lumen, et auras,

Per genitorem oro, per spes surgentis Iuli;
 Eripe me his, invicte, malis: aut tu mihi terram
 Injice, namque potes; portusque require Velinos.
 Aut tu, si qua via est, si quam tibi Diva creatrix
 Ostendit, (neque enim, credo, sine numine Divôm
 Flumina tanta paras Stygiamque innare paludem)
 Da dextram misero, et tecum me tolle per undas;
 Sedibus ut saltem placidis in morte quiescam.
 Talia fatus erat, coepit quum talia vates:
 Unde haec, o Palinure, tibi tam dira cupido?
 Tu Stygias inhumatus aquas, amnemque severum
 Eumenidum adspicies, ripamve injussus abibis?
 Desine fata Deûm flecti sperare precando.
 Sed cape dicta memor, duri solatia casus.
 Nam tua finitimi, longe lateque per urbes,
 Prodigiiis acti coelestibus, ossa piabunt;
 Et statuent tumulum, et tumulo sollempnia mittent;
 Aeternumque locus Palinuri nomen habebit.
 His dictis curae emotae, pulsusque parumper
 Corde dolor tristi: gaudet cognomine terra.

Ergo iter inceptum peragunt, fluvioque propinquant.
 Navita quos jam inde ut Stygia prospexit ab unda
 Per tacitum nemus ire, pedemque advertere ripae,
 Sic prior adgreditur dictis, atque increpat ultro:
 Quisquis es, armatus qui nostra ad flumina tendis,
 Fare age, quid venias: jam istinc et comprime gressum.
 Umbrarum hîc locus est, Somni Noctisque soporae:
 Corpora viva nefas Stygia vectare carina.
 Nec vero Alciden me sum laetatus euntem
 Adcepisse lacu, nec Thesea Pirithoumque:
 Dis quamquam geniti, atque invicti viribus essent.
 Tartareum ille manu custodem in vincla petivit;
 Ipsius a solio regis traxitque trementem:
 Hi dominam Ditis thalamo deducere adorti.

Quae contra breviter fata est Amphrysia vates:
 Nullae hic insidiae tales; absiste moveri:
 Nec vim tela ferunt: licet ingens janitor antro
 Aeternum latrans exsanguis terreat umbras:
 Casta licet patrui servet Proserpina limen.
 Troïus Aeneas, pietate insignis et armis,
 Ad genitorem imas Erebi descendit ad umbras.
 Si te nulla movet tantae pietatis imago,
 At ramum hunc, aperit ramum qui veste latebat,
 Adgnoscas. Tumida ex ira tum corda residunt.
 Nec plura his. Ille admirans venerabile donum
 Fatalis virgae, longo post tempore visum,
 Caeruleam advertit puppim, ripaeque propinquat.
 Inde alias animas, quae per juga longa sedebant,
 Deturbat, laxatque foros: simul adcipit alveo
 Ingentem Aenean. Gemuit sub pondere cymba
 Sutilis, et multam adcepit rimosa paludem.
 Tandem trans fluvium incolumis vatemque virumque
 Informi limo glaucaque exponit in ulva.

Cerberus haec ingens latratu regna trifauci
 Personat, adverso recubans inmanis in antro.
 Cui vates, horrere videns jam colla colubris,
 Melle soporatum et medicatis frugibus offam
 Objicit. Ille fame rabida tria guttura pandens
 Conripit objectam, atque inmania terga resolvit
 Fusus humi, totoque ingens extenditur antro.
 Occupat Aeneas aditum custode sepulto,
 Evaditque celer ripam inremeabilis undae.

Continuo auditae voces, vagitus et ingens,
 Infantumque animae flentes in limine primo:
 Quos dulcis vitae exsortis, et ab ubere raptos,
 Abstulit atra dies, et funere mersit acerbo.
 Hos juxta falso damnati crimine mortis.
 Nec vero hac sine sorte datae, sine iudice, sedes.

Quaesitor Minos urnam movet: ille silentum
 Conciliumque vocat, vitasque et crimina discit.
 Proxima deinde tenent maesti loca, qui sibi letum
 Insones peperere manu, lucemque perosi
 Proiecere animas. Quam vellent aethere in alto
 Nunc et pauperiem et duros perferre labores!
 Fas obstat, tristisque palus inamabilis unda
 Adligat, et novies Styx interfusa coercet.
 Nee procul hinc partem fusi monstrantur in omnem
 Lugentes campi. Sic illos nomine dicunt.
 Hic, quos durus amor crudeli tabe peredit,
 Secreti celant calles, et myrtea circum
 Silva tegit. Curae non ipsa in morte relinquunt.
 His Phaedram Procrinque locis, maestamque Eriphylen,
 Crudelis nati monstrantem volnera cernit,
 Euadnenque, et Pasiphaën: his Laodamia
 It comes, et juvenis quondam, nunc femina, Caeneus,
 Rursus et in veterem fato revoluta figuram.
 Inter quas Phoenissa recens a vulnere Dido
 Errabat silva in magna: quam Troïus heros,
 Ut primum juxta stetit, agnovitque per umbram
 Obscuram, qualem primo qui surgere mense
 Aut videt, aut vidisse putat per nubila Lunam,
 Demisit lacrimas, dulcique adfatus amore est:
 Infelix Dido, verus mihi nuntius ergo
 Venerat exstinctam, ferroque extrema secutam;
 Funeris heu tibi causa fui? Per sidera juro,
 Per superos, et si qua fides tellure sub ima est;
 Invitus, Regina, tuo de litore cessi.
 Sed me jussa Deûm, quae nunc has ire per umbras,
 Per loca senta situ cogunt, noctemque profundam,
 Imperiis egere suis: nec credere quivi
 Hunc tantum tibi me discessu ferre dolorem.
 Siste gradum, teque adspectu ne subtrahere nostro,

Quem fugis? extremum fato quod te adloquor, hoc est.
Talibus Aeneas ardentem et torva tuentem
Lenibat dictis animum, lacrimasque ciebat.
Illa solo fixos oculos aversa tenebat :
Nec magis incepto voltum sermone movetur,
Quam si dura silex aut stet Marpesia cautes.
Tandem conripuit sese, atque inimica refugit
In nemus umbriferum: conjunx ubi pristinus illi
Respondet curis, aequatque Sichaeus amorem.
Nec minus Aeneas, casu percussus iniquo,
Prosequitur lacrimans longe, et miseratur euntem.

Inde datum molitur iter. Jamque arva tenebant
Ultima, quae bello clari secreta frequentant.
Hic illi occurrit Tydeus, hic inclutus armis
Parthenopaeus, et Adraſti pallentis imago.
Hic multum ficti ad superos, belloque caduci
Dardanidae: quos ille omnis longo ordine cernens
Ingemuit, Glaucumque, Medontaque, Thersilochumque,
Tris Antenoridas, Cererique sacrum Polypoeten,
Idaeumque, etiam currus, etiam arma tenentem.
Circumstant animae dextra laevaue frequentes.
Nec vidisse semel satis est: juvat usque morari,
Et conferre gradum, et veniendi discere causas.
At Danaum procures, Agamemnoniaeque phalanges,
Ut videre virum, fulgentiaque arma per umbras,
Ingenti trepidare metu. Pars vertere terga,
Ceu quondam petiere ratis: pars tollere vocem
Exiguam. Inceptus clamor frustratur hiantis.

Atque hic Priamiden laniatum corpore toto
Deiphobum vidit, lacerum crudeliter ora,
Ora manusque ambas, populataque tempora raptis
Auribus, et truncas inhonesto vulnere naris.
Vix adeo agnovit pavitantem, et dira tegentem
Supplicia; et notis conpellat vocibus ultro:

Deïphobe armipotens, genus alto a sanguine Teucri,
 Quis tam crudelis optavit sumere poenas?
 Cui tantum de te licuit? Mihi fama suprema
 Nocte tulit, fessum vasta te caede Pelasgum
 Procubuisse super confusae stragis acervom.
 Tunc egomet tumulum Rhoeteo in litore inanem
 Constitui, et magna Manis ter voce vocavi.
 Nomen et arma locum servant, Te, amice, nequivi
 Conspicere, et patria decedens ponere terra.
 Ad quae haec Priamides: Nihil o tibi, amice, relictum:
 Omnia Deïphobo solvisti, et funeris umbris.
 Sed me fata mea et scelus exitiale Lacaenae
 His mersere malis: illa haec monumenta reliquit.
 Namque, ut supremam falsa inter gaudia noctem
 Egerimus, nosti; et nimium meminisse necesse est:
 Quam fatalis equus saltu super ardua venit
 Pergama, et armatum peditem gravis adtulit alvo:
 Illa chorum simulans, evantis orgia circum
 Ducebat Phrygias: flammam media ipsa tenebat
 Ingentem, et summa Danaos ex arce vocabat.
 Tum me, confectum curis somnoque gravatum
 Infelix habuit thalamus, pressitque jacentem
 Dulcis et alta quies, placidaeque simillima morti.
 Egregia interea conjunx arma omnia tectis
 Emoveat, et fidum capiti subduxerat ensem:
 Intra tecta vocat Menelaum, et limina pandit.
 Scilicet id magnum sperans fore munus amanti,
 Et famam extinguere veterum sic posse malorum.
 Quid moror? inrumpunt thalamo. Comes additus una
 Hortator scelerum Aeolides. DI, talia Grajis
 Instaure; pio si poenas ore reposco.
 Sed te qui vivum casus, age fare vicissim,
 Adtulerint. Pelagine venis erroribus actus,
 An monitu Divum? an quae te Fortuna fatigat,

Ut tristis sine sole domos, loca turbida, adires?
 Hac vice sermonum roseis Aurora quadrigis
 Jam medium aethereo cursu trajecerat axem:
 Et fors omne datum traherent per talia tempus:
 Sed comes admonuit, breviterque adfata Sibylla est:
 Nox ruit, Aenea; nos flendo ducimus horas.
 Hic locus est, partis ubi se via findit in ambas:
 Dextera, quae Ditis magni sub moenia tendit:
 Hac iter Elysium nobis: at laeva malorum
 Exercet poenas, et ad inopia Tartara mittit.
 Deiphobus contra: Ne saevi, magna sacerdos:
 Discedam, explebo numerum, reddarque tenebris.
 I decus, i, nostrum; melioribus utere fatis.
 Tantum effatus, et in verbo vestigia torsit.

Respicit Aeneas subito, et sub rupe sinistra
 Moenia lata videt, triplici circumdata muro:
 Quae rapidus flammis ambit torrentibus amnis
 Tartareus Phlegethon, torquetque sonantia saxa.
 Porta adversa, ingens, solidoque adamante columnae:
 Vis ut nulla virum, non ipsi excindere ferro
 Coelicolae valeant. Stat ferrea turris ad auras:
 Tisiphoneque sedens, palla succincta cruenta,
 Vestibulum exsomnis servat noctesque diesque.
 Hinc exaudiri gemitus, et saeva sonare
 Verbera: tum stridor ferri, tractaeque catenae.
 Constitit Aeneas, strepitumque exterritus hausit.
 Quae scelerum facies? o virgo, effare: quibusve
 Urgentur poenis? Qui tantus plangor ad auras.
 Tum vates sic orsa loqui: Dux inclute Teucrum,
 Nulli fas casto sceleratum insistere limen:
 Sed me, quum lucis Hecate praefecit Avernus,
 Ipsa Deum poenas docuit, perque omnia duxit.
 Gnosius haec Rhadamanthus habet durissima regna,
 Castigatque auditque dolos; subigitque fateri,

Quae quis apud superos, furto laetatus inani,
Distulit in seram commissa piacula mortem.
Continuo sontis ultrix adcincta flagello
Tisiphone quatit insultans, torvosque sinistra
Intentans anguis, vocat agmina saeva sororum.
Tum demum horrisono stridentes cardine sacrae
Panduntur portae. Cernis, custodia qualis
Vestibulo sedeat? facies quae limina servet?
Quinquaginta atris inmanis hiatibus Hydrâ
Saevior intus habet sedem. Tum Tartarus ipse
Bis patet in praeceps tantum, tenditque sub umbras,
Quantus ad aetherium coeli suspectus Olympum.
Hic genus antiquum Terrae, Titania pubes,
Fulmine dejecti, fundo volvuntur in imo.
Hic et Aloïdas geminos, inmania vidi
Corpora: qui manibus magnum rescindere coelum
Adgressi, superisque Jovem detrudere regnis,
Vidi et crudelis dantem Salmonæa poenas,
Dum flammæ Jovis et sonitus imitatur Olympi.
Quatuor hic invectus equis, et lampada quassans,
Per Grajûm populos, mediaeue per Elidis urbem
Ibat ovans, Divûmque sibi poscebat honorem,
Demens! qui nimbos, et non inuitabile fulmen
Aere et cornipedum pulsu simularat equorum:
At pater omnipotens densa inter nubila telum
Contorsit, (non ille faces, nec fumea taedis
Lumina) praecipitemque inmani turbine adegit.
Nec non et Tityon, Terræ omniparentis alumnus,
Cernere erat: per tota novem cui jugera corpus
Porrigitur: rostroque inmanis voltu obunco
Immortale jecur tendens, fecundaue poenis
Viscera, rimaturque epulis, habitatque sub alto
Pectore: nec sibi requies datur ulla renatis.
Quid memorem Lapithas, Ixion, Pirithoumque?

Quos super atra silex jam jam labura, cadentique
 Imminet adsimilis: lucent genialibus altis
 Aurea fulcra toris, epulaeque ante ora paratae
 Regifico luxu. Furiarum maxuma juxta
 Adcubat, et manibus prohibet contingere mensas:
 Exsurgitque facem adtollens, atque intonat ore.
 Hic, quibus invisi fratres, dum vita manebat,
 Pulsatusve parens, et fraus innexa clienti;
 Aut qui divitiis soli incubuere repertis,
 Nec partem posuere suis, quae maxima turba est:
 Quique ob adulterium caesi: quique arma secuti
 Inopia, nec veriti dominorum fallere dextras,
 Inclusi poenam expectant. Ne quare doceri
 Quam poenam, aut quae forma viros, fortunave mersit.
 Saxum ingens volvunt alii, radiisque rotarum
 Districti pendent: sedet, aeternumque sedebit,
 Infelix Theseus: Phlegyasque miserrimus omnis
 Admonet, et magna testatur voce per umbras:
 Discite justitiam moniti, et non temnere divos.
 Vendidit hic auro patriam, dominumque potentem
 Inposuit, fixit leges pretio atque refixit.
 Hic thalamum invasit natae vetitosque hymenaeos.
 Ausi omnes inmane nefas, ausoque potiti.
 Non, mihi si linguae centum sint, oraque centum,
 Ferruca vox, omnis scelerum comprehendere formas,
 Omnia poenarum percurrere nomina possim.

Haec ubi dicta dedit Phoebi longaeva sacerdos:
 Sed jam age, carpe viam, et susceptum perfice munus:
 Adceleremus, ait. Cyclopum educta caminis
 Moenia conspicio, atque adverso fornice portas.
 Haec ubi nos praecepta jubent deponere dona.
 Dixerat, et pariter, gressi per opaca viarum,
 Corripiunt spatium medium, foribusque propinquant.
 Occupat Aeneas aditum, corpusque recenti

Spargit aqua, ramumque adverso in limine figit.

His demum exactis, perfecto muncre divae,
 Devenere locos laetos, et amoena vireta
 Fortunatorum nemorum, sedesque beatas.
 Largior hîc campos aether et lumine vestit
 Purpureo; solemque suum, sua sidera norunt.
 Pars in gramineis excrecent membra palaestris;
 Contendunt ludo, et fulva luctantur arena:
 Pars pedibus plaudunt choreas, et carmina dicunt.
 Nec non Threïcius longa cum veste sacerdos
 Obloquitur numeris septem discrimina vocum:
 Jamque eadem digitis, jam pectine pulsat eburno.
 Hîc genus antiquum Teucris, pulcherrima proles,
 Magnanimi heroës, nati melioribus annis,
 Illosque, Assaracusque, et Trojae Dardanus auctor.
 Arma procul, currusque virûm miratur inanis.
 Stant terra defixae hastae, passimque soluti
 Per campos pascuntur equi. Quae gratia currûm
 Armorumque fuit vivis, quae cura nitentis
 Pascere equos, eadem sequitur tellure repostos.
 Conspicit, ecce, alios dextra lacvaque per herbam
 Virescentis, laetumque choro Paeani canentis,
 Inter odoratum lauri nemus: unde superne
 Plurimus Eridani per silvam volvitur amnis.
 Hîc manus, ob patriam pugnando volnera passi,
 Quique sacerdotes casti, dum vita manebat,
 Quique pii vates, et Phoebæ digna locuti,
 Inventas aut qui vitam excoluere per artis,
 Quique sui memores alios fecere merendo:
 Omnibus his nivea cinguntur tempora vitta.
 Quos circumfusus sic est adfata Sibylla;
 Musaeum ante omnis: medium nam plurima turba
 Hunc habet, atque humeris exstantem suspicit altis:
 Dicite, felices animae, tuque, optime vates;

G g

Quae regio Anchisen, quis habet locus? illius ergo
 Venimus, et magnos Erebi trapavinus amnis.
 Atque huic responsum paucis ita reddidit heros:
 Nulli certa domus. Lucis habitamus opacis,
 Riparumque toros et prata recentia rivis
 Incolimus. Sed vos, si fert ita corde voluntas,
 Hoc superate jugum; et facili jam tramite sistam.
 Dixit, et ante tulit gressum, camposque nitentis
 Desuper ostentat: dehinc summa cacumina linquunt.

At pater Anchises penitus convalle virenti
 Inclusas animas, superumque ad lumen ituras,
 Lustrabat studio recolens, omnemque suorum
 Forte recensibat numerum, carosque nepotes,
 Fataque, fortunasque virum, moresque, manusque.
 Isque ubi tendentem adversum per gramina vidit
 Aenean, alacris palmas utrasque tetendit:
 Effusaeque genis lacrimae; et vox excidit ore:
 Venisti tandem, tuaque spectata parenti
 Vicit iter durum pietas? datur ora tueri,
 Nate, tua; et notas audire et reddere voces?
 Sic equidem ducebam animo, rebarque futurum,
 Tempora dinumerans: nec me, mea cura, fefellit.
 Quas ego te terras, et quanta per aequora vectum
 Adcipio! quantis jactatum, nate, periculis!
 Quam metui, ne quid Libyae tibi regna nocerent!
 Ille autem: Tua me, genitor, tua tristis imago,
 Saepius occurrens, haec limina tendere adegit.
 Stant sale Tyrrheno classes: da jungere dextram,
 Da, genitor; teque amplexu ne subtrahe nostro.
 Sic memorans largo fletu simul ora rigabat.
 Ter conatus ibi collo dare brachia circum:
 Ter frustra comprehensa manus effugit imago,
 Par levibus ventis, voluerique simillima somno.
 Interea videt Aeneas in valle reducta

Seciusum nemus, et virgulta sonantia silvis,
Lethaeumque, domos placidas qui praenatat, amnem.
Hunc circum innumeratae gentes, populi que volabant.
Ac veluti in pratis, ubi apes aestate serena
Floribus insidunt variis, et candida circum
Lilia funduntur: strepit omnes murmure campus.
Horrescit visu subito, causasque requirit
Inscius Aeneas, quae sint ea flumina porro,
Quive viri tanto complerint agmine ripas.
Tum pater Anchises: Animae, quibus altera fato
Corpora debentur, Lethaei ad fluminis undam
Securos latices et longa obliviae potant.
Has equidem memorare tibi atque ostendere coram,
Jam pridem hanc prolem cupio enumerare meorum:
Quo magis Italia mecum laetere reperta.
O pater, anne aliquas ad coelum hinc ire putandum est
Sublimes animas, iterumque in tarda reverti
Corpora? quae lucis miseris tam dira cupido?
Dicam equidem; nec te suspensum, nate, tenebo:
Suscipit Anchises, atque ordine singula pandit.
Principio coelum ac terras, camposque liquentis,
Lucentemque globum Lunae, Titaniaque astra,
Spiritus intus alit, totamque infusa per artus
Mens agitat molem, et magno se corpore miscet.
Inde hominum pecudumque genus, vitaeque volantum,
Et quae marmoreo fert monstra sub aequore pontus.
Igneus est ollis vigor, et coelestis origo
Seminibus, quantum non noxia corpora tardant,
Terrenique hebetant artus, moribundaque membra.
Hinc metuunt, cupiuntque: dolent, gaudentque: neque auras
Dispiciunt clausae tenebris et carcere caeco.
Quin et supremo quum lumine vita reliquit,
Non tamen omne malum miseris, nec funditus omnes
Corporeae excedunt pestes: penitusque necesse est

Multa diu concreta modis inolescere miris.
 Ergo exercentur poenis, veterumque malorum
 Supplicia expendunt. Aliae panduntur inanis
 Suspensae ad ventos : aliis sub gurgite vasto
 Infectum ehuitur scelus, aut exuritur igni.
 Quisque suos patimur Manis : exinde per amplum
 Mittimur Elysium, et pauci laeta arva tenemus :
 Donec longa dies, perfecto temporis orbe,
 Concretam exemit labem, purumque reliquit
 Aetherium sensum, atque aurâ simplicis ignem.
 Has omnis, ubi mille rotam volvère per annos,
 Lethaeum ad fluvium Deus evocat agmine magno :
 Scilicet inmemores supera ut convexa revisant,
 Rursus et incipiant in corpora velle reverti.
 Dixerat Anchises : natumque unaque Sibyllam
 Conventus trahit in medios, turbamque sonantem :
 Et tumulum capit, unde omnis longo ordine possit
 Adversos legere, et venientum discere voltus.

Nunc age, Dardaniam prolem, quae deinde sequatur
 Gloria, qui maneant Itala de gente nepotes,
 Inlustris animas, nostrumque in nomen ituras,
 Expediam dictis, et te tua fata docebo.
 Ille, vides, pura juvenis qui nititur hasta,
 Proxima sorte tenet lucis loca ; primus ad auras
 Aetherias Italo conmixtus sanguine surget
 Silvius, Albanum nomen, tua postuma proles :
 Quem tibi longaevo serum Lavinia conjux
 Educet silvis regem, regumque parentem :
 Unde genus Longa nostrum dominabitur Alba.
 Proximus ille Procas, Trojanæ gloria gentis,
 Et Capys, et Numitor, et qui te nomine reddet
 Silvius Aeneas, pariter pietate vel armis
 Egregius, si unquam regnandam adceperit Albam.
 Qui juvenes quantas ostentant, adspice, vires !

Atque umbrata gerunt civili tempora quercu.
Hi tibi Nomentum, et Gabios, urbemque Fidenam,
Hi Collatinas inponent montibus arces,
[Laude pudicitiae celebres, addentque superbos]
Pometios, Castrumque Inui, Bolamque, Coramque.
Haec tum nomina erunt, nunc sunt sine nomine terrae.
Quin et avo comitem sese Mavortius addet
Romulus; Assaraci quem sanguinis Ilia mater
Educat. Viden' ut geminae stant vertice cristae,
Et pater ipse suo superum jam signat honore?
En, hujus, nate, auspiciis illa incluta Roma
Imperiam terris, animos aequabit Olympo,
Septemque una sibi muro circumdabit arces,
Felix prole virum. Qualis Berecynthia mater
Invehitur curru Phrygias turrita per urbis,
Laeta Deum partu, centum complexa nepotes,
Omnis coelicolas, omnis supera alta tenentis.
Huc geminas nunc flecte acies: hanc adspice gentem,
Romanosque tuos. Hic Caesar, et omnes Iuli
Progenies, magnum coeli ventura sub axem.
Hic vir, hic est, tibi quem promitti saepius audis,
Augustus Caesar, Divi genus: aurea condet
Secula qui rursus Latio, regnata per arva
Saturno quondam, super et Garamantas et Indos
Proferet imperium. Jacet extra sidera tellus,
Extra anni Solisque vias, ubi coelifer Atlas
Axem humero torquet stellis ardentibus aptum.
Hujus in adventum jam nunc et Caspia regna
Responsis horrent Divum, et Macotia tellus,
Et septem gemini turbant trepida ostia Nili.
Nec vero Alcides tantum telluris obivit;
Fixerat acripedem cervam licet, aut Erymanthi
Pacarit nemora, et Lernam tremefecerit arcu.
Nec, qui pampineis victor iuga flectit habenis,

Liber, agens celso Nysae de vertice tigris.
 Et dubitamus adhuc virtutem extendere factis?
 Aut metus Ausonia prohibet consistere terra?
 Quis procul ille autem ramis insignis olivae
 Sacra ferens? nosco crinis incanaque menta
 Regis Romani; primus qui legibus urbem
 Fundabit, Curibus parvis et paupere terra
 Missus in imperium magnum. Cui deinde subibit,
 Otia qui rumpet patriae, residesque movebit
 Tullus in arma viros, et jam desueta triumphis
 Agmina. Quem juxta sequitur jactantior Ancus,
 Nunc quoque jam nimium gaudens popularibus auris.
 Vis et Tarquinius reges, animamque superbam
 Ultoris Bruti, fascisque videre receptos?
 Consulis imperium hic primus saevasque securis
 Adcipiet: natosque pater, nova bella moventis,
 Ad poenam pulchra pro libertate vocabit.
 Infelix! Utcunque ferent ea facta minores;
 Vincet amor patriae, laudumque inmensa cupido.
 Quin Decios, Drusosque procul, saevumque securi
 Adspice Torquatum, et referentem signa Camillum.
 Illae autem, paribus quas fulgere cernis in armis,
 Concordes animae nunc, et dum nocte prementur,
 Heu quantum inter se bellum, si lumina vitae
 Adtigerint, quantas acies stragemque ciebunt!
 Aggeribus socer Alpinis atque arce Monoeci
 Descendens; gener adversis instructus Eois.
 Ne, pueri, ne tanta animis adsuecite bella:
 Neu patriae validas in viscera vertite vires.
 Tuque prior, tu parce, genus qui ducis Olympo:
 Projice tela manu, sanguis meus.
 Ille triumphatâ Capitolia ad alta Corinθο
 Victor aget currum, caesis insignis Achivis.
 Eruct ille Argos, Agamemnoniasque Mycenae,

Ipsūque Acciden, genus armipotentis Achilli;
Ultus avos Trojae, templa et temerata Minervae.
Quis te, magne Cato, tacitum, aut te, Cosse, relinquat?
Quis Gracchi genus, aut geminos duo fulmina belli
Scipidias, cladem Libyae, parvoque potentem;
Fabricium: vel te sulco, Serrane, serentem?
Quo fessum rapitis, Fabii? tu Maximus ille es,
Unus qui nobis cunctando restituis rem.
Excudent alii spirantia mollius aera:
Credo equidem, vivos ducent de marmore voltus:
Orabunt caussas melius, coelique meatus
Describent radio, et surgentia sidera dicent.
Tu regere imperio populos, Romane, memento,
Hae tibi crunt artes, pacisque imponere morem,
Parcere subjectis, et debellare superbos.

Sic pater Anchises, atque haec mirantibus addit:
Adspice, ut insignis spoliis Marcellus opinis
Ingreditur, victorque viros supereminet omnis!
Hic rem Romanam, magno turbante tumultu,
Sistet, eques sternet Poenos, Gallumque rebellem,
Tertiaque arma patri suspendet capta Quirino.
Atque hinc Aeneas; (una namque ire videbat
Egregium forma juvenem et fulgentibus armis,
Sed frons laeta parum, et dejecto lumina voltu:)
Quis, pater, ille, virum qui sic comitatur euntem?
Filius, ane aliquis magna de stirpe nepotum?
Qui strepitus circa comitum! quantum instar in ipso est!
Sed nox atra caput tristi circumvolat umbra.
Tum pater Anchises, lacrimis ingressus obortis:
O nate, ingentem luctum ne quaere tuorum:
Ostendent terris hunc tantum fata, neque ultra
Esse sinent. Ninium vobis Romana propago
Visa potens, Superi, propria haec si dona fuissent.
Quantos ille virum magnam Mavortis ad urbem

Campus aget gemitus! vel quae, Tiberine, videbis
 Funera, quum tumulum praeterlabère recentem!
 Nec puer Iliaca quisquam de gente Latinos
 In tantum spe tollet avos: nec Romula quondam
 Ullo se tantum tellus jactabit alumno.
 Heu pietas, heu prisca fides, invictaque bello
 Dexterâ! non illi se quisquam inpune tulisset
 Obvius armato, seu quum pedes iret in hostem,
 Seu spumantis equi foderet calcaribus armos.
 Heu, miserande puer! si quâ fata aspera rumpas,
 Tu Marcellus eris. Manibus date lilia plenis:
 Purpureos spargam flores, animamque nepotis
 His saltem adcumulem donis, et fungar inani
 Munere. Sic tota passim regione vagantur
 Aëris in campis latis, atque omnia lustrant.
 Quae postquam Anchises natum per singula duxit,
 Incenditque animum famae venientis amore:
 Exin bella viro memorat quae deinde gerenda,
 Laurentisque docet populos, urbemque Latini:
 Et quo quemque modo fugiatque feratque laborem.

Sunt geminae Somni portae: quarum altera fertur
 Cornea; qua veris facilis datur exitus umbris:
 Altera candenti perfecta nitens elephanto:
 Sed falsa ad coelum mittunt insomnia Manes.
 His ibi tum natum Anchises unaque Sibyllam
 Prosequitur dictis, portaque emittit eburna.
 Ille viam secat ad navis, sociosque revisit.
 Tum se ad Cajetae recto fert litore portum.
 Ancora de prora jacitur: stant litore puppes.

P U B L I I
V I R G I L I I
M A R O N I S
A E N E I D O S

L I B E R S E P T I M U S .

Tu quoque litoribus nostris, Aeneſa nutrix,
 Aeternam moriens famam, Cajeta, dedisti.
 Et nunc servat honos sedem tuus, ossaque nomen
 Hesperia in magna, si qua est ea gloria, signant.
 At pius exsequiis Aeneas rite solutis,
 Aggere composito tumuli, postquam alta quierunt
 Aequora, tendit iter velis, portumque relinquit.
 Adspirant aerae in noctem, nec candida cursus
 Luna negat: splendet tremulo sub lumine pontus.
 Proxima Circaeae raduntur litora terrae:
 Dives inadcessos ubi Solis filia lucos
 Adsidue resonat cantu, tectisque superbis
 Urit odoratam nocturna in lumina cedrum,
 Arguto tenuis percurrent pectine telas.
 Hinc exaudiri gemitus iraeque leonum,
 Vincula recusantum, et sera sub nocte rudentum:
 Saetigerique sues, atque in praecipibus ursi.
 Saevire, ac formae magnorum ululare luporum:
 Quos hominum ex facie Dea saeva potentibus herbis
 Induerat Circe in voltus ac terga ferarum.
 Quae ne monstra pii paterentur talia Troja
 Delati in portus, neu litora dira subirent;
 Neptunus ventis inplevit vela secundis:

A

Atque fugam dedit, et praeter vada fervida vexit.

Jamque rubescebat radiis mare, et aethere ab alto
Aurora in roseis fulgebat lutea bigis :

Quum venti posuere, omnisque repente resedit

Flatus, et in lento luctantur marmore tonsae.

Atque hîc Aeneas ingentem ex aequore lucum

Prospicit. Hunc inter fluvio Tiberinus amoeno,

Vorticibus rapidis et multa flavus arena,

In mare prorumpit. Variæ circumque supraque

Adsuetæ ripis volucres et fluminis alveo

Aethera mulcebant cantu, lucoque volabant.

Flectere iter sociis, terraeque advertere proras

Imperat, et lætus fluvio succedit opaco.

Nunc age, qui reges, Erato, quæ tempora rerum,

Quis Latio antiquo fuerit status, advena classem

Quum primum Ausoniis exercitus adpulit oris,

Expediam, et primæ revocabo exordia pugnae.

Tu vatem, tu, Diva, mone. Dicam horrida bella :

Dicam acies, actosque animis in funera reges,

Tyrrhenamque manum, totamque sub arma coactam

Hesperiam. Major rerum mihi nascitur ordo :

Majus opus moveo. Rex arva Latinus et urbis

Jam senior longa placidas in pace regebat.

Hunc Fauno et nympha genitum Laurente Marica

Adcipimus. Fauno Picus pater : isque parentem

Te, Saturne, refert : tu sanguinis ultimus auctor.

Filius huic, fato Divôm, prolesque virilis

Nulla fuit, primaque oriens crepta juvena est.

Sola domum et tantas servabat filia sedes,

Jam matura viro, jam plenis nubilis annis.

Multi illum magno e Latio totaque petebant

Ausonia : petit ante alios pulcherrimus omnis

Turnus, avis atavisque potens : quem regia conjunx

Adjungi generum miro properabat amore ;

Sed variis portenta Deum terroribus obstant.
Laurus erat tecti medio in penetralibus altis,
Sacra comam, multosque metu servata per annos:
Quam pater inventam, primas quum conderet arces,
Ipse ferebatur Phoebo sacrasse Latinus,
Laurentisque ab ea nomen posuisse colonis.
Hujus apes summum densae, mirabile dictu,
Stridore ingenti liquidum trans aethera vectae,
Obsedere apicem; et, pedibus per mutua nexis,
Examen subitum ramo frondente pependit.
Continuo vates, Externum cernimus, inquit,
Adventare virum, et partis petere agmen easdem
Partibus ex isdem, et summa dominarier arce.
Praeterea, castis adolet dum altaria taedis,
Ut juxta genitorem adstat Lavinia virgo,
Visa, nefas, longis comprehendere crinibus ignem,
Atque omnem ornatum flamma crepitante cremari:
Regalisque adcesa comas, adcesa coronam,
Insignem gemmis: tum fumida lumine fulvo
Involvi, ac totis Vulcanum spargere tectis.
Id vero horrendum, ac visu mirabile ferri:
Namque fore inlustrem fama fatisque caneant
Ipsam; sed populo magnum portendere bellum.
At rex sollicitus monstris, oracula Fauni,
Fatidici genitoris, adit, lucosque sub alta
Cousulit Albunea: nemorum quae maxuma sacro
Fonte sonat, saevamque exhalat opaca mephitim.
Hinc Italiae gentes, omnisque Oenotria tellus,
In dubiis responsa petunt. Huc dona sacerdos
Quum tulit, et caesarum ovium sub nocte silenti
Pellibus incubuit stratis, somnosque petivit,
Multa modis simulacra videt volitantia miris:
Et varias audit voces, fruiturque Deorum
Conloquio, atque imis Acheronta adfatur Avernus.

Hic, et tum pater ipse petens responsa Latinus,
 Centum lanigeras mactabat rite bidentis,
 Atque harum effultus tergo stratisque jacebat
 Velleribus. Subita ex alto vox reddita luco est :
 Ne pete connubiis natam sociare Latinis,
 O mea progenies, thalamis neu crede paratis.
 Externi veniunt generi, qui sanguine nostrum
 Nomen in astra ferent, quorumque ab stirpe nepotes
 Omnia sub pedibus, qua Sol utrumque recurrens
 Adspicit Oceanum, vertique regique videbunt.
 Haec responsa patris Fauni, monitusque silenti
 Nocte datos, non ipse suo premit ore Latinus :
 Sed circum late volitans jam Fama per urbis
 Ausonias tulerat ; quum Laomedontia pubes
 Gramineo ripae religavit ab aggere classem.

Aeneas, primique duces, et pulcher Iulus,
 Corpora sub ramis deponunt arboris altae :
 Instituuntque dapes, et adorea liba per herbam
 Subjiciunt epulis, sic Juppiter ille monebat,
 Et Cereale solum pomis agrestibus augment.
 Consumtis hic forte aliis, ut vertere morsus
 Exiguam in Cererem penuria adegit edendi,
 Et violare manu malisque audacibus orbem
 Fatalis crusti, patulis nec parcere quadris ;
 Heus ! etiam mensas consumimus ? inquit Iulus.
 Nec plura adludens. Ea vox audita laborum
 Prima tulit finem, primamque loquentis ab ore .
 Eripuit pater, ac stupefactus numine pressit.
 Continuo, Salve fatis mihi debita Tellus,
 Vosque, ait, o fidi Trojae salvete Penates.
 Hic domus, haec patria est. Genitor mihi talia, namque
 Nunc repeto, Anchises fatorum arcana reliquit :
 Quum te, nate, fames ignota ad litora vectum
 Adcisus coget dapibus consumere mensas ;

Tum sperare domos defessus, ibique memento
Prima locare manu molirique aggere tecta.
Haec erat illa fames: haec nos suprema manebat,
Exitii positura modum.
Quare agite, et, primo laeti cum lumine Solis,
Quae loca, quive habeant homines, ubi moenia gentis,
Vestigemus, et a portu diversa petamus.
Nunc pateras libate Jovi, precibusque vocate
Anchisen genitorem, et vina reponite mensa.
Sic deinde effatus frondenti tempora ramo
Implicat, et Geniumque loci, primamque Deorum
Tellurem, Nymphasque, et adhuc ignota precatur
Flumina: tum Noctem, noctisque orientia signa,
Idaeumque Jovem, Phrygiamque ex ordine Matrem,
Invocat; et duplicis Coeloque Erboque parentes,
Hic Pater omnipotens ter coelo clarus ab alto
Intonuit: radiisque ardentem lucis et auro
Ipse manu quatiens ostendit ab aethere nubem.
Diditur hic subito Trojana per agmina rumor,
Advenisse diem, quo debita moenia condant.
Certatim instaurant epulas, atque omine magno
Crateras laeti statuunt, et vina coronant.

Postera quum prima lustrabat lampade terras
Orta dies; urbem, et finis, et litora gentis
Diversi explorant: haec fontis stagna Numici,
Hunc Thybrim fluvium, hic fortis habitare Latinos,
Tum satus Anchisa delectos ordine ab omni
Centum oratores augusta ad moenia regis
Ire jubet, ramis velatos Palladis omnes:
Donaque ferre viro, pacemque exposcere Teucris.
Haud mora: festinant jussi, rapidisque feruntur
Passibus. Ipse humili designat moenia fossa,
Moliturque locum; primasque in litore sedes,
Castrorum in morem, pinnis atque aggere cingit.

Jamque iter emensi, turres ac tecta Latinorum
Ardua cernebant juvenes, muroque subibant.
Ante urbem pueri, et primaevae flore juventus,
Exercentur equis, domitantque in pulvere currus:
Aut acris tendunt arcus, aut lenta lacertis
Spicula contorquent, cursuque ictuque lacescunt.
Quum praevectus equo longaevis regis ad auris
Nuntius ingentis ignota in veste reportat
Advenisse viros. Ille intra tecta vocari
Imperat, et solio medius consedit avito.
Tectum augustum, ingens, centum sublime columnis,
Urbe fuit summa, Laurentis regia Pici,
Horrendum silvis et religione parentum.
Hic sceptraeu adcipere, et primos adtollere fascis
Regibus omen erat : hoc illis curia templum,
Hae sacris sedes epulis : hinc ariete caeso
Perpetuis soliti patres considerare mensis.
Quin etiam veterum effigies ex ordine avorum
Antiqua e cedro; Italusque, paterque Sabinus,
Vitisator, curvam servans sub imagine falcem,
Saturnusque senex, Janique bifrontis imago,
Vestibulo adstabant : aliique ab origine reges,
Martiaque ob patriam pugnando volnera passi.
Multaque praeterea sacris in postibus arma,
Captivi pendent currus, curvaeque secures,
Et cristae capitum, et portarum ingentia claustra,
Spiculaque, clipeique, ereptaue rostra carinis.
Ipse Quirinali lituo, parvaeque sedebat
Succinctus trabea, laevaue ancile gerebat
Picus, equum domitor : quem capta cupidine conjunx
Aurea percussum virga, versumque venaenis,
Fecit avem Circe, sparsitque coloribus alas.
Tali intus templo Divum patriaque Latinus
Sede sedens Teucros ad sese in tecta vocavit :

Atque haec ingressis placido prior edidit ore :
Dicite, Dardanidae, (neque enim nescimus et urbem,
Et genus, auditique advertitis aequore cursum)
Quid petitis? quae caussa rates, aut cujus egentes
Litus ad Ausonium tot per vada caerula vexit?
Sive errore viae, seu tempestatibus acti,
(Qualia multa mari nautae patiuntur in alto)
Fluminis intrastis ripas, portuque sedetis;
Ne fugite hospitium, neve ignorete Latinos,
Saturni gentem, haud vincolo nec legibus aequam,
Sponte sua veterisque Dei se more tenentem.
Atque equidem meminini, fama est obscurior annis,
Auruncos ita ferre senes, his ortus ut agris
Dardanus Idaeos Phrygiae penetrarit ad urbis,
Threïciamque Samum, quae nunc Samothracia fertur.
Hinc illum Corythi Tyrrhena ab sede profectum
Aurea nunc solio stellantis regia coeli
Adcipit; et numero Divorum altaribus addit.
Dixerat. Et dicta Ilioneus sic voce secutus :
Rex, genus egregium Fauni, nec fluctibus actos
Atra subegit hiems vestris succedere terris,
Nec sidus regione viae litusve fefellit.
Consilio hanc omnes animisque volentibus urbem
Adferimur pulsi regnis, quae maxuma quondam
Extremo veniens Sol adspiciebat Olympo.
Ab Jove principium generis: Jove Dardana pubes
Gaudet avo. Rex ipse Jovis de gente suprema
Troïus Aeneas tua nos ad limina misit.
Quanta per Idaeos saevis effusa Mycenis
Tempestas ierit campos; quibus actus uterque
Europae atque Asiae fati concurrerit orbis,
Audiit, et si quem tellus extrema refuso
Summovet Oceano, et si quem extenta plagarum
Quatuor in medio dirimit plaga Solis iniqui,

Diluvio ex illo tot vasta per aequora vecti
 DIs sedem exiguam patriis litusque rogamus
 Innocuum, et cunctis undamque auramque patentem,
 Non erimus regno iodecores: nec vestra feretur
 Fama levis, tantive abolescet gratia facti:
 Nec Trojam Ausonios gremio excepiisse pigebit.
 Fata per Aeneae juro, dextramque potentem,
 Sive fide, seu quis bello est expertus et armis;
 Multi nos populi, multae (ne temne, quod ultro
 Praeferimus manibus vittas ac verba precantia)
 Et petiere sibi et voluere adjungere gentes.
 Sed nos fata Deum vestras exquirere terras
 Imperiis egere suis. Hinc Dardanus ortus
 Huc repetit, jussisque ingentibus arguet Apollo
 Tyrrhenum ad Thybrim, et fontis vada sacra Numici.
 Dat tibi praeterea Fortunae parva prioris
 Munera, reliquias Troja ex ardente receptas.
 Hoc pater Anchises auro libabat ad aras:
 Hoc Priami gestamen erat, quum jura vocatis
 More daret populis; sceptrumque, sacerque tiaras,
 Iliadumque labor vestes.

Talibus Ilionei dictis defixa Latinus
 Obtutu tenet ora, soloque immobilis haeret,
 Intentos volvens oculos. Nee purpura regem
 Picta movet, nec sceptram movent Priameia tantum,
 Quantum in connubio natae thalamoque moratur:
 Et veteris Fauni volvit sub pectore sortem.
 Hunc illum fati externa ab sede profectum
 Portendi generum, paribusque in regna vocari
 Auspiciis; huic progeniem virtute futuram
 Egregiam, et totum quae viribus occupet orbem.
 Tandem laetus ait: Di nostra incepta secundent,
 Auguriumque suum. Dabitur, Trojane, quod optas.
 Munera nec sperno. Non vobis, rege Latino,

Divitis uber agri Trojaevè opulentia decrit.
 Ipse modo Aeneas (nostri si tanta cupido est,
 Si jungi hospitio properat, sociusve vocari)
 Adveniat; voltus neve exhorrescat amicos.
 Pars mihi pacis erit dextram tetigisse tyranni.
 Vos contra regi mea nunc mandata referte.
 Est mihi nata, viro gentis quam jungere nostrae,
 Non patrio ex adyto sortes, non plurima coelo
 Monstra sinunt: generos externis adfore ab oris,
 Hoc Latio restare canunt, qui sanguine nostrum
 Nomen in astra ferant. Hunc illum poscere fata
 Et reor, et, si quid veri mens augurat, opto.
 Haec effatus, equos numero pater eligit omni.
 Stabant ter centum nitidi in praesepibus altis,
 Omnibus extemplo Teucris jubet ordine duci
 Instratos ostro alipedes pictisque tapetis.
 Aurea pectoribus demissa monilia pendent:
 Tecti auro, fulvum mandunt sub dentibus aurum.
 Absenti Aeneae currum geminosque jugalia,
 Semine ab aetherio, spirantis naribus ignem,
 Illorum de gente, patri quos daedala Circe
 Subposita de matre nothos furata creavit.
 Talibus Aeneadae donis dictisque Latini
 Sublimes in equis redeunt, pacemque reportant.

Ecce autem Inachiis sese referebat ab Argis
 Saeva Jovis conjunx, aurasque invecta tenebat:
 Et laetum Aenean, classemque ex aethere longo
 Dardaniam Siculo prospexit ab usque Pachyno.
 Moliri jam tecta videt, jam fidere terrae,
 Deservisse rates. Stetit acri fixa dolore.
 Tum quassans caput, haec effundit pectore dictas:
 Heu stirpem invisam, et fati contraria nostris
 Fata Phrygum! num Sigeis occumbere campis,
 Num capti potuere capi? num incensa cremavit

Troja viros? medias acies, mediosque per ignes
 Invenere viam; at, credo, mea numina tandem
 Fessa jacent, odiis aut exsaturata quievi.
 Quin etiam patria excussos infesta per undas
 Ausa sequi, et profugis toto me obponere ponto.
 Absumtae in Teucros vires coelique marisque.
 Quid Syrtes, aut Scylla mihi, quid vasta Charybdis
 Profuit? optato conduntur Thybridis alveo,
 Securi pelagi atque mei. Mars perdere gentem
 Inmanem Lapithum valuit: concessit in iras
 Ipse Deum antiquam genitor Calydonia Dianae:
 Quod scelus aut Lapithas tantum, aut Calydonia mirentem?
 Ast ego magna Jovis conjunx nil linquere inausum
 Quae potui infelix, quae memet in omnia verti,
 Vincor ab Aenea. Quod si mea numina non sunt [est.
 Magna satis; dubitem haud equidem implorare quod usquam
 Flectere si nequeo Superos, Acheronta movebo.
 Non dabitur regnis, esto, prohibere Latinis,
 Atque inmota manet fatis Lavinia conjunx.
 At trahere, atque moras tantis licet addere rebus:
 At licet amborum populos excindere regum.
 Hac gener atque socer coeant mercede suorum.
 Sanguine Trojano et Rutulo dotabere, virgo:
 Et Bellona manet te pronuba. Nec face tantum
 Cisseis praegnans ignis enixa jugalis:
 Quin idem Veneri partus suus, et Paris alter,
 Funestaeque iterum recidiva in Pergama taedae.
 Haec ubi dicta dedit, terras horrenda petivit:
 Luctificam Alecto Dirarum ab sede sororum
 Infernisque ciet tenebris: cui tristia bella,
 Iraeque, insidiaeque, et crimina noxia cordi.
 Odit et ipse pater Pluton, odere sorores
 Tartareae monstrum: tot sese vertit in ora,
 Tam saevae facies, tot pullulat atra colubris.

Quam Juno his acuit verbis, ac talia fatur:
 Hunc mihi da proprium, virgo sata Nocte, laborem,
 Hanc operam, ne noster honos, infractave cedat
 Fama loco: neu connubiis ambire Latinum
 Aeneadae possint, Italosve obsidere finis,
 Tu potes unanimos armare in proelia fratres,
 Atque odiis versare domos: tu verbera tectis
 Funereasque inferre faces: tibi nonina mille,
 Mille nocendi artes. Fecundum concute pectus,
 Disjice conpositam pacem, sere crimina belli:
 Arma velit, poscatque simul, rapiatque juvenus.
 Exin Gorgoneia Alecto infecta venenis
 Principio Latium, et Laurentis tecta tyranni
 Celsa petit, tacitumque obsedit limen Amatae:
 Quam super adventu Teucrûm Turnique hymenacis
 Femineae ardentem curaeque iraeque coquebant.
 Huic Dea caeruleis unum de crinibus anguem
 Conjicit, inque sinum praecordia ad intima subdit:
 Quo furibunda domum monstro permisceat omnem.
 Ille, inter vestis et levia pectora labsum,
 Volvitur adtactu nullo, fallitque furemtem,
 Vipeream inspirans animam. Fit tortile collo
 Aurum ingens coluber, fit longae taenia vittae,
 Innectitque comas, et membris lubricus errat.
 Ac dum prima lues udo sublapsa veneno
 Pertentat sensus, atque ossibus implicat ignem;
 Necdum animus toto percepit pectore flammam;
 Mollius, et solito matrum de more, locuta est;
 Multa super nata lacrimans Phrygiisque hymenacis:
 Exsulibusne datur ducenda Lavinia Teucris,
 O genitor? nec te miseret nataeque, tuique?
 Nec matris miseret, quam primo aquilone relinquet
 Perfidus, alta petens abducta virgine, praedo?
 At non sic Phrygius penetrat Lacedaemona pastor,

Ledaecamque Helenam Trojanas vexit ad urbes.
 Quid tua sancta fides, quid cura antiqua tuorum,
 Et consanguineo toties data dextera Turno?
 Si gener externa petitur de gente Latinis,
 Idque sedet, Faunisque premunt te jussa parentis;
 Omnem equidem sceptris terram, quae libera nostris
 Dissidet, externam reor, et sic dicere Divos.
 Et Turno, si prima domus repetatur origo,
 Inachus Acrisiusque patres, mediaeque Mycenæ.
 His ubi nequidquam dictis experta, Latinum
 Contra stare videt, penitusque in viscera labsum
 Serpentis furiale malum, totamque pererrat;
 Tum vero infelix, ingentibus excita monstribus,
 Immensam sine more furit lymphata per urbem:
 Cecu quondam torto volitans sub verbere turbo,
 Quem pueri magno in gyro vacua atria circum
 Intenti ludo exercent: ille actus habena
 Curvatis fertur spatiis: stupet inscia supra
 Impubesque manus, mirata volubile buxum:
 Dant animos plagae. Non cursu tegnior illo
 Per medias urbis agitur populosque feroces.
 Quin etiam in silvas, simulato numine Bacchi,
 Majus adorta nefas, majoremque orsa furorem,
 Evolat, et natam frondosis montibus abdit;
 Quo thalamum eripiat Teucris, taedasque moretur:
 Evoc Bacche, fremens, solum te virgine dignum,
 Vociferans. Etenim mollis tibi sumere thyrsos,
 Te lustrare choros, sacrum tibi pascere crinem.
 Fama volat: Furiisque adcensas pectore matres
 Idem omnis simul ardor agit, nova quaerere tecta.
 Deseruere domos: ventis dant colla comasque.
 Ast aliae tremulis ululatibus aethera complent,
 Pampineasque gerunt incinctae pellibus hastas.
 Ipsa inter medias flagrantem fervida pinum

Sustinet, ac natae Turnique canit hymenaeos,
 Sanguineam torquens aciem; torvomque repente
 Clamat: Io matres, audite ubi quaeque, Latinae.
 Si qua piis animis manet infelicis Amatae
 Gratia, si juris materni cura remordet;
 Solvite crinalis vittas, capite orgia mecum.
 Talem inter silvas, inter deserta ferarum,
 Reginam Alecto stimulis agit undique Bacchi.
 Postquam visa satis primos acuisse furores,
 Consiliumque omnemque domum vertisse Latini:
 Protenus hinc fuscis tristis Dea tollitur alis
 Audacis Rutuli ad muros: quam dicitur urbem
 Acrisionaeis Danaë fundasse colonis,
 Praecipiti delata noto. Locus Ardea quondam
 Dictus avis: et nunc magnum manet Ardea nomen.
 Sed fortuna fuit. Tectis hinc Turnus in altis
 Jam mediam nigra carpebat nocte quietem.
 Alecto torvam faciem et furialia membra
 Exuit: in voltus sese transformat anilis,
 Et frontem obscaenam rugis arat. Induit albos
 Cum vitta crinis: tum ramum innectit olivae.
 Fit Chalybe, Junonis anus templique sacerdos;
 Et juveni ante oculos his se cum vocibus offert:
 Turne, tot incassum fusos patiere labores,
 Et tua Dardaniis transcribi sceptrum colonis?
 Rex tibi conjugium, et quaesitas sanguine dotes
 Abnegat: externusque in regnum quaeritur heres.
 I nunc, ingratis offer te, inrise, periclis:
 Tyrrhenas, i, sterne acies: tege pace Latinos.
 Haec adeo tibi me, placida quum nocte jaceres,
 Ipsa palam fari omnipotens Saturnia jussit.
 Quare age, et armari pubem portisque moveri
 Lactus in arma para, et Phrygios, qui flumine pulchro
 Consedere, duces, pictasque exure carinas.

Coelestum vis magna jubet. Rex ipse Latinus,
 Ni dare conjugium, et dieto parere fatetur,
 Sentiat, et tandem Turnum experiatur in armis.
 Hic juvenis, vatem inridens, sic orsa vicissim
 Ore refert : Classis invectas Thybridis alveo
 Non, ut rere, meas effugit nuntius auris.
 Ne tantos mihi finge metus : nec regia Juno
 Inmemor est nostri.
 Sed te victa situ verique effoeta senectus,
 O mater, euris nequidquam exercet, et arma
 Regum inter falsa vatem formidine ludit.
 Cura tibi, Divum effugies et templa tueri :
 Bella viri pacemque gerant, quis bella gerenda.
 Talibus Aleeto dietis exarsit in iras.
 At juveni oranti subitus tremor occupat artus :
 Deriguere oculi : tot Erinnyes sibilat hydrys,
 Tantaque se facies aperit : tum flammea torquens
 Lumina cunetantem et quaerentem dicere plura
 Repulit, et geminos erexit crinibus anguis,
 Verberaque insonuit, rabidoque haec addidit ore :
 En, ego victa situ, quam veri effoeta senectus
 Arma inter regum falsa formidine ludit :
 Respice ad haec : adsum dirarum ab sede sororum :
 Bella manu letumque gero.
 Sic effata facem juveni coniecit, et atro
 Lumine fumantis fixit sub pectore taedas.
 Olli somnum ingens rumpit pavor ! ossaque et artus
 Perfundit toto proruptus corpore sudor.
 Arma amens fremit ; arma toro tectisque requirit.
 Saevit amor ferri, et scelerata insania belli :
 Ira super, magno veluti quum flamma sonore
 Virgea subgeritur costis undantis aëni,
 Exsultantque aestu latices ; furit intus aqua
 Fumidus atque alte spumis exuberat amnis :

Nec jam se capit unda; volat vapor ater ad auras.
Ergo iter ad regem polluta pace Latinum
Indicit primis juvenum, et jubet arma parari,
Tutari Italiam, detrudere finibus hostem:
Se satis ambobus Teucrisque venire Latinisque.
Haec ubi dicta dedit, Divosque in vota vocavit;
Certatim sese Rutuli exhortantur in arma.
Hunc decus egregium formae movet atque juventae;
Hunc atavi reges; hunc clavis dextera factis.

Dum Turnus Rutulos animis audacibus inplet,
Alecto in Teucros Stygiis se conceitat alis;
Arte nova speculata locum, quo litore pulcher
Insidiis cursuque feras agitabat Iulus.
Hic subitam canibus rabiem Cocytia virgo
Objicit, et noto naris contingit odore,
Ut cervum ardentes agerent: quae prima laborum
Causa fuit, belloque animos accendit agrestis.
Cervus erat forma praestanti et cornibus ingens,
Tyrrhidae pueri quem matris ab ubere raptum
Nutribant, Thyrrusque pater, qui regia parent
Armenta, et late custodia credita campi.
Adsueta imperiis soror omni Silvia cura
Mollibus intexens ornabat cornua sertis,
Pectebatque serum, puroque in fonte lavabat.
Ille, manum patiens, mensaeque adsuetus herili,
Errabat silvis; rursusque ad limina nota
Ipse domum sera quanivis se nocte ferebat.
Hunc procul errantem rabidae venantis Iuli
Connovere canes: fluvio quum forte secundo
Deflueret, ripaque aestus viridante levaret.
Ipse etiam, eximiae laudis succensus amore,
Ascanius curvo direxit spicula cornu:
Nec dextrae erranti deus afuit, actaque multo
Perque uterum sonitu perque ilia venit arundō.

Saucius at quadrupes nota intra tecta refugit,
Successitque gemens stabulis, questuque cruentus
Atque inploranti similis tectum omne replebat.
Silvia prima soror, palmis percussa lacertos,
Auxilium vocat, et duros conclamat agrestia.
Olli, pestis enim tacitis latet aspera silvis,
Improvisi adsunt : hic torre armatus obusto,
Stipitis hic gravidis nodis. Quod cuique repertum
Rimanti, telum ira facit. Vocat agmina Thyrrus,
Quadrifidam quercum cuneis ut forte coactis
Scindebat, rapta spirans inmane securi.
At saeva e speculis tempus Dea nacta nocendi
Ardua tecta petit stabuli ; et de culmine summo
Pastorale canit signum, cornuque recurvo
Tartaream intendit vocem : qua protenus omne
Contremuit nemus, et silvae intonare profundae.
Audiit et Triviae longe lacus, audiit amnis
Sulfurea Nar albus aqua, fontesque Velini :
Et trepidae matres pressere ad pectora natos.
Tum vero ad vocem celeres, qua buccina signum
Dira dedit, raptis concurrunt undique telis
Indomiti agricolae : nec non et Troia pubes
Ascanio auxilium castris effundit apertis.
Direxere acies. Non jam certamine agresti,
Stipitibus duris agitur, sudibusve praeustis ;
Sed ferro ancipiti decernunt, atraque late
Horrescit strictis seges ensibus, aeraque fulgent
Sole lacessita, et lucem sub nubila jactant :
Fluctus uti primo coepit quum albescere vento,
Paullatim sese tollit mare, et altius undas
Erigit, inde imo consurgit ad aethera fundo.
Hic juvenis primam ante aciem stridenti sagitta,
Natorum Thyrris fuerat qui maximus, Almo
Sternitur. Haesit enim sub gutture volnus, et udae

Vocis iter, tenuemque inclusit sanguine vitam.
Corpora multa virum circa, seniorque Galaesus,
Dum paci medium se offert: justissimus unus
Qui fuit, Ausoniisque olim ditissimus arvis:
Quinque greges illi balantum, quina redibant
Armenta, et terram centum vertebat aratris.
Atque ea per campos aequo dum Marte geruntur,
Promissi Dea facta potens, ubi sanguine bellum
Inbuit, et primae commisit funera pugnae,
Deserit Hesperiam, et coeli convexa per auras
Junonem victrix adfatur voce superba:
En, perfecta tibi bello discordia tristi.
Dic, in amicitiam coquant, et foedera jungant:
Quandoquidem Ausonio respersi sanguine Teucros.
Hoc etiam his addam, tua si mihi certa voluntas,
Finitimas in bella feram rumoribus urbis,
Adcendamque animos insani Martis amore:
Undique ut auxilio veniant. Spargam arma per agros.
Tum contra Juno: Terrorum et fraudis abunde est.
Stant belli causae: pugnatur comminus armis.
Quae fors prima dedit, sanguis novus inbuit arma.
Talia connubia, et talis celebrent hymenaeos
Egregium Veneris genus et rex ipse Latinus:
Te super aetherias errare licentius auras,
Haud Pater ille velit, summi regnator Olympi.
Cede locis. Ego, si qua super fortuna laborum est,
Ipsa regam. Talis dederat Saturnia voces.
Illa autem adtollit stridentis anguibus alas,
Cocytique petit sedem, supera ardua linquens.
Est locus Italiae medio sub montibus altis
Nobilis, et fama multis memoratus in oris,
Amsancti valles. Densis hunc frondibus atrum
Urguet utrimque latus nemoris, medioque fragorus
Dat sonitum saxi et torto vertice torrens.

Hic specus horrendum, saevi spiracula Ditis,
Monstratur, ruptoque ingens Acheronte vorago
Pestiferas aperit faucis: quis condita Erinys,
Invisum numen, terras coelumque levabat.

Nec minus interea extremam Saturnia bello
Inponit regina manum. Ruit omnis in urbem
Pastorum ex acie numerus, caesosque reportant,
Almonem puerum, foedatique ora Galaesi:
Inplorantque Deos, obtestanturque Latinum.
Turnus adest, medioque in crimine caedis et igni
Terrorum ingeminat: Teucros in regna vocari,
Stirpem admisceri Phrygiam; se limine pelli.
Tum quorum adtonitae Baccho nemora avia matres
Insultant thiasis, neque enim leve nomen Amatae,
Undique collecti coeunt, Martemque fatigant.
Ilicet infandum cuncti contra omina bellum,
Contra fata Deum, perverso numine poscunt.
Certatim regis circumstant tecta Latini.
Ille, velut pelagi rupes inmota, resistit:
Ut pelagi rupes, magno veniente fragore,
Quae sese, multis circum latrantibus undis,
Mole tenet, scopuli nequidquam et spumea circum
Saxa fremunt, laterique inlisa refunditur alga.
Verum, ubi nulla datur caecum exsuperare potestas
Consilium, et saevae nutu Junonis eunt res,
Multa Deos aurasque pater testatus inanis,
Frangimur heu fati, inquit, ferimurque procella!
Ipsi has sacrilego pendetis sanguine poenas,
O miseri. Te, Turne, nefas, te triste manebit
Supplicium; votisque Deos venerabere scriis.
Nam mihi parta quies, omnisque in limine portus:
Funere felici spoliis. Nec plura locutus
Saepsit se tectis, rerumque reliquit habenas.

Mors erat Hesperio in Latio, quem protinus urbes

Albanæ coluere sacrum, nunc maxuma rerum
 Rona colit, quum prima movent in proelia Martem,
 Sive Getis inferre manu lacrimabile bellum,
 Hyrcanisve, Arabisve parant, seu tendere ad Indos,
 Auroramque sequi, Parthosque reposcere signa.
 Sunt geminae belli portae, sic nomine dicunt,
 Religione sacrae, et saevi formidine Martis:
 Centum aerei cludunt vectes, aeternaque ferri
 Robora: nec custos absistit limine Janus.
 Haec, ubi certa sedet patribus sententia pugnae,
 Ipse, Quirinali trabecâ cinctuque Gabino
 Insignis, reserat stridentia limina Consul;
 Ipse vocat pugnas: sequitur tum cetera pubes:
 Aereaque adsensu conspirant cornua rauco.
 Hoc et tum Aeneadis indicere bella Latinus
 More jubebatur, tristisque recludere portas.
 Abstinuit tactu pater, aversusque refugit
 Foeda ministeria, et caecis se condidit umbris.
 Tum Regina Deum coelo delapsa morantis
 Inpulit ipsa manu portas, et cardine verso
 Belli ferratos rupit Saturnia postes.
 Ardet inexitâ Ausonia, atque immobilis ante.
 Pars pedes ire parat campis; pars arduus altis
 Pulverulentus equis furit: omnes arma requirunt.
 Pars levis clipeos, et spicula lucida tergent
 Arvina pingui, subiguntque in cote securis:
 Signaque ferre juvat, sonitusque audire tubarum.
 Quinque adeo magnae positae incudibus urbes
 Tela novant, Atina potens, Tiburque superbum,
 Ardea, Crustumerique, et turrigeræ Antemnae.
 Tegmina tuta cavant capitum, flectuntque salignas
 Umbonum cratis: alii thoracae aënos,
 Aut levis ocreas lento ducunt argento.
 Vomeris huc, et falcis honos, huc omnis aratri

Cessit amor : recoquunt patrios fornacibus ensis.
 Classica jamque sonant : it bello tessera signum.
 Hic galeam tectis trepidus rapit : ille frementis
 Ad juga cogit equos ; clipeumque, auroque trilecem
 Loricam induitur ; fidoque adcingitur ense.

Pandite nunc Helicon, Deae, cantusque movete,
 Qui bello exciti reges, quae quemque secutae
 Conplerint campos acies ; quibus Itala jam tum
 Floruerit terra alma viris, quibus arserit armis.
 Et meministis enim, Divae, et memorare potestis :
 Ad nos vix tenuis famae perlabitur aura.

Primus init bellum Tyrrhenis asper ab oris
 Contemtor Divûm Mezentius, agminaque armat.
 Filius huic juxta Lausus, quo pulchrior alter
 Non fuit, excepto Laurentis corpore Turni.
 Lausus, equûm domitor, debellatorque ferarum,
 Ducit Agyllina nequidquam ex urbe secutos
 Mille viros ; dignus, patriis qui laetior esset
 Imperiis, et cui pater haud Mezentius esset.

Post hos insignem palma per gramina currum,
 Victoresque ostentat equos, satus Hercule pulchro
 Pulcher Aventinus : clipeoque insigne paternum
 Centum angues, cinctamque gerit serpentibus Hydram :
 Collis Aventini silva quem Rhea sacerdos
 Furtivum partu sub luminis edidit oras,
 Mixta deo mulier, postquam Laurentia victor,
 Geryone extincto, Tirynthius adtigat arva,
 Tyrshenoque boves in flumine lavit Iberas.
 Pila manu, saevosque gerunt iu bella dolones :
 Et tereti pugnant mucrone veruque Sabello.
 Ipse pedes tegumen torquens inmane leonis,
 Terribili inpexum saeta, cum dentibus albis
 Indutus capiti, sic regia tecta subibat
 Horridus, Herculeoque humeros innexus amictu.

Tum gemini fratres Tiburtia moenia linquunt,
Fratris Tiburti dictam cognomine gentem,
Catillusque, acerque Coras, Argiva Juventus;
Et primam ante aciem densa inter tela feruntur.
Ceu duo nubigenae quum vertice montis ab alto
Descendunt Centauri, Homolen Othrymque nivalem
Linquentes cursu rapido: dat euntibus ingens
Silva locum, et magno cedunt virgulta fragore.

Nec Praenestinae fundator defuit urbis,
Volcano genitum pecora inter agrestia regem,
Inventumque focis omnis quem credidit actas,
Caeculus. Hunc legio late comitatur agrestis:
Quique altum Praeneste viri, quique arva Gabinæ
Junonis, gelidumque Anienem, et roscida rivis
Hernica saxa colunt; quos dives Anagnia pascis,
Quos, Amasene pater. Non illis omnibus arma,
Nec clipei, currusve sonant. Pars maxima glandes
Liventis plumbi spargit: pars spicula gestat
Bina manu, fulvosque lupi de pelle galeros
Tegmen habent capiti: vestigia nuda sinistri
Instituere pedis; crudus tegit altera pero.

At Messapus, equum domitor, Neptunia proles,
Quem neque fas igni cuiquam nec sternere ferro,
Jam pridem resides populos, deauctaque bello
Agmina, in arma vocat subito, ferrumque retractat.
Hi Fescenninas acies, aequosque Faliscos,
Hi Soractis habent arces, Flaviniaque arva,
Et Cimini cum monte lacum, lucosque Capenos.
Ibant aequati numero, regemque canebant:
Ceu quondam nivei liquida inter nubila cyni,
Quum sese e pastu referunt, et longa canoros
Dant per colla modos, sonat amnis, et Asia longa
Pulsa palus.
Nec quisquam aeratas acies ex agmine tanto

Misceri putet : aëriam sed gurgite ab alto
Urgueri volucrum raucarum ad litora nubem.

Ecce, Sabinorum prisco de sanguine magnum
Agmen agens Clausus, magnique ipse agminis instar.
Claudia nunc a quo diffunditur et tribus et gens
Per Latium, postquam in partem data Roma Sabinis.
Una iugens Amiterna cohors, priscique Quirites,
Ereti manus omnis, oliviferaeque Mutuscae :
Qui Nomentum urbem, qui Rosea rura Velini,
Qui Tetricae horrentis rupes, montemque Severum,
Casperiamque colunt, Forulosque, et flumen Himellae ;
Qui Thybrim Fabarimque bibunt, quos frigida misit
Nursia, et Hortinae classes, populique Latini :
Quosque secans infaustum interluit Allia nomen :
Quam multi Libyco volvuntur marmore fluctus,
Saevus ubi Orion hibernis conditur undis,
Vel quum sole novo densae torrentur aristae,
Aut Hermi campo, aut Lyciae flaventibus arvis ;
Scuta sonant, pulsuque pedum tremit excita tellus.

Hinc Agamemnonius, Trojani nominis hostis,
Curru jungit Halesus equos, Turnoque feroces
Mille rapit populos : vertunt felicia Baccho
Massica qui rastris, et quos de collibus altis
Aurunci misere patres, Sidieinaque juxta
Aequora, quique Cales linquant, amnisque vadosi
Adcola Volturni, pariterque Saticulus asper,
Oscorumque manus. Teretes sunt acilides illis
Tela : sed haec lento mos est aptare flagello.
Levas caetra tegit ; falcati comminus enses.
Nec tu earminibus nostris indictus abibis,
Oebale : quem generasse Telon Sebethide nympha
Fertur, Teleboûm Capreas quum regna teneret
Jam senior : patriis sed non et filius arvis
Contentus, late jam tum ditione premebat

Sarrastis populos, et quae rigat aequora Sarnus,
 Quique Ruffras Batulumque tenent, atque arva Celennae,
 Et quos maliferae despectant moenia Abellae:
 Teutonicæ ritu soliti torquere catejas:
 Tegmina quâs capitum raptus de subere cortex:
 Aerataque micant peltæ, micat ærcus ensis.

Et te montosæ misere in proelia Nersæ,
 Ufens, insignem fama et felicibus armis:
 Horrida præcipue cui gens, adsuetaque multo
 Venatu nemorum, duris Aequicula glebis
 Armati terram exercent, semperque recentis
 Convectare juvat prædas, et vivere rapto.

Quin et Marrubia venit de gente sacerdos,
 Fronde super galeam et felici comtus oliva,
 Archippi regis missu, fortissimus Umbro:
 Vipereo generi, et graviter spirantibus hydri,
 Spargere qui somnos cantuque manuque solebat,
 Mulcebatque iras, et morsus arte levabat.
 Sed non Dardaniæ medicari cupidus ictum
 Evaluit; neque cum juvere in volnera cantus
 Somniferi, et Marsis quæsitæ montibus herbae.
 Te nemus Anguitiæ, vitrea te Fucinus unda,
 Te liquidi flevære lacus.

Ibat et Hippolyti proles pulcherrima bello
 Virbius: insignem quem mater Aricia misit,
 Eductum Egeriæ lucis, Hymettia circum
 Litora, piuguis ubi et placabilis ara Dianæ.
 Namque ferunt fama Hippolytum, postquam arte novercæ
 Occiderit, patriasque explevit sanguine poenas
 Turbatus distractus equis, ad sidera rursus
 Aethera et superas coeli venisse sub auras,
 Pæoniis revocatum herbis et amore Dianæ.
 Tum Pater omnipotens, aliquem indignatus ab umbris
 Mortalem infernis ad lumina surgere vitæ,

Ipse repertorem medicinae talis et artis
Fulmine Phoebigenam Stygias detrussit in undas.
At Trivia Hippolytum secretis alma recondit
Sedibus, et nymphae Egeriae nemorique relegat :
Solus ubi in silvis Italis ignobilis aevum
Exigeret, versoque ubi nomine Virbius esset.
Unde etiam templo Triviae lucisque sacratis
Cornipedes arcentur equi; quod litore currum
Et juvenem monstris pavidum effudere marinis.
Filius ardentis haud secius aequore campi
Exercebat equos, curruque in bella ruebat.

Ipse inter primos praestanti corpore Turnus
Vertitur arma tenens, et toto vertice supra est.
Cui triplici crinita juba galea alta Chimaeram
Sustinet, Aetnaeos efflantem faucibus ignis.
Tam magis illa fremens, et tristibus effera flammis,
Quam magis effuso crudescunt sanguine pugnae.
At levem clipeum sublatis cornibus lo
Auro insignibat, jam saetis obsita, jam bos,
Argumentum ingens, et custos virginis Argus,
Caelataque amnem fundens pater Inachus urna.
Insequitur nimbus peditum, clipeataque totis
Agmina densentur campis, Argivaeque pubes,
Auruncaeque manus, Rutuli, veteresque Sicani,
Et Sacrae acies, et picti scuta Labici :
Qui saltus, Tiberine, tuos, sacrumque Numici
Litus arant, Rutulosque exercent vomere collis,
Circaeumque jugum; quis Juppiter Anxurus arvis
Praesidet, et viridi gaudens Feronia luco :
Qua Saturae jacet atra palus, gelidusque per imas
Quaerit iter vallis, atque in mare conditur Ufens.
Hos super advenit Volscæ de gente Camilla,
Agmen agens equitum, et florentis aere catervas,
Bellatrix. Non illa colo, calathisque Minervae

Femineas adsueta manus; sed proelia virgo
Dura pati, cursuque pedum praevertere ventos:
Illa vel intactae segetis per summa volaret
Gramina, nec teneras cursu laessisset aristas:
Vel mare per medium, fluctu suspensa tumentis,
Ferret iter, celeris nec tingeret aequore plantas.
Illam omnis tectis agrisque effusa Juventus,
Turbaque miratur matrum, et prospectat euntem,
Adtonitis inhians animis: ut regius ostro
Velet honos levis humeros, ut fibula crinem
Auro internectat; Lyciam ut gerat ipsa pharetram,
Et pastorem praefixa cuspide myrtum.

PUBLII
VIRGILII
MARONIS
AENEIDOS
LIBER OCTAVUS.

UT belli signum Laurenti Turnus ab arce
Extulit, et rauco strepuerunt cornua cantu,
Utque acris concussit equos, utque impulit arma;
Extemplo turbati animi : simul omne tumultu
Conjurat trepido Latium, saevitque juvenus
Efferat. Ductores primi Messapus et Ufens,
Contemtorque Deum Mezentius, undique cogunt
Auxilia, et latos vastant cultoribus agros.
Mittitur et magni Venulus Diomedis ad urbem,
Qui petat auxilium, et Latio consistere Teucros,
Advectum Aenean classi, victosque Penatis
Inferre, et fatis regem se dicere posci,
Edoceat, multasque viro se adjungere gentis
Dardanio, et late Latio increbrescere nomen.
Quid struat his coeptis, quem, si Fortuna sequatur,
Eventum pugnae cupiat, manifestius ipsi,
Quam Turno regi, aut regi adparere Latino.
Talia per Latium : quae Laomedontius heros
Cuncta videns magno curarum fluctuat aestu :
Atque animum nunc huc celcrem, nunc dividit illuc,
In partisquc rapit varias, perque omnia versat.
Sicut aquae trenulum labris ubi lumen aënis
Sole repereussum, aut radiantis imagine Lunae,

Omnia pervolat late loca, jamque sub auras
Erigitur, summique ferit laquearia tecti.

Nox erat; et terras animalia fessa per omnis
Alituum pecudumque genus sopor altus habebat:
Quum pater in ripa gelidique sub aetheris axe
Aeneas, tristi turbatus pectora bello,
Procubuit, seramque dedit per membra quietem.
Huic Deus ipse loci fluvio Tiberinus amoenus
Populeas inter senior se adtollere frondis
Visus. Eum tenuis glauco velabat amicti
Carbasus, et crinis umbrosa tegebat arundo.
Tum sic adfari, et curas his demere dictis:
O sate gente Deum, Trojanam ex hostibus urbem
Qui revehis nobis, aeternaque Pergama servas,
Expectate solo Laurenti, arvisque Latinis;
Hic tibi certa domus: certi, ne absiste, Penates:
Neu belli terrere minis. Tumor omnis et irae
Concessere Deum.

Jamque tibi, ne vana putes haec fingere somnum,
Litoreis ingens inventa sub ilicibus sus,
Triginta capitum foetus enixa, jacebit;
Alba, solo recubans, alibi circum ubera nati.
[Hic locus urbis erit, requies ea certa laborum:]
Ex quo ter denis urbem redeuntibus annis
Ascanius clari condet cognominis Albam.
Haud incerta cano. Nunc qua ratione, quod instat,
Expedias victor, paucis, adverte, docebo.
Arcades his oris, genus a Pallante profectum,
Qui regem Euandrum comites, qui signa secuti,
Delegere locum, et posuere in montibus urbem,
Pallantis proavi de nomine Pallanteum.
Hi bellum adsidue ducunt cum gente Latina:
Hos castris adhibe socios, et foedera junge.
Ipse ego te ripis et recto flumine ducam;

Adversum remis superes subvectus ut amnem.
 Surge age, nate dea; primisque cadentibus astris
 Junoni fer rite preces, iramque minasque
 Supplicibus supera votis. Mihi victor honorem
 Persolves. Ego sum, pleno quem flumine cernis
 Stringentem ripas, et pingua culta secantem,
 Caeruleus Thybris, coelo gratissimus amnis.
 Hic mihi magna donus, celsis caput urbibus, exit.
 Dixit, deinde lacu fluvius se condidit alto,
 Ima petens. Nox Aenean somnusque reliquit.
 Surgit, et, aetherii spectans orientia Solis
 Lumina, rite cavis undam de flumine palmis
 Sustulit, ac talis effundit ad aethera voces:
 Nymphae, Laurentes Nymphae, genus amnibus unde est;
 Tuque, o Thybri tuo genitor cum flumine sancto,
 Adcipite Aenean, et tandem arcete periclis.
 Quo te cumque lacus, miserantem incommoda nostra
 Fonte tenet, quocumque solo pulcherrimus exis;
 Semper honore meo, semper celebrabere donis,
 Corniger Hesperidum fluvius regnator aquarum.
 Adsis o tantum, et propius tua numina firmes.
 Sic memorat, geminasque legit de classe biremis,
 Remigioque aptat; socios simul instruit armis.
 Ecce autem, subitum atque oculis mirabile monstrum;
 Candida per silvam cum foetu concolor albo
 Procubuit, viridique in litore conspicitur sus:
 Quam pius Aeneas tibi enim, tibi, maxuma Juno,
 Mactat, sacra ferens, et cum grege sistit ad aram.
 Thybris ea fluvium, quam longa est, nocte tumentem
 Leniit, et tacita refluens ita substitit unda,
 Mitis ut in morem stagni placidaeque paludis
 Sterneret aequor aquis, remo ut luctamen abesset.
 Ergo iter inceptum celerant rumore secundo:
 Labitur uncta vadis abies: mirantur et undae;

Miratur nemus insuetum fulgentia longe
Scuta virum, fluvio pictasque innare carinas.
Olli remigio noctemque diemque fatigant,
Et longos superant flexus, variisque teguntur
Arboribus, viridisque secant placido aequore silvas.
Sol medium coeli conscenderat igneus orbem,
Quum muros arcemque procul, ac rara domorum
Tecta vident; quae nunc Romana potentia coelo
Aequavit: tum res inopes Euandrus habebat.
Ocius advertunt proras, urbiue propinquant.

Forte die sollemnem illo rex Arcas honorem
Amphitryoniadae magno divisque ferebat
Ante urbem in luco. Pallas huic filius una,
Una omnes juvenum primi, pauperque senatus,
Tura dabant; tepidusque cruor fumabat ad aras.
Ut celsas videre rates, atque inter opacum
Adlabi nemus, et tacitis incumbere remis;
Terrentur visu subito, cunctique relictis
Consurgunt mensis. Audax quos rumpere Pallas
Sacra vetat, raptoque volat telo obvius ipse;
Et procul e tumulo: Juvenes, quae causa subegit
Ignotas tentare vias? quo tenditis? inquit.
Qui genus? unde domo? pacemne huc fertis, an armâ?
Tum pater Aeneas puppi sic fatur ab alta,
Paciferaeque manu ramum praetendit olivae:
Trojugenas, ac tela vides inimica Latinis;
Quos illi bello profugos egere superbo.
Euandrum petimus. Ferte haec, et dicite lectos
Dardaniae venisse duces, socia arma rogantis.
Obstupuit tanto percussus nomine Pallas:
Egredere o, quicumque es, ait, coramque parentem
Adloquere, ac nostris succede penatibus hospes.
Excepitque manu, dextramque amplexus inhaesit;
Progressi subeunt luco, fluviumque relinquunt.

Tum regem Aeneas dictis adfatur amicis :
Optime Grajugenûm, cui me Fortuna precari,
Et vitta comtos voluit praetendere ramos ;
Non equidem extimui, Danaûm quod ductor, et Arcas,
Quodque ab stirpe fores geminis conjunctus Atridis ;
Sed mea me virtus, et sancta oracula Divûm ;
Cognatique patres, tua terris didita fama,
Conjungere tibi, et fatis egere volentem.
Dardanus, Iliacae primus pater urbis et auctor,
Electra, ut Graji perhibent, Atlantide cretus,
Advehitur Teucros : Electram maxumus Atlas
Edidit, aetherios humero qui sustinet orbis.
Vobis Mercurius pater est, quem candida Maja
Cyllenae gelido conceptum vertice fudit.
At Majam, auditis si quidquam credimus, Atlas,
Idem Atlas generat, coeli qui sidera tollit.
Sic genus amborum scindit se sanguine ab uno.
His fretus non legatos, neque prima per artem
Tentamenta tui pepigi : me, me ipse, meumque
Objeci caput, et supplex ad limina veni.
Gens eadem, quae te, crudeli Daunia bello
Insequitur ; nos si pellant, nihil afore credunt,
Quib̄ omnem Hesperiam penitus sua sub juga mittant :
Et mare, quod supra, teneant, quodque adluit infra.
Adcipe, daque fidem. Sunt nobis fortia bello
Pectora, sunt animi, et rebus spectata juvenus.
Dixerat Aeneas. Ille os, oculosque loquentis
Jam dudum, et totum lustrabat lumine corpus.
Tum sic pauca refert : Ut te, fortissime Teucrûm,
Adcipio adgnoscoque libens ! ut verba parentis,
Et vocem Anchisae magni, voltumque recorder !
Nam memini Hesioneae visentem regna sororis
Laomedontiaden Priamum, Salamina petentem,
Protenus Arcadiae gelidos invisere finis.

Tum mihi prima genas vestibat flore juventa;
 Mirabarque duces Teucros, mirabar et ipsum
 Laomedontiaden: sed cunctis altior ibat
 Anchises. Mihi mens juvenali ardebat amore
 Conpellare virum, et dextrae conjungere dextram:
 Adcessi, et cupidus Phenei sub moenia duxi.
 Ille mihi insignem pharetram, Lyciasque sagittas
 Discedens, chlamydemque auro dedit intertextam,
 Frenaque bina, meus quae nunc habet, aurea, Pallas.
 Ergo et, quam petitis, juncta est mihi foedere dextra:
 Et, lux quum primum terris se crastina reddet,
 Auxilio laetos dimittam, opibusque juvabo.
 Interea sacra haec, quando hue venistis amici,
 Annua, quae differre nefas, celebrate faventes
 Nobiscum, et jam nunc sociorum adsuescite mensis.
 Haec ubi dicta, dapes jubet et sublata reponi
 Pocula, gramineoque viros locat ipse sedili:
 Praecipuumque toro et villosi pelle leonis
 Adcipit Aeneas, solioque invitat acerno.
 Tum lecti juvenes certatim araeque sacerdos
 Viscera tosta ferunt taurorum, onerantque cunistris
 Dona laboratae Cereris, Bacchumque ministrant.
 Vescitur Aeneas, simul et Trojana juvenus,
 Perpetui tergo bovis, et lustralibus extis.
 Postquam exempta fames, et amor compressus edendi,
 Rex Euandrus ait: Non haec sollemnia nobis,
 Has ex more dapes, hanc tanti numinis aram
 Vana superstitio veterumque ignara Deorum
 Inposuit. Saevis, hospes Trojane, periclis
 Servati facimus, meritosque novamus honores.
 Jam primum saxis suspensam hanc adapice rupem:
 Disjectae procul ut moles, desertaque montis
 Stat domus, et scopuli ingentem traxere ruinam.
 Illic spelunca fuit vasto summtota recessu,

Semihominis Caci: facies quam dira tenebat
 Solis inaccessam radiis: semperque recenti
 Caede tepebat humus; foribusque adfixa superbis
 Ora virum tristi pendebant pallida tabo.
 Huic monstro Volcanus erat pater: illius atros
 Ore vomens ignis magna se mole ferebat.
 Adtulit et nobis aliquando optantibus aetas
 Auxilium adventumque Dei. Nam maximus ultor,
 Tergemini necesse Geryonae spoliisque superbus,
 Alcides aderat, taurosque hac victor agebat
 Ingentis: vallemque boves amnemque tenebant:
 At furis Caci mens effera, ne quid inausum
 Aut intractatum æclerisve dolive fuisset,
 Quatuor a stabulis præstanti corpore tauros
 Avertit, totidem forma superante juvencas.
 Atque hos, ne qua forent pedibus vestigia rectis,
 Cauda in speluncam tractos, versisque viarum
 Indiciis raptos, saxo occultabat opaco.
 Quaerenti nulla ad speluncam signa ferebant.
 Interea, quum jam stabulis saturata moveret
 Amphitryoniades armenta, abitumque pararet,
 Discessu mugire boves, atque omne querelis
 Impleri nemus, et colles clamore relinqui.
 Reddidit una boum vocem, vastoque sub antro
 Mugit, et Caci spem custodita fefellit.
 Hic vero Alcidae furiis exarserat atro
 Felle dolor: rapit arma manu, nodisque gravatum
 Robur; et ætherii cursu petit ardua montis.
 Tum primum nostri Cacus videre timentem,
 Turbatumque oculi. Fugit illicet ocior Euro,
 Speluncamque petit: pedibus timor addidit alas.
 Ut sese inclusit, ruptisque inmane catenis
 Dejecit saxum, ferro quod et arte paterna
 Pendebat, fultosque emuniit obijce postes;

Ecce, furens animis aderat Tirynthius, omnemque
 Adcessum lustrans, huc ora ferebat et illuc,
 Dentibus infrendens. Ter totum fervidus ira
 Lustrat Aventini montem: ter saxea tentat
 Limina nequidquam: ter fessus valle resedit.
 Stabat acuta silex, praecisis undique saxis,
 Speluncae dorso insurgens, altissima visu;
 Dirarum nidis domus opportuna volucrum.
 Haec, ut prona jugo laevum incumbebat ad amnem;
 Dexter in adversum nitens concussit, et imis
 Avolsam solvit radicibus: inde repente
 Impulit. Impulsu quo maximus insonat aether:
 Dissultant ripae, refluitque exterritus amnis.
 At specus, et Caci detecta adparuit ingens
 Regia, et umbrosae penitus patuere cavernae:
 Non secus, ac si qua penitus vi terra dehiscens
 Infernas reseret sedes, et regna recludat
 Pallida, Dis invisae; superque inmane barathrum
 Cernatur, trepidentque inmisso lumine Manes.
 Ergo insperata deprensus in luce repente,
 Inclusumque cavo saxo, atque insueta rudentem,
 Desuper Alcides telis premit, omniaque arma
 Advocat, et ramis vastisque molaribus instat.
 Ille autem, neque enim fugae jam super ulla pericli,
 Fancibus ingentem fumum, mirabile dictu,
 Evomit, involvitque domum caligine caeca,
 Prospectum eripiens oculis; glomeratque sub antro
 Fumiferam noctem conmixtis igne tenebris.
 Non tulit Alcides animis, seque ipse per ignem
 Praecipiti injecit saltu, qua plurimus undam
 Fumus agit, nebulaque ingens specus aestuat atra.
 Hic Cacum in tenebris incendia vana vomentem
 Conripit in nodum complexus, et angit inhaerens
 Elisos oculos, at sicca sanguine guttur.

Pauditur extemplo foribus domus atra revolsis :
 Abstractaeque boves, abjurataeque rapinae
 Coelo ostenduntur, pedibusque informe cadaver
 Protrahitur. Nequeunt expleri corda tuendo
 Terribilis oculos, voltum, villosaque saetis
 Pectora semiferi, atque extinctos faucibus ignis.
 Ex illo celebratus honos, laetique minores
 Servavere diem, primusque Potitius auctor,
 Et domus Herculei custos Pinaria sacri
 Hanc aram luco statuit, quae Maxuma semper .
 Dicitur nobis, et erit quae maxuma semper.
 Quare agite, o juvenes, tantarum in munere laudum
 Cingite fronde comas, et pocula porrigite dextris,
 Communemque vocate Deum, et date vina volentes.
 Dixerat : Herculeus bicolor quum populus umbra
 Velavitque comas, foliisque iunexa pendit :
 Et sacer inplevit dextram scyphus. Ocius omnes
 In mensam lacti libant, Divosque precantur.
 Devexo interea propior fit vesper Olympo :
 Jamque sacerdotes primusque Potitius ibant,
 Pellibus in morem cincti, flammasque ferebant.
 Instaurant epulas, et mensae grata secundae
 Dona ferunt, cumulantque oneratis lancibus aras.
 Tum Salii ad cantus, incensa altaria circum,
 Populeis adsunt evincti tempora ramis ;
 Hic juvenum chorus, ille senum ; qui carmine laudes
 Herculeas, et facta ferant : ut prima novercae
 Monstra manu, geminosque premens eliserit anguis :
 Ut bello egregias idem disjecerit urbis,
 Trojamque, Oechaliamque : ut duos mille labores
 Rege sub Eurystheo, fati Junonis iniquae,
 Pertulerit. Tu nubigenas, invictae, bimembris
 Hylaeumque, Pholomque manu, tu Cresia mactas
 Prodigia, et vastum Nemeae sub rupe leonem.

Te Stygii tremuere lacus, te janitor Orci
Ossa super recubans antro semesa cruento:
Nec te ullae facies, non terruit ipse Typhoeus
Arduus, arma tenens: non te rationis egentem
Lernaeus turba caputum circumstetit anguis.
Salve, vera Jovis proles, decus addite Divis:
Et nos, et tua dexter adi pede sacra secundo,
Talia carminibus celebrant: super omnia Caci
Speluncam adjiciunt, spirantemque ignibus ipsum.
Consonat omne nemus strepitu, collesque resultant.

Exin se cuncti divinis rebus ad urbem
Perfectis referunt. Ibat rex obsitus aevo,
Et comitem Aenean juxta natumque tenebat
Ingrediens, varioque viam sermone levabat.
Miratur, facilisque oculos fert omnia circum
Aeneas, capiturque locis; et singula laetus
Exquiratque, auditque virum monumenta priorum.
Tum rex Euandrus Romanae conditor arcis:
Haec nemora indigenae Fauni Nymphaeque tenebant,
Gensque virum truncis et duro robore nata:
Quis neque mos, neque cultus erat: nec jungere tauros,
Aut componere opes norant, aut parcere parto:
Sed rami, atque asper victu venatus alebat.
Primus ab aethereo venit Saturnus Olympo,
Arma Jovis fugiens, et regnis exsul ademptis.
Is genus indocile, ac dispersum montibus altis
Conposuit, legesque dedit, Latiumque vocari.
Maluit, his quoniam latuisset tutus in oris.
Aurea quae perhibent, illo sub rege fuerunt.
Secula: sic placida populos in pace regebat.
Deterior donec paullatim, ac decolor aetas,
Et belli rabies, et amor successit habendi.
Tum manus Ausonia, et gentes venero Sicanæ;
Saepius et nomen posuit Saturnia tellus.

Tum reges, asperque inmani corpore Thybris:
A quo post Itali fluvium cognomine Thybrim
Diximus: amisit verum vetus Albula nomen.
Me pulsum patria, pelagique extrema sequentem
Fortuna omnipotens, et ineluctabile fatum,
His posuere locis: matrisque egere tremenda
Carmentis Nymphae monita, et Deus auctor Apollo.
Vix ea dicta: dehinc progressus monstrat et aram,
Et Carmentalem Romano nomine portam:
Quam memorant Nymphae priscum Carmentis honorem
Vatis fatidicae: cecinit quae prima futuros
Aeneadas magnos, et nobile Pallenteum.
Hinc lucum ingentem, quem Romulus acer Asylum
Retulit, et gelida monstrat sub rupe Lupercal,
Parrhasio dictum Panos de more Lycei.
Nec non et sacri monstrat nemus Argileti,
Testaturque locum, et letum docet hospitis Argi.
Hinc ad Tarpejam sedem, et Capitolia ducit,
Aurea nunc, olim silvestribus horrida dumis.
Jam tum religio pavidos terrebat agrestis
Dira loci: jam tum silvam saxumque tremebant.
Hoc nemus, hunc, inquit, frondoso vertice collem,
Quis Deus, incertum est, habitat Deus: Arcades ipsum
Credunt se vidisse Jovem, quum saepe nigrantem
Aegida concuteret dextra, nimbosque ciceret.
Haec duo praeterea disiectis oppida muris,
Reliquias, veterumque vides monumenta virorum.
Hanc Janus pater, hanc Saturnus condidit arcem:
Janiculum huic, illi fuerat Saturnia nomen.
Talibus inter se dictis ad tecta subibant
Pauperis Euandri, passimque armenta videbant
Romanoque foro et lautis mugire Carinis.
Ut ventum ad sedes: Haec, inquit, limina victor
Alcides subiit; haec illum regia cepit.

Aude, hospes, contemnere opes : et te quoque dignum
Finge Deo ; rebusque veni non asper egenis.
Dixit, et angusti subter fastigia tecti
Ingentem Aenean duxit, stratisque locavit
Effultum foliis, et pelle Libystidis ursae.
Nox ruit, et fuscis tellurem amplectitur alis.

At Venus haud animo nequidquam exterrita mater,
Laurentumque minis et duro mota tumultu,
Volcanum adloquitur, thalamoque haec conjugis aureo
Incipit, et dictis divinum adspirat amorem :
Dum bello Argolici vastabant Pergama reges
Debita, casurasque inimicis ignibus arces ;
Non ullum auxilium miseris, non arma rogavi
Artis opisque tuae : nec te, carissime conjunx,
Incassumve tuos volui exercere labores :
Quamvis et Priami deberem plurima natis,
Et durum Aeneae flevissem saepe laborem.
Nunc Jovis imperiis Rutulorum constitit oris.
Ergo eadem supplex venio, et sauctum mihi numen
Arma rogo, genetrix nato. Te filia Nerei,
Te potuit lacrimis Tithonia flectere conjunx.
Adspicce, qui coeant populi, quae moenia clausis
Ferrum acuunt portis in me, excidiumque meorum.
Dixerat : et niveis hinc atque hinc Diva lacertis
Cunctantem amplexu molli fovet. Ille repente
Accepit solitam flammam : notusque medullas
Intravit calor, et labefacta per ossa cucurrit.
Non secus atque olim, tonitru quum rupta corusco
Ignea rima micans percurrit lumine nimbos.
Sensit laeta dolis, et formae conscia conjunx.
Tum pater aeterno fatur divinctus amore :
Quid causas petis ex alto ? fiducia cessit
Quo tibi, Diva, mei ? similis si cura fuisset,
Tum quoque fas nobis Teucros armare fuisset,

Nec Pater omnipotens Trojam, nec fata vetabant
Stare, decemque alios Priamum superesse per annos.
Et nunc, si bellare paras, atque haec tibi mens est;
Quidquid in arte mea possum promittere curae,
Quod fieri ferro, liquidove potest electro,
Quantum ignes animaeque valent; absiste precando
Viribus indubitare tuis. Ea verba locutus

Optatos dedit amplexus, placidumque petivit
Conjugis infusus gremio per membra soporem.

Inde, ubi prima quies medio jam noctis abactae
Curriculo expulerat somnum, quum femina primum,
Cui tolerare colo vitam tenuique Minerva
Inpositum, cinerem et sopitos suscitât ignis,
Noctem addens operi; famulasque ad lumina longa
Exercet penso; castum ut servare cubile
Conjugis, et possit parvos educere natos.
Haud secus Ignipotens, nec tempore segnior illo
Mollibus e stratis opera ad fabrilis surgit.
Insula Sicanium juxta latus Aeoliamque
Erigitur Liparen, fumantibus ardua saxis:
Quam subter specus, et Cyclopum exesa caminis
Antra Aetnaca tonant, validique incudibus ictus
Auditi referunt gemitum, striduntque cavernis
Stricturae Chalybum, et fornacibus ignis anhelat;
Volcani domus, et Volcania nomine tellus.
Hoc tunc Ignipotens coelo descendit ab alto.
Ferrum exercebant vasto Cyclopes in antro,
Brontesque, Steropesque, et nudus membra Pyracmon.
His informatum manibus jam parte polita
Fulmen erat; toto genitor quae plurima coelo
Dejicit in terras: pars imperfecta manebat.
Tris imbris torti radios, tris nubes aquosae
Addiderant, rutuli tris ignis, et alitis Austri.
Fulgores nunc horribiles, sonitumque, metumque

Miscebant operi, flammisque sequacibus iras.
Parte alia Marti currumque, rotasque volucris
Instabant; quibus ille viros, quibus excitat urbis:
Aegidaque horriferam, turbatae Palladis arma.
Certatim squamis serpentum auroque polibant,
Connexosque anguis, ipsamque in pectore Divae
Gorgona desecto vertentem lumina collo.

Tollite cuncta, inquit, coeptosque auferte labores,
Aetnaei Cyclopes; et huc advertite mentem.
Arma acri facienda viro. Nunc viribus usus,
Nunc manibus rapidis, omni nunc arte magistra.
Praecipitate moras. Nec plura effatus: et illi
Ocius incubuere omnes, pariterque laborem
Sortiti. Fluit aes rivis, aurique metallum;
Volnificusque chalybs vasta fornace liquescit.
Ingentem clipeum informant, unum omnia contra
Tela Latinorum: septenosque orbibus orbis
Impediunt. Alii ventosis follibus auras
Adcipiunt redduntque: alii stridentia tinguunt
Aera lacu. Gemit inpositis incudibus antrum.
Illi inter sese multa vi brachia tollunt

In numerum, versantque tenaci forcipe massam.

Haec pater Aeoliis properat dum Lemnius oris,
Euandrum ex humili tecto lux suscitât alma,
Et matutini volucrum sub culmine cantus.
Consurgit senior, tunicaque inducitur artus,
Et Tyrrhena pedum circumdat vincula plantis.
Tum lateri atque humeris Tegecum subligat ense,
Demissa ab laeva pantherae terga retorquens.
Nec non et gemini custodes limine ab alto
Procedunt, gressumque canes comitantur herilem.
Hospitis Aeneae sedem, et secreta petebat,
Sermonum memor, et promissi muneris heros.
Nec minus Aeneas se matutinus agebat.

Filius huic Pallas, illi comes ibat Achaes.
Congressi jungunt dextras, mediisque residunt
Aedibus, et licito tandem sermone fruuntur.
Rex prior haec :
Maxume Teucrorum ductor, quo sospite nunquam
Res equidem Trojae victas, aut regna fatebor;
Nobis ad belli auxilium pro nomine tanto
Exiguae vires. Hinc Tusco claudimur amni,
Hinc Rutulus premit, et murum circumsonat armis.
Sed tibi ego ingentis populos opulentaque regnis
Jungere castra paro : quam fors inopina salutem
Ostentat. Fatis huc te poscentibus adfers.
Haud procul hinc saxo incolitur fundata vetusto
Urbis Agyllinae sedes : ubi Lydia quondam
Gens, bello praeclara, jugis insedit Etruscis.
Hanc multos florentem annos rex deinde superbo
Imperio et saevis tenuit Mezentius armis.
Quid memorem infandas caedes; quid facta tyranni
Effera? Di capiti ipsius, generique reservent.
Mortua quin etiam jungebat corpora vivis,
Conponens manibusque manus, atque oribus ora,
Tortenti genas, et sanie taboque fluentis
Complexu in misero longa sic morte necabat.
At fessi tandem cives infanda furentem
Armati circumstant ipsumque domumque :
Obtruncant socios, ignem ad fastigia jactant.
Ille inter caedes Rutulorum clausus in agros
Confugere, et Turni defendier hospitis armis.
Ergo omnis furilis surrexit Etruria justis :
Regem ad supplicium praesenti Marte reposcunt.
His ego te, Aenea, ductorum millibus addam.
Toto namque fremunt condensae litore puppes,
Signaque ferre jubent : retinet longaevis haruspex
Fata canens : O Maconiae delecta juvenus,

Flos veterum virtusque virum, quos justus in hostem
 Fert dolor, et merita accendit Mezentius ira;
 Nulli fas Italo tantam subungere gentem:
 Externos optate duces. Tum Etrusca resedit
 Hoc acies campo, monitis exterrita Divum.
 Ipse oratores ad me, regnique coronam
 Cum sceptro misit, mandatque insignia Tarchon;
 Succedant castris, Tyrrhenaque regna capessam.
 Sed mihi tarda gelu seclisque effoeta senectus
 Invidet imperium, seraeque ad fortia vires.
 Natum exhortarer, ni mixtus matre Sabella
 Hinc partem patriae traheret. Tu, cujus et annis
 Et generi fata indulgent, quem numina poscunt,
 Ingredere, o Teuerum atque Italum fortissime ductor,
 Hunc tibi praeterea, spes et solatia nostri,
 Pallanta adjungam. Sub te tolerare ritagistro
 Militiam, et grave Martis opus, tua cernere facta
 Adsuescat, primis et te miretur ab annis.
 Arcadas huic equites bis centum, robora pubis
 Lecta dabo; totidemque suo tibi nomine Pallas.
 Vix ea factus erat: defixique ora tenebant
 Aeneas Auchisiades et fidus Achates,
 Multaque dura suo tristi cum corde putabant;
 Ni signum coelo Cytherea dedisset aperto.
 Namque improviso vibratus ab aethere fulgor
 Cum sonitu venit, et ruere omnia visa repente,
 Tyrrhenusque tubae mugire per aethera clangor.
 Suspiciunt: iterum atque iterum fragor intonat ingens.
 Arma inter nubem, coeli in regione serena,
 Per sudum rutilare vident, et pulsa tonare.
 Obstupuere animis alii; sed Troius heros
 Adgnovit sonitum, et Divae promissa parentis.
 Tum memorat: Ne vero, hospes, ne quaere profecto,
 Quem casum portenta ferant: ego poscor Olympo.

Hoc signum cecinit missuram Diva creatrix,
Si bellum ingrueret; Volcaniaque arma per auras
Laturam auxilio.

Heu, quanta miseri caedes Laurentibus instant!
Quas poenas mihi, Turne, dabis! quam multa sub undas
Scuta virum, galeasque, et fortia corpora volves,
Thybrî pater! poscant acies, et foedera rumpant.

Haec ubi dicta dedit, solio se tollit ab alto;
Et primum Herculeis sopitas ignibus aras
Excitat, hesternumque Larem, parvosque Penatis
Laetis adit, mactant lectas de more bidentis,
Euandrus pariter, pariter Trojana juvenus.
Post hinc ad navis graditur, sociosque revisit:
Quorum de numero, qui sese in bella sequantur,
Praestantis virtute legit: pars cetera prona
Fertur aqua, segnisque secundo defluit amni,
Nuntia ventura Ascanio rerumque patrisque.
Dantur equi Teucris Tyrrhena petentibus arva:
Ducunt exsortem Aeneae; quem fulva leonis
Pellis obit totum, praefulgens unguibus aureis.

Fama volat parvam subito volgata per urbem,
Ocius ire equites Tyrrheni ad limina regis.
Vota metu duplicant matres, propiusque periclo
It timor, et major Martis jam adparet imago.
Tum pater Euandrus dextram complexus euntis
Haeret, inexpectum lacrimans, ac talia fatur:
O mihi praeteritos referat si Juppiter annos!
Qualis eram, quum primam aciem Praeneste sub ipsa
Stravi, scutorumque incendi victor acervos;
Et regem hac Herilum dextra sub Tartara misi:
Nascenti cui tris animas Feronia mater,
Horrendum dictu, dederat, terna arma movenda;
Ter leto sternendus erat: cui tunc tamen omnis
Abstulit haec animas dextra, et totidem exiit armis.

Non ego nunc dulci amplexu divellerer usquam,
 Nate, tuo: neque finitimo Mezentius usquam,
 Huic capiti insultans, tot ferro sacra dedisset
 Funera, tam multis viduasset civibus urbem.
 At vos, o Superi, et Divôm tu maxime rector
 Juppiter, Arcadii, quaeso, miserescite regis,
 Et patrias audite preces. Si numina vestra
 Incolumem Pallanta mihi, si fata reservant,
 Si visurus eum vivo, et venturus in unum,
 Vitam oro: patiar quemvis durare laborem.
 Sin aliquem infandum casum, Fortuna, minaris;
 Nunc, o nunc liceat crudelem abrumperé vitam,
 Dum curae ambiguae, dum spes incerta futuri,
 Dum te, care puer, mea sera et sola voluptas,
 Complexu teneo: gravior ne nuntius auris
 Volneret. Haec genitor digressu dicta supremo
 Fundebat: famuli conlabsum in tecta ferebant.

Jamque adeo exierat portis equitatus apertis:
 Aeneas inter primos, et fidus Achates:
 Inde alii Trojae proceres. Ipse agmine Pallas
 In medio, chlamyde, et pictis conspectus in armis.
 Qualis, ubi Oceani perfusus Lucifer unda,
 Quem Venus ante alios astrorum diligit ignis,
 Extulit os sacrum coelo, tenebrasque resolvit.
 Stant pavidæ in muris matres, oculisque sequuntur.
 Pulveream nubem, et fulgentis aere catervas.
 Olli per dumos, qua proxima meta viarum,
 Armati tendunt. It clamor, et agmine facto
 Quadrupedante putrem sonitu quatit ungula campum.
 Est ingens gelidum locus prope Caeritis amnem,
 Religione patrum late sacer: undique colles
 Includere cavi, et nigra nemus abiete cingunt.
 Silvano fama est veteres sacrasse Pelasgos,
 Arvorum pecorisque Deo, lucumque diemque,

Qui primi finis aliquando habuere Latinos.
Haud procul hinc Tarcho, et Tyrrheni tuta tenebant
Castra locis, celsoque omnis de colle videri
Jam poterat legio, et latis tendebat in arvis.
Huc pater Aeneas, et bello leeta juvenus,
Succedunt, fessique et equos et corpora curant.

At Venus aetherios inter Dea candida nimbos
Dona ferens aderat: natumque in valle reducta
Ut procul egelido secretum flumine vidit,
Talibus adfata est dictis, seque obtulit ultro:
En, perfecta mei promissa conjugis arte
Munera: ne nox aut Laurentis, nate, superbos,
Aut acrem dubites in proelia poscere Turnum.
Dixit, et amplexus nati Cytherea petivit:
Arma sub adversa posuit radiantia quercu.
Ille Deae donis et tanto lactus honore,
Expleri nequit, atque oculos per singula volvit,
Miraturque, interque manus, et brachia versat
Terribilem cristis galeam, flammisque vomentem,
Fatiscrumque ense, loricam ex aere rigentem,
Sanguineam, ingentem, qualis, quum caerulea nubes
Solis inardescit radiis, longaeque refulget.
Tum levis ocreas electro, auroque recocto,
Hastamque, et clipei non enarrabile textum.
Illic res Italas, Romanorumque triumphos,
Haud vatum ignarus, venturique inscius aevi,
Fecerat Ignipotens: illic genus omne futurae
Stirpis ab Ascanio, pugnataque in ordine bella.
Fecerat et viridi foetam Mavortis in antro
Procubuisse lupam: geminos huic ubera circum
Ludere pendentis pueros, et lanibere matrem
Inpavidos: illam tereti cervice reflexam
Mulcere alternos, et corpora fingere lingua.
Nec procul hinc Romam, et raptas sine more Sabinae

Consessu caveae, magnis Circensibus actis,
Addiderat, subitoque novum consurgere bellum
Romulidis, Tatíoque seni, Curibusque severis.
Post idem inter se, posito certamine, reges
Armati Jovis ante aram, paterasque tenentes
Stabant, et caesa jungebant foedera porca.
Haud procul inde, citae Metium in diversa quadrigae
Distulerant, at tu dictis, Albane, maneres,
Raptabatque viri mendacis viscera Tullus
Per silvam, et sparsi rorabant sanguine vepres.
Nec non Tarquinium ejectum Porsenna jubebat
Adcipere, ingentique urbem obsidione premebat :
Aeneadae in ferrum pro libertate ruebant.
Illum indignanti similem, similemque minanti
Adspiceres; pontem auderet quod vellere Cocles,
Et fluvium vinclis innaret Cloelia ruptis.
In summo custos Tarpejae Manlius arcis
Stabat pro templo, et Capitolia celsa tenebat,
Romuleoque recens horrebat regia culmo.
Atque hinc auratis volitans argenteus anser
Porticibus Gallos in limine adesse canebat :
Galli per dumos aderant, arcemque tenebant,
Defensi tenebris, et dono noctis opacae.
Aurea caesaries ollis, atque aurea vestis.
Virgatis lucent sagulis: tum lactea colla
Auro innectuntur. Duo quisque Alpina coruscant
Gaesa manu, scutis protecti corpora longis.
Hic exsultantis Salios, nudosque Lupercos,
Lanigerosque apices, et lussa ancilia coelo
Extuderat: castae ducebant sacra per urbem
Pilentis matres in mollibus. Hinc procul addit
Tartareas etiam sedes, alta ostia Ditis;
Et scelerum poenas, et te, Catilina, minaci
Pendentem scopulo, Furiarumque ora tremantem,

Secretosque pios : his dantem jura Catonem.
 Haec inter tumidi late maris ibat imago
 Aurea ; sed fluctu spumabant caerulea cano :
 Et circum argento clari delphines in orbem
 Aequora verrebant caudis, aestumque secabant.
 In medio classis aeratas, Actia bella
 Cernere erat : totumque instructo Marte videres
 Fervere Leucaten, auroque effulgere fluctus.
 Hinc Augustus agens Italos in proelia Caesar
 Cum Patribus, Populoque, Penatibus, et magnis Dis,
 Stans celsa in puppi : geminas cui tempora flammam
 Laeta vomunt, patriumque aperitur vertice sidus.
 Parte alia ventis et Dis Agrippa secundis
 Arduus agmen agens : cui belli insigne superhum
 Tempora navali fulgent rostrata corona.
 Hinc ope barbarica, variisque Antonius armis,
 Victor ab Aurorae populis et litore rubro
 Aegyptum, viresque Orientis, et ultima secum
 Bactra vehit ; sequiturque, nefas, Aegyptia conjunx,
 Una omnes ruere, ac totum spumare reductis
 Convolsum remis, rostrisque tridentibus, aequor.
 Alta petunt : pelago credas innare revolsas
 Cyclades, aut montis concurrere montibus altos,
 Tanta mole viri turritis puppibus instant.
 Stuppea flamma manu, telisque volatile ferrum
 Spargitur. Arva nova Neptunia caede rubescunt.
 Regina in mediis patrio vocat agmina sistro :
 Necdum etiam geminos a tergo respicit anguis.
 Omnigenumque Deum monstra, et latrator Anubis,
 Contra Neptunum, et Venerem, contraque Minervam
 Tela tenent. Saevit medio in certamine Mavors
 Caelatus ferro, tristesque ex aethere Dirae ;
 Et scissa gaudens vadit Discordia palla :
 Quam cum sanguineo sequitur Bellona flagello.

Actius haec cernens arcum intendebat Apollo
Desuper: omnis co terrere Aegyptus, et Indi,
Omnis Arabs, omnes vertebant terga Sabaci.
Ipsa videbatur ventis regina vocatis
Vela dare, et laxos jam jamque inmittere funis.
Illam inter caedes pallentem morte futura
Fecerat Ignipotens undis et Iapyge ferri;
Contra autem magno macrentem corpore Nilum,
Pendentemque sinus, et tota veste vocantem
Caeruleum in gremium, latebrosaque flumina victos.
At Caesar, triplici in vectus Romana triumpho
Moenia, Dis Italis votum immortale sacrabat.
Maxima tercentum totam delubra per Urbem
Laetitia, ludisque viae plausuque fremebant:
Omnibus in templis matrum chorus, omnibus arae:
Ante aras terram caesi stravere juvenci.
Ipse, sedens niveo candentis limine Phoebi,
Dona recognoscit populorum, aptatque superbis
Postibus: incedunt victae longo ordine gentes,
Quam variae linguis, habitu tam vestis et armis.
Hic Nomadum genus, et discinctos Mulciber Afros,
Hic Lelegas, Carasque, sagittiferosque Gelonos
Finxerat. Euphrates ibat jam mollior undis,
Extremique hominum Morini, Rhenusque bicornis;
Indomitique Dahae, et pontem indignatus Araxes,
Talia, per clipeum Volcani, dona parentis
Miratur, rerumque ignarus imagine gaudet;
Adtollens humero famamque, et fata nepotum.

P U B L I I
V I R G I L I I
M A R O N I S
A E N E I D O S
L I B E R N O N U S.

ATQUE ea diversa penitus dum parte geruntur,
Irim de coelo misit Saturnia Juno
Audacem ad Turnum. Luce tum forte parentis
Pylumni Turnus sacrata valle sedebat.
Ad quem sic roseo Thaumantias ore locuta est:
Turne, quod optanti Divum promittere nemo
Auderet, volvenda dies, en, adtulit ultro.
Aeneas, urbe, et sociis, et classe relictâ,
Sceptra Palatini, sedemque petit Euandri.
Nec satis: extremas Corythi penetravit ad urbes:
Lydorumque manum, conlectos armat agrestis.
Quid dubitas? nunc tempus equos, nunc poscere currus.
Rumpe moras omnis, et turbata adripe castra.
Dixit, et in coelum paribus se sustulit alis;
Ingentemque fuga secuit sub nubibus arcum.
Adgnovit juvenis, duplicisque ad sidera palmas
Sustulit, et tali fugientem est voce secutus:
Iri, decus coeli, quis te mihi nubibus actam
Detulit in terras? unde haec tam clara repente
Tempestas? medium video discedere coelum,
Palantisque polo stellas. Sequor omina tanta,
Quisquis in arma vocas. Et sic effatus ad undam
Processit, summoque hausit de gurgite lymphas,

Multa deos orans; oneravitque aethera votis.
Jamque omnis campis exercitus ibat apertis,
Dives equum, dives pictam vestis et auri.
Messapus primas acies, postrema coercet
Tyrhidae juvenes: medio dux agmine Turnus.
[Vertitur arma tenens, et toto vertice supra est.]
Ceum septem surgens sedatis amnibus altus
Per tacitum Ganges, aut pingui flumine Nilus,
Quum refluit campis, et jam se condidit alveo.
Hic subitam nigro glomerari pulvere nubem
Prospiciunt Teucris, ac tenebras insurgere campis.
Primus ab adversa conclamat mole Caius:
Quis globus, o cives, calligine volvitur atra!
Ferte citi ferrum, date tela, et scandite muros.
Hostis adest, eia. Ingenti clamore per omnis
Conduunt se Teucris portas, et moenia complent.
Namque ita discedens praeceperat optumus armis
Aeneas: si qua interea Fortuna fuisset,
Neu struere auderent aciem, neu credere campo:
Castra modo, et tutos servarent aggere muros.
Ergo, etsi conferre manum pudor iraque monstrat,
Objiciunt portas tamen, et praecepta facessunt,
Armatique cavis expectant turribus hostem.
Turnus, ut ante volans tardum praecesserat agmen,
Viginti lectis equitum conitatus, et urbi
Inprovisus adest: maculis quem Thracius albis
Portat equus, cristaque tegit galea aurea rubra.
Ecquis erit mecum, juvenes, qui primus in hostem?
En, ait. Et jaculum adtorquens emittit in auras
Principium pugnae, et campo sese arduus infert.
Clamore excipiunt socii, fremituque sequuntur
Horisono: Teucrum mirantur inertia corda;
Non aequo dare se campo, non obvia ferre
Arma viros, sed castra fovere. Huc turbidus atque huc

Iustrat equo muros, aditumque per avia quaerit.
Ac veluti pleno lupus insidiatus ovili,
Quum fremit ad caulas, ventos perpressus et imbris,
Nocte super media; tuti sub matribus agni
Balatum exercent: ille asper et improbus ira
Saevit in absentis: conlecta fatigat edendi
Ex longo rabies, et siccae sanguine fauces.
Haud aliter Rutulo, muros et castra tuenti,
Ignescunt irae: duris dolor ossibus ardet;
Qua tentet ratione aditus, et qua via clausos
Excutiat Teucros vallo, atque effundat in aequor.
Classem, quae lateri castrorum adjuncta latebat,
Aggeiibus saeptam circum et fluvialibus undis,
Invadit: sociosque incendia poscit ovantis:
Atque manum pinu flagranti fervidus inplet.
Tum vero incumbunt; urguet praesentia Turni:
Atque omnis facibus pubes adcingitur atris.
Diripuerunt focos: piceum fert fumida lumen
Taeda, et conmixtam Volcanus ad astra favillam.

Quis deus, o Musae, tam saeva incendia Teucris
Avertit? tantos ratibus quis depulit ignes?
Dicite. Prisca fides facto, sed fama perennis.
Tempore quo primum Phrygia formabat in Ida
Aeneas classem, et pelagi petere alta parabat;
Ipsa Deum fertur genetrix Berecynthia magnum
Vocibus his adfata Jovem: Da, nate, petenti,
Quod tua cara parens domito te poscit Olympo.
Pinea silva mihi, multos dilecta per annos,
Lucus in arce fuit summa, quo sacra ferebant,
Nigranti picea trabibusque obscurus acernis:
Has ego Dardanio juveni, quum classis egeret,
Laeta dedi: nunc sollicitam timor anxius urguet.
Solve metus, atque hoc precibus sine posse parentem,
Neu cursu quassatae ullo, neu turbine venti

Vincantur. Prosit nostris in montibus ortas.
 Filius huic contra, torquet qui sidera mundi:
 O genetrix, quo fata vocas? aut quid petis istis?
 Mortaline manu factae immortale carinae
 Fas habeant? certusque incerta pericula lustret
 Aeneas? cui tanta Deo permissa potestas?
 Immo, ubi defunctae finem portusque tenebunt
 Ausonios, olim quaecumque evaserit undis,
 Dardaniumque ducem Laurentia vexerit arva,
 Mortalem eripiam formam, magnique jubebo
 Aequeorū esse Deas: qualis Nereia Doto,
 Et Galatea secant spumantem pectore pontum.
 Dixerat: idque ratum Stygii per flumina fratris,
 Per pice torrentis atraque voragine ripas
 Adnuit, et totum nutu tremefecit Olympum.

Ergo aderat promissa dies, et tempora Parcae
 Debita conplerant, quum Turni injuria matrem
 Admonuit ratibus sacris depellere taedas.
 Hic primum nova lux oculis offulsit, et ingens
 Visus ab Aurora coelum transcurrere nimbus,
 Idaeique chori: tum vox horrenda per auras
 Excidit, et Troum Rutulorumque agmina conplet:
 Ne trepidate meas, Teucrici, defendere navis,
 Neve armate manus: maria ante exurere Turno,
 Quam sacras dabitur pinus. Vos ite solutae,
 Ite, deae pelagi; Genetrix jubet. Et sua quaeque
 Continuo puppes abrumpunt vincula ripis,
 Delphinumque modo demersis aquora rostris
 Ima petunt. Hinc virgineae, mirabile monstrum,
 [Quot prius aeratae steterant ad litora prorae]
 Reddunt se totidem facies, pontoque feruntur.
 Obstupere animi Rutulis: conterritus ipse
 Turbatus Messapus equis: cunctatur et amnis
 Rauca sonans, revocatque pedem Tiberinus ab alto.

At non audaci cessit fiducia Turno:
Ultero animos tollit dictis, atque increpat ultro:
Trojanos haec monstra petunt: his Juppiter ipse
Auxilium solitum eripuit: non tela, nec ignes
Expectant Rutulos. Ergo maria invia Teucris,
Nec spes ulla fugae: rerum pars altera adempta est:
Terra autem in nostris manibus: tot millia, gentes
Arma ferunt Italae. Nil me fatalia terrent,
Si qua Phryges praese jactant, responsa Deorum.
Sat fatis Venerique datum, tetigere quod arva
Fertilis Ausoniae Troës. Sunt et mea contra
Fata mihi, ferro sceleratam excindere gentem,
Conjuge praerepta: nec solos tangit Atridas
Iste dolor, solisque licet capere arma Mycenis.
Sed periisse semel satis est. Peccare fuisset
Ante satis, penitus modo non genus omne perosos
Femineum: quibus haec mediû fiducia valli,
Fossarumque morae, leti discrimina parva,
Dant animos. At non viderunt moenia Trojae
Neptuni fabricata manu considerare in ignis?
Sed vos, o lecti, ferro qui scindere vallum
Adparat, et mecum invadit trepidantia castra?
Non armis mihi Volcani, non mille carinis
Est opus in Teucros. Addant se protenus omnes
Etrusci socios: tenebras, et inertia furta
Palladii, caesis summae custodibus arcis,
Ne timeant; nec equi caeca condemur in alvo.
Luce, palam certum est igni circumdare muros.
Haud sibi cum Danaïs rem faxo et pube Pelasga
Esse putent, decumum quos distulit Hector in annum,
Nunc adeo, melior quoniam pars acta dici,
Quod superest, laeti bene gestis corpora rebus
Procurate, viri; et pugnam sperate parati.
Interea vigilum excubiis obsidere portas

Cura datur Messapo, et moenia cingere flammis.
 Bis septem, Rutulo muros qui milite servant,
 Delecti : ast illos centeni quemque sequuntur
 Purpurei cristis juvenes, auroque corusci :
 Discurrunt, variantque vices, fusique per herbam
 Indulgent vino, et vertunt crateras aënos.
 Conlucent ignes : noctem custodia ducit
 Insomnem ludo.

Haec super e vallo prospectant Troës, et armis
 Alta tenent : nec non trepidi formidine portas
 Explorant, pontisque et propugnacula jungunt :
 Tela gerunt. Instant Mnestheus acerque Serestus :
 Quos pater Aeneas, si quando adversa vocarent,
 Rectores juveni, et rerum dedit esse magistros.
 Omnis per muros legio, sortita periculum,
 Excubat, exercetque vices, quod cuique tuendum est.

Nisus erat portæ custos, acerrimus armis,
 Hyrtacides; comitem Aeneae quem miserat Ida
 Venatrix, jaculo celerem levibusque sagittis :
 Et juxta comes Euryalus, quo pulchrior alter
 Non fuit Aeneadum, Trojana neque induit arma ;
 Ora puer prima signans intonsa juvena.
 His amor unus erat, pariterque in bella ruebant :
 Tum quoque communi portam statione tenebant.
 Nisus ait, Dñe hunc ardorem mentibus addunt,
 Euryale ? an sua cuique deus sit dira cupido ?
 Aut pugnam, aut aliquid jam dudum invadere magnum,
 Mens agitat mihi; nec placida contenta quiete est.
 Cernis, quae Rutulos habeat fiducia rerum.
 Lumina rara micant : somno vinoque sepulti
 Procubuerunt : silent late loca. Percipe porro,
 Quid dubitem, et quae nunc animo sententia surgat.
 Aenean adiri omnes, populusque patresque,
 Exposcunt ; mittique viros, qui certa reportent.

Si tibi, quae posco, promittunt, nam mihi facti
 Fama sat est, tumulo videor reperire sub illo
 Posse viam ad muros et moenia Pallantea.
 Obstupuit magno laudum percussus amore
 Euryalus; simul his ardentem adfatur amicum:
 Mene igitur socium summis adjungere rebus,
 Nisc, fugis? solum te iu tanta pericula mittam?
 Non ita me genitor bellis adsuetus Opheltes
 Argolicum terrorem inter Trojaeque labores
 Sublatum erudiit: nec tecum talia gessi,
 Magnanimum Aenean et fata extrema secutus.
 Est hic, est animus lucis contemtor, et istum
 Qui vita bene credat emi, quo tendis, honorem.
 Nisus ad haec: equidem de te nil tale verebar:
 Nec fas: non. Ita me referat tibi magnus ovantem
 Juppiter, aut quicumque oculis haec adspicit acquies.
 Sed si quis, quae multa vides discrimine tali,
 Si quis in adversum rapiat, casusve, Deusve,
 Te superesse velim: tua vita dignior aetas.
 Sit, qui me raptum pugna, pretiove redemptum
 Mandet humo solida: aut, si qua id Fortuna vetabit,
 Absenti ferat inferias, decoretque sepulcro:
 Neu matri miserae tanti sim causa doloris:
 Quae te sola, puer, multis e matribus ausa,
 Persequitur, magni nec moenia curat Acestae.
 Ille autem: Causas nequidquam nectis inanis,
 Nec mea jam mutata loco sententia cedit.
 Adceleremus, ait. Vigiles simul excitat. Illi
 Succedunt, servantque vices: statione relicta
 Ipse comes Niso graditur, regemque requirunt.

Cetera per terras omnis animalia somno
 Laxabant curas, et corda oblita laborum,
 Ductores Teucrûm primi, delecta juvenus,
 Consilium summis regni de rebus habebant,

Quid facerent, quisve Aeneae jam nuntius esset :
Stant longis adnixa hastis, et scuta tenentes,
Castrorum et campi medio. Tum Nisus et una
Euryalus confestim alacres admittier orant :
Rem magnam, pretiumque morae fore. Primus Iulus
Adcepit trepidos, ac Nisum dicere jussit.
Tum sic Hyrtacides : Audite o mentibus aequis,
Aeneadae : neve haec nostris spectentur ab annis,
Quae ferimus. Rutuli somno vinoque soluti
Procubuerunt. Locum insidiis conspeximus ipsi,
Qui patet in bivio portae, quae proxima ponto.
Interrupti ignes, aterque ad sidera fumus
Erigitur. Si Fortuna permittitis uti,
Quaesitum Aenean ad moenia Pallantea,
Mox hinc cum spoliis, ingenti caede peracta,
Adfore cernetis : nec nos via fallit euntis.
Vidimus obscuris primam sub vallibus urbem
Venatu adsiduo, et totum cognovimus amnem.
Hinc annis gravis atque animi maturus Aletes :
Di patrii, quorum semper sub numine Troja est,
Non tamen omnino Teucros delere paratis,
Quum talis animos juvenum, et tam certa tulistis
Pectora. Sic memorans, humeros dextrasque tenebat
Amborum, et voltum lacrimis atque ora rigabat :
Quae vobis, quae digna, viri, pro laudibus istis,
Praemia posse reat solvi ? pulcherrima primum
Di, moresque dabunt vestri : tum cetera reddet
Actutum pius Aeneas, atque integer aevi
Ascanius, meriti tanti non inmemor unquam.
Immo ego vos, cui sola salus genitore reducto,
Excipit Ascanius, per magnos, Nise, Penatis,
Assaracique Larem, et canae penetralia Vestae,
Obtestor. Quaecumque mihi fortuna fidesque est,
In vestris pono gremiis. Revocate parentem :

Reddite conspectum. Nihil illo triste recepto.
 Bina dabo argento perfecta atque aspera signis
 Pocula, devicta genitor quae cepit Arisba :
 Et tripodas geminos, auri duo magna talenta,
 Cratera antiquum, quem dat Sidonia Dido.
 Si vero capere Italiam, sceptrisque potiri
 Contigerit victori, et praedae ducere sortem :
 Vidisti, quo Turnus equo, quibus ibat in armis
 Aureus : ipsum illum, clipeum cristasque rubentis
 Excipiam sorti, jam nunc tua praemia, Nise.
 Praeterea bis sex genitor lectissima matrum
 Corpora captivosque dabit, suaque omnibus arma :
 Insuper his, campi quod rex habet ipse Latinus.
 Te vero, mea quem spatiis propioribus aetas
 Insequitur, venerande puer, jam pectore toto
 Adcipio, et comitem casus complector in omnis.
 Nulla meis sine te quaeretur gloria rebus :
 Seu pacem, seu bella geram ; tibi maxima rerum
 Verborumque fides. Contra quem talia fatur
 Euryalus : Me nulla dies tam fortibus ausis
 Dissimilem arguerit : tantum : Fortuna secunda
 Haud adversa cadat. Sed te super omnia dona
 Unum oro : genetrix Priami de gente vetusta
 Est mihi, quam miseram tenuit non Ilia tellus
 Mecum excedentem, non moenia regis Aestae.
 Hanc ego nunc ignaram hujus quodcumque pericli est,
 Inque salutatam linquo ; nox, et tua testis
 · Dextera, quod nequeam lacrimas perferre parentis.
 At tu, oro, solare inopem, et succurre relictæ.
 Hanc sine me spem ferre tui : audentior ibo
 In casus omnis. Percussa mente dederunt
 Dardanidae lacrimas : ante omnis pulcher Iulus :
 Atque animum patriae strinxit pietatis imago.
 Tum sic effatur :

Spondeo digna tuis ingentibus omnia coeptis.
 Namque erit ista mihi genetrix, nomenque Creûsae
 Solum defuerit, nec partum gratia talem
 Parva manet; casus factum quicumque sequuntur,
 Per caput hoc juro, per quod pater ante solebat:
 Quae tibi polliceor reduci, rebusque secundis,
 Haec eadem matrique tuae generique manebunt.
 Sic ait inlacrimans: humero simul exuit ensem
 Auratum, mira quem fecerat arte Lycaon
 Gnosius, atque habilem vagina aptarat eburna.
 Dat Niso Mnestheus pellem horrentisque leonis
 Exuvias: galeam fidus permutat Aletes.
 Protenus armati incedunt: quos omnis euntis
 Primorum manus ad portas juvenumque senumque
 Prosequitur votis. Nec non et pulcher Iûlus,
 Ante annos animumque gerens curamque virilem,
 Multa patri portanda dabat mandata; sed aurae
 Omnia discerpunt, et nubibus inrita donant.
 Egressi superant fossas, noctisque per umbram
 Castra inimica petunt, multis tamen ante futuri
 Exitio. Passim somno vinoque per herbam
 Corpora fusa vident, adrectos litore currus,
 Inter lora rotasque viros; simul arma jacefe,
 Vina simul. Prior Hyrtacides sic ore locutus:
 Euryale, audendum dextra. Nunc ipsa vocat res:
 Hac iter est. Tu, ne qua manus se adtollere nobis
 A tergo possit, custodi, et consule longe.
 Haec ego vasta dabo, et lato te limite ducam.
 Sic memorât, vocemque premit; simul ense superbum
 Rhamnetem adgreditur, qui forte tapetibus altis
 Exstructus toto proflabat pectore somnum;
 Rex idem, et regi Turno gratissimus augur:
 Sed non augurio potuit depellere pestem.
 Tris juxta famulos temere inter tela jaccentis,

Armigerumque Remi premit, aurigamque sub ipsis
Nactus equis; ferroque secat pendentia colla.
Tum caput ipsi aufert domino, truncumque relinquit
Sanguine singultantem : atro tepefacta cruore
Terra torique madent. Nec non Lamyrumque Lamumque,
Et juvenem Sarranum, illa qui plurima nocte
Luserat, insignis facie, multoque jacebat
Membra deo victus: felix, si protenus illum
Aequasset nocti ludum, in lucemque tulisset.
Inpastus ceu plena leo per ovilia turbans,
Suadet enim vesana fames, manditque trahitque
Molle pecus, mutumque metu: fremit ore cruento.
Nec minor Euryali caedes. Incensus et ipse
Perfurit; ac multam in medio sine nomine plebem,
Fadumque, Herbesumque subit, Rhoetumque, Abarimque,
Ignaros; Rhoetum vigilantem, et cuncta videntem;
Sed magnum metuens se post cratera tegebat:
Pectore in adverso totum cui comminus ensem
Condidit adsurgenti, et multa morte recepit.
Purpuream vomit ille animam; et cum sanguine mixta
Vina refert moriens. Hic furto fervidus instat.
Jamque ad Messapi socios tendebat, ubi ignem
Deficere extremum, et religatos rite videbat
Carpere gramen equos: breviter cum talia Nisus,
(Sensit enim nimia caede atque cupidine ferri)
Absistamus, ait: nam lux inimica propinquat.
Poenarum exhaustum satis est: via facta per hostes.
Multa virum solido argento perfecta relinquunt
Armaque craterasque simul, pulchrosque tapetas.
Euryalus phaleras Rhamnetis, et aurea bullis
Cingula, Tiburti Remulo ditissimus olim
Quae mittit dona, hospitio quum jungeret absens,
Caedicus: ille suo moriens dat habere nepoti.
Post mortem bello Rutuli pugnamque potiti.

Haec rapit, atque humeris nequidquam fortibus aptat.

Tum galeam Messapi habilem cristisque decoram

Induit. Excedunt castris, et tuta capessunt.

Interea praemissi equites ex urbe Latina,

Cetera dum legio campis instructa moratur,

Ibant, et Turno regis responsa ferebant,

Tercentum, scutati omnes, Volscente magistro.

Jamque propinquabant castris, murosque subibant.

Cum procul hos laevo flectentis limite cernunt :

Et galea Euryalum sublustri noctis in umbra

Prodidit inmemorem, radiisque adversa refulsit.

Haud temere est visum, conclamat ab agmine Volsceus :

State, viri. Quae causa viae? quive estis in armis?

Quove tenetis iter? Nihil illi tendere contra :

Sed celerare fugam in silvas, et fidere nocti.

Objiiciunt equites sese ad divortia nota

Hinc atque hinc, omnemque abitum custode coronant.

Silva fuit, late dumis atque ilice nigra

Horrida, quam densi conplerant undique sentes :

Rara per occultos lucebat semita callis.

Euryalum tenebrae ramorum onerosaque praeda

Inpediunt, fallitque timor regione viarum.

Nisus abit: jamque imprudens evaserat hostis,

Atque lacus; qui post Albae de nomine dicti

Albani: tum rex stabula alta Latinus habebat.

Ut stetit, et frustra absentem respexit amicum:

Euryale, infelix qua te regione reliqui?

Quave sequar? rursus perplexum iter omne revolvens

Fallacis silvae, simul et vestigia retro

Observata legit, dumisque silentibus errat:

Audit equos, audit strepitus, et signa sequentum.

Nec longum in medio tempus; quum clamor ad auris

Pervenit, ac videt Euryalum: quem jam manus omnia

Fraude loci et noctis, subito turbante tumultu,

Oppressum rapit, et conantem plurima frustra.
Quid faciat ? qua vi juvenem, quibus audeat armis
Eripere ? an sese medios moriturus in enses
Inferat, et pulchram properet per volnera mortem ?
Ocius adducto torquens hastile lacerto,
Suspiciens altam Lunam, et sic voce precatur :
Tu, Dea, tu praesens nostro succurre labori,
Astrorum decus, et nemorum Latonia custos ;
Si qua tuis unquam pro me pater Hyrtacus aris
Dona tulit, si qua ipse meis venatibus auxi,
Suspendive tholo, aut sacra ad fastigia fixi ;
Hunc sine me turbare globum, et rege tela per auras.
Dixerat : et toto connixus corpore, ferrum
Conjicit. Hasta volans noctis diverberat unibras,
Et venit adversi in tergum Sulmonis, ibique
Frangitur, ac fisso transit praecordia ligno.
Volvitur ille vomens calidum de pectore flumen
Frigidus, et longis singultibus ilia pulsat.
Diversi circumspiciunt. Hoc acrior idem
Ecce aliud summo telum librabat ab aure ;
Dum trepidant, iit hasta Tago per tempus utrumque
Stridens, trajectoque haesit tepefacta cerebro.
Saevit atrox Volscens, nec teli conspicit usquam
Auctorem, nec quo se ardens immittere possit.
Tu tamen interea calido mihi sanguine poenas
Persolves amborum, inquit : simul ense recluso
Ibat in Euryalum. Tum vero exterritus, amens
Conclamat Nisus : nec se celare tenebris
Aniplius, aut tantum potuit perferre dolorem :
Me, me, adsum qui feci, in me convertite ferrum,
O Rutuli. Mea fraus omnis ; nihil iste nec ausus,
Nec potuit : coelum hoc, et conscia sidera testor.
Tantum infelicem nimium dilexit amicum.
Talia dicta dabat : sed viribus ensis adactus

Transiit costas, et candida pectora rumpit.
 Volvitur Euryalus leto, pulchrosque per artus
 It cruor, inque humeros cervix conlapsa recumbit.
 Purpureus veluti cum flos succisus aratro
 Languescit moriens; lassove papavera collo
 Demisere caput, pluvia quum forte gravantur.
 At Nisus ruit in medios, solumque per omnis
 Volscentem petit: in solo Volscente moratur.
 Quem circum glomerati hostes, hinc comminus atque hinc
 Proturbant. Instat non secius, ac rotat enseni
 Fulmineum; donec Rutuli clamantis in ore
 Condidit adverso, et moriens animam abstulit hosti.
 Tum super exanimem sese projecit amicum,
 Confossus, placidaque ibi demum morte quievit.

Fortunati ambo! si quid mea carmina possunt,
 Nulla dies umquam memori vos eximet aevo:
 Dum domus Aeneae Capitoli immobile saxum
 Adcolet, imperiumque pater Romanus habebit.

Victores praeda Rutuli spoliisque potiti,
 Volscentem exanimem flentes in castra ferebant.
 Nec minor in castris luctus, Rhamnete reperto
 Exsanguis, et primis una tot caede peremtis,
 Sarranoque, Numaque. Ingens concursus ad ipsa
 Corpora, seminecesque viros, tepidaque recentem
 Caede locum, et plenos spumanti sanguine rivos.
 Adgnoscent spolia inter se, galeamque nitentem
 Messapi, et multo phaleras sudore receptas.

Et jam prima novo spargebat lumine terras
 Tithoni croceum linquens Aurora cubile:
 Jam Sole infuso, janis rebus luce relectis,
 Turnus in arma viros, armis circumdatus ipse,
 Suscitatur, aeratasque acies in proelia cogit:
 Quisque suos, variisque acuunt rumoribus iras.
 Quin ipsa adrectis, visu miserabile, in hastia

Præfigunt capita, et multo clamore sequuntur,
Euryali, et Nisi.
Aeneadae duri murorum in parte sinistra
Opposuerunt aciem, nam dextera cingitur amni,
Ingentisque tenent fossas, et turribus altis
Stant maesti: simul ora virum præfixa movebant,
Nota nimis miseris, atroque fluentia tabo.
Interea pavidam volitans pennata per urbem
Nuntia Fama ruit, matrisque adlabitur auris
Euryali. At subito miserae calor ossa reliquit.
Excussi manibus radii, revolutaque pensa.
Evolat infelix, et femineo ululatu,
Scissa comam, muros amens atque agmina cursu
Prima petit. Non illa virum, non illa pericli,
Telorumque memor: coelum dehinc questibus inplet:
Hunc ego te, Euryale, adspicio? tune, illa senectae
Sera meae requies, potuisti linquere solam,
Crudelis? nec te, sub tanta pericula missum,
Adfari extremum miserae data copia matri?
Heu, terra ignota canibus date praeda Latinis,
Alitibusque jaces! nec te tua funera mater
Produxit, pressive oculos, aut vulnera lavi,
Veste tegens; tibi quam noctes festina diesque
Urguebam, et tela curas solabar anilis.
Quo sequar? aut quae nunc artus avolsaque membra,
Et funus lacerum tellus habet? hoc mihi de te,
Nate, refers? hoc sum terraque marique secuta?
Figite me, si qua est pietas; in me omnia tela
Conjicite, o Rutuli; me primam absumite ferro:
Aut tu, magne pater Divom, miserere, tuoque
Invisum hoc detrude caput sub Tartara telo:
Quando aliter nequeo crudelem abrumpere vitam,
Hoc fletu concussi animi, maestusque per omnis
It gemitus: torpent infractae ad proelia vires.

Illam incenditem luctus Idæus et Actor,
Ilionei monitu, et multum lacrimantis Iuli,
Conripiunt, interque manus sub tecta reponunt.

At tuba terribilem sonitum procul acre canoro
Increpuit. Sequitur clamor, coelumque remugit.
Adcelerant acta pariter testudine Volsci;
Et fossas implere parant, ac vellere vallum.
Quærunt pars aditum, et scalis ascendere muros;
Qua rara est acies, interlucetque corona
Non tam spissa viris. Telorum effundere contra
Omne genus Teucris, ac duris detrudere contis,
Adsueta longo muros defendere bello.

Saxa quoque infestoolvebant pondere, si qua
Possent tectam aciem perrumpere: quum tamen omnis
Ferre libet subter densa testudine casus.

Nec jam sufficiunt. Nam, qua globus imminet ingens,
Inmanem Teucris molemvolvuntque ruuntque:
Quae stravit Rutulos late, armorumque resolvit
Tegmina. Nec curant caeco contendere Marte
Amplius audaces Rutuli, sed pellere vallo
Missilibus certant.

Parte alia horrendus visu quassabat Etruscum
Pinum, et fumiferos infert Mezentius ignis.

At Messapus equum domitor, Neptunia proles,
Rescindit vallum, et scalas in moenia poscit.

Vos, o Calliope, precor, adspirate canenti;
Quas ibi tunc ferro strages, quae funera Turnus
Ediderit; quem quisque virum demiserit Orco:
Et mecum ingentis oras evolvite belli.

Et meministis enim, divae, et memorare potestis,
Turris erat vasto suspectu, et pontibus altis,
Opportuna loco: summis quam viribus omnes
Expugnare Itali, summaque evertere opum vi.
Certabant: Trois contra defendere saxis.

Perque cavas densi tela intorquere fenestras.
Princeps ardentem coniecit lampada Turnus,
Et flammam adfixit lateri; quae plurima vento
Conripuit tabulas, et postibus haesit adesis.
Turbati trepidare intus, frustraue malorum
Velle fugam. Dum se glomerant, retroque residunt
In partem, quae peste caret, tum pondere turris
Procubuit subito, et coelum tonat omne fragore.
Semineces ad terram, inmani mole secuta,
Confixique suis telis, et pectora duro
Transfossi ligno veniunt. Vix unus Helenor,
Et Lycus elapsi: quorum primaevus Helenor,
Maconio regi quem serva Licymnia furtim
Sustulerat, vetitisque ad Trojam miserat armis,
Ense levis nudo, parmaque inglorius alba.
Isque ubi se Turni media inter millia vidit,
Hinc acies, atque hinc acies adstare Latinas;
Ut fera, quae densa venantum saepta corona
Contra tela furit, seseque haud nescia morti
Injicit, et saltu supra venabula fertur;
Haud aliter juvenis medios moriturus in hostis
Inruit; et, qua tela videt densissima, tendit.
At pedibus longe melior Lycus inter et hostis,
Inter et arma, fuga muros tenet, altaque certat
Prendere tecta manu, sociûmque adtingere dextras.
Quem Turnus, pariter cursu teloque secutus,
Increpat his victor: Nostrasne evadere, demens,
Sperasti te posse manus? simul adripit ipsum
Pendentem, et magna muri cum parte revellit:
Qualis, ubi aut leporem, aut candenti corpore cycnum,
Sustulit alta petens pedibus Jovis armiger uncis:
Quaesitum aut matri multis balatibus agnum
Martius a stabulis rapuit lupo. Undique clamor
Tollitur. Invadunt, et fossas aggere complent,

Ardentis taedas alii ad fastigia jactant.
 Ilioneus saxo, atque ingenti fragmine montis
 Lucetium, portae subeuntem, ignisque ferentem ;
 Emathiona Liger, Corynaeum sternit Asylas :
 Hic jaculo bonus, hic longe fallente sagitta.
 Ortygium Caeneus, victorem Caenea Turnus :
 Turnus Itym, Cloniumque, Dioxippum, Promolumque,
 Et Sagarim, et summis stantem pro turribus Idau :
 Privernum Capys. Hunc primo levis hasta Temillae
 Strinxerat : ille manum projecto tegmine demens
 Ad volnus tulit. Ergo alis adlabsa sagitta,
 Et laevo adfixa est lateri manus, abditaque intus
 Spiramenta animae letali vulnere rumpit.
 Stabat in egregiis Arcentis filius armis ;
 Pictus acu chlamydem, et ferrugine clarus Hilera,
 Insignis facie, genitor quem miserat, Arcens,
 Eductum Martis luo, Symaethia circum
 Flumina : pinguis ubi et placabilis ara Palici.
 Stridentem fundam, positis Mezentius hastis,
 Ipse ter adducta circum caput egit habena ;
 Et media adversi liquefacto tempora plumbo
 Diffidit, ac multa porrectum extendit arena.
 Tum primum bello celerem intendisse sagittam
 Dicitur, ante feras solitus terrere fugaces,
 Ascanius, fortisique manu fuisse Numanum ;
 Cui Remulo cognomen erat ; Turnique minorem
 Germanam nuper thalamo sociatus habebat.
 Is primam ante aciem digna atque indigna relatu
 Vociferans, tumidusque novo praecordia regno
 Ibat, et ingentem sese clamore ferebat :
 Non pudet obsidione iterum valloque teneri,
 Bis capti Phryges, et Marte praetendere muros ?
 En, qui nostra sibi bello connubia poscunt !
 Quis Deus Italiani, quae vos dementia adegit ?

Non hic Atridae, nec fandi fictor Ulixes.
Durum ab stirpe genus, natos ad flumina primum
Deferimus, saevoque gelu duramus et undis:
Venatu invigilant pueri, silvasque fatigant:
Flectete ludus equos, et spicula tendere cornu.
At patiens opecum parvoque adsueta Juventus
Aut castris terram domat, aut quatit oppida bello.
Omne aevom secco teritur, versaque juvencūm
Tecga fatigamus hasta: nec tacda senectus
Debilitat vires animi, mutatque vigorem.
Canitiem galea pœmimus; semperque cecentis
Conportace juvat pœadas, et vivere raptō.
Vobis picta croco et fulgenti murice vestis,
Desidiaē codi; juvat indulgece choceis:
Et tunicae manicas, et habent cedimicula mitrae.
O voce Phrygiae, neque enim Phryges, ite pec aīta
Dindyma; ubi adsuētis biforem dat tibia cantum.
Tympana vos buxusque vocant Bececyntia matcis
Idaeae. Sinite arma viris, et cedite ferro.
Talia jactantem dictis, ac dica canentem
Non tulit Ascanius; nervoque obveccsus equino
Intendit telum, diversaue brachia ducens
Constitit, ante Jovem supplex pec vota pœcatus:
Juppitēc omnipotens, audacibus adnue coeptis.
Ipse tibi ad tua templa fecam sollempnia dona,
Et statuam ante aras aurata fronte juvencūm
Candentem, pariterque caput cum matre fecentem,
Jam cocnu petat, et pedibus que spargat acenam.
Audiit, et caeli Genitor de parte secena
Intonuit laevum: sonat una fatifer arcus.
Effugit horcendum stcidens adducta sagitta:
Perque caput Remuli venit, et cava tempota ferro
Trajicit. I, verbis virtutem include superbis.
Bis capti Phcyges haec Rutulis cespona cemitunt.

Hoc tantum Ascanius. Teucri clamore sequuntur,
 Lactitiaque fremunt, animosque ad sidera tollunt.
 Aetheria tum forte plaga crinitus Apollo
 Desuper Ausonias acies urbemque videbat,
 Nube sedens, atque his victorem adfatur Iulū:
 Macte nova virtute, puer; sic itur ad astra,
 Dis genite, et geniture deos. Jure omnia bella
 Gente sub Assaraci fato ventura resident:
 Nec te Troja capit. Simul haec effatus, ab alto
 Aethere se mittit, spirantis dimovet auras,
 Ascaniumque petit. Formam tum vertitur oris
 Antiquom in Buten. Hic Dardanio Anchisae
 Armiger ante fuit, fidusque ad limina custos.
 Tum comitem Ascanio pater addidit. Ibat Apollo
 Omnia longaevo similis, vocemque, coloremque,
 Et crinis albos; et saeva sonoribus arma:
 Atque his ardentem dictis adfatur Iulū:
 Sit satis, Aeneide, telis inpune Numanum
 Oppetiisse tuis: Primam hanc tibi magnus Apollo
 Concedit laudem, et paribus non invidet armis.
 Cetera parce, puer, bello. Sic orsus Apollo
 Mortalis medio adspectus sermone reliquit,
 Et procul in tenuem ex oculis evanuit auram.
 Adgnovere Deum procures divinaque tela
 Dardanidae, pharetramque fuga sensere sonantem.
 Ergo avidum pugnae, dictis ac numine Phoebi,
 Ascanium prohibent: ipsi in certamina rursus
 Succedunt, animasque in aperta pericula mittunt:
 It clamor totis per propugnacula muris:
 Intendunt acris arcus, amentaue torquent.
 Sternitur omne solum telis: tum scuta, cavaeque
 Dant sonitum fictu galeae: pugna aspera surgit.
 Quantum ab occasu veniens pluvialibus Haedis
 Verberat imber humum: quam multa grandine nimbi

In vada praecipitant ; quum Juppiter horridus austris
Torquet aquosam hiemem, et coelo cava nubila rumpit,
Pandarus et Bitias, Idaeo Alcanore creti,
Quos Jovis eduxit luco silvestris Hiera,
Abietibus Juvenes patriis et montibus aequos,
Portam, quae ducis imperio commissa, recludunt
Freti armis, ultroque invitant moenibus hostem.
Ipsi intus dextra ac laeva pro turribus adstant
Armati ferro, et cristis capita alta corusci :
Quales aëriae liquentia flumina circum,
Sive Padi ripis, Athesim seu propter amoenum,
Consurgunt geminae quercus, intonsaque coelo
Adtoilant capita, et sublimi vertice nutant.
Inrumpunt, aditus Rutuli ut videre patentis.
Continuo Quereens, et pulcher Aquicolus armis,
Et praeceps animi Tmarus, et Mavortius Haemon,
Agminibus totis aut versi terga dedere,
Aut ipso portae posuere in limine vitam.
Tum magis increscunt animis discordibus irae,
Et jam collecti Troës glomerantur eodem,
Et conferre manum, et procurrere longius audent.
Ductori Turno, diversa in parte furenti,
Turbantique viros, perfertur nuntius, hostem
Fervere caede nova, et portas praebere patentis.
Deserit inceptum, atque inhumani concitus ira
Dardaniam ruit ad portam, fratresque superbos :
Et primum Antiphaten, is enim se primus agebat,
Thebana de matre nothum Sarpedonis alti,
Conjecto sternit jaculo. Volat itala cornus
Aëra per tenerum, stomachoque infixam sub altum
Pectus abit : reddit specus atri vulneris undam
Spumantem, et fixo ferrum in pulmone tepescit. [num :
Tum Meropem atque Erymantha manu, tum sternit Aphid-
Tum Eitiam ardentem oculis, animisque frementem,

Non jaculo : neque enim jaculo vitam ille dedisset :
 Sed magnum stridens contorta phalarica venit,
 Fulminis acta modo : quam nec duo taurea terga,
 Nec duplici squama lorica fidelis et auro
 Sustinuit : conlapsa ruunt inmania membra.
 Dat tellus gemitum, et clipeum super intonat ingens.
 Qualis in Euboico Bajarum litore quondam
 Saxea pila cadit ; magnis quam molibus ante
 Constructam ponto jaciunt : sic illa ruinam
 Prona trahit, penitusque vadis inlisa recumbit.
 Miscent se maria, et nigrae adtolluntur arenae.
 Tum sonitu Prochyta alta tremit, durumque cubile
 Inarime Jovis imperiis inposta Typhoeo.
 Hic Mars armipotens animum viresque Latinis
 Addidit, et stimulos acris sub pectore vertit :
 Inmisitque fugam Teucris, atrumque timorem.
 Undique conveniunt ; quoniam data copia pugnae
 Bellatorque animos Deus incidit.
 Pandarus, ut fuso germanum corpore cernit,
 Et quo sit Fortuna loco, qui casus agat res,
 Portam vi multa converso cardine torquet
 Obnixus latis humeris, multosque suorum
 Moenibus exclusos duro in certamine linquit :
 Ast alios secum includit recipitque ruentis.
 Demens ! qui Rutulum in medio non agmine regem
 Viderit inrumpentem, ultroque incluserit urbi :
 Inmanem veluti pecora inter inertia tigrina.
 Continuo nova lux oculis offulsit, et arma
 Horrendum sonuere : tremunt in vertice cristae
 Sanguineae, clipeoque micantia fulmina mittunt.
 Adgnosunt faciem invisam atque inmania membra
 Turbati subito Aeneadae. Tum Pandarus ingens
 Emicat, et mortis fraternae fervidus ira
 Effatur : Non haec dotalis regia Amatae,

Nec muris cohibet patriis media Ardea Turnum.
Castra inimica vides: nulla hinc exire potestas.
Olli subridens sedato pectore Turnus:
Incipe, si qua animo virtus, et consere dextram:
Hic etiam inventum Priamo narrabis Achillem.
Dixerat. Ille rudem nodis et cortice crudo
Intorquet summis adnexus viribus hastam.
Excepere aurae vulnus; Saturnia Juno
Detorsit veniens, portaeque infigitur hasta.
At non hoc telum, mea quod vi dextera versat,
Effugies: neque enim is teli nec vulneris auctor.
Sic ait, et sublatum alte consurgit in ensem,
Et mediam ferro gemina inter tempora frontem
Dividit, inpubesque inmani vulnere malas.
Fit sonus: ingenti concussa est pondere tellus.
Conlapsos artus atque arma cruenta cerebro
Sternit humi moriens: atque illi partibus aequis
Huc caput atque illuc humero ex utroque pependit.
Diffugiunt versi trepida formidine Troes.
Et si continuo victorem ea cura subisset,
Rumpere claustra manu sociosque inmittere portis,
Ultimus ille dies bello gentique fuisset.
Sed furor ardentem caedisque insana cupido
Egit in adversos.
Principio Phalerim, et succiso poplite Gygen
Excipit: hinc raptas fugientibus ingerit hastas
In tergus. Juno vires animumque ministrat.
Addit Halym comitem, et confixa Phegea parma;
Ignaros deinde in muris Martemque cientis
Alcandrumque Haliumque Noëmonaque Prytanimque,
Lyncea tendentem contra, sociosque vocantem,
Vibranti gladio connixus ab aggere dexter
Occupat: huic uno dejectum comminus ictu
Cum galea longe jacuit caput. Inde ferarum

Vastatorem Amycum, quo non felicior alter
Unguere tela manu, ferrumque armare veneno:
Et Clytium Aeoliden, et amicum Crethea Musis;
Crethea Musarum comitem, cui carmina semper
Et citharac cordi, numerosque intendere nervis:
Semper equos, atque arma virum, pugnasque canebat.
Tandem ductores, audita caede suorum,
Conveniunt Teucris, Mnestheus acerque Serestus;
Palantisque vident socios, hostemque receptum.
Et Mnestheus: Quo deinde fugam, quo tenditis? inquit.
Quos alios muros, quae jam ultra moenia habetis?
Unus homo, et vestris, o cives, undique saeptus
Aggerribus, tantas strages impune per urbem
Ediderit? juvenum primos tot miserit Orco?
Non infelicit patriae veterumque Deorum,
Et magni Aeneae segnes miseretque pudetque?
Talibus adcesi firmantur, et agmine denso
Consistunt. Turnus paullatim excedere pugna,
Et fluvium petere, ac partem, quae cingitur amni.
Acrius hoc Teucris clamore incumbere magno,
Et glomerare manum: ceu saevum turba leonem
Cum telis premit infensis: at territus ille,
Asper, acerba tuens, retro redit: et neque terga
Ira dare aut virtus patitur: nec tendere contra
Ille, quidem hoc cupiens, potis est per tela virosque.
Haud aliter retro dubius vestigia Turnus
Inproperata refert, et mens exaestuat ira.
Quin etiam bis tum medios invaserat hostes:
Bis confusa fuga per muros agmina vertit.
Sed manus e castris propere coit omnis in unum;
Nec contra vires audet Saturnia Juno
Sufficere, aëriam coelo nam Jupiter Irim
Demisit, germanae haud mollia jussa ferentem;
Ni Turnus cedat Teucrorum moenibus altis.

Ergo nec clipeo juvenis subsistere tantum,
 Nec dextra valet: injectis sic undique telis
 Obruitur. Strepit adsiduo cava tempora circum
 Tinnitu galea, et saxis solida aera fatiscunt;
 Discussaeque jubae capiti: nec sufficit umbo
 Ictibus: ingeminant hastis et Troes et ipse
 Fulmineus Mnestheus. Tum toto corpore sudor
 Liquitur, et piceum, nec respirare potestas,
 Flumen agit: fessos quatit acer anhelitus artus.
 Tum demum praeceps saltu sese omnibus armis
 In fluvium dedit. Ille suo cum gurgite flavo
 Adcepit venientem, ac mollibus extulit undis;
 Et laetum sociis abluta caede remisit.

P U B L I I

V I R G I L I I

M A R O N I S

A E N E I D O S

L I B E R D E C I M U S.

PANDITUR interea domus omnipotentis Olympi,
Conciliumque vocat Divûm pater atque hominum rex
Sideream in sedem : terras unde arduus omnes,
Castraque Dardanidum adspectat, populosque Latinos.
Considunt rectis bipatentibus. Incipit ipse:
Coelicolae magni, quia nam sententia vobis
Versa retro, tantumque animis certatis iniquis ?
Abnueram bello Italiam concutere Teucris.
Quae contra vetitum discordia? quis metus aut hos
Aut hos arma sequi, ferrumque lacessere suasit ?
Adveniet justum pugnae, ne arcessite, tempus,
Cum fera Carthago Romanis arcibus olim
Exitium magnum atque Alpes inmisset apertas:
Tum certare odiis, tum res rapuisse licebit,
Nunc sinite ; et placitum laeti componite foedus.
Juppiter haec paucis: at non Venus aurea contra
Pauca refert.

O Pater, o hominum Divûmque aeterna potestas!
(Namque aliud quid sit, quod jam inplorare quæamus?)
Cernis ut insultent Rutuli ; Turnusque feratur
Per medios insignis equis, tumidusque secundo
Marte ruat ? Non clausa tegunt jam moenia Teucros:
Quin intra portas, atque ipsis proelia miscent

K

Aggeribus moerorum, et inundant sanguine fossas.
Aeneas ignarus abest. Numquamne levare
Obsidione sines? muris iterum imminet hostis
Nascentis Trojae: nec non exercitus alter:
Atque iterum in Teucros Actolis surgit ab Arpis
Tydides. Equidem, credo, mea volnera restant:
Et tua progenies mortalia demoror arma.
Si sine pace tua, atque invito numine Troës
Italiam petiere; luant peccata: neque illos
Juveris auxilio. Sin tot responsa secuti,
Quae Superi Manesque dabant; cur nunc tua quisquam
Vertere jussa potest? aut cur nova condere fata?
Quid repetam exustas Erycino in litore classis?
Quid tempestatum regem, ventosque furentis
Aeolia excitos? aut actam nubibus Irim?
Nunc etiam Manis, haec intentata manebat
Sors rerum, movet, et superis inmissa repente
Alecto, medias Italûm bacchata per urbis.
Nil super imperio moveor: speravimus ista,
Dum Fortuna fuit: vincant, quos vincere mavis.
Si nulla est regio, Teucris quam det tua conjux
Dura; per eversae, genitor, fumantia Trojae
Excidia obtestor: liceat dimittere ab armis
Incolumem Ascanium, liceat superesse nepotem.
Aeneas sane ignotis jactetur in undis;
Et, quamcumque viam dederit Fortuna, sequatur.
Hunc tegere, et dirae valeam subducere pugnae.
Est Amathus, est celsa mihi Paphus, atque Cythera,
Idaliaeque domus. Positis inglorius armis
Exigat hic aevum. Magna ditione jubeo
Carthago premat Ausoniam. Nihil urbibus inde
Obstabit Tyriis. Quid pestem evadere belli
Juvit, et Argolicos medium fugisse per ignis?
Totque maris, vastaeque exhausta pericula terrae,

Dum Latium Teucrici recidivaque Pergama quaerunt ?
 Non satius cineres patriae insedissee supremos,
 Atque solum, quo Troja fuit ? Xanthum et Simoënta
 Redde, oro, miseris : iterumque revolvere casus
 Da, pater, Iliacos Teucros. Tum regia Juno
 Acta furore gravi : Quid me alta silentia cogis
 Rumpere, et obductum verbis volgare dolorem ?
 Aenean hominum quisquam divûmque subegit
 Bella sequi, aut hostem regi se inferre Latino ?
 Italiam fati petiit auctoribus ; esto :
 Cassandrae impulsus furiis. Num linquere castra
 Hortati sumus, aut vitam committere ventis ?
 Num puero summam belli, num credere muros ?
 Tyrrhenamve fidem, aut gentis agitare quietas ?
 Quis Deus in fraudem, quae dura potentia nostri
 Egere ? Ubi hîc Juno, demissave nubibus Iris ?
 Indignum est, Italos Trojam circumdare flammis
 Nascentem, et patria Turnum consistere terra :
 Cui Pileus avus, cui diva Venilia mater.
 Quid face Trojanos atra vim ferro Latinis ?
 Arva aliena iugo premere, atque avertere praedas ?
 Quid soceros legere, et gremiis abducere pactas ?
 Pacem orare manu, praefigere puppibus arma ?
 Tu potes Aenean manibus subducere Grajûm,
 Proque viro nebulam et ventos obtendere inanes :
 Et potes in totidem classem convertere Nymphas :
 Nos aliquid Rutulos contra juvisse, nefandum est.
 Aeneas ignarus abest : ignarus et absit.
 Est Paphus, Idaliumque tibi, sunt alta Cythera.
 Quid gravidam bellis urbem, et corda aspera tentas ?
 Nosne tibi fluxas Phrygiae res vertere fundo
 Conamur ? nos ? an miseros qui Troas Achivis
 Objecit ? quae caussa fuit consurgere in arma
 Europamque Asiamque, et foedera solvere furto ?

Me duce Dardanius Spartam expugnavit adulter?
Aut ego tela dedi, fovive Cupidine bella?
Tunc decuit metuisse tuis: nunc sera querelis
Haud justis adsurgis, et inrita jurgia jactas.
Talibus orabat Juno: cunctique fremebant
Coelicolae adsensu vario. Ceu flamina prima,
Cum deprenta fremunt silvis, et caeca volutant
Murmura, venturos nautis prodentia ventos.
Tum Pater omnipotens, rerum cui summa potestas,
Infit. Eo dicente Deum domus alta silescit,
Et tremefacta solo tellus; silet arduus aether:
Tum Zephyri posuere: premit placida aequora pontus.
Adcipite ergo, animis atque haec mea figite dicta.
Quandoquidem Ausonios conjungi foedere Teucris
Haud licitum; nec vestra capit discordia finem:
Quae cuique est Fortuna hodie, quam quisque secat spem,
Tros Rutulusve fuit, nullo discrimine habebo:
Seu fatis Italum castra obsidione tenentur,
Sive errore malo Trojae monitisque sinistris.
Nec Rutulos solvo. Sua cuique exorsa laborem
Fortunamque ferent. Rex Juppiter omnibus idem,
Fata viam invenient. Stygii per flumina fratris:
Per pice torrentis, atraque voragine ripas
Adnuit, et totum nutu tremefecit Olympum.
Hic finis fandi. Solio tum Juppiter aureo
Surgit, coelicolae medium quem ad limina ducunt,
Interea Rutuli portis circum omnibus instant
Steruere caede viros, et moenia cingere flammis.
At legio Aeneadum vallis obsessa tenetur:
Nec spes ulla fugae. Miseri stant turribus altis
Nequidquam, et rara muros cinxere corona.
Asius Imbrasides, Hicetaoniusque Thymoetes,
Assaracique duo, et senior cum Castore Thybris,
Prima acies, Hos germani Sarpedonis ambo,

Et Clarus, et Haemon, Lycia comitantur ab alta.
 Fert ingens toto connixus corpore saxum,
 Haud partem exiguum montis, Lyrnessius Acmon,
 Nec Clytio genitore minor, nec fratre Menestheo.
 Hi jaculis, illi certant defendere saxis,
 Molirique ignem, nervoque aptare sagittas.
 Ipse inter medios, Veneris justissima cura,
 Dardanius caput, ecce, puer detectus honestum :
 Qualis gemma micat, fulvum quae dividit aurum,
 Aut collo decus, aut capiti : vel quale per artem
 Inclusum baxo, aut Oricia terebintho
 Lucet ebur : fuso cervix cui lactea crinis
 Adcipit, et molli subnectens circulus auro,
 Te quoque magnanimae viderunt, Ismare, gentes
 Volnera dirigere, et calamos armare veneno.
 Maconia genere domo : ubi pingua culta
 Exercentque viri, Pactolosque inrigat auro,
 Aduit et Mnestheus, quem pulsi pristina Turni
 Aggere moerorum sublimem gloria tollit ;
 Et Capys : hinc nomen Campanae ducitur urbi.

Illi inter sese duri certamina belli
 Contulerant : media Aeneas freta nocte secabat.
 Namque ut ab Euandro castris ingressus Etruscis,
 Regem adit, et regi memorat nomenque genusque ;
 Quidve petat, quidve ipse ferat, Mezentius arma
 Quae sibi conciliet, violentaque pectora Turni,
 Edocet : humanis quae sit fiducia rebus
 Admonet, inmiscetque preces. Haud fit mora : Tarchon
 Jungit opes, foedusque ferit : tum libera fati
 Classem conscendit jussis gens Lydia Divum,
 Externo comissa duci. Aeneïa puppis
 Prima tenet, rostro Phrygios subjuncta leones :
 Inminet Ida super, profugis gratissima Teucris.
 Hic magnus sedet Aeneas, secumque volutat

Eventus belli varios: Pallasque sinistro
 Adfixus lateri jam quaerit sidera, opacae
 Noctis iter, jam quae passus terraque marique.

Pandite nunc Helicon, Dene, cantusque movete;
 Quae manus interea Tuscis comitetur ab oris
 Aenean, armetque rates, pelagoque vehatur.
 Massicus aerata princeps secat aquora Tigri:
 Sub quo mille manus juvenum, qui moenia ClusI,
 Quique urbem liquere Cosas: quis tela, sagittae,
 Corytique leves humeris, et letifer arcus.
 Una torvus Abas. Huic totum insignibus armis
 Agmen, et aurato fulgebat Apolline puppis.
 Sexcentos illi dederat Populonia mater
 Expertos belli juvenes: ast Ilva trecentos
 Insula, inexhaustis Chalybum generosa metallis.
 Tertius, ille hominum divûmque interpres Asylas,
 Cui pecudum fibrae, coeli cui sidera parent,
 Et linguae volucrum, et praesagi fulminis ignes,
 Mille rapit densos acie, atque horrentibus hastis.
 Hos parere jubent Alpheae ab origine Pisae:
 Urbs Etrusca solo. Sequitur pulcherrimus Astur,
 Astur equo fidens, et versicoloribus armis.
 Tercentum adjiciunt, mens omnibus una sequendi,
 Qui Caerete domo, qui sunt Minionis in arvis.
 Et Pyrgi veteres, intempestaeque Graviscae.
 Non ego te, Ligurum ductor fortissime bello,
 Transierim, Cinyra, et paucis comitate Cupavo,
 Cujus olorinae surgunt de vertice pennae:
 Crimen amor vestrum, formaeque insigne paternae.
 Namque ferunt, luctu Cycnum Phaëthontis amati,
 Populeas inter frondis, umbramque sororum
 Dum canit, et maestum Musa solatur amorem,
 Canentem molli pluma duxisse senectam;
 Linquentem terras, et sidera voce sequentem.

Filius, aequalis comitatus classe catervas,
Ingentem remis Centaurum promovet: ille
Instat aquae, saxumque undis immane minatur
Arduus, et longa sulcat maria alta carina.
Ille etiam patriis agmen ciet Ocnus ab oris,
Fatidicae Mantus et Tusci filius amnis:
Qui muros matrisque dedit tibi, Mantua, nomen;
Mantua dives avis. Sed non genus omnibus unum.
Gens illi triplex, populi sub gente quaterni:
Ipsa caput populis: Tusco de sanguine vires.
Hinc quoque quingentos in se Mezentius armat,
Quos patre Benaco velatus arundine glauca
Mincius infesta ducebat in aequora pinu.
It gravis Aulestes, centenaque arbore fluctus
Verberat adsurgens: spumant vada marmore verso.
Hunc vehit immanis Triton, et caerula concha
Exterrens freta: cui laterum tenuis hispida nanti
Frons hominem praefert, in pristinis desinit alvus;
Spumea semifero sub pectore murmurat unda.
Tot lecti proceres ter denis navibus ibant
Subsidio Trojae, et campos salis aere secabant.

Jamque dies coelo concesserat: almaque curru
Noctivago Phoebe medium pulsabat Olympum:
Aeneas, neque enim membris dat cura quietem,
Ipse sedens clavumque regit velisque ministrat.
Atque illi medio in spatio chorus, ecce, suarum
Occurrit comitum: Nymphae (quas alma Cybebe
Numen habere maris, Nymphasque e navibus esse
Jusserat) innabant pariter, fluctusque secabant,
Quot prius aeratae steterant ad litora prorae.
Adgnoscent longe regem, lustrantque choreis.
Quarum, quae fandi doctissima, Cymodocea
Pone sequens dextra puppim tenet, ipsaque dorso
Eminet, ac laeva tacitis subremigat undis.

Tum sic ignarum adloquitur: *Vigilans, Deum gens,*
Aenea? vigila, et velis immitte rudentes.
Nos sumus Idaeae sacro de vertice pinus,
Nunc pelagi Nymphae, classis tua. Perfidus ut nos
Præcipites ferro Rutulus flammaque premebat,
Rupimus invitæ tua vincula, teque per æquor
Quærimus. Hanc genetrix faciem miserata refecit,
Et dedit esse deas, ævumque agitare sub undis.
At puer Ascanius muro fossisque tenetur
Tela inter media atque horrentis Marte Latinos.
Jam loca jussa tenent forti permixtus Etrusco
Arcas eques. Medias illis opponere turmas,
Ne castris jungant, certa est sententia Turno.
Surge age, et Aurora socios veniente vocari
Primus in arma jube, et clipeum cape: quem dedit ipse
Invictum Ignipotens, atque oras ambiit auro.
Crastina lux, mea si non irrita dicta putaris,
Ingentes Rutulae spectabit caedis acervos.
Dixerat: et dextra discedens inpulit altam,
Haud ignara modi, puppim. Fugit illa per undas
Ocior et jaculo, et ventos æquante sagitta.
Inde aliae celesant cursus. Stupet inscius ipse
Tros Anchisiades: animos tamen omine tollit.
Tum breviter supera adspectans convexa precatur.
Alma parens Idaea Deum, cui Dindyma cordi,
Turrigeræque urbes, bijugique ad frena leones;
Tu mihi nunc pugnae princeps, tu rite propinques
Augurium, Phrygibusque adsis pede, diva, secundo.
Tantum effatus: et interea revoluta ruebat.
Matura jam luce dies, noctemque fugarat.
Principio sociis edicit, signa sequantur,
Atque animos aptent armis, pugnaeque parent se.
Jamque in conspectu Teucros habet, et sua castra,
Stans celsa in puppi: clipeum cum deinde sinistra

Extulit ardentem. Clamore ad sidera tollunt
 Dardanidae e muris. Spes addita suscitât iras.
 Tela manu jaciunt: quales sub nubibus atris
 Strymoniae dant signa grues, atque aethera tranant
 Cum sonitu, fugiuntque notos clamore secundo.
 At Rutulo regi ducibusque ea mira videri
 Ausoniis; donec versas ad litora puppis
 Respiciunt, totumque adlabi classibus aequor.
 Ardet apex capiti, cristisque a vertice flamma
 Funditur, et vastos umbo vomit aureus ignes:
 Non secus, ac liquida si quando nocte cometae
 Sanguinei lugubre rubent, aut Sirius ardor:
 Ille sitim morbosque ferens mortalibus aegris
 Nascitur, et laevo contristat lumine coelum.
 Haud tamen audaci Turno fiducia cessit
 Litora praecipere, et venientis pellere terra.
 [Ultero animos tollit dictis, atque increpat ultro:]
 Quod votis optastis, adest, perfringere dextra:
 In manibus Mars ipse, viri. Nunc conjugis esto
 Quisque suae tectique memor: nunc magna referto
 Facta patrum, laudes. Ultero occurramus ad undam,
 Dum trepidi, egressisque labant vestigia prima.
 Audentis Fortuna juvat.
 Haec ait, et secum versat, quos ducere contra,
 Vel quibus obsessos possit concedere muros.
 Interea Aeneas socios de puppibus altis
 Pontibus exponit: multi servare recursus
 Languentis pelagi, et brevibus se credere saltu:
 Per remos alii. Speculatus litora Tarckon,
 Qua vada non spirant, nec fracta remurmurat unda,
 Sed mare inoffensum crescenti adlabitur aestu;
 Advertit subito proras, sociosque precatur:
 Nunc, o lecta manus, validis incumbite remis;
 Tollite, ferta rates; inimicam findite rostris

Hanc terram, sulcumque sibi premat ipsa carina.
Frangere nec tali puppim statione recuso ;
Adrepta tellure semel. Quae talia postquam
Effatus Tarchon, socii consurgere tonsis,
Spumantisque rates arvis inferre Latinis :
Donec rostra tenent siccum, et sedere carinae
Omnes innocuae. Sed non puppis tux, Tarchon;
Namque inflicta vadis dorso dum pendet iniquo,
Anceps sustentata diu, fluctusque fatigat,
Solvitur, atque viros mediis exponit in undis :
Fragmina remorum quos et fluitantia transtra
Impediunt, retrahitque pedem simul unda relabens.
Nec Turnum segnis retinet mora : sed rapit acer
Totam aciem in Teucros, et contra in litore sistit.
Signa canunt. Primus turmas invasit agrestes
Aeneas, omen pugnae; stravitque Latinos,
Occiso Therone, virum qui maximus ultro
Aenean petit. Huic gladio perque aerea suta,
Per tunicam squalentem auro, latus haurit apertum.
Inde Lichan ferit, exsectum jam matre peremta,
Et tibi, Phoebe, sacrum ; casus evadere ferri
Quod licuit parvo. Nec longe, Cissea durum,
Inmanemque Gyan, sternentes agmina clava,
Dejecit leto : nihil illos Herculis arma,
Nec validae juvere manus, genitorque Melampus,
Alcidae comes, usque gravis cum terra labores
Praebuit. Ecce Pharo, voces dum jactat inertis,
Intorquens jaculum clamanti sistit in ore.
Tu quoque, flaventem prima lanugine nialas
Dum sequeris Clytium infelix, nova gaudia, Cydon ;
Dardania stratus dextra, securos amorum,
Qui juvenum tibi semper erant, miserande, jaceres :
Ni fratrum stipata cohors foret obvia, Phorci
Progenies, septem numero, septenaque tela

Coniungunt. Partim galea clipeoque resultant
 Inrita; deflexit partim stringentia corpus
 Alma Venus. Fidum Aeneas adfatur Achaten:
 Surgere tela mihi, non ullum dextera frustra
 Torserit in Rutulos, steterunt quae in corpore Grajum
 Iliacis campis. Tum magnam conripit hastam,
 Et jacit. Illa volans clipei transverberat acra
 Maeonia, et thoraca simul cum pectore rumpit.
 Huic frater subit Alcanor, fratremque ruentem
 Sustentat dextra: trajecto missa lacerto
 Protinus hasta fugit, servatque cruenta tenorem:
 Dexteraque ex humero nervis moribunda pendit,
 Tum Numitor, jaculo fratris de corpore raptò,
 Aeneam petiit: sed non et figere contra
 Est licitum, magnique femur perstrinxit Achatae.
 Hinc Curibus, fidens primaevo corpore, Clausus
 Advenit, et rigida Dryopen ferit eninus hasta,
 Sub mentum graviter presso, pariterque loquentis
 Vocem animamque rapit, trajecto gutture; at ille
 Fronte ferit terram, et crassum vomit ore cruorem.
 Tris quoque Threïcios Boreae de gente suprema,
 Et tris, quos Idas pater et patria Ismara mittit,
 Per varios sternit casus. Adcurrit Halaeus,
 Auruncaeque manus: subit et Neptunia proles,
 Insignis Messapus equis: expellere tendunt
 Nunc hi, nunc illi: certatur limine in ipso
 Ausoniae. Magno discordes aethere venti
 Proelia ecce tollunt, animis et viribus aequis.
 Non ipsi inter se, non nubila, non mare cedunt:
 Anceps pugna diu: stant obnixa omnia contra.
 Haud aliter Trojanae acies aciesque Latinae
 Concurrunt: haeret pede pes, densusque viro vir.
 At parte ex alia, qua saxa rotantia late
 Impulerat torrens, arbustaque diruta ripis,

Arcadas, insuetos acies inferre pedestris,
 Ut vidit Pallas Latio dare terga sequaci,
 Aspera quâ natura loci dimittere quando
 Suasit equos; unum quod rebus restat egenis,
 Nunc prece, nunc dictis virtutem accendit amaris :
 Quo fugitis, socii? per vos, et fortia facta,
 Per ducis Euandri nomen, devictaque bella,
 Spemque meam, patriae quae nunc subit aemula laudi,
 Fidite ne pedibus. Ferro rumpenda per hostis
 Est via, qua globus ille virum densissimus urget :
 Hac vos, et Pallanta ducem patria alta reposcit.
 Numina nulla premunt : mortali urgemur ab hoste
 Mortales : totidem nobis animaeque manusque.
 Ecce, maris magna claudit nos objice pontus :
 Deest jam terra fugae. Pelagus Trojamne petemus?
 Haec ait, et medius densos prorumpit in hostis.
 Obvius huic primum, fatis adductus iniquis,
 Fit Lagus : hunc, magno vellit dum pondere saxum,
 Intorto figit telo, discrimina costis
 Per medium qua spina dedit : hastamque receptat
 Ossibus haerentem. Quem non super occupat Hisbo,
 Ille quidem hoc sperans : nam Pallas ante ruentem,
 Dum furit incautum crudeli morte sodalis,
 Excipit, atque ense tumido in pulmone recondit,
 Hinc Sthenelum petit, et Rhoeti de gente vetusta
 Anchemolum, thalamos ausum incestare novercae.
 Vos etiam gemini Rutulis cecidistis in arvis,
 Daucia, Laride Thymerque, simillima proles,
 Indiscreta suis, gratusque parentibus error.
 At nunc dura dedit vobis discrimina Pallas :
 Nam tibi, Thymbre, caput Euandrius abstulit ensis :
 Te decisa suum, Laride, dextera quaerit ;
 Semanimesque micant digiti, ferrumque retractant,
 Arcadas accensos monitu, et praeclara tuentea

Facta viri, mixtus dolor et pudor armat in hostes.
 Tum Pallas, bijugis fugientem Rhoetea praeter
 Trajicit. Hoc spatium, tantumque morae fuit illo:
 Illo namque procul validam direxerat hastam:
 Quam medius Rhoeteus intercipit, optime Teuthra,
 Te fugiens, fratremque Tyren: curruque volutus
 Caedit semanimis Rutulorum calcibus arva.
 Ac velut optato, ventis aestate coortis,
 Dispersa inmittit silvis incendia pastor:
 Conreptis subito mediis, extenditur una
 Horrida per latos acies Volcania campos:
 Ille sedens victor flammam despectat ostantis.
 Non aliter socium virtus coit omnis in unum:
 Teque juvat, Palla. Sed bellis acer Halesus
 Tendit in adversos, seque in sua colligit arma.
 Hic mactat Ladona; Pheretaque, Demodocumque:
 Strymonio dextram fulgenti deripit ense
 Elatam in jugulum: saxo ferit ora Thoantis,
 Ossaque dispersit cerebro permixta cruento.
 Fata canens silvis genitor celarat Halesum;
 Ut senior leto canentia lumina solvit.
 Injecere manum Parcae, telisque sacrarunt
 Euandri. Quem sic Pallas petit ante precatus:
 Da nunc, Thybri pater, ferro, quod missile libro,
 Fortunam atque viam duri per pectus Halesi.
 Haec arma exuviasque viri tua quercus habebit.
 Audiit illa Deus: dum texit Imaona Halesus,
 Arcadio infelix telo dat pectus inermum.
 At non caede viri tanta perterrita Lausus,
 Pars ingens belli, sinit agmina: primus Abantem
 Oppositum interimit, pugnae nodumque moramque.
 Sternitur Arcadiae proles; sternuntur Etrusci;
 Et vos, o Grajis inperdita corpora, Teucri.
 Agmina concurrunt ducibusque et viribus acquis.

Extremi addensent acies: nec turba moveri
 Tela manusque sinit. Hinc Pallas instat et urgnet,
 Hinc contra Lausus, nec multum discrepat actas,
 Egregii formae; sed quis fortuna negarat
 In patriam reditus. Ipsos concurrere passus
 Haud tamen inter se magni regnator Olympi:
 Mox illos sua fata manent majore sub hoste.
 Interea soror alma monet succurrere Lauso
 Turnum; qui volucris curru medium secat agmen,
 Ut vidit socios: Tempus desistere pugnae.
 Solus ego in Pallanta feror; soli mihi Pallas
 Debetur: cuperem ipse parens spectator adesset.
 Haec ait; et socii cesserunt aequore jussu.
 At Rutulûm abcessu juvenis, tum jussa superba
 Miratus, stupet in Turno, corpusque per ingens
 Lumina volvit, obitque truci procul omnia visu.
 Talibus et dictis it contra dicta tyranni:
 Aut spoliis ego jam raptis laudabor opimis,
 Aut leto insigni. Sorti pater aequus utrique est.
 Tolle minas. Fatus medium procedit in aequor,
 Frigidus Arcadibus coit in praecordia sanguis.
 Desiluit Turnus bijugis: pedes adparat ire
 Comminus. Utque leo, specula cum vidit ab alta
 Stare procul campis meditantem in proelia taurum,
 Advolat; haud alia est Turni venientis imago.
 Hunc ubi contiguum missae fore credidit hastae,
 Ire prior Pallas, si qua fors adjuvet ausum
 Viribus imparibus; magnumque ita ad aethera fatur:
 Per patris hospitium, et mensas, quas advena adisti,
 Te precor, Alcide, coeptis ingentibus adsis:
 Cernat semineci sibi me rapere arma cruenta,
 Victoremque ferant morientia lumina Turni.
 Audiit Alcides juvenem, magnumque sub imo
 Corde premit gemitum, lacrimasque effudit inanes.

Tum Genitor natum dictis adfatur amicis :
 Stat sua cuique dies : breve et inreparabile tempus
 Omnibus est vitae : sed famam extendere factis,
 Hoc virtutis opus. Trojae sub moenibus altis
 Tot gnati cecidere Deum : quin occidit una
 Sarpedon, mea progenies. Et jam sua Turnum
 Fata vocant, metasque dati pervenit ad aevi.
 Sic ait, atque oculos Rutulorum rejicit arvis.
 At Pallas magnis emittit viribus hastam,
 Vaginaque cava fulgentem deripit ense.
 Illa volans, humeri surgunt qua tegmina summa,
 Incidit, atque viam clipei molita per oras,
 Tandem etiam magno strinxit de corpore Turni.
 Hic Turnus ferro praefixum robur acuto
 In Pallanta diu librans jacit, atque ita fatur :
 Adspice, num mage sit nostrum penetrabile telum.
 Dixerat ; at clipeum, tot ferri terga, tot aeris,
 Cum pellis totiens obeat circumdata tauri,
 Vibranti medium cuspis transverberat ictu,
 Loricaeque moras, et pectus perforat ingens.
 Ille rapit calidum frustra de vulnere telum :
 Una eademque via sanguis animusque sequuntur.
 Corruit in vulnus : sonitum super arma dedere :
 Et terram hostilem moriens petit ore cruento.
 Quem Turnus super adsistens :
 Arcades, haec, inquit, memores mea dicta referte
 Euandro. Qualem meruit, Pallanta remitto.
 Quisquis honos tumuli, quidquid solamen humandi est,
 Largior. Haud illi stabunt Aeneia parvo
 Hospitia. Et laevo pressit pede, talia fatus,
 Exanimem, rapiens inmania pondera baltei,
 Inpressumque nefas : una sub nocte jugali
 Caesa manus juvenum foede, thalamique cruenti :
 Quae Clonus Eurytides multo caelaverat auro :

Quo nunc Turnus ovat spolio gaudetque potitus.
 Nescia mens hominum fati sortisque futurae,
 Nec servare modum rebus sublata secundis.
 Turno tempus erit, magno cum optaverit emtum
 Intactum Pallanta, et cum spolia ista, diemque
 Oderit. At socii multo gemitu lacrimisque
 Inpositum scuto referunt Pallanta frequentes.
 O dolor, atque decus magnum, rediture parenti;
 Haec te primâ dies bello dedit, haec eadem aufert:
 Cum tamen ingentis Rutulorum linquis acervos!

Nec jam fama mali tanti, sed certior auctor,
 Advolat Acneae, tenui discrimine leti
 Esse suos: tempus versis succurrere Teucris.
 Proxima quaeque metit gladio, latumque per agmen
 Ardens limitem agit ferro; te, Turne, superbum
 Caede nova quaerens. Pallas, Euander, in ipsis
 Omnia sunt oculis: mensae, quas advena primas
 Tunc adiit, dextraeque datae. Sulmone creatos
 Quatuor hic juvenes; totidem, quos educat Ufens,
 Viventis rapit, inferias quos inmolet umbris,
 Captivoque rogi perfundat sanguine flammias.
 Inde Mago procul infensam contenderat hastam;
 Ille astu subit: at tremebunda supervolat hasta.
 Et genua amplexens effatur talia supplex:
 Per patrios manis, per spes surgentis Ilii,
 Te precor, hanc animam serves natoque patrique.
 Est domus alta: jacent penitus defossa talenta
 Caelati argenti: sunt auri pondera facti,
 Infectique mihi. Non hic victoria Teucrum
 Vertitur; aut anima una dabit discrimina tanta.
 Dixerat. Aeneas contra cui talia reddit:
 Argenti atque auri memoras quae multa talenta,
 Gnatias parce tuis. Belli commercia Turnus
 Sustulit ista prior, jam tum Pallante peremto.

Hoc patris Anchisae manes, hoc sentit Iulus.
 Sic fatus galeam laeva tenet, atque reflexa
 Cervice orantis capulo tenuis adplicat ense.
 Nec procul Haemonides, Phoebi Triviaeque sacerdos,
 Infula cui sacra redimibat tempora vitta,
 Totus conlucens veste, atque insignibus armis.
 Quem congressus agit campo, labsumque superstans
 Inmolat, ingentique umbra tegit. Arma Serestus
 Lecta refert humeris, tibi, rex Gradive, tropaeum.
 Instaurunt acies, Volcani stirpe creatus
 Caeculus, et veniens Marsorum montibus Umbro,
 Dardanides contra furit: Anxuris enae sinistram,
 Et totum clipei ferro dejecerat orbem.
 Dixerat ille aliquid magnum, vimque adfore verbo
 Crediderat, coeloque animum fortasse ferebat;
 Canitiemque sibi et longos promiserat annos.
 Tarquitus exsultans contra fulgentibus armis,
 Silvicolae Fauno Dryope quem nymphea crearat,
 Obvius ardenti sese obtulit. Ille reducta
 Loricam clipeique ingens onus inpedit hasta.
 Tum caput orantis nequidquam, et multa parantis
 Dicere deturbat terrae; truncumque tepentem
 Provolvens, super haec inimico pectore fatur:
 Istic nunc, metuende, jace. Non te optima mater
 Condet humi, patriove onerabit membra sepulcro:
 Alitibus linquere feris: aut gurgite mersum
 Unda feret, piscesque in pastu volnera lambent.
 Protenus Antaeum et Lucam, prima agmina Turni,
 Persequitur, fortemque Numam, fulvumque Camertem,
 Magnanimo Volscente satum: ditissimus agri
 Qui fuit Ansonidum, et tacitis regnavit Amyclis.
 Aegaeon qualis, centum cui brachia dicunt,
 Centenasque manus, quinquaginta oribus ignem
 Pectoribusque arsisse, Jovis cum fulmina contra

Tot paribus streperet clipeis, tot stringeret ensis.
 Sic toto Aeneas desaevit in aquore victor,
 Ut semel intepuit mucro. Quin ecce Niphaci
 Quadrijuges in equos adversaque pectora tendit:
 Atque illi longe gradientem, et dira frementem
 Ut videre, metu versi retroque ruentes
 Effundantque ducem, rapiuntque ad litora currus.
 Interea bijugis infert se Lucagus albis
 In medios, fraterque Liger: sed frater habentis
 Flectit equos: strictum rotat acer Lucagus enses.
 Haud tulit Aeneas tanto fervore furentes:
 Inruit, adversaque ingens adparuit hasta.
 Cui Liger:
 Non Diomedes equos, nec currus cernis Achilli,
 Aut Phrygiae campos: nunc belli finis et aevi
 His dabitur terris. Vesano talia late
 Dicta volant Ligeri: sed non et Troïus heros
 Dicta parat contra: jaculum nam torquet in hostem.
 Lucagus, ut pronus pendens in verbera telo
 Admonuit bijugos: projecto dum pede laevo
 Aptat se pugnae, subit oras hasta per imas
 Fulgentis clipei: tum laevum perforat inguen,
 Excussus curru moribundus volvitur arvis.
 Quem pius Aeneas dictis adfatur amans:
 Lucage, nullo tuos currus fuga segnis equorum
 Prodidit, aut vanae vertere ex hostibus umbræ.
 Ipse rotis saliens jūga deseris. Hæc ita fatus
 Adripuit bijugos: Frater tendebat inermes
 Infelix palmas, curru delapsus eodem.
 Per te, per qui te talem genuere parentes,
 Vir Trojane, sine hanc animam, et miserrè pretantia,
 Pluribus oranti Aeneas: haud taka dudum
 Dicta dabas. Mórtrè, et fratrem ne desere frater.
 Tum latebras animæ, pectus, mucrone recludit.

Talia per campos edebat funera ductor
 Dardanius, torrentis aquae vel turbinis atri
 More furens. Tandem erumpunt, et castra relinquunt.
 Ascanius puer, et nequidquam obsessa Juventus.
 Junonem interea compellat Juppiter ultro:
 O germana mihi atque eadem gratissima conjunx,
 Ut rebare, Venus, nec te sententia fallit,
 Trojanas sustentat opes: non virida bello
 Dextra viris, animusque ferox, patiensque pericli.
 Cui Juno summissa: quid, o pulcherrime conjunx,
 Sollicitas aegram, et tua tristia dicta timentem?
 Si mihi, quae quondam fuerat, quamque esse decebat,
 Vis in amore foret; non hoc mihi namque negares,
 Omnipotens; quin et pugnae subducere Turnum,
 Et Dauuo possem incolumem servare parenti.
 Nunc pereat, Teucrisque pio det sanguine poenae.
 Ille tamen nostra deducit origine nomen,
 Pilumnusque illi quartus pater: et tua larga
 Saepe manu, multisque oneravit limina donis.
 Cui rex aetherii breviter sic fatur Olympi:
 Si mora praesentis leti tempusque caduco
 Oratur juveni, meque hoc ita ponere sentis;
 Tolle fuga Turnum, atque instantibus eripe fatia.
 Hactenus induluisse vacat. Sin altior istis
 Sub precibus venia ulla latet, totumque moveri
 Mutarive putas bellum; spes pacis inanis.
 Et Juno adlacrumans: Quid si, quod voce gravaris,
 Mente dares; atque haec Turno rata vita maneret?
 Nunc manet insontem gravis exitus: aut ego veri
 Vana feror, Quod ut o potius formidine falsa
 Ludar, et in melius tua, qui potes, ois reflectas!
 Haec ubi dicta dedit, coelo se protenus alto
 Misit, agens hiemem nimbo succincta, per auras
 Iliacamque aciem, et Laurentia castra petivit.

Tum Dea nube cava tenenti sine viribus umbram
 In faciem Aeneae, visu mirabile monstrum,
 Dardaniis ornat telis; clipeumque jubaque
 Divini adsimulat capitis: dat inania verba;
 Dat sine mente sonum, gressusque effingit euntis.
 Morte obita quales fama est volitare figuras,
 Aut quae sopitos deludunt somnia sensus.
 At primas laeta ante acies exultat imago,
 Irritatque virum telis, et voce lacescit.
 Instat cui Turnus, stridentemque eninus hastam
 Conjicit: illa dato vertit vestigia torgo.
 Tum vero Aenean aversum ut cedere Turnus
 Credidit, atque animo spem turbidus hausit inanem;
 Quo fugis, Aenea? thalamos ne desere pactos:
 Hac dabitur dextra tellus quaesita per undas.
 Talia vociferans sequitur, strictumque coruscant
 Mucronem: nec ferre videt sua gaudia ventos.
 Forte ratis celsi conjuncta crepidine saxi
 Expositis stabat scaliis, et ponte parato;
 Qua rex Clusinis advectus Ominius oris.
 Huc sese trepida Aeneae fugientis imago
 Conjicit in latebras: nec Turnus segnior instat
 Exsuperatque moras, et pontis transilit altos.
 Vix proram attigerat; rumpit Saturnia funem,
 Avolsamque rapit revoluta per aequora navem:
 Illum autem Aeneas absentem in proelia poscit
 Obvia multa virum demittit corpora morti.
 Tum levis haud ultra latebras jam quaerit imago,
 Sed sublime volans nubi se immiscuit atrae.
 Cum Turnum medio interea fert aquore turbos
 Respicit ignarus rerum, ingratusque salutis,
 Et duplices eum voce manus ad sidera tendit:
 Omnipotens genitor, tantum me crimine dignum
 Duxisti, et talis voluisti expendere poenas?

Quo feror? unde abii? quae me fuga, quemve reducet?
 Laurentisne iterum muros aut castra videbo?
 Quid manus illa virum, qui me moerique arma secuti:
 Quosne, nefas, omnis infanda in morte reliqui?
 Et nunc palantis video, genitumque cadentum
 Adcipio. Quid ago? aut quae jam satis ima dehiscat
 Terra mihi? vos o potius miserescite, venti.
 In rupes, in saxa, volens vos Turnus adoro,
 Ferte ratem, saevisque vadis inmittite Syrtes:
 Quo neque me Rutuli, nec conscia fama sequatur.
 Haec memorans, animo nunc huc, nunc fluctuat illuc;
 An sese mucrone ob tantum dedecus amens
 Induat, et crudum per costas exigat ensem:
 Fluctibus an jaciat mediis, et litora nando
 Curva petat, Teucrumque iterum se reddat in arma.
 Ter conatus utramque viam: ter maxima Juno
 Continuit; juvenemque animi miserata repressit.
 Labitur alta secans fluctuque aestuque secundo:
 Et patris antiquam Dauni defertur ad urbem.

At Jovis interea monitis Mezentius ardens
 Succedit pugnae, Teucrosque invadit ovantis.
 Concurrunt Tyrrhenae acies, atque omnibus uni,
 Uni odiisque viro, telisque frequentibus instant.
 Ille (velut rupes, vastum quae prodit in aequor,
 Obvia ventorum furiis, expositaque ponto,
 Vim cunctam, atque minas perfert coelique marisque:
 Ipsa inmota manens) prolem Dolicaonis Hebrum
 Sternit humi, cum quo Latagum, Palmumque fugacem:
 Sed Latagum saxo, atque ingenti fragmine montis
 Occupat os faciemque adversant: poplite Palmum
 Succiso volvi segnem sinit; armaque Lauso
 Donat habere humeris, et vertice figere cristas.
 Nec non Euanthen Phrygium, Paridisque Mimanta
 Aequalem comitemque: una quem nocte Theano

In lucem genitori Amyco dedit, et face praegnans
 Cisseis regina Parin creat: urbe paterna
 Occubat: ignarum Laurens habet ora Mimanta.
 Ac velut ille canum morsu de montibus altis
 Actus aper, multos Vesusulus quem pinifer annos
 Defendit, multosque palus Laurentia, silva
 Pastus arundinea, postquam inter retia ventum est,
 Substitit, infremuitque ferox, et inhorruit armos.
 Nec cuiquam irasci propiusve accedere virtus:
 Sed jaculis tutisque procul clamoribus instant.
 Haud aliter, justae quibus est Mezentius irae,
 Non ulli est animus stricto concurrere ferro:
 Missilibus longe, et vasto clamore lacerant.
 Ille autem inpavidus parca cunctatur in omnis,
 Dentibus infrendens, et tergo decutit hastas.
 Venerat antiquis Corythi de finibus Acron,
 Grajus homo: infectos linquens profugus hymenaeos:
 Hunc ubi miscentem longe media agmina vidit,
 Purpureum pennis et pactae conjugis ostro:
 Inpastus stabula alta leo ceu saepe peragrans,
 Suadet enim vesana fames: si forte fugacem
 Conspexit capream, aut surgentem in cornua cervum.
 Gaudet hians inmane, comasque adrexit, et haeret
 Visceribus super incumbens: lavit improba teter
 Ora cruor:
 Sic ruit in densos alacer Mezentius hostes.
 Sternitur infelix Acron, et calcibus atram
 Tundit humum expirans, infractaque tela cruentat.
 Atque idem fugientem haud est dignatus Orodem
 Sternere, nec jacta caecum dare cuspidē volnus:
 Obvius adversoque occurrit, seque viro vir
 Contulit, haud furto melior, sed fortibus armis
 Tum super abjectum posito pede nixus et hasta:
 Pars belli haud temnenda, viri, jacet altus Orodes.

Conclamant socii laetum Paeani secuti :
 Ille autem exspians : Non me, quicumque es, inulto,
 Victor, nec longum lactabere : te quoque fata
 Prospectant paria, atque eadem mox arva tenebis.
 Ad quem subridens mixta Mezentius ira ;
 Nunc morere. Ast de me Divum pater atque hominum rex
 Viderit. Hoc dicens eduxit corpore telum.
 Olli dura quies oculos et ferreus arguet
 Somnus ; in aeternam clauduntur lumina noctem.
 Caedicus Alcathoum obtruncat, Sacrator Hydaspen :
 Partheniumque Rapo, et praedurum viribus Orsen :
 Messapus Cloniumque Lycaonismque Erichaten ;
 Illum infrenis equi lapsu tellure jacentem,
 Hunc peditem pedes. Et Lycius processerat Agis :
 Quem tamē haud expers Valerū virtutis avitae
 Dejecit : Authronium Salus, Saliumque Nealces,
 Insignis jaculo et longe fallente sagitta.
 Jam gravis atque abbat luctus et mutua Mavors
 Funera : caedebant pariter pariterque ruebant
 Victores victique : neque his fuga nota, neque illis.
 Di Jovis in tectis iram miserantur inanem
 Amborum, et tantis mortalibus esse labores.
 Hinc Venus, hinc contra spectat Saturnia Juno :
 Pallida Tisiphone media inter millia saevit.
 At vero ingentem quatiens Mezentius hastam
 Turbidus ingreditur campo : quam magnus Orion,
 Cum pedes incedit medii per maxima Nerei
 Stagna viam scindens, humero supereminet undas ;
 Aut summis referens annosam montibus ornum,
 Ingrediturque solo, et caput inter nubila condit :
 Talis se vastis infert Mezentius armis.
 Huic contra Aeneas, speculatus in agmine longo,
 Obvius ire parat. Manet imperterritus ille,
 Hostem magnanimum opperiens, et mole sua stat :

Atque oculis spatium emensus, quantum satis hastae :
 Dextra mihi deus, et telum, quod missile libro,
 Nunc adsint : voveo prædonis corpore raptis
 Indutum spoliis ipsum te, Lausæ, tropæum
 Aeneas. Dixit. Stridentemque eminens hastam
 Injicit : illa volans clipeo est excussa, proculque
 Egregium Antorem latus inter et ilia figit :
 Hercules Antorem comitem, qui missus ab Argis
 Haeserat Euandro, atque Italia conq̄derat urbe.
 Sternitur infelix alieno vulnere, cœlumque
 Adspicit, et dulcis moriens reminiscitur Argos.
 Tum pius Aeneas hastam jacit : illa per orbem
 Aere cavum triplici, per lineæ terga, tribusque
 Transiit intextum tauris opus, imaque sedit
 Inguine, sed vires haud pertulit. Ocius ensem
 Aeneas, viso Tyrrheni sanguine laetus,
 Eripit a femine, et trepidanti fervidus instat.
 Ingemuit cari graviter genitoris amore,
 Ut vidit, Lausus : lacrimaeque per bra volutæ.
 Hic mortis duræ casum, tuæque optima facta;
 (Si qua fidem tanto est operiatura vetustas)
 Non equidem nec te, juvenis memorande, silebo.
 Ille pedem referens, et inutilis, inque ligatus
 Cedebat, clipeoque inimicum hastile trahebat.
 Prorumpit juvenis, seseque infrensus armis
 Jamque adsurgentis dextra plagamque ferentis
 Aeneas subiit mucronem, ipsamque morando
 Sustinuit. Socii magno clamore sequuntur ;
 Dum genitor nati parva protectus abiret :
 Telaque conjiciunt, proturbantque eminens hostem
 Missilibus. Furiæ Aelias, tectusque tenet se.
 Ac velut, effusa si quando grandine nimbi
 Praecipitant, omnis campis diffugit erator,
 Omnis et agricola, et tuta latet arce viator,

Aut annis ripis, aut alti fornice saxi,
 Dum pluit; in terris ut possint, sole reducto,
 Exercere diem: sic obrutus undique telis
 Aeneas nubem belli, dum detonet, omnem
 Sustinet, et Lausum increpitat, Lausoque minatur:
 Quo moriture ruis, majoraque viribus audes?
 Fallit te incantum pietas tua. Nec minus ille
 Exsultat demens. Saevae jamque altius irae
 Dardanio surgunt ductori, extremaque Lauso
 Parcae fila legunt: validum namque exigit ense
 Per medium Aeneas juvenem, totumque recondit.
 Transiit et parmam mucro, levia arma, minacis,
 Et tunicam, molli nater quam neverat auro:
 Inplevitque sinum sanguis: tum vita per auras
 Concessit maesta ad manis, corpusque reliquit.
 At vero ut voltum vidit morientis et ora,
 Ora modis Anchisiades pallentis miris,
 Ingemuit miserans graviter, dextramque tetendit:
 Et mentem patriae strinxit pietatis imago.
 Quid tibi nunc, miserande puer, pro laudibus istis,
 Quid pius Aeneas tanta dabit indole dignum?
 Arma, quibus laetatus, habe tua: teque parentum
 Manibus et cineri, si qua est ea cura, remitto.
 Hoc tamen infelix miseram solabere mortem;
 Aeneae magni dextra cadis. Increpat ultro
 Cunctantis socios, et terra sublevat ipsum,
 Sanguine turpantem comtos de more capillos.
 Interea genitor Tiberini ad fluminis undam
 Volnera siccat lymphis, corpusque levabat
 Arboris adclinis trunco. Procul aerea ramis
 Dependet galea, et praeo gravia arma quiescunt.
 Stant lecti circum juvenes: ipse aeger, anhelans
 Colla fovet, fusus propexam in pectore barbam:

Multa super Lauso rogitat, multosque remittit,
Qui revocent, maestique ferant mandata parentis.
At Lausum socii exanimem super arma ferebant
Flentes, ingentem, atque ingenti volnere victum.
Adgnovit longe gemitum praesaga mali mens.
Canitiem multo deformat pulvere, et ambas
Ad coelum tendit palmas, et corpore iuhaeret.
Tantane me tenuit vivendi, nate, voluptas,
Ut pro me hostili paterer succedere dextrae,
Quem genui? Tuane haec genitor per volnera servor,
Morte tua vivens? Heu, nunc misero mihi demum
Exsiliū infelix! nunc alte volnus adactum!
Idem ego, nate, tuum maculavi crimine nomen,
Pulsus ob invidiam solio sceptrisque paternis.
Debueram patriae poenas, odiisque meorum:
Omnis per mortes animam sontem ipse dedissem.
Nunc vivo: neque adhuc homines lucemque relinquo:
Sed linquam. Simul hoc dicens adtollit in aegrum
Se femur; et, quamquam vis alto volnere tardat,
Haud dejectus, equum duci jubet. Hoc decus illi,
Hoc solamen erat: bellis hoc victor abibat
Omnibus. Adloquitur maerentem, et talibus infit:
Rhoebe, diu, res si qua diu mortalibus ulla est,
Viximus. Aut hodie victor spolia illa cruenta,
Et caput Aeneae referes, Lausique dolorum
Ultor eris mecum: aut, aperit si nulla viam vis,
Occumbes pariter. Neque enim, fortissime, credo
Jussa aliena pati, et dominos dignabere Teucros.
Dixit, et exceptus tergo consueta locavit
Membra, manusque ambas jaculis oneravit acutis;
Aere caput fulgens, cristaque hirsutus equina.
Sic cursum in medios rapidus dedit, Aestuat ingens
Uno in corde pudor, mixtoque insania luctu,

[Et Furiis agitatus amor, et conscia virtus:]
 Atque hîc Aenean magna ter voce vocavit.
 Aeneas adgnovit enim, laetusque precatur:
 Sic pater ille. Deum faciat, sic altus Apollo,
 Incipias conferre manum.
 Tantum effatus, et infesta subit obvius hasta.
 Ille autem: Quid me erepto, saevissime, nato
 Terres? haec via sola fuit, qua perdere posses.
 Nec mortem horremus, nec Divum parcimus ulli.
 Desine. Jam venio moriturus, et haec tibi porto
 Dona prius. Dixit, telumque intorsit in hostem:
 Inde aliud super atque aliud figitque volutatque
 Ingenti gyro: sed sustinet aureus umbo.
 Ter circum adstantem laevos equitavit in orbis,
 Tela manu jaciens: ter secum Troïus heros
 Inmanem acrato circumfert tegmine silvam.
 Inde ubi tot traxisse moras, tot spicula taedet
 Vellere, et urguetur pugna congressus iniqua;
 Multa movens animo, jam tandem erumpit, et inter
 Bellatoris equi cava tempora conjicit hastam.
 Tollit se adrectum quadrupes, et calcibus auras
 Verberat, effusumque equitem super ipse secutus
 Implicat, ejectoque incumbit cernuus armo.
 Clamore incendunt coelum Troësque, Latinique.
 Advolat Aeneas, vaginaque eripit ensem,
 Et super haec: Ubi nunc Mezentius acer, et illa
 Effera vis animi? Contra Tyrrhenus, ut auras
 Suspiciens hausit coelum, nientemque recepit:
 Hostis amare, quid increpitas, mortemque minaris?
 Nullum in caede nefas. Nec sic ad proelia veni,
 Nec tecum meus haec pepigit mihi foedera Lausus.
 Unum hoc, per, si qua est victis venia hostibus, oro;
 Corpus humo patiari regi. Scio acerba meorum

Circumstare odia: hunc, oro, defende furorem:

Et me consortem nati concede sepulcro.

Haec loquitur, juguloque haud inscius adcipit ensem,

Undantique animam diffundit in arma cruore.

PUBLI
VIRGILII
MARONIS

AENEIDOS

LIBER UNDECIMUS.

OCEANUM interea surgens Aurora reliquit.
Aeneas, quamquam et sociis dare tempus humanis
Praecipitant curae, turbataque funere mens est,
Vota Deum primo victor solvebat Eo.
Ingentem quercum decisis undique ramis
Constituit tumulo, fulgentiaque induit arma,
Mezentis ducis exuvias; tibi, magne, tropaeum,
Bellipotens: aptat rorantis sanguine cristas,
Telaque trunca viri, et bis sex thoraca petutum
Perfossamque locis: clipeumque ex aere sinistrae
Subligat, atque ensem collo suspendit eburnum.
Tum socios, namque omnis eum stipata tegebat
Turba ducum, sic incipiens hortatur ovantis:
Maxima res effecta, viri. Timor omnis abesto.
Quod superest: haec sunt spolia, et de rege superbo
Primitiae: manibusque meis Mezentius hic est.
Nunc iter ad regem nobis murosque Latinos.
Arma parate, animis et spe praesumite bellum:
Ne qua mora ignaros, ubi primum vellere signa
Adnuerint Superi, pubemque educere castris,
Impediat; segnisque metu sententia tardet.
Interea socios inhumataque corpora terrae
Mandemus: qui solus honos Acheronte sub imo est,

Ite, ait; egregias animas, quae sanguine nobis
Hanc patriam peperere suo, decorate supremis
Muneribus: maestamque Euandri primus ad urbem
Mittatur Pallas, quem non virtutis egentem
Abstulit atra dies, et funere inersit acerbo.
Sic ait inlacrimans, recipitque ad limina gressum:
Corpus ubi exanimi positum Pallantis Acoetes
Servabat senior: qui Parrhasio Euandro
Armiger ante fuit; sed non felicibus aequè
Tum comes auspiciis caro darus ibat alumno.
Circum omnis famulûmque manus, Trojanaque turba,
Et maestum Iliades crinem de more solutae.
Ut vero Aeneas foribus sese intulit altis,
Ingentem gemitum tunsis ad sidera tollunt
Pectoribus, maestoque inmugit regia luctu.
Ipse caput nivei fultum Pallantis et ora
Ut vidit, levique patens in pectore vulnus
Cuspidis Ausoniae, lacrimis ita fatur obortis:
Tene, inquit, miserande puer, cum laeta veniret,
Invidit Fortuna mihi, ne regna videres
Nostra, neque ad sedes victor veherere paternas?
Non haec Euandro de te promissa parenti
Discedens dederam: cum me complexus euntem
Mitteret in magnum imperium, metuensque moneret
Acris esse viros, cum dura proelia gente.
Et nunc ille quidem spe multum captus inani
Fors et vota facit, cumulatque altaria donis.
Nos juvenem exanimum, et nil jam coelestibus ullis
Debentem, vano maesti comitamur honore,
Infelix, nati funus crudele videbis.
Hi nostri reditus, exspectatique triumphi?
Haec mea magna fides? At non, Euandre, pudendis
Volneribus pulsum adspicies: nec sopite dirum
Optabis nato funus pater. Hei mihi, quantum

Praesidium Ansonia, et quantum tu perdis, Iule !
Haec ubi deflevit, tolli miserabile corpus
Imperat, et toto lectos ex agmine mittit
Mille viros, qui supremum comitentur honorem,
Intercintque patris lacrimis; solatia luctus
Exigua ingentis, misero sed debita patri.
Haud segnes alii cratis, et molle feretrum
Arbutis texunt virgis, et vimine querno,
Exstructosque toros obtentu frondis inumbrant.
Hic juvenem agresti sublimem stramine ponunt:
Qualem virgineo demessum police florem,
Seu mollis violae, seu languentis hyacinthi:
Cui neque fulgor adhuc, nec dum sua forma recessit:
Non jam mater alit tellus, viresque ministrat.
Tunc geminas vestis, auroque ostroque rigentis
Extulit Aeneas: quas illi laeta laborum
Ipsa suis quondam manibus Sidonia Dido
Fecerat, et tenui telas discreverat auro.
Harum unani juveni, supremum maestus honorem,
Induit, arsurasque comas obnubit amictu:
Multaque praeterea Laurentis praemia pugnae
Aggerat, et longo praedam jubet ordine duci.
Addit equos, et tela, quibus spoliaverat hostem.
Vinxerat et post terga manus, quos mitteret umbris
Inferias, caeso sparsuros sanguine flammam:
Indutosque jubet truncos hostilibus armis
Ipsos ferre duces, inimicaque nonina figi.
Ducitur infelix aevo confectus Acoetes,
Pectora nunc foedans pugnis, nunc unguibus ora:
Sternitur et toto projectus corpore terrae.
Ducunt et Rutulo perfusus sanguine currus.
Post bellator equus, positus insignibus, Aethon
Et lacrimans, guttisque humectat grandibus ora.
Hastam alii galeamque ferunt; nam cetera Turnus

Victor habet. Tum maesta phalanx, Teucrique sequuntur,
Tyrrhenique duces, et versis Arcades armia.

Postquam omnis longe comitum processerat ordo,
Substitit Aeneas, gemituque haec addidit alto :
Nos alias hinc ad lacrimas eadem horrida belli
Fata vocant. Salve aeternum mihi, maxime Palla,
Aeternumque vale. Nec plura effatus ad altos
Tendebat muros, gressumque in castra ferebat.

Jamque oratores aderant ex urbe Latina,
Velati ramis oleae, veniamque rogantes :
Corpora, per campos ferro quae fusa jacebant,
Redderet, ac tumulo sineret succedere terrae :
Nullum cum victis certamen et aethere cassis :
Parceret hospitibus quondam socerisque vocatis.
Quos bonus Aeneas, haud adspernanda precantis,
Prosequitur venia, et verbis haec insuper addit :
Quaenam vos tanto Fortuna indigna, Latini,
Implicuit bello, qui nos fugiatis amicos ?
Pacem me exanimis, et Martis sorte peremtis
Oratis ? equidem et vivis concedere vellem.
Nec veni, nisi fata locum sedemque dedissent ;
Nec bellum cum gente gero : rex nostra reliquit
Hospitia, et Turni potius se credidit armis.
Aequius huic Turnum fuerat se opponere morti.
Si bellum finire manu, si pellere Teucros
Adparat ; his mecum decuit concurrere telis :
Vixet ; cui vitam Deus aut sua dextra dedisset.
Nunc ite, et miseris sub ponite civibus ignem.
Dixerat Aeneas. Olli obstupere silentes ;
Conversique oculos inter se atque ora tenebant.
Tum senior semperque odiis et crimine Drances
Insensus juveni Turno sic ore vicissim
Orsa refert : O fama ingens, ingentior armis,
Vir Trojane, quibus coelo te laudibus acquiem ?

Justitiæne prius mirer, belline laborum?
 Nos vero hæc patriam grati referemus ad urbem:
 Et te, si qua viam dederit Fortuna, Latino
 Jungemus regi. Quaerat sibi foedera Turnus.
 Quin et fatalis murorum adtollere moles,
 Saxaque subvectare humeris Trojana juvabit.
 Dixerat hæc, unoque omnes eadem ore fremebant.
 Bis senos pepigere dies, et pace sequestra
 Per silvas Teucris, mixtique inpone Latini,
 Erravere jugis. Ferro sonat icta bipenni
 Fraxinus: evértunt ætas ad sidera pinus:
 Robora nec tuncis, et olentem scindere cædum,
 Nec plaustris cessant vectare gementibus ornos.
 Et jam Fama volans, tanti prænuntia luctus,
 Euandram, Euandrique domos et moenia complet,
 Quæ modo victorem Latio Pallanta ferebat.
 Arcades ad portas ruere, et de more vetusto
 Funereas rapuere faces. Luceet via longo
 Ordine flammarum, et late discriminat agros.
 Contra turba Phrygum veniens plangentia jungunt
 Agmina. Quæ postquam matres succedere tectis
 Viderunt, maestam incendunt clamoribus urbem.
 At non Euandram potis est vis ulla tenere:
 Sed venit in medios. Feretro Pallanta reposto
 Procumbit super, atque hæret lacrimansque gemensque,
 Et via vix tandem voci laxata dolore est:
 Non hæc, o Palla, dederas promissa parenti,
 Cautius ut sævo velles te credere Marti.
 Haud ignarus eram, quantum nova gloria in armis,
 Et prædulce decus primo certamine posset.
 Primitiæ juvenis miseræ, bellicque propinqui
 Dura rudimenta, et nulli exaudita Deorum
 Vota precesque meæ! tuque, o sanctissima conjunx,
 Felix morte tua, neque in hunc servata dolorem!

Contra ego vivendo vici mea fata, superstes
 Restarem ut genitor. Troum socia arma secutum
 Obruerent Rutuli telis: animam ipse dedissem,
 Atque haec pompa domum me, non Pallanta, referret.
 Nec vos arguerim, Teucris, nec foedera, nec, quas
 Junimus hospitio, dexteras: sors ista senectae
 Debita erat nostrae. Quod si inmaturo manebat
 Mors natum, caesis Volscorum millibus ante,
 Ducentem in Latium Teucros cecidisse juvabit.
 Quin ego non alio digner te funere, Palla,
 Quam pius Aeneas, et quam magni Phryges, et quam
 Tyrrhenique duces, Tyrrhenum exercitus omnis.
 Magna tropaea ferunt, quos dat tua dextera leto.
 Tu quoque nunc stares inmanis truncus in armis,
 Esset par aetas, et idem si robur ab annis,
 Turne. Sed infelix Teucros quid demoror armis?
 Vadite, et haec memores regi mandata referte:
 Quod vitam moror invisam, Pallante perempto,
 Dextera causa tua est; Turnum gnatoque patrique
 Quam debere vides. Meritis vacat hic tibi solus
 Fortunaque locus. Non vitae gaudia quaero,
 Nec fas: sed nato manis perferre sub imos:

Aurora interea miseris mortalibus almam
 Extulerat lucem, referens opera atque labores.
 Jam pater Aeneas, jam curvo in litore Tarchon
 Constituere pyras. Huc corpora quisque suorum
 More tulere patrum: subjectisque ignibus atris
 Conditur in tenebras altum caligine coelum.
 Ter circum accensos, cineti fulgentibus armis,
 Decurrere rogos: ter maestum funeris ignem
 Lustrare in equis; ululatusque ore dedere
 Spargitur et tellus lacrimis, sparguntur et arma.
 It coelo clamorque virum, clangorque tubarum,
 Hinc alii spolia occisis derepta Latinis

Conjiciunt igni; galeas, ensisque decoros,
Frenaque, ferventisque rotas; pars munera nota,
Ipsorum clipeos, et non felicia tela.

Multa boum circa mactantur corpora Morti;
Saetigerosque sues, raptasque ex omnibus agris
In flammam jugulant pecudes: tum litore toto
Ardentis spectant socios, semiustaque servant
Busta; neque avelli possunt; nox humida donec
Invertit coelum stellis fulgentibus aptum.

Nec minus et miseri diversa in parte Latini
Innumeras struxere pyras, et corpora partim
Multa virum terrae infodiunt, avectaue partim
Finitimos tollunt in agros, urbique remittunt.
Cetera, confusaeque ingentem caedis acervum,
Nec numero nec honore cremant; tunc undique vasti
Certatim crebris conlucent ignibus agri.
Tertia lux gelidam coelo dimoverat umbram:
Maerentes altum cinerem et confusa ruebant
Ossa focis, tepidoque onerabant aggere terrae.
Jam vero in tectis praedivitis urbe Latini
Praecipuus fragor, et longi pars maxima luctus.
Hic matres, miseraeque nurus, hic cara sororum
Pectora maerentum, puerique parentibus orbi,
Dirum exsecrantur bellum, Turnique hymenaeos:
Ipsam armis, ipsumque jubent decernere ferro;
Qui regnum Italiae, et primos sibi poscat honores,
Ingravat haec sacvus Drances, solumque vocari
Testatur, solum posci, in certamina Turnum.
Multa simul contra variis sententia dictis
Pro Turno, et magnum reginae nomen obumbrat:
Multa virum meritis sustentat fama tropaeis.

Hos inter motus, medio in flagrante tumultu,
Ecce, super maestis magna Diomedis ab urbe
Legati responsa ferunt: nihil omnibus actum

Tantorum impensis opèrum ? nil dona, nequè aurum,
 Nec magnas valuisse preces : alia arma Latinis
 Quaerenda, aut pacem Trojano ab rege petendam.
 Deficit ingenti luctu rex ipse Latinus:
 Fatalem Aenean manifesto numine ferri,
 Admonet ira Deum, tumulique ante ora recentes.
 Ergo concilium magnum, primosque suorum
 Imperio adritos, alta intra limina cogit.
 Olli convenere, fluuntque ad regia plenis
 Tecta viis. Sedet in mediis et maximus ævo,
 Et primus sceptris, haud laeta fronte, Latinus.
 Atque hic legatos Actola ex urbe remissos,
 Quae referant, fari jubet, et responsa reposcit
 Ordine cuncta suo. Tum facta silentia linguis,
 Et venulus dicto parens ita farier infit :
 Vidimus, o cives, Diomede Argivae castra ;
 Atque iter emensi casus superavimus omnis ;
 Contigimusque manum, qua concidit Iliæ tellus
 Ille urbem Argyripam, patriae cognomine gentis,
 Victor Gargani condebat Iapygis arvis.
 Postquam introgressi, et coram data copia fandi ;
 Munera praefereimus, nomen patriamque docemus :
 Qui bellum intulerint, quæ causa adtraxerit Arpos,
 Auditis ille haec placido sic reddidit ore :
 O fortunatae gentes, Saturnia regna,
 Antiqui Ausonii, quæ vos fortuna quietos
 Sollicitat, suadetque ignota lacessere bella ?
 Quicumque Iliacos ferro violavimus agros,
 (Mitto ea, quæ muris bellando exhausta sub altis,
 Quos Simois premit ille viros) infanda per orbem
 Supplicia, et scelerum poenas expendimus omnes,
 Vel Priamo miseranda manus : scit triste Minervae
 Sidus, et Euboicae cautes, ultorque Caphereus,
 Militia ex illa diversum ad litus adacti,

Atrides Protei Menelaus adusque columnas
Exsulat, Aetnaeos vidit Cyclopas Ulixes.
Regna Neoptolemi referam, versosque penatis
Idomenei? Libycone habitantes litore Locres?
Ipse Mycenaeus magnorum ductor Achivôm
Conjugis infandae prima intra limina dextra
Oppetiit: devictam Asiam subsedit adulter.
Invidisse Deos, patriis ut redditus oris,
Conjugium optatum et pulchram Calydonâ viderem?
Nunc etiam horribili visu portenta sequuntur,
Et socii amissi petierunt aethera pennis,
Fluminibusque vagantur aves, heu dira meorum
Supplicia! et scopulos lacrimosis, vocibus implent.
Haec adeo ex illo mihi jam speranda fuerunt
Tempore, cum ferro coelestia corpora demens
Adpetii, et Veneris violavi vulnere dextram.
Ne vero, ne me ad tales inpellite pugnas.
Nec mihi cum Teucris ullum post eruta bellum
Pergama, nec veterum memini, lactore malorum.
Munera, quae patriis ad me portatis ab oris,
Vertite ad Aenean: stetimus tela aspera contra,
Contulimusque manus: experto credite, quantus
In clypeum adsurgat, quo turbine torqueat hastam.
Si duo praeterea tales Idaea tulisset
Terra viros, ultro Inachias venisset ad urbes
Dardanus, et versis lugeret Graecia fatia.
Quidquid apud durae cessatum est moenia Trojae,
Hectoris Aeneaque manu victoria Grajûm
Haesit, et in decumum vestigia retulit annum.
Ambo animis, ambo insignes praestantibus armis:
Hic pietate prior. Coëant in foedera dextrae,
Qua datur: ast, armis concurrant arma, cavete.
Et responsa simul quae sint, rex optime, regia
Audiisti, et quae sit magno sententia bello.

Vix ea legati: variusque per ora cucurrit
 Ausonidum turbata fremor: cœu saxa morantur
 Cum rapidos amnis, sit clauso gurgite murmur,
 Vicinacque sæmunt ripæ crepitantibus undis.
 Ut primum placati animi, et trepida ora quierunt,
 Prefatus Divos solio rex infit ab alto:

Ante equidem summa de re statuisse, Latini,
 Et vellem, et fuerat melius; non tempore tali
 Cogere concilium, cum mûros adsidet hostis.
 Bellum importunum, cives, cum gente Deorum,
 Invictisque viris, gerimus; quos nulla fatigant
 Proelia, nec victi possunt abistere ferro.
 Spem, si quam adscitis Aetolûm habuistis in armis,
 Ponite; spes sibi quisque. Sed hæc, quam angusta, videtis.
 Cetera qua rerum jaceant perculsa ruina,
 Ante oculos interque manus sunt omnia vestras.
 Nec quemquam incuso. Potuit quæ plurima virtus
 Esse, fuit. Toto certatum est corpore regni:
 Nunc adeo, quæ sit dubiæ sententia menti,
 Expediam, et paucis, animos adhibet, docebo.
 Est antiquus ager, Tusco mihi proximus amni,
 Longus in oëcasum, finis super usque Sicânos,
 Aurunci Rutulique scrunt, et vomere duros
 Exercent collis, atque horum asperrinia pascunt.
 Hæc omnis regio, et celsi plaga pinea montis
 Cedat amicitiae Teucrorum: et foederis æquæ
 Dicamus leges, sociosque in regna vocemus:
 Considant, si tantus amor, et mœnia condant.
 Sin alios finis, aliamque capessere gentem
 Est animus, possuntque solo decedere nostro
 Bis denas Italo texamus robore navis,
 Seu pluris cõplere valent: jacet omnis ad undam
 Materies: ipsi numerumque modumque carinis
 Præcipiant: nos æra, manus, navalia demus.

Praeterea, qui dicta ferant, et foedera firment,
 Centum oratores prima de gente Latinos
 Ire placet, pacisque manu praetendere ramos;
 Munera portantis aurique, eborisque talenta,
 Et sellam, regni, trabeamque, insignia nostri.
 Consulite in medium, et rebus succurrite fessis.

Tum Drances idem infensus, quem gloria Turni
 Obliqua invidia stimulisque agitabat amaris,
 Largus opum, et lingua melior, sed frigida bello
 Dexterâ, consiliis habitus non futilis auctor,
 Seditione potens (genus huic materna superbum
 Nobilitas dabat, incertum de patre ferebat)
 Surgit, et his onerat dictis, atque aggerat iras:
 Rem nulli obscuram, nostrae nec vocis egentem,
 Consulis, o bone rex. Cuncti se scire fatentur,
 Quid Fortuna ferat populi; sed dicere musant.
 Det libertatem fandi, flatusque remittat,
 Cujus ob auspiciû infaustum moresque sinistros
 (Dicam equidem, licet arma mihi mortemque minetur)
 Lumina tot cecidisse ducum, totamque videmus
 Consedissem urbem luctu: dum Troia tentat
 Castra, fugae fidens, et coelum territat armis.
 Unum etiam donis istis, quae plurima mitti
 Dardanidis dicique jubes, unum, optime regum,
 Adjicias; nec te ullius violentia vincat,
 Quin natam egregio genero dignisque hymenaeis
 Des pater, et pacem hanc aeterno foedere jungas.
 Quod si tantus habet mentis et pectora terror;
 Ipsum obtestemur, veniamque oremus ab ipso:
 Cedat, jus proprium regi, patriaeque remittat.
 Quid miseros toties in aperta pericula civis
 Projiciat, o Latio caput horum et causa malorum?
 Nulla salus bello: pacem te poscimus omnes,
 Turne; simul pacis solum inviolabile pignus.

Primus ego (invisum quem tu tibi fingis, et esse
 Nil moror) en supplex venio. Miserere tuorum;
 Pone animos, et pulsus abi. Sat funera fusi
 Vidimus, ingentis et desolavimus agros.
 Aut, si fama movet, si tantum pectore robur
 Concipis, et si adeo dotalis regia cordi est;
 Aude, atque adversum fidens fer pectus in hostem.
 Scilicet, ut Turno contingat regia conjunx,
 Nos, animae viles, inhumata infletaque turba,
 Sternamur campis. Et jam tu, si qua tibi vis,
 Si patrii quid Martis habes, illum adspice contra,
 Qui vocat.

Talibus exarsit dictis violentia Turni:
 Dat gemitum, rumpitque has imo pectore voces:
 Larga quidem, Drance, semper tibi copia fandi,
 Tum, cum bella manus poscunt; patribusque vocatis
 Primus ades: sed non replenda est curia verbis,
 Quae tuto tibi magna volant, dum distinet hostem
 Agger moerorum, nec inundant sanguine fossae.
 Proinde tona eloquio, solitum tibi: meque timoris
 Argue tu, Drance; quando tot stragis acervos
 Teucrorum tua dextra dedit, passimque tropaeis
 Insignis agros. Possit quid vivida virtus,
 Experiare licet: nec longe scilicet hostes
 Quaerendi nobis: circumstant undique muros.
 Imus in adversos? quid cessas? an tibi Mavors
 Ventosa in lingua, pedibusque fugacibus istis,
 Semper erit?
 Pulsus ego? aut quisquam merito, foedissime, pulsum
 Arguet, Iliaco tumidum qui crescere Thybrim
 Sanguine, et Euandri totam cum stirpe videbit
 Procubuisse domum, atque exutes Arcadas armis?
 Haud ita me experti Bitias et Pandarus ingens,
 Et quos mille die victor sub Tartara misi,

Inclusus muris, hostilique aggere saeptus.
 Nulla salus bello. Capiti cane talia demens
 Dardanio, rebusque tuis. Proinde omnia magno
 Ne cessa turbare metu, atque extollere vires
 Gentis bis victae; contra premere arma Latini.
 Nunc et Myrmidonum proceres Phrygia arma tremiscunt,
 Nunc et Tydides, et Larissaeus Achilles:
 Anin et Hadriacas retro fugit Aufidus undas.
 Vel cum se pavidum contra mea jurgia fingit
 Artificis scelus, et formidine crimen acerbat:
 Numquam animam talem dextra hac, absiste moveri,
 Amittes: habitet tecum, et sit pectore in isto.
 Nunc ad te, et tua magna, pater, consulta revertor.
 Si nullam nostris ultra spem ponis in armis;
 Si tam deserti sumus, et semel agmine verso
 Funditus occidimus, neque habet Fortuna regressum;
 Oremus pacem, et dextras tendamus inertis.
 Quamquam, o, si solitae quidquam virtutis adesset,
 Ille mihi ante alios fortunatusque laborum,
 Egregiusque animi, qui, ne quid tale videret,
 Procubuit moriens, et humum semel ore momordit.
 Sin et opes nobis, et adhuc intacta juvenus,
 Auxilioque urbes Italae, populi que supersunt;
 Sin et Trojanis cum multo gloria venit
 Sanguine; sunt illis sua funera, parque per omnis
 Tempestas; cur indecores in limine primo
 Deficimus? cur ante tubam tremor occupat artus?
 Multa dies varii que labor mutabilis aevi
 Retulit in melius: multos alterna revisens
 Lusit, et in solido rursus Fortuna locavit.
 Non erit auxilio nobis Aetolus, et Arpi.
 At Messapus erit, felixque Tolumnius, et quos
 Tot populi misere duces. Nec tarda sequetur
 Gloria delectos Latio et Laurentibus agris.

Est et Volscorum egregia de gente Camilla,
 Agmen agens equitum, et florentis aere catervas,
 Quod si me solum Teucris in certamina possunt,
 Idque placet, tantumque bonis communibus obsto:
 Non adeo has exosa manus Victoria fugit,
 Ut tanta quidquam pro spe tentare recusem.
 Ibo animis contra: vel magnum praestet Achillem,
 Factaque Volcani manibus paria induat arma
 Ille licet. Vobis animam hanc soceroque Latino
 Turnus ego, haud ulli veterum virtute secundus,
 Devovi. Solum Aeneas vocat. Et, vocet oro.
 Nec Drances potius, sive est haec ira deorum,
 Morte luat: sive est virtus et gloria, tollat.

Illi haec inter se dubiis de rebus agebant
 Certantes: castra Aeneas aciemque movebat.
 Nuntius ingenti per regia tecta tumultu
 Ecce ruit, magnisque urbem terroribus implet;
 Instructos acie Tiberino a flumine Teucros,
 Tyrrhenamque manum totis descendere campis
 Extemplo turbati animi, concussaque vulgi
 Pectora, et adrectae stimulis haud mollibus irae
 Arma manu trepidi possunt: fremit arma juvenus.
 Flent maesti mussantque patres. Hic undique clamor
 Dissensu vario magnus se tollit in auras.
 Haud secus, atque alto in luco cum forte catervae
 Consedere avium, piscosove amne Padusae
 Dant sonitum ranci per stagna loquacia cymae.
 Immo, ait, o cives, adrepto tempore, Turnus,
 Cogite concilium, et pacem laudate sedentes.
 Illi armis in regna ruant. Nec plura locutus
 Conripuit sese, et tectis citus extulit altis.
 Tu, Voluse, armari Volscorum edice manipulis.
 Duc, ait, et Rutulos. Equitem Messapus in armis.
 Et cum fratre Coras latius diffundite campis.

Pars aditus urbis firment, turresque capessant :
 Cetera, qua jusso, mecum manus inferat arma
 Illicet in muros tota discurritor urbe.
 Concilium ipse pater et magna incepta Latinus
 Deserit, ac tristi turbatus tempore differt :
 Multaque se incusat, qui non acceperit ultro
 Dardanium Aenean, generumque adsciverit urbi.
 Praefodiunt alii portas, aut saxa sudesque
 Subvectant : bello dat signum rauca cruentum
 Buccina. Tum muros varia cinxere corona
 Matronae puerique : vocat labor ultimus omnia.
 Nec non ad templum summasque ad Palladis arces
 Subvehitur magna matrum regina caterva,
 Dona ferens : juxtaque comes Lavinia virgo,
 Causa mali tanti, oculos dejecta decoros.
 Succedunt matres, et templum ture vaporant ;
 Et maestas alto fundunt de limine voces :
 Armipotens, praeses belli, Tritonia virgo,
 Frange manu telum Phrygii praedonis, et ipsum
 Pronum sterne solo, portisque effunde sub altis.
 Cingitur ipse furens certatim in proelia Turnus.
 Jamque adeo Rutulum thoraca indutus aënis
 Horrebat squamis, surasque incluserat auro,
 Tempora nudus adhuc ; laterique adcinxerat enses,
 Fulgebatque alba decurrens aureus arce :
 Exultatque animis, et spe jam praecepit hostem.
 Qualis, ubi abruptis fugit praesepta vinculis,
 Tandem liber equus, campoque potitus aperto,
 Aut ille in pastus armentaque tendit equarum,
 Aut aduetus aquae perfundi flumine noto
 Emicat, adrectisque fremit cervicibus alte
 Luxurians : ludantque jubae per colla, per armos.
 Obvia cui; Volscorum acie comitante, Camilla
 Occurrit, portisque ab equo regina sub ipsa

Desiluit. Quam tota cohors imitata relictis
 Ad terram defluxit equis. Tum talia fatur
 Turne, sui merito si qua est fiducia forti,
 Audeo, et Aeneadam promitto occurrere turmae,
 Solaque Tyrrenos equites ire obvia contra.
 Me sine prima manu tentare pericula belli
 Tu pedes ad muros subsiste, et moenia serva.
 Turnus ad haec, oculos horrenda in virgine fixus:
 O decus Italiae, virgo, quas dicere gratis,
 Quasve referre parem? sed nunc, est omnia quando
 Iste animus supra, mecum partire laborem.
 Aeneas, ut fama fidem missique reportant
 Exploratores, equitum levia improbus arma
 Praemisit, quaterent campos: ipse ardua montis
 Per deserta jugo superans adventat ad urbem.
 Furta paro belli convexo in tramite silvae,
 Ut bivias armato obsidam milite fauces.
 Tu Tyrrenum equitem conlatis excipe signis:
 Tecum acer Messapus erit, turmaeque Latinae,
 Tiburnique manus: ducis et tu concipe curam.
 Sic ait, et paribus Messapum in proelia dictis
 Hortatur, sociosque duces; et pergit in hostem.
 Est curvo amfractu valles, adcommoda fraudi
 Armorumque dolis. Quam densis frondibus atrum
 Urguet utrimque latus; tenuis quo semita ducit,
 Angustaeque ferunt fauces aditusque maligni.
 Hanc super in speculis summoque in vertice montis
 Planities ignota jacet, tutique receptus:
 Seu dextra laevaue velis occurrere pugnae:
 Sive instare jugis, et grandia volvere saxa.
 Huc juvenis nota fertur regione viarum,
 Adripuitque locum, et silvis insedit iniquis.
 Velocem interea superis in sedibus Opim,
 Unam ex virginibus sociis sacraque cetera

Compellabat, et has tristi Latonia voces,
 Ore dabat : Graditur bellum ad crudele Camilla,
 O virgo, et nostris nequidquam cingitur armis,
 Cara mihi ante alias. Neque enim novus iste Dianae
 Venit amor, subitaque animum dulcedine movit.
 Pulsus ob invidiam regno viresque superbas
 Priverno antiqua Metabus cum excederet urbe,
 Infantem, fugiens media inter proelia belli,
 Sustulit exsilio comitem, matrisque vocavit
 Nomine Casmillae, mutata parte, Camillam.
 Ipse, sinu prae se portans, juga longa petebat
 Solorum nemorum : tela undique saeva premebant,
 Et circumfuso volitabant milite Volsci.
 Ecce, fugae medio summis Amasenus abundans
 Spumabat ripis ; tantus se nubibus imber
 Ruperat. Ille, innare parans, infantis amore
 Tardatur, caroque oneri timet. Omnia secum
 Versanti subito vix haec sententia sedit,
 Telum inmane, manu valida quod forte gerebat
 Bellator, solidum nodis et robore cocto ;
 Huic natam, libro et silvestri subere clausam,
 Implicat, atqueabilem mediae circumligat hastae :
 Quam dextra ingenti librans ita ad aethera fatur :
 Alma, tibi hanc, nemorum cultrix, Latonia virgo,
 Ipse pater famulam voveo : tua prima per auras
 Tela tenens supplex hostem fugit. Accipe, testor,
 Diva tuam, quae nunc dubiis committitur auria.
 Dixit, et adducto contortum hastile lacerto
 Inmittit : sonuere undae, Rapidum super amnem
 Infelix fugit in jaculo stridente Camilla.
 At Metabus, magna propius jam urgente caterva,
 Dat sese fluvio, atque hastam cum virgine victor
 Gramineo donum Triviae de cespite vellit.
 Non illum tectis ullae, non moenibus urbes

Adcepere, neque ipse manus feritate dedisset :
 Pastorum et solis exegit montibus aevum.
 Hinc natam, in damis interque horrentia lustra,
 Armentalis equae mammis et lacte ferino
 Nutribat, teneris inmulgens ubera labris,
 Utque pedum primis infans vestigia plantis
 Institerat, jaculo palmas oneravit acuto:
 Spiculaque ex humero parvae suspendit, et arcum.
 Pro crinali auro, pro longae tegmine pallas,
 Tigridis exuvia per dorsum a vertice pendent.
 Tela manu jam tum tenera puerilis toruit,
 Et fundam tereti circum caput egit habenâ:
 Strymoniamque gruem, aut album dejecit olorem.
 Multae illam frustra Tyrrhena per oppida matres
 Optavere nurum. Sola contenta Diana
 Aeternum telorum, et virginitatis amorem
 Intemerata colit. Vellem haud correpta fuisset
 Militia tali, conata lacessere Teucros:
 Cara mihi, comitumque foret nunc una mearum.
 Verum age, quandoquidem fatis arguetur acerbis,
 Labere, Nympha, polo, finisque invise Latinos,
 Tristis ubi infausto committitur omine pugna.
 Haec cape, et ultricem pharetra deprime sagittam:
 Hac quicumque sacrum violarit vulnere corpus,
 Tros Italusve, mihi pariter det sanguine poenae.
 Post ego nube cava miserandae corpus et arma
 Inspoliata feram tumulo, patriaeque reponam.
 Dixit: at illa levis coeli delabens per auras
 Insuavit, nigro circumdata turbine corpus.
 At manus interea muris Trojana propinquat,
 Etruscique duces, equitumque exercitus omnis:
 Conpositi numero in turmas. Fremit aequore toto
 Insultans sonipes, et pressis pugnat habenis
 Huc obversus et huc: tum late ferreus hastis

Horret ager, campique armis sublimibus ardent,
 Nec non Messapus contra, celerisque Latini,
 Et cum fratre Coras, et virginis ala Camillae,
 Adversi campo adparent: hastasque reductis
 Praetendunt longe dextris, et spicula vibrant:
 Adventusque virum fremitusque ardescit equorum.
 Jamque intra jactum teli progressus uterque
 Substiterat: subito erumpunt clamore, frementisque
 Exhortantur equos: fundunt simul undique tela
 Crebra nivis ritu, coelumque obtexitur umbra,
 Continuo adversis Tyrrhenus et aëer Acontes
 Connixi incurruunt hastis, primique ruinam
 Dant sonitu ingenti, perfractaque quadrupedantum
 Pectora pectoribus rumpunt. Excussus Acontes,
 Fulminis in morem, aut tormento ponderis acti,
 Praecipitat longe, et vitam dispergit in auras.
 Extemplo turbatae acies, versique Latini
 Rejiciunt parmas, et equos ad moenia vertunt.
 Troës agunt: princeps turmas inducit Asylas.
 Jamque propinquabant portis, rursusque Latini
 Clamorem tollunt, et mollia colla reflectunt:
 Hi fugiunt, penitusque datis referantur habenis.
 Qualis ubi alterno procurrens gurgite pontus
 Nunc ruit ad terras, scopulosque superjacet undam
 Spumeus, extremamque sinu perfendit arenam:
 Nunc rapidus retro, atque aestu revoluta resorbens
 Saxa fugit, litusque vado habente relinquit.
 Bis Tusci Rutulos egere ad moenia veros:
 Bis rejecti armis respectant terga tegentes.
 Tertia sed postquam congressi in proelia, totasque
 Implicuere inter se acies, logisticque virum vir;
 Tum vero et gemitus morientum, et sanguine in alto
 Armaque, corporaque, et permixti caede virorum
 Semanimes volvantur equi: pugna aspera surgit.

Tum Lirim, Pagasumque super: quorum alter habenas
 Suffosso revolutus equo dum colligit, alter
 Dum subit, ac dextram labenti tendit inermem;
 Praecipites pariterque ruunt. His addit Amastrum
 Hippotaden: sequiturque incumbens eminus hasta
 Tereaque, Harpalycumque, et Demophoonta, Chromimque:
 Quotque emissa manu contorsit spicula virgo,
 Tot Phrygii cecidere viri. Procul Ornytus armis
 Ignotis, et equo venator Iapyge fertur:
 Cui pellis laetos humeros erepta juvenco
 Pugnatori operit: caput ingens oris hiatus;
 Et malae texere lupi cum dentibus albis,
 Agrestisque manus armat sparus. Ipse catervis
 Vertitur in mediis, et toto vertice supra est.
 Hunc illa exceptum, neque enim labor agmine verso,
 Trajicit, et super haec inimico pectore fatur:
 Silvis te, Tyrrhene; feras agitari putasti?
 Advenit qui vestra dies muliebribus armis
 Verba redarguerit. Nomen tamen haud leve patrum
 Manibus hoc referes, telo cecidisse Camillae.
 Protenus Orsilochem, et Buten, duo maxima Teucrûm
 Corpora: sed Buten aversum cuspide fixit
 Loricam galeamque inter, qua colla sedentis
 Lucent, et laevo dependet parma lacerto:
 Orsilochem fugiens, magnumque agitata per orbem
 Eludit gyro interior, sequiturque sequentem.
 Tum validam perque arma viro perque ossa securim,
 Altior exurgens, oranti et multa precanti
 Congeminat: vulnus calido rigat ora cerebro.
 Incidit huic, subitoque adpectu territus haesit
 Apenninicolæ bellator filius Auni,
 Haud Ligurum extremus, dum fallere fata sinebant:
 Isque ubi se nullo jam cursu evadere pugnae
 Posse, neque instantem reginam avertere cernit;

Q

Consilio versare dolos ingressus et astu,
Incipit haec: Quid tam egregium, si femina forti
Fidis equo? dimitte fugam, et te comminus acquo
Mecum crede solo, pugnaeque adcingi pedestri:
Jam nosces, ventosa ferat cui gloria laudem.
Dixit: at illa furens, acrique adcensa dolore,
Tradit equum comiti, paribusque resistit in armis,
Ense pedes nudo, puraque interrita parma.
At juvenis, viciisse dolo ratus, avolat ipse,
Haud mora, conversisque fugax aufertur habenis,
Quadrupedemque citum ferrata calce fatigat.
Vane Ligus, frustra que animis elate superbis,
Nequidquam patrias tentasti lubricus artis:
Nec fraus te incolumem fallaci perferet Auno.
Haec fatur virgo, et pernicibus ignea plantis
Transit equum cursu, frenisque adversa prechensis
Congreditur, poenasque inimico ex sanguine sumit.
Quam facile accipiter saxo sacer ales ab alto
Consequitur pennis sublimem in nube columbam,
Comprensamque tenet, pedibusque eviscerat uncis:
Tum cruor, et volvae labuntur ab aethere plumae.

At non haec nullis hominum sator atque Deorum
Observans oculis summo sedet altus Olympo.
Tyrrenum genitor Tarchonem in proelia saeva
Suscitat, et stimulis haud mollibus injicit iras.
Ergo inter caedes, cedentiaque agmina Tarchon
Fertur equo, variisque instigat vocibus alas,
Nomine quemque vocans: reficitque in proelia pulsos.
Quis metus, o numquam dolituri, o semper inertes
Tyrreni, quae tanta animis ignavia venit?
Femina palantis agit, atque haec agmina vertit?
Quo ferrum, quidve haec gerimus tela inrita dextra?
At non in Venerem segnes, nocturnaue bella;
Aut, ubi curva choros indixit tibia Bacchi,

Expectare dapes, et plenae pocula mensae.
Hic amor, hoc studium; dum sacra secundus haruspex
Nuntiet, ac lucos vocet hostia pinguis in altos.
Haec effatus, equum in medios, moriturus et ipse,
Concitat, et Veaulo adversum se turbidus infert,
Dereptumque ab equo dextra conplectitur hostem,
Et gremium ante suum multa vi concitus aufert.
Tollitur in coelum clamor: cunctique Latini
Convertere oculos. Volat igneus aequore Tarchon,
Arma virumque ferens: tum summa ipsius ab hasta
Defringit ferrum; et partis rimatur apertas,
Qua vulnus letale ferat: contra ille repugnans
Sustinet a jugulo dextram, et vim viribus exit.
Utque volans alte raptum cum fulva draconem
Fert aquila, implicuitque pedes, atque unguibus haesit:
Saucius at serpens sinuosa volumina versat,
Adrectisque horret squamis, et sibilat ore,
Arduus insurgens: illa haud minus urguet obunco
Luctantem rostro; simul aethera verberat alis.
Haud aliter praedam Tiburtum ex agmine Tarchon
Portat ovans. Ducis exemplum eventumque secuti
Maeonidae incurrunt. Tum fatis debitus Arruns
Velocem jaculo, et multa prior arte Camillam
Circuit, et, quae sit fortuna facillima, tentat.
Qua se cumque furens medio tulit agmine virgo.
Hac Arruns subit, et tacitus vestigia lustrat:
Qua victrix redit illa, pedemque ex hoste reportat,
Hac juvenis furtim celeris detorquet habenas.
Hos aditus, jamque hos aditus, omnemque pereirat
Undique circuitum; et certam quatit improbus hastam.
Forte sacer Cybelae Chloreus, olimque sacerdos,
Insignis longe Phrygiis fulgebat in armis,
Spumantemque agitabat equum: quem pellis aënis
In plumam squamis auro conserta tegebat.

Ipse, peregrina serfugine clarus et ostro,
 Spicula torquebat Lycio Gortynia cornu.
 Aureus ex humeris sonat arcus, et aurea vati
 Cassida; tum croceam chlamydemque sinusque crepantis
 Carbaseos fulvo in nodum collegerat auro,
 Pictus acu tunicas, et barbara tegmina crurum.
 Hunc virgo, sive ut templis praefigeret arma
 Troia, captivo sive ut se ferret in auro,
 Venatrix, unum ex omni certamine pugnae
 Caeca sequebatur; totumque incauta per agmen
 Femineo praedae et spoliolum ardebat amore:
 Telum ex insidiis quum tandem tempore capto
 Concitat, et superos Arruns sic voce precatur:
 Summe Deum, sancti custos Soractis Apollo,
 Quem primi colimus, cui pineus ardor acervo
 Pascitur; et medium freti pietate per ignem
 Cultores multa premimus vestigia pruna;
 Da, Pater, hoc nostris aboleri dedecus armis,
 Omnipotens. Non exurias, pulsaeve tropacum
 Virginis, aut spolia ulla peto. Mihi cetera laudem
 Facta ferent. Haec dira meo dum vulnere pestis
 Pulsa cadat, patrias remeabo inglorius urbis.
 Audiit, et voti Phoebus succedere partem
 Mente dedit: partem volucris dispersit in auras.
 Sterneret, ut subita turbatam morte Camillam,
 Adnuit oranti: reducem ut patria alta videret,
 Non dedit; inque notos vocem vertere procellae.
 Ergo, ut missa manu sonitum dedit hasta per auras,
 Convertere animos acris, oculosque tulere
 Cuncti ad reginam Volsci. Nihil ipsa neque auras,
 Nec sonitus memor, aut venientis ab aethere teli;
 Hasta sub exsertam donec perlata papillam
 Haesit, virgineumque alte bibit acta cruorem.
 Concurrent trepidae comites, dominamque ruentem

Suscipiunt. Fugit ante omnis exterritus Arruns,
 Laetitia mixtoque metu: nec jam amplius hastae
 Credere, nec telis occurrere virginis audet.
 Ac velut ille, prius quam tela inimica sequantur,
 Continuo in montis sese avius abdidit altos,
 Occiso pastore, lupus, magnove juvenco,
 Conscius audacis facti, caudamque remulcens
 Subjecit pavitantem utero, silvasque petivit;
 Haud secus ex oculis se turbidus abstulit Arruns;
 Contentusque fuga mediis se immiscuit armis.
 Illa manu moriens telum trahit: ossa sed inter
 Ferreus ad costas alto stat volnere mucro.
 Labitur exsanguis: labuntur frigida leto
 Lumina. Purpureus quondam color ora reliquit.
 Tum sic exspirans Accam, ex aequalibus unam,
 Adloquitur; fida ante alias quae sola Camillae,
 Quicum partiri curas; atque haec ita fatur:
 Hactenus, Acca soror, potui: nunc vulnus acerbum
 Conficit, et tenebris nigrescunt omnia circum.
 Effuge, et haec Turno mandata novissima perfer:
 Succedat pugnae, Trojanosque arceat urbe.
 Jamque vale. Simul his dictis linquebat habenas,
 Ad terram non sponte fluens. Tum frigida toto
 Paullatim exsolvit se corpore, lentaque colla,
 Et captum leto posuit caput, arma relinquens:
 Vitaque cum gemitu fugit indignata sub umbras.
 Tum vero immensus surgens ferit aurea clamor
 Sidera: dejecta crudescit pugna Camilla:
 Incurrunt densi simul omnis copia Teucrum,
 Tyrrhenumque duces, Euandrique Arcades alae.

At Triviae custos jam dudum in montibus Opis
 Alta sedet summis, spectatque interrita pugnās:
 Utque procul medio juvenum in clamore furentum
 Prospexit tristi multatam morte Camillam;

Ingemitque, deditque has imo pectore voces:
 Heu nimium, virgo, nimium crudele lūsti
 Supplicium, Teucros conata lacerare bello!
 Nec tibi desertae in dumis coluisse Dianam
 Profuit, aut nostras humero gessisse pharetras:
 Non tamen indecorem tua te regina reliquit
 Extrema jam in morte: neque hoc sine nomine letum
 Per gentis erit; aut famam patieris inultae.
 Nam quicumque tuum violavit vulnere corpus,
 Morte luet merita. Fuit ingens monte sub alto
 Regis Dercenni terreno ex aggere bustum
 Antiqui Laurentis, opacaeque ilice tectum:
 Hic Dea se primum rapido pulcherrima nix
 Sistit, et Arruntem tumulo speculatur ab alto.
 Ut vidit fulgentem armis, ac vana tumentem?
 Cur, inquit, diversus abis? huc dirige gressum,
 Huc periture veni: capias ut digna Camillae
 Praemia. Tunc etiam telis moriere Dianae?
 Dixit, et aurata volucrem Threïssa sagittam
 Depromsit pharetra, cornuque infensa tetendit,
 Et duxit longe, donec eurvata cōirent
 Inter se capita, et manibus jam tangeret aequis,
 Laeva aciem ferri, dextra nervoque papillam.
 Extemplo teli stridorem aurasque sonantis
 Audiit una Arruns, haesitque in corpore ferrum.
 Illum expirantem socii atque extrema gementem
 Obliti ignoto camporum in pulvere linquunt:
 Opis ad aetherium pennis aufertur Olympum.

Prima fugit, domina amissa, levis ala Camillae:
 Turbati fugiunt Rutuli: fugit acer Atinas:
 Disiectique duces, desolatique manipuli,
 Tutā petunt, et equis aversi ad moenia tendunt.
 Nec quisquam instantis Teucros, letumque ferentis
 Sustentare valet telis, aut sistere contra:

Sed laxos referunt humeris languentibus arcus :
 Quadrupedumque putrem cursu quatit ungula campum.
 Volvitur ad muros caligine turbidus atra
 Pulvis, et e speculis percussae pectora matres
 Feminum clamorem ad coeli sidera tollunt.
 Qui cursu portas primi intrupere patentis,
 Hos inimica super mixto premit agmine turba ;
 Nec miseram effugiant mortem, sed limine in ipso,
 Moenibus in patriis, atque inter tuta domorum,
 Confixi exspirant animas. Pars claudere portas ;
 Nec sociis aperire viam, nec moenibus audent
 Adcipere orantis : oriturque miserrima caedis
 Defendentum armis aditus, inque arma ruentum. *R*
 Exclusi ante oculos lacrimantumque ora parentum
 Pars in praecipitis fossas, urgente ruina,
 Volvitur : inmissis pars caeca et concita frenis
 Arietat in portas, et duros objice postes.
 Ipsae de muris summo certamine matres,
 Monstrat amor verus patriae, ut videre Camillam,
 Tela manu trepidae jaciunt ; ac robore duro
 Stipitibus ferrum sudibusque imitantur obustis
 Praecipites, primaeque mori pro moenibus ardent.
 Interea Turnum in silvis saevissimus inplet
 Nuntius, et juveni ingentem fert Acca tumultum :
 Deletas Volscorum acies, cecidisse Camillam :
 Ingruere infensos hostis, et Marte secundo
 Omnia conripuisse : metum jam ad moenia ferri.
 Ille furens, et saeva Jovis sic numina poscunt,
 Deserit obsesso collis, nemora aspera linquit.
 Vix e conspectu exierat, campumque tenebat,
 Cum pater Aeneas, saltus ingressus apertos,
 Exsuperatque jugum, silvaeque evadit opaca.
 Sic ambo ad muros rapidi totoque feruntur
 Agmine ; nec longis inter se passibus absunt :

Ac simul Aeneas fumantis pulvere campos
Prospexit longe, Laurentiaque agmina vidit;
Et saevum Acnean adgnovit Turnus in armis,
Adventumque pedum statusque audivit equorum:
Continuoque ineant pugnas, et proelia tentent:
Ni roseus fessos jam gurgite Phoebus Hiberno
Tinguat equos, noctemque die labente reducat.
Considunt castris ante urbem, et moenia vallant.

PUBLII

VIRGILII.

MARONIS

AENEIDOS

LIBER DUODECIMUS.

TURNUS ut infractos adverso Marte Latinos
Defecisse videt, sua nunc promissa reposci,
Se signari oculis; ultro implacabilis ardet:
Adtollitque animos. Poenorum qualis in arvis,
Saucius ille gravi venantum vulnere pectus,
Tum demum movet arma leo, gaudetque comantis
Excutiens cervice toros, fixumque latronis
Inpavidus frangit telum, et fremit ore cruento.
Haud secus adcenso gliscit violentia Turno.
Tum sic adfatur regem, atque ita turbibus infit:
Nulla mora in Turno: nihil est quod dicta retractent
Ignavi Aeneadae; nec, quae pepigere, recusent.
Congredior. Fer sacra, pater, et concipe foedus.
Aut hac Dardanum dextra sub Tartara mittam,
Desertorem Asiae, sedcant spectentque Latini,
Et solus ferro crimen commune refellam:
Aut habeat victos; cedat Lavinia conjunx.
Olli sedato respondit corde Latinus:
O praestans animi juvenis, quantum ipse feroci
Virtute exsuperas, tanto me impensius aequum est
Consulere, atque omnis metuentem expendere casus.
Sunt tibi regna patris Dauni, sunt oppida capta
Multa manu; nec non aurumque, animusque Latino est.

R

Sunt aliae innuptae Latio, et Laurentibus agris;
Nec genus indecores. Sine me haec haud mollia fatw
Sublatis aperire dolis: simul hoc animo hauri.
Me natam nulli veterum sociare procorum
Fas erat, idque omnes divique hominesque caneant.
Victus amore tui, cognato sanguine victus,
Conjugis et moestae lacrimis, vincla omnia rupi:
Promissam eripui genero: arma impia sumsi.
Ex illo qui me casus, quae, Turne, sequantur
Bella, vides; quantos primus patiare labores.
Bis magna victi pugna vix urbe tuemur
Spes Italas: recalent nostro Tiberina fluenta
Sanguine adhuc, campique ingentes ossibus albeant.
Quo referor toties? quae mentem insania mutat?
Si Turno extincto socios sum adscire paratus;
Cur non incolumi potius certamina tollo?
Quid consanguinei Ruruli, quid cetera dicet
Italia; ad mortem si te, Fors dicta refutet,
Prodiderim, natam et connubia nostra petentem?
Respice res bello varias: miserere parentis
Longaevi, quem nunc moestum patria Ardea longe
Dividit. Haudquaquam dictis violentia Turni
Flectitur: exsuperat magis, aegrescitque medendo.
Ut primum fari potuit, sic institit ore:
Quam pro me curam geris, hanc precor, optime, pro me
Deponas, letumque sinas pro laude pacisci.
Et nos tela, pater, ferrumque haud debile dextra
Spargimus, et nostro sequitur de vulnere sanguis.
Longe illi Dea mater erit, quae nube fugacem
Feminea tegat, et vanis sese occulat umbris.
At regina, nova pugnae conterrita sorte,
Flebat; et ardentem generum moritura tenebat:
Turne, per has ego te lacrimas, per si quis Amatae
Tangit honos animum: (spes tu nunc una, senectae,

Tu requies miseræ: decus imperiumque Latini
Te penes: in te omnis domus inclinata recumbit)
Unum oro: desiste manum committere Teucris.
Qui te cumque manent isto certamine casus,
Et me, Turne, manent. Simul hæc invisa relinquam
Lumina, nec generum Aenean captiva videbo.
Adcepit vocem lacrimis Lavinia matris,
Flagrantis perfusa genas: cui plurimus ignem
Subjecit rubor, et calefacta per ora cucurrit.
Indum sanguineo veluti violaverit ostro
Si quis ebur, aut mixta rubent ubi lilia multa
Alba rosâ: talis virgo dabat ore colores.
Illum turbat amor, figitque in virgine vultus:
Ardet in arma magis, paucisque adfatur Amata:
Ne, quaeso, ne me lacrimis, neve omine tanto
Prosequere in duri certamina Martis euntem,
O mater: neque enim Turno mora libera mortis.
Nuntius hæc Idmon Phrygio mea dicta tyranno
Haud placitura refer. Cum primum crastina coelo
Puniceis invecta rotis Aurora rubebit,
Non Teucros agat in Rutulos: Teucrum arma quiescant,
Et Rutulûm. Nostro dirimamus sanguine bellum.
Illo quaeratur conjunx Lavinia campo.

Hæc ubi dicta dedit, rapidusque in tecta recessit,
Poscit equos, gaudetque tuens ante ora frementis:
Pilumno quos ipsa decus dedit Orithyia:
Qui candore nives anteirent, cursibus auras.
Circumstant properi aurigae, manibusque lacessunt
Pectora plausa cavis, et colla comantia pectunt.
Ipse dehinc auro squalentem alboque orichalco
Circumdat loricam humeris: simul aptat habendo
Ensemque clipeumque, et rubrae cornua cristae:
Ensem, quem Dauno ignipotens Deus ipse parenti
Fecerat, et Stygia candentem tinxerat unda.

Exin, quae mediis ingenti adnixa columnae
 Aedibus adstabat, validam vi conripit hastam,
 Actoris Aurunci spoliū: quassatque trementem,
 Vociferans: Nunc, o numquam frustrata vocatus
 Hasta meos, nunc tempus adest: te maximus Actor,
 Te Turni nunc dextra gerit. Da sternere corpus,
 Loricamque manu valida lacerare revolsam
 Semiviri Phrygis, et foedare in pulvere crinis
 Vibratos calido ferro, myrrhaque madentis.
 His agitur Furiis. Totoque ardentis ab ore
 Scintillae absistunt: oculis micat acribus ignis.
 Mugitus veluti cum prima in proelia taurus
 Terrificos ciet, atque irasci in cornua tentat,
 Arboris obnixus trunco; ventosque lacessit
 Ictibus, et sparsa ad pugnam proludit arena.

Nec minus interea maternis saevus in armis
 Aeneas acuit Martem, et se suscitāt ira,
 Oblato gaudens componi foedere bellum.
 Tum socios, moestique metum solatur Iuli,
 Fata docens: regique jubet responsa Latino
 Certa referre viros, et pacis dicere leges.

Postera vix summos spargebat lumine montis
 Orta dies; cum primum alto se gurgite tollunt
 Solis equi, lucemque elatis naribus efflant;
 Campum ad certamen magnae sub moenibus urbis
 Dimensi Rutulique viri Teucrique parabant;
 In medioque focos, et Dis communibus aras
 Gramineas. Alii fontemque ignemque ferebant,
 Velati lino, et verbenā tempora vineti.
 Procedit legio Ausonidum, pilataque plenis
 Agmina se fundunt portis. Hinc Troius omnis,
 Tyrrhenusque ruit variis exercitus armis;
 Haud secus instructi ferro, quam si aspera Martis
 Pugna vocet. Nec non mediis in millibus ipsi

Ductores auro volitant ostroque decori,
Et genus Assaraci Mnestheus, et fortis Asylas,
Et Messapus equôum domitor, Neptunia proles.
Utque dato signo spatia in sua quisque recessit,
Defigunt tellure hastas, et scuta reclinant.
Tum studio effusae matres, et volgas inermum,
Invalidique senes, turris, et tecta domorum
Obsedere: alii portis sublimibus adstant.

At Juno e summo, qui nunc Albanus habetur,
(Tum neque nomen erat, nec honos, aut gloria monti)
Prospiciens tumulo campum adspectabat, et ambas
Laurentûm Troumque acies, urbemque Latini.
Extemplo Turni sic est adfata sororem,
Diva deam, stagnis quae fluminibusque sonoris
Praesidet: hunc illi rex aetheris altus honorem
Juppiter erepta pro virginitate sacravit:
Nympha, decus fluviorum, animo gratissima nostro,
Scis, ut te cunctis unam, quaecumque Latinae
Magnanimi Jovis ingratum adscendere cubile,
Praetulerim, coelique lubens in parte locarim:
Disce tuum, ne me incuses, Juturna, dolorem.
Qua visa est fortuna pati, Parcaeque sinebant
Cedere res Latio, Turnum, et tua moenia texi:
Nunc juvenem imparibus video concurrere fatis:
Parcarumque dies, et vis inimica propinquat.
Non pugnam adspicere hanc oculis, non foedera possum.
Tu, pro germano si quid praesentius audeas,
Perge: decet. Forsan miseros meliora sequentur.
Vix ea: quum lacrimas oculis Juturna profudit,
Terque quaterque manu pectus percussit honestum.
Non lacrimis hoc tempus, ait Saturnia Juno:
Accelera, et fratrem, si quis modus, eripe morti;
Aut tu bella cie, conceptumque excute foedus.
Auctor ego audendi. Sic exhortata reliquit

Incertain, et tristi turbatam volnere mentis.

Interea reges (ingenti mole Latinus
 Quadrijugo vehitur curru, cui tempora circum
 Aurati bis sex radii fulgentia cingunt,
 Solis avi specimen : bigis it Turnus in albis,
 Bina manu lato crispans hastilia ferro.
 Hinc pater Aeneas, Romanae stirpis origo,
 Sidereo flagrans clipeo, et coelestibus armis,
 Et juxta Ascanius, magnae spes altera Romae)
 Procedunt castris, puraque in veste sacerdos
 Saetigeri foetum suis, intonsamque bidentem
 Adtulit, admovitque pecus flagrantibus aris.
 Illi ad surgentem conversi lumina Solem
 Dant fruges manibus salsas, et tempora ferro
 Summa notant pecudum, paterisque altaria libant.
 Tum pius Aeneas stricto sic ense precatur :
 Esto nunc Sol testis, et haec mihi terra vocanti,
 Quam propter tantos potui perferre labores,
 Et Pater omnipotens, et tu Saturnio Juno ;
 Jam melior, jam, Diva, precor : tuque inclute Mavors.
 Cuncta tuo qui bella, pater, sub numine torques :
 Fontisque, fluviosque voco, quaeque aetheris alti
 Religio, et quae caeruleo sunt numina pontq :
 Cesserit Ausonio si fors victoria Turno,
 Convenit Euandri victos discedere ad urbem :
 Cedet Iulus agris : nec post arma ulla rebelles
 Aeneadae referent, ferrove haec regna lacescent.
 Sin nostrum adnuerit nobis victoria Martem,
 (Ut potius reor, et potius DI numine firment)
 Non ego nec Teucris Italos parere jubebo,
 Nec mihi regna peto. Paribus se legibus ambae
 Invictae gentes aeterna in foedera mittant.
 Sacra Deosque dabo : socer arma Latinus habeto ;
 Imperium sollemne socer : mihi moenia Teucris

Constituent, urbique dabit Lavinia nomen.
Sic prior Aeneas : sequitur sic deinde Latinus,
Suspiciens coelum, tenditque ad sidera dextram :
Haec eadem, Aenea, terram, mare, sidera, juro,
Latonaque genus duplex, Janumque bifrontem,
Vimque Deum infernam, et duri sacraria Ditis :
Audiat haec Genitor, qui foedera fulmine sancit :
Tango aras ; medios ignis, et Numina testor :
Nulla dies pacem hanc Italia, nec foedera rumpet,
Quo res cunque cadent : nec me vis ulla volentem
Avertet ; non si tellurem effundat in undas
Diluvio miscens, coelumque in Tartara solvat :
Ut sceptrum hoc, dextra sceptrum nam forte gerebat,
Numquam fronde levi fundet virgulta, neque umbras,
Cum semel in silvis imo de stirpe recisum
Matre caret, posuitque comas et brachia ferro ;
Olim arbos, nunc artificis manus aere decoro
Inclussit, patribusque dedit gestare Latinis.
Talibus inter se firmabant foedera dictis,
Conspectu in medio procerum. Tum rite sacratae
In flammam jugulant pecudes, et viscera vivis
Eripiunt, cumulantque oneratis lancibus aras.

At vero Rutulis inpar ea pugna videri
Jamdudum, et vario misceri pectora motu :
Tum magis, ut propius cernunt non viribus aequis,
Adjuvat incessu tacito progressus, et aram
Suppliciter venerans demisso lumine Turnus,
Tabentesque genae, et juvenali in corpore pallor.
Quem simul ac Juturna soror crebrescere vidit
Sermonem, et volgi variare labantia corda :
In medias acies, formam adsimulata Camerti,
Cui genus a proavis ingens, clarumque paternae
Nomen erat virtutis, et ipse acerrimus armis,
In medias dat sese acies, haud nescia rerum,

Rumoresque serit varios, ac talia fatur:
 Non pudet, o Rutuli, pro cunctis talibus unam
 Objectare animam? numerone, an viribus aequi
 Non sumus? En, omnes et Troës, et Arcades, hi sunt,
 Fatalisque manus, infensa Etruria Turno.
 Vix hostem, altcui si congrediamur, habemus.
 Ille quidem ad superos, quorum se devovet aris,
 Succedet fama, vivusque per ora feretur:
 Nos, patria amissa, dominis parere superbis
 Cogemur, qui nunc lenti consedimus arvis.
 Talibus incensa est juvenum sententia dictis,
 Jam magis atque magis; serpitque per agmina murmur.
 Ipsi Laurentes mutati, ipsique Latini.
 Qui sibi jam requiem pugnae, rebusque salutem
 Sperabant, nunc arma volunt, foedusque precantur
 Infectum, et Turni sortem miserantur iniquam.
 His aliud majus Juturna adjungit, et alto
 Dat signum coelo; quo non praesentius ullum
 Turbavit mentis Italas, monstroque fefellit.
 Namque volans rubra fulvus Jovis ales in aethra
 Litoreas agitabat avis, turbamque sonantem
 Agminis aligeri; subito cum lapsus ad undas
 Cycnum excellentem pedibus rapit improbus uncia.
 Adrexere animos Itali, cunctaeque volucres
 Convertunt clamore fugam, mirabile visu;
 Aetheraque obscurant pennis, hostenique per auras
 Facta nube premunt: donec vi victus, et ipso
 Pondere defecit, praedamque ex unguibus ales
 Projecit fluvio, penitusque in nubila fugit.
 Tum vero augurium Rutuli clamore salutant,
 Expediuntque manus: primusque Tolumnius augur,
 Hoc erat, hoc votis, inquit, quod saepe petivi.
 Adcipio, adgnoscoque Deos: me, me duce ferrum
 Conripite, o miseri, quos improbus advena bello

Territat, invalidas ut avis; et litora vestra
 Vi populat. Petet ille fugam, penitusque profundo
 Vela dabit. Vos unanimi densate catervas,
 Et regem vobis pugna defendite raptum.
 Dixit, et adversos telum contorsit in hostis
 Procurrens: sonitum dat stridula cornus, et auras
 Certa secat. Simul hoc, simul ingens clamor, et omnes
 Turbati cunei, calefactaque corda tumultu.
 Hasta volans, ut forte novem pulcherrima fratrum
 Corpora constiterant contra, quos fida creatar
 Una tot Arcadio conjunx Tyrrhena Gilippo;
 Horum unum ad medium, teritur qua sutilis alvo
 Balteus, et laterum juncturas fibula mordet,
 Egregium forma juvenem, et fulgentibus armis,
 Transadigit costas, fulvaeque effundit arena.
 At fratres, animosa phalanx, adensaque luctu,
 Pars gladios stringunt manibus, pars missile ferrum
 Conripiunt, caecique ruunt. Quos agmina contra
 Procurrunt Laurentum. Hinc densi rursus inundant
 Troës, Agyllinique, et pictis Arcades armis.
 Sic omnis amor unus habet decernere ferro.
 Diripuerunt aras: it toto turbida coelo
 Tempestas telorum, ac ferreus ingruit imber:
 Craterasque focosque ferunt. Fugit ipse Latinus,
 Pulsatos referens infecto foedere Divos.
 Infrenant alii currus, aut corpora saltu
 Subjiciunt in equos, et strictis ensibus adsunt.
 Messapus regem, regisque insigne gerentem,
 Tyrrhenum Aulesten, avidus confundere foedus,
 Adverso proterret equo: ruit ille recedens,
 Et miser oppositis a tergo involvitur aris
 In caput, inque humeros. At servidus advolat hasta
 Messapus, teloque orantem multa trabali
 Desuper altus equo graviter ferit, atque ita satur:

Hoc habet : haec melior magnis data victima Divis.
Concurrunt Itali, spolianteque calentia membra,
Obvius ambustum torrem Corynaeus ab ara
Conripit, et venienti Ebuso, plagamque ferenti
Occupat os flammis. Olli ingens barba reluxit,
Nidoremque ambusta dedit. Super ipse secutus
Caesariem laeva turbati conripit hostis,
• Inpressoque genu nitens terrae adplicat ipsum :
Sic rigido latus ense ferit. Podalirius Alsum
Pastorem, primaeque acie per tela ruentem,
Ense sequens nudo superinminet : ille securi
Adversi frontem mediam mentumque reducta
Disjicit, et sparso late rigat arma cruore.
Olli dura quies oculos et ferreus urguet
Somnus ; in aeternam clauduntur lumina noctem.
At pius Aeneas dextram tendebat inermem
Nudato capite, atque suos clamore vocabat.
Quo ruitis ? quaeve ista repens discordia surgit ?
O cohibete iras ! ictum jam foedus, et omnes
Compositae leges : mihi jus concurrere soli :
Me sinite, atque auferte metus. Ego foedera faxo
Firma manu : Turnum jam debent haec mihi sacra.
Has inter voces, media inter talia verba,
Ecce, viro stridens alis adlabas sagitta est,
Incertum qua pulsa manu, quo turbine adacta ;
Quis tantam Rutulis laudem, casusne, Deusne,
Adtulerit. Pressa est insignis gloria facti :
Nec sese Aeneae jactavit vulnere quisquam.
Turnus, ut Aeneas cedentem ex agmine vidit,
Turbatosque duces, subita spe fervidus ardet :
Poscit equos, atque arma simul, saltuque superbus
Emicat in currum, et manibus molitur habenas.
Multa virū volitans dat fortia corpora leto :
Semineces volvit multos, aut agmina curru

Proterit, aut raptas fugientibus ingerit hastas.
 Qualis apud gelidi cum flumina concitus Hebri
 Sanguineus Mavors clipeo increpat, atque furentis
 Bella movens inmittit equos; illi aequare aperto
 Ante Notos Zephyrumque volant. Gemit ultima pulsa
 Thraca pedum, circumque atrae Formidinis ora
 Iraeque, Insidiaeque, Dei comitatus, aguntur.
 Talis equos alacer media inter proelia Turnus
 Fumantis sudore quatit, miserabile caesis
 Hostibus insultans: spargit rapida ungula rores
 Sanguineos, mixtaque cruor calcatur arena: [que,
 Jamque neci Sthenelumque dedit, Thamyrimque, Pholum-
 Hunc congressus, et hunc; illum eminus: eminus ambo
 Imbrasidas, Glaucum atque Laden, quos Imbrasmus ipse
 Nutrierat Lycia, paribusque ornaverat armis;
 Vel conferre manum, vel equo praeverttere ventos.
 Parte alia media Eumedes in proelia fertur,
 Antiqui proles bello praeclara Dolonis;
 Nomine avom referens, animo manibusque parentem:
 Qui quondam, castra ut Danaum speculator adiret,
 Ausus Pelidae pretium sibi poscere currus:
 Illum Tydides alio pro talibus ausis
 Adfecit pretio: nec equis adspirat Achillis.
 Hunc procul ut campo Turnus prospexit aperto,
 Ante levi jaculo longum per inane secutus;
 Sistit equos bijugis, et curru desilit, atque
 Semianimi labsoque supervenit, et, pede collo
 Inpresso, dextrae mucronem extorquet, et alto
 Fulgentem tinguat jugulo; atque haec insuper addit:
 En, agros, et, quam bello, Trojane, petisti,
 Hesperiam metire jacens: haec praemia, qui me
 Ferro ausi tentare, ferunt: sic moenia condunt.
 Huic comitem Asbuten conjecta cuspide mittit:
 Chloreaque, Sybarimque, Daretaque, Thersilochumque:

Et sternacis equi labsum cervice Thymoeten.
 Ac velut Edoni Boreae cum spiritus alto
 Insonat Aegaeo, sequiturque ad litora fluctus,
 Qua venti incubuere; fugam dant nubila coelo:
 Sic Turno, quacumque viam secat, agmina cedunt,
 Conversaeque ruunt acies: fert impetus ipsum,
 Et cristam adverso curru quatit aura volentem.
 Non tulit instantem Phegeus, animisque frementem:
 Obiecit sese ad currum, et spumantia frenis
 Ora citatorum dextra detorsit equorum.
 Dum trahitur, pendetque jugis, hunc lata resectum
 Lancea consequitur, rumpitque infixâ bilicem
 Loricam, et summum degustat vulnere corpus.
 Ille tamen clipeo objecto conversus in hostem
 Ibat, et auxilium ducto mucrone petebat:
 Cum rota praecipitem, et procursu concitus axis
 Inpulit, effunditque solo: Turnusque secutus,
 Imam inter galeam summi thoracis et oras,
 Abstulit ense caput, truncumque reliquit arenae.

Atque ea dum campis victor dat funera Turnus,
 Interca Aenean Mnestheus, et fidus Achates,
 Ascauiusque comes, castris statuere cruentum,
 Alternos longa nitentem cuspide gressus.
 Saevit, et infracta luctatur arundine telum
 Eripere, auxilioque viam, quae proxima, poscit:
 Ense secant lato vulnus, telique latebram
 Rescindant penitus, seseque in bella remittant.
 Jamque aderat Phoebæ ante alios dilectus Iapyx
 Iasides: acri quondam cui captus amore
 Ipse suas artis, sua munera, laetus Apollo
 Augurium, citharamque dabat, celerisque sagittas.
 Ille, ut depositi proferret fata parentis,
 Scire potestates herbarum, usumque medendi
 Maluit, et mûtas agitare inglorius artis.

Stabat acerba fremens, ingentem nixus in hastam,
Aeneas, magno juvenum et maerentis Iuli
Concursu, lacrimis immobilis. Ille retorto
Paeonium in morem senior succinctus amictu,
Multa manu medica Phoebique potentibus herbis
Nequidquam trepidat, nequidquam spicula dextra
Sollicitat, prensatque tenaci forcipe ferrum.
Nulla viam Fortuna regit: nihil auctor Apollo
Subvenit: et saevus campis magis ac magis horror
Crebrescit, propriusque malum est. Jam pulvere coelum
Stare vident: subeuntque equites, et spicula castris
Densa cadunt mediis. It tristis ad aethera clamor
Bellantum juvenum, et duro sub marte cadentum.
Hic Venus, indigno nati concussa dolore,
Dictamnum genetrix Cretaea carpit ab Ida,
Puberibus caulem foliis, et flore comantem
Purpureo: non illa feris incognita capris
Gramina, cum tergo volucres haesere sagittae.
Hoc Venus, obscuro faciem circumdata nimbo,
Detulit: hoc fusum labris splendentibus amnena
Inficit, occulte medicans: spargitque salubris
Ambrosiae succos, et odoriferam panaceam.
Fovit ea vulnus lyncypa longaevus lapyx
Ignorans; subitoque omnis de corpore fugit
Quippe dolor: omnis stetit imo vulnere sanguis.
Jamque secuta manum, nullo cogente, sagitta
Excidit, atque novae rediere in pristina vires.
Arma citi properate viro. Quid statis? lapyx
Conclamat, primusque animos adcendit in hostem.
Non haec humanis opibus, non arte magistra
Proveniunt. Neque te, Aenea, mea dextera servat:
Major agit Deus, atque opera ad majora remittit.
Ille avidus pugnae suras incluserat auro
Hinc atque hinc, oditque moras, hastamque coruscat.

Postquam habilis lateri clipeus loricaque tergo est,
 Ascanium fuis circum conplectitur armis,
 Summaque per galeam delibans oscula fatur:
 Disce, puer, virtutem ex me, verumque laborem;
 Fortunam ex aliis. Nunc te mea dextera bello
 Defensum dabit, et magna inter praemia ducet.
 Tu facito, mox cum matura adoleverit actas,
 Sis memor, et te animo repetentem exempla tuorum
 Et pater Aeneas, et avunculus excitet Hector.
 Haec ubi dicta dedit, portis sese extulit ingens,
 Telum inmane manu quatiens: simul agmine denso
 Antheusque Mnestheusque ruunt; omnisque relictis
 Turba fuit castris. Tum cacco pulvere campus
 Miscetur, pulsuque pedum tremit excita tellus.
 Vidit ab adverso venientis aggere Turnus,
 Videre Ausonii, gelidusque per ima cucurrit
 Ossa tremor. Prima ante omnis Juturna Latinos
 Audiit, adguovitque sonum, et tremefacta refugit.
 Ille volat, campoque atrum rapit agmen aperto.
 Qualis ubi ad terras abrupto sidere nimbus
 It mare per medium: miseris, heu, praescia longe
 Horrescunt corda agricolis: dabit ille ruinas
 Arboribus, stragemque satis; ruet omnia late:
 Ante volant, sonitumque ferunt ad litora venti.
 Talis in adversos ductor Rhoeceus hostis
 Agmen agit: densi cunctis se quisque coactis
 Adglomerant. Ferit ense gravem Thymbraeus Osirim,
 Archetium Mnestheus, Epulonem obtruncat Achates,
 Ufentemque Gyas. Cadit ipse Tolumnius augur,
 Primus in adversos telum qui torserat hostis.
 Tollitur in coelum clamor, versique vicissim
 Pulverulenta fuga Rutuli dant terga per agros.
 Ipse neque aversos dignatur sternere morti;
 Nec pede congressos aequo, nec tela ferentis

Insequitur: solum densa in caligine Turnum
Vestigat lustrans, solum in certamina poscit.
Hoc concussa metu mentem Juturna virago
Aurigam Turni media inter lora Metiscum
Excutit et longe labsum temone relinquit.
Ipsa subit, manibusque undantis flectit habenas,
Cuncta gerens, vocemque, et corpus, et arma Metisci.
Nigra velut magnas domini cum divitis aedis
Pervolat, et pennis alta atria lustrat hirundo,
Pabula parva legens, nidisque loquacibus escas;
Et nunc porticibus vacuis, nunc humida circum
Stagna sonat: similis medios Juturna per hostis
Fertur equis, rapidoque volans obit omnia curru:
Jamque hic germanum, jamque hic ostentat ovantem:
Nec conferre manum patitur: volat avia longe.
Haud minus Aenas tortos legit obvius orbis,
Vestigatque virum, et disjecta per agmina longa
Voce vocat. Quoties oculos conjecit in hostem,
Alipedumque fugam cursu tentavit equorum;
Aversos toties currus Juturna retorsit.
Heu, quid agat; vario nequidquam fluctuat aestus:
Diversaeque vocant animum in contraria curae.
Huic Messapus, uti laeva duo forte gerebat
Lenta levis cursu praefixa hastilia ferro,
Horum unum certo contorquens dirigit ictu.
Substitit Aeneas, et se collegit in arma,
Poplite subsidens: apicem tamen incita summum
Hasta tulit, summasque excussit vertice cristas.
Tum vero adsurgunt irae, insidiisque subactus,
Diversos ubi sensit equos currumque referri,
Multa Jovem, et laesi testatur foederis aras,
Jam tandem invadit medios, et Marte secundo
Terribilis, saevam nullo discrimine caedem
Suscitat; irarumque omnis effundit habenas.

Quis mihi nunc tot acerba Deus, quis carmine caedes
 Diversas, obitumque ducum, quos aequore toto
 Inque vicem nunc Turnus agit, nunc Troïus heros,
 Expediat? tanton' placuit concurrere motu,
 Juppiter, aeterna gentis in pace futuras?
 Aeneas Rutulum Suconem, (ea prima ruentis
 Pugna loco statuit Teucros) haud multa moratus,
 Excipit in latus, et, qua fata celerrima, crudum
 Transadigit costas et crates pectoris ense.
 Turnus equo dejectum Amycum, fratremque Diorem
 Congressus pedes: hunc venientem cuspidē longa,
 Hunc mucrone ferit; curruque abscisa duorum
 Suspendit capita, et rorantia sanguine portat.
 Ille Talon, Tanaïmque neci, fortemque Cethegnum,
 Tris uno congressu, et maestum mittit Onyten,
 Nomen Echionium, matrisque genus Peridiaē,
 Hic fratres Lycia missos et Apollinis agris,
 Et juvenem exosum nequidquam bella Menoeten
 Arcada: piscosae cui circum flumina Lernaē
 Ars fuerat, pauperque domus; nec nota potentum
 Limina: conductaque pater tellure serebat.
 Ac velut inmissi diversis partibus ignes
 Arentem in silvam, et virgulta sonantia lauro;
 Aut ubi decursu rapido de montibus altis
 Dant sonitum spumosi amnes, et in aequora currunt,
 Quisque suum populatus iter: non segnius ambo
 Aeneas Turnusque ruunt per proelia: nunc, nunc
 Fluctuat ira intus: rumpuntur nescia vinci
 Pectora: nunc totis in vulnera viribus itur.
 Murrhanum hic, atavos et avorum antiqua sonantem
 Nomina, per regesque actum genus omne Latinos,
 Praecipitem scopulo, atque ingentis turbine saxi
 Excutit, effunditque solo. Hunc lora et juga subter
 Provolvere rotæ: crebro super ungula pulsu

Incita nec domini memorum proculcat equorum.
 Ille ruenti Hyllo, animisque inmane frementi
 Occurrit, telumque aurata ad tempora torquet:
 Olli per galeam fixo stetit hasta cerebro.
 Dextera nec tua te, Grajûm fortissime Creteu,
 Eripuit Turno: nec Dî texere Cupencum,
 Aenea veniente, suû. Dedit obvia ferro
 Pectora: nec misero clipei mora profuit aerei.
 Te quoque Laurentes viderunt, Aeole, campi
 Oppetere, et late terram consternere tergo.
 Occidis, Argivæ quem non potuere phalanges
 Sternere, nec Priami regnorum eversor Achilles.
 Hîc tibi mortis erant metae: domus alta sub Îda;
 Lyrnessi domus alta, solo Laurente sepulcrum.
 Totae adeo conversae acies, omnesque Latini,
 Omnes Dardanidae: Mnestheus, acerque Serestus,
 Et Messapus equûm domitor, et fortis Asylas,
 Tuscorumque phalanx, Eaandrique Arcades alae,
 Pro se quisque viri summa nituntur opum vi.
 Nec mora, nec requies: vasto certamine tendunt.

Hîc mentem Aeneae Genetrix pulcherrima misit,
 Iret ut ad muros, urbique adverteret agmen
 Ocios, et subita turbaret elade Latinos.
 Ille, ut vestigans diversa per agmina Turnum,
 Hue atque huc acies circumtulit; ad-picit urbem
 Immunem tanti belli, atque inpune quietam.
 Continuo pugnae accendit majoris imago:
 Mnesthea, Sergestumque vocat, fortisque Serestum,
 Ductores, tumultumque capit: quo cetera Teucrûm
 Concurrit legio: nec scuta aut spicula densi
 Deponunt. Celso medius stans aggere fatur:
 Ne qua meis esto dictis mora. Jupiter hac stat.
 Neu quis ob inceptum subitum mihi segnior ito.
 Urbem hodie caussam belli, regna ipsa Latini,

Ni frenum adcipere, et victi parere fatentur,
 Eruiam, et aequa solo fumantia culmina ponam.
 Scilicet expectem, libeat dum proelia Turno
 Nostra pati; rursusque velit concurrere victus?
 Hoc caput, o cives, haec belli summa nefandi.
 Ferte faces propere, foedusque reposcite flammis.
 Dixerat: atque animis pariter certantibus omnes
 Dant cuneum; densaque ad muros mole feruntur.
 Scalae inproviso, subitusque adparuit ignis.
 Discurrunt alii ad portas, primosque trucidant:
 Ferrum alii torquent, et obumbrant aethera telis.
 Ipse inter primos dextram sub moenia tendit
 Aeneas, magnaue incusat voce Latinum;
 Testaturque Deos iterum se ad proelia cogi:
 Bis jam Italos hostis, haec altera foedera rumpi.
 Exoritur trepidos inter discordia civis:
 Urbem alii reserare jubent, et pandere portas
 Dardanidis; ipsumque trahunt in moenia regem.
 Arma ferunt alii, et pergunt defendere muros.
 Inclusas ut cum latebroso in pumice pastor
 Vestigavit apes, fumoque implevit amaro;
 Illae intus trepidae rerum per cerea castra
 Discurrunt, magnisque acuunt stridoribus iras.
 Volvitur ater odor tectis: tum murmure caeco
 Intus saxa sonant: vacuas it fumus ad auras.
 Adcidit haec fessis etiam fortuna Latinis,
 Quae totam luctu concussit funditus urbem.
 Regina ut tectis venientem prospicit hostem,
 Incessi muros, ignis ad tecta volare;
 Nusquam acies contra Rutulas, nulla agmina Turni:
 Infelix pugnae juvenem in certamine credit
 Exstinctum; et, subito mentem turbata dolore,
 Se causam clamat, crimenque, caputque malorum:
 Multaque per maestum demens effata furorem,

Purpureos moritura manu discindit amictus,
 Et nodum informis leti trabe nectit ab alta.
 Quam cladem miscrae postquam adcepere Latinae,
 Filia prima manu flavos Lavinia crinis,
 Et roscas laniata genas; tum cetera circum
 Turba furit: resonant latae plangoribus aedes.
 Hinc totam infelix volgatur fama per urbem:
 Demittunt mentis: it scissa veste Latinus,
 Conjugis adtonitus fati, urbisque ruina,
 Canitiem iamundo perfusam pulvere turpans:
 [Multaque se incusat, qui non acceperit ante
 Dardanum Aenean, generumque adsciverit ultro.]

Interea extremo bellator in aequore Turnus
 Palantis sequitur paucos, jam segnior, atque
 Jam minus, atque minus successu laetus equorum.
 Adtulit hunc illi caecis terroribus aura
 Connixtum clamorem, adrectasque inpulit auris
 Confusae sonus urbis, et illaetabile murmur.
 Hei mihi! quid tanto turbantur moenia luctu?
 Quisve ruit tantus diversa clamor ab urbe?
 Sic ait, adductisque amens subsistit habenis.
 Atque huic, in faciem soror ut conversa Metisci
 Aurigae, currumque, et equos, et lora regebat,
 Talibus occurrit dictis: Hac, Turne, sequamur
 Trojugenas, qua prima viam victoria pandit:
 Sunt alii, qui tecta manu defendere possint.
 Ingruit Aeneas Italis, et proelia miscet:
 Et nos saeva manu mixamus funera Teucris.
 Nec numero inferior, pugnae nec honore recedes.
 Turnus ad haec:
 O soror, et dudum agnovi, cum prima per artem
 Foedera turbasti, teque haec in bella dedisti:
 Et nunc nequidquam fallis dea. Sed quis Olympo
 Denissam tantos voluit te ferre labores?

An fratris miseri letum ut crudele videres?
 Nam quid ago? aut quae jam spondet Fortuna salutem?
 Vidi oculos ante ipse meos me voce vocantem
 Murrhanum, quo non superat mihi carior alter,
 Oppetere ingentem, atque ingenti vulnere victum.
 Occidit infelix, ne nostrum dedecus Ufens
 Adspiceret. Teucris potiuntur corpore et armis.
 Excindine domos, id rebus defuit unum,
 Perpetiar? dextra nec Drancis dicta refellam?
 Terga dabo? et Turnum fugientem haec terra videbit?
 Usque adeone mori miserum est? vos o mihi Manes
 Este boni: quoniam Superis aversa voluntas.
 Sancta ad vos anima, atque istius inscia culpa
 Descendam, magnorum haud umquam indignus avorum.
 Vix ea fatus erat; medios volat, ecce, per hostis
 Vectus equo spumante Saces, adversa sagitta
 Saucius ora, ruitque inplorans nomine Turnum:
 Turne, in te suprema salus: miserere tuorum.
 Fulminat Aeneas armis, summasque minatur
 Dejecturum arcis Italum, excideoque daturum:
 Jamque faces ad tecta volant. In te ora Latini,
 In te oculos referunt: mussat rex ipse Latinus,
 Quos generos vocet, aut quae sese ad foedera flectat.
 Praeterea Regina, tui fidissima, dextra
 Occidit ipsa sua, lucemque exterrita fugit.
 Soli pro portis Messapus et acer Atinas
 Sustenant aciem. Circum hos utrimque phalanges
 Stant densae, strictisque seges mucronibus horret
 Ferrea: tu currum deserto in gramine versas.
 Obstupuit varia confusus imagine rerum
 Turnus, et obtutu tacito stetit. Aestuat ingens
 Uno in corde pudor, mixtoque insania luctu,
 Et Furiis agitatus amor, et conscia virtus.
 Ut primum discussae umbrae, et lux reddita menti,

Ardentis oculorum orbis ad moenia torsit
Turbidus, eque rotis magna respexit ad urbem.
Ecce autem, flammis inter tabulata volutus
Ad coelum undabat vortex, turrimque tenebat:
Turrim, compactis trabibus quam eduxerat ipse,
Subdideratque rotas, pontisque instraverat altos.
Jam jam fata, soror, superant; absiste morari:
Quo Deus, et quo dura vocat Fortuna, sequamur.
Stat conferre manum Aeneae, stat, quidquid acerbi est,
Morte pati: nec me indecorem, germana, videbis
Amplius. Hunc, oro, sine me furere ante furorem.
Dixit, et e curru saltum dedit ocius arvis:
Perque hostis, per tela ruit: moestamque sororem
Deserit, ac rapido cursu media agmina rumpit.
Ac veluti montis saxum, de vertice praeceps
Cum ruit, avolsum vento, seu turbidus imber
Proluit, aut annis solvit sublapsa vetustas,
Fertur in abruptum magno mons improbus actu,
Exsultatque solo; silvas, armenta, virosque
Involvens secum. Disjecta per agmina Turnus
Sic urbis ruit ad muros; ubi plurima fuso
Sanguine terra madet, striduntque hastilibus aerae:
Significatque manu, et magno simul incipit ore:
Parcite jam, Rutuli; et vos tela inhibete, Latini:
Quaecumque est Fortuna, mea est: me verius unum
Pro vobis foedus luere, et decernere ferro.
Discessere omnes medii, spatiumque dedere.
At pater Aeneas, audito nomine Turni,
Deserit et muros, et summas deserit arcis;
Praecipitatque moras omnis: opera omnia rumpit:
Laetitia exsultans, horrendumque intonat armis:
Quantus Athos, aut quantus Eryx, aut ipse coruscis
Quum fremit illicibus quantus, gaudetque nivali
Vertice se adtollens pater Apenninus ad auras.

Jam vero et Rutuli certatim, et Troës, et omnes
 Convertere oculos Itali; quique alta tenebant
 Moenia, quique imos pulsabant ariete muros:
 Armaque deposuere humeris. Stupet ipse Latinus,
 Ingentia, genitos diversis partibus orbis,
 Inter se coïsse viros, et cernere ferro.
 Atque illi, ut vacuo patuerunt aequore campi,
 Procurso rapido, conjectis eminus hastis,
 Invadunt Martem clipeis atque aere sonoro.
 Dat gemitum tellus: tum crebros ensibus ictus
 Congemuant. Fors et virtus miscentur in unum.
 Ac velut, ingenti Sila, summove Taburno
 Cum duo conversis inimica in proelia tauri
 Frontibus incurrunt, pavidi cessere magistri:
 Stat pecus omne metu mutum, mussantque juvencae,
 Quis nemori imperitet, quem tota armenta sequantur:
 Illi inter sese multa vi vulnera miscent,
 Cornuaque obnixa infigunt, et sanguine largo
 Colla armosque lavant: gemitu nemus omne remugit.
 Haud aliter Tros Aeneas et Daunius heros
 Concurrent clipeis. Ingens fragor aethera complet.
 Juppiter ipse duas aequato examine lances
 Sustinet, et fata inponit diversa duorum;
 Quem damnet labor, et quo vergat pondere letum.
 Emicat hic, inpune putans, et corpore toto
 Alte sublatum consurgit Turnus in ensem,
 Et ferit. Exclamant Troës trepidique Latini,
 Adrectaeque amborum acies. At perfidus ensis
 Frangitur, in medioque ardentem deserit ictu:
 Ni fuga subsidio subeat. Fugit ocior Euro,
 Ut capulum ignotum dextramque aspexit inermem.
 Fama est, praecipitem, cum prima in proelia junctos
 Consendebat equos, patrio mucrone relicto,
 Dum trepidat, ferrum aurigae rapuisse Metisci:

Idque diu, dum terga dabant palantia Teucri,
Suffecit. Postquam arma Dei ad Volcania ventum,
Mortalis mucro, glacies ceu futilis, ictu
Dissiluit: fulva resplendent fragmina arena.
Ergo amens diversa fuga petit aequora Turnus:
Et nunc huc, inde huc incertos implicat orbis.
Undique enim densa Teucri includere corona:
Atque hinc vasta palus, hinc ardua moenia cingunt.
Nec minus Aeneas, quamquam tardata sagitta
Interdum genua inpediunt, cursumque recusant,
Insequitur, trepidique pedem pede servidus urguet.
Inclusum veluti si quando flumine nactus
Cervuni, aut puniceae saeptum formidine pennae,
Venator cursu, canis et latratibus instat:
Ille autem, insidiis et ripa territus alta,
Mille fugit, refugitque vias: at vividus Umber
Haeret hians, jam jamque tenet, similisque tenenti
Increpuit malis, morsuque elusus inani est.
Tum vero exoritur clamor: ripaeque lacusque
Responsant circa, et coelum tonat omne tumultu.
Ille simul fugiens, Rutulos simul increpat omnis,
Nomine quemque vocans, notumque efflagitat ense.
Aeneas mortem contra, praesensque minatur
Exitium, si quisquam adeat: terretque trementia,
Excisurum urbem minitans, et saucius instat.
Quinque orbis explent cursu, totidemque retexunt
Huc illuc. Neque enim levia aut ludicra petuntur
Praemia: sed Turni de vita et sanguine certant.
Forte sacer Fauno foliis oleaster amaris
Hic steterat, nautis olim venerabile lignum:
Servati ex undis ubi figere dona solebant
Laurenti Divo, et votas suspendere vestis.
Sed stirpem Teucri nullo discrimine sacrum
Sustulerant, puro ut possent concurrere campo.

Hic hasta Aeneae stabat : huc inpetus illam
 Detulerat fixam, et lenta in radice tenebat.
 Incubuit, voluitque manu convellere ferrum
 Dardanides : teloque sequi, quem prendere cursu
 Non poterat. Tum vero amens formidine Turnus,
 Faune, precor, miserere, inquit : tuque optima ferrum
 Terra tene; colui vestros si semper honores;
 Quos contra Aeneadae bello fecere profanos.
 Dixit, opemque Dei non cassa in vota vocavit.
 Namque diu luctans, lentoque in stirpe moratus,
 Viribus haud ullis valuit discludere morsus
 Roboris Aeneas. Dum nititur acer, et instat,
 Rursus in aurigae faciem mutata Metisci
 Procurrit, fratrique ensem dea Daunia reddit.
 Quod Venus audaci nymphae indignata licere,
 Adcessit, telumque alta ab radice revellit.
 Olli sublimes, armis, animisque relecti,
 Hic gladio fidens, hic acer et arduus hasta,
 Adsistunt contra certamina Martis anhel.

Junonem interea Rex omnipotentis Olympi
 Adloquitur, fulva pugnas de nube tuentem :
 Quae jam finis erit, conjunx? quid denique restat?
 Indigetem Aenean scis ipsa, et scire fateris,
 Deberi coelo, fatisque ad sidera tolli.
 Quid struis? aut qua spe gelidis in nubibus haeres?
 Mortalin' decuit violari vulnere divum;
 Aut ensem, quid enim sine te Iuturna valeret?
 Ereptum reddi Turno, et vim crescere victis?
 Desine jam tandem, precibusque inflectere nostris:
 Nec te tantus edat tacitam dolor : et mihi curae
 Saepe tuo dulci tristes ex ore recurrent.
 Ventum ad supremum est. Terris agitare, vel undis
 Trojanos potuisti : infandum accendere bellum,
 Deformare domum, et luctu miscere hymenaeos.

Uterius tentare veto. Sic Juppiter orsus,
Sic dea submisso contra Saturnia vultu :
Ista quidem quia nota mihi tua, magne, voluntas,
Juppiter, et Turnum, et terras invita reliqui.
Nec tu me aëria solam nunc sede videres
Digna indigna pati; sed flammis cincta sub ipsam
Starem aciem, traheremque inimica in proelia Teucros.
Juturnam misero, fateor, succurrere fratri
Suasi, et pro vita majora audere probavi;
Non ut tela tamen, non ut contenderet arcum :
Adjuro Stygii caput inplacabile fontis :
Una superstitio superis quae reddita Divis.
Et nunc cedo equidem, pugnasque exosa relinquo.
Illud te, nulla fati quod lege tenetur,
Pro Latio obtestor, pro majestate tuorum :
Cum jam connubiis pacem felicibus, esto,
Component, cum jam leges et foedera jungent ;
Ne vetus indigenas nomen mutare Latinos,
Neu Troas fieri jubeas, Teucrosque vocari ;
Aut vocem mutare viros, aut vertere vestis.
Sit Latium : sint Albani per saecula reges :
Sit Romana potens Italia virtute propago :
Occidit, occideritque sinas cum nomine Troja.
Olli subridens hominum rerumque Repertor :
Et germana Jovis, Saturnique altera proles,
Irarum tantos volvis sub pectore fluctus ?
Verum age, et inceptum frustra submitte furorem,
Do, quod vis; et me victusque volensque remitto.
Sermonem Ausonii patrium, moresque tenebunt.
Utque est, nomen erit : connixti corpore tanto
Subsident Teucri. Morem ritusque sacrorum
Adjiciam, faciamque omnis uno ore Latinos.
Hinc genus, Ausonio mixtum quod sanguine surget,
Supra homines, supra ire Deos pietate videbis :

Nec gens ulla tuos aequè celebrabit honores.
 Adnuit his Juno, et mentem laetata retorsit.
 Interea excedit coelo, nubemque reliquit.

His actis, aliud Genitor secum ipse volutat:
 Juturnamque parat fratris dimittere ab armis.
 Dicuntur geminae pestes, cognomine Dirae,
 Quas et Tartaream Nox intempesta Megaeram
 Uno eodemque tulit partu, paribusque revinxit
 Serpentum spiris, ventosasque addidit alas.
 Hae Jovis ad solium, saevique in limine regis
 Adparent, accuuntque metum mortalibus aegris,
 Si quando letum horrificum morbosque Deum rex
 Molitur; meritas aut bello territat urbis.
 Harum unam celerem demisit ab aethere summo
 Juppiter, inque omen Juturnae occurrere jussit.
 Illa volat, celerique ad terram turbine fertur:
 Non secus, ac nervo per nubem impulsæ sagittæ;
 Armatam saevi Parthus quæ felle veneni,
 Parthus, sive Cydon, telum inmedicabile torsit;
 Stridens, et celeris incognita transilit umbras.
 Talis se sata Nocte tulit, terrasque petivit.
 Postquam acies videt Iliacas atque agmina Turni;
 Alitis in parvæ subitam conlecta figuram,
 Quæ quondam in bustis, aut culminibus desertis
 Nocte sedens, serum canit inportuna per umbras:
 Hanc versa in faciem, Turni se pestis ob ora
 Fertque refertque sonans, clipeumque everberat alis.
 Illi membra novus solvit formidine torpor:
 Adrectæque horrore comæ, et vox faucibus hæsit.
 At, procul ut Diræ stridorem agnovit et alas,
 Infelix crinis scindit Juturna solutos,
 Unguibus ora soror foedans, et pectora pugnis;
 Quid nunc te tua, Turne, potest germana juvare?
 Aut quid jam duræ superat mihi? qua tibi lucem

Arte morer? talin' possum me opponere monstro?
Jam jam linquo acies. Ne me terrete timentem,
Obscoenae volucres: alarum verbera nosco,
Letalemque sonum. Nec fallunt jussa superba
Magnanimi Jovis. Haec pro virginitate reponit?
Quo vitam dedit aeternam? cur mortis adempta est
Conditio? possem tantos finire dolores
Nunc certe, et misero fratri comes ire per umbras.
Immortalis ego? aut quidquam mihi dulce meorum
Te sine, frater, erit? O quae satis alta dehiscat
Terra mihi, manisque Deam denittat ad imos?
Tantum effata, caput glauco contextit amictu
Multa gemens, et se fluvio Dea condidit alto.

Aeneas instat contra, telumque coruscet
Ingens arboreum, et saevo sic pectore fatur:
Quae nunc deinde mora est? aut quid jam, Turne, retractas?
Non cursu, saevis certandum est compinus armis.
Verte omnis tete in facies; et contrahe, quidquid
Sive animis, sive arte vales: opta ardua pennis
Astra sequi, clausumque cava te condere terra.
Ille caput quassans, Non me tua fervida terrent
Dicta, ferox. Di me terrent, et Juppiter hostis.
Nec plura effatus, saxum circumspicit ingens,
Saxum antiquum, ingens, campo quod forte jacebat,
Limes agro positus, litem ut discerneret arvis.
Vix illud lecti bis sex cervice subirent,
Qualia nunc hominum producit corpora tellus.
Ille manu raptum trepida torquebat in hostem:
Altior insurgens, et cursu concitus heros.
Sed neque currentem se, nec cognoscit euntem,
Tollentemve manu, saxumque inmane moventem.
Genua labant: gelidus concrevit frigore sanguis.
Tum lapis ipse viri, vacuum per inane volutus,
Nec spatium evasit totum, nec pertulit ictum.

// Ac velut in somnis, oculos ubi languida pressit
 Nocte quies, nequidquam avidos extendere curas
 Velle videmur, et in mediis conatibus aegri
 Succidimus; non lingua valet, non corpore notae
 Sufficiunt vires, nec vox aut verba sequuntur:
 Sic Turno, quacumque viam virtute petivit,
 Successum Dea dira negat. Tum pectore sensus
 Vertuntur varii. Rutulos adspectat et urbem,
 Cunctatarque metu, telumque instare tremiscit.
 Nec quo se eripiat, nec qua vi tendat in hostem,
 Nec currus usquam videt, aurigamve sororem.
 Cunctanti telum Aeneas fatale coruscat,
 Sortitus fortunam oculis; et corpore toto
 Eminus intorquet. Murali concita numquam
 Tormento sic saxa fremunt, nec fulmine tanti
 Disultant crepitus. Volat atri turbinis instar
 Exitium dirum hasta ferens, orasque recludit
 Loricae, et clipei extremos septemplex orbis:
 Per medium stridens transit femur. Incidit ictus
 Ingens ad terram duplicato poplite Turnus. //

Consurgunt genitu Rutuli, totusque remugit
 Mons circum, et vocem late nemora alta remittunt.
 Ille humilis supplexque oculos dextramque precantem
 Protendens, Equidem merui, nec deprecor, inquit:
 Utere sorte tua. Miseri te si qua parentis
 Tangere cura potest; oro, fuit et tibi talis
 Anchises genitor, Dauni miserere senectae:
 Et me, seu corpus spoliatum lumine mavis,
 Redde meis. Vicisti, et victum tendere palmas
 Ausonii videre. Tua est Lavinia conjunx:
 Ulterius ne tende odiis. Stetit acer in armis
 Aeneas, volvens oculos, dextramque repressit. //

Et jam jamque magis cunctantem flectere sermo
 Coeperat; infelix humero cum adparuit alto

Balteus, et notis fulserunt cingula bullis
Pallantis pueri: victum quem vulnere Turnus
Straverat, atque humeris inimicum insigne gerebat.
Ille, oculis postquam saevi monumenta doloris
Exuviasque hausit, furiis accensus, et ira
Terribilis: Tunc hinc spoliis indute meorum
Eripiare mihi? Pallas te hoc vulnere, Pallas
Inmolat, et poenam scelerato ex sanguine sumit.
Hoc dicens, ferrum adverso sub pectore condit
Fervidus. Ast illi solvuntur frigore membra,
Vitaque cum gemitu fugit indignata sub umbras.

FINIS AENEIDOS.

P. VIRGILII

Fragmenta ex Epistola, quam ad Augustum
Caesarem super Aeneide sua scripsit.

Ego vero frequentes a Te literas accipio. Et infra: De Aenea quidem meo, si mercurius jam dignum auribus haberem tuis, libenter mitterem. Sed tantum inchoata res est; ut paene vitio mentis tantum opus ingressus mihi videar: cum praesertim, ut scis, alia quoque studia ad id opus, multoque potiora, impertiar.

BOOKS Printed and Sold by A. FOULIS,
and A. TILLOCH.

VIRGILII opera, 2 vol. fol.

Sallustii opera

Corn. Nepotis vitae excellentium imperatorum

Xenophontis Lacedaemoniorum respublicae, Gr. Lat.

Theophrasti characteres ethici, Gr. Lat.

Plauti comoediae, 3 vol.

Pindari opera, Gr. 3 vol. in forma minima

Excerpta ex Luciani operibus, Gr. Lat.

Sophoclis Oedipus Tyrannus, Gr. Lat. 4to. et 8vo.

Aeschines in Ctesiphontem, Gr. Lat. 8vo.

Aeschyli Choephorae, Gr. Lat. 4to. et 8vo.

Isocratis panegyrica, Gr. Lat. 8vo.

Hutchesoni metaphysica

———— logicae compendium

Xenophontis institutio Cyri, Gr. Lat. 4 vol.

Cicero in Catilinam, 8vo.

———— pro Ligario

———— pro Archia poeta

Ciceronis somnium Scipionis et paradoxa

Plauti Mostellaria

———— Trinummus

———— Aulularia

Tacitus de situ, moribus et populis Germaniae libellus

Lyfias contra Eratoſthenem

V. Patreculi historia

Moor's Greek grammar, 8vo.

———— on the Greek prepositions


Epicetus, Gr. Lat.

Poetae Latini minores

Xenophontis Graecorum res gestae, Gr. 4 vol.

———— memorabilia Socratis, Gr. 4to.

Pindari opera, Gr. Lat. 2 vol.
 Cicero de officiis, 8vo.
 ——— de finibus, 8vo.
 ——— pro Caelio, 8vo.
 Anacreon, Gr. Lat. 8vo.
 Phaedri fabula, 12mo.
 Eutropius, 8vo. et 12mo.
 Euripidis Medea, Gr. Lat. 8vo.
 Polemo Middinia, 4to.
 Cebetis tabula, Gr. Lat.
 Le diable boiteux, 2 vol.
 Devil on two sticks, 12mo.
 Pope's Homer's Iliad, 4 vol.
 Thomson's poetical works, 2 vol. fol.
 Meditations of Marcus Aurelius Antoninus, 2 vol.
 Cambray's dialogues of the dead, 2 vol. fine
 ——— fables
 Young's night thoughts, 2 vol.
 Dryden's fables, 2 vol.
 Parnell's poems
 Gray's poems, 8vo.
 Adventures of Theagenes and Chariclea
 Sherlock on the immortality of the soul, 2 vol.
 ——— on death
 Simson's Euclid, 4to.
 Richardson's poems, with the Indians, a tale
 Gay's poems, 2 vol.
 Thomas à Kempis
 Augustine's meditations
 Aikenfide's pleasures of imagination
 Collin's poems, and Hammond's love elegies
 Craig's essay on the life of Jesus Christ, large paper
 Dyche's spelling book
 Watt's hymns
 ——— psalms



B.7.4.168



7 1 5 0 4 1 9 4

B.N.C. - FIRENZE



